

کتابخانه
اصول

سلیمان پاشا زاد رسائی یک



اشیایہ انسلاب ضیادن دوشهن ظلال
تنظیر ایدر ثلال حیات حزینمی ؛
هردم نظر گهمده اوچار طیف انفعال
اوقشار عدم قنادلری لوح جبینمی
سلیمان نسیب



استانبول


اوقاف اسلامیہ مطبعہ سی

۱۳۳۶-۱۳۳۴-۱۹۱۸







سليمان پاشا
سامی بکک پدری
۱۲۵۴ — ۱۳۱۰



سامی بك

رسمی و خصوصی حیات





سامی بك

سلیمان پاشا زاده

۱۲۳۵ — ۱۲۸۶



محمد سامى بك سليمان پاشا [*] نك اوغليدر . هجرى ۱۲۸۳ و مالى ۱۲۸۲ تاريخنده استانبولده طوغمشدر .



تحصيل ابتدائى في صبيان ورشديّه
مكتبلرنده و تحصيل تالى و على في
مكتب ملكيه شاهانده اكال و
[۱۳۰۵ سنه مالىه سنده] على الاعلى
درجه ده علوم سياسيه شهادتنامه سى
استحصال ايتمشدر .

توركيه ، عربجه و فرانسزجه
كتابت و فارسى و انگليزجه تفهم
الدر .

يكرمى درت ياشنده ايكن
[۱ مارت ۳۰۶] بروسه اعدادى
ماكى مكاتبى مديرلكنه جغرافيا
وهيئت معلملكرى انضماميله وجمعاً
بيك آلتى يوز غروش معاش ايله

تعين و [۱ تموز ۳۰۶] فن تدبير معلملكنك علاوهميله مخصصاتى بيك طقوز يوز

[*] سليمان پاشا مكاتب عسكريه نظارتنده و ۹۳ روس سفرنده روم ايلي حرب اردولرى
عموم قوماندانلغنده بولونش اولان مشير سليمان حنى پاشادر . ۹۴ - سى اواخرنده بغداد
لفى ايدلش و ۲۶ تموز ۳۰۸ ده اوراده وفات ايدرك امام ابو يوسفك مسجدى مدخلنده
رحمت حقه وديعه قيلنمشدر . لسانمرك قواعدا ديه سنى ايلك وضع ايدن « مبانى الانشا »
نك مؤلفى و مكاتب رشديه عسكريه نك مؤلفى و ياتيشيدر . دارالشفا نك ده مؤلفلرندى .
۹۳ انقلابنده و ايلك قانون اساسيمرك تنظيم و اعلاننده اك مهم و نافذ بر عاملدر .

عروشه ابلاغ اولومشدر. [۲۲ كانون ثانی ۳۰۶] بغداد اعدادی مکتبی مدیر لگنه
مامور ایدلمش ایسه ده استدعای اوزرینه
بروسه ده قالمشدر .



پدرینی زیارت آرزوسیه درت آی
مأذونیت آلهرق بغداده گیتمش ، اوراده
بولوندیغی ائنده [۱۱ حزیران ۳۰۷]
فرانسزجه و تاریخ عمومی معلم لکری
انضمامیه و جمعاً بیك اوچ یوز غروش معاش
ایله بغداد مکتب اعدادیسی مدیر لگنه
تعیین و فرانسزجه درسی معاشنه [۲۹ حزیران
۳۰۷] ایکی یوز و مدیریت معاشنه
[۲۸ تموز ۳۰۸] بش یوز غروش ضمائم
اجرا قیلنمشدر .

پدرینك وفاقی اوزرینه استانبوله



عزیمته درت آی مأذونیت آلمش ،
[۳ تموز ۳۰۹] ایکی بیك بش یوز غروش
معاش ایله خداوندکار ولایتی معارف
مدیریتته و علاوه درت یوز غروش
معاشی اولان بروسه مکتب اعدادیسی
فرانسزجه معلم لگنه تعیین اولونمش
و [۱ ایلول ۳۱۲] فرانسزجه درسنه
مقابل اوچ یوز غروش معاشی اولان
کیمیادرسی و [۱۴ تشرین اول ۳۱۲]

کیمیا درسنه بدل عینی معاش ایله اخلاق و ادبیات درسلی توجیه ایدلمشدر .

عمومی معاش تنقیحاتی میاننده [۱۱ مارت ۳۱۳] مدیریت معاشی ایکی بیگ
ایکی یوزاللی و اخلاق و ادبیات
معلمگی معاشی ایکی یوزیتمش
غروشه تنزل ایتمش و [۱
نيسان ۳۱۳] عهدہ سنہ ایکی
یوز الی غروش معاشی اولان
کیما معلمگی علاوهً احاله
اولومشدر .



[۳۰ مارت ۳۱۶] ایکی
بیگ غروش معاش ایله جزائر
بحر سفید ولایتی معارف
مدیریتته تحویل مأموریت
ایتمش و معاشنه [۸ ایلول ۳۲۲]
ایکی یوز و [۱۱ حزیران ۳۲۳]
ایکی یوز الی غروش ضم
ایدلمشدر .

انقلاب اخیر متعاقب

[۵ تشرین اول ۳۲۴] اوچ بیگ
غروش معاش ایله معارف نظارتی
مرکز معارف مدیریتته تعیین
اولونه رق استانبوله گله بیلمش و
[۲ کانون ثانی ۳۲۴] عینی مختصات
ایله مکاتب ابتدائیه اداره سی
مدیریتته نقل اولومشدر .

[۲۳ مایس ۳۲۵] دوت بیگ
غروش معاش ایله مجلس کیر معارف
اعضالغنه تعیین و [۱۹ اغستوس
۳۲۵] تنسیقاتنده مأموریتته
ابقا قیلنمشدر .

[۲۵ حزیران ۳۲۷] عینی
معاش ایله مکاتب عالیہ اداره سی



مدیریت و [۱ - مارت ۳۲۸] علم تربیه و تدریس مفتش‌الکفی ده ایفا ایتک اوزره
مجلس معارف اعضای دائمه لکنه نقل و [۹ ایلول ۳۷۸] عهد سینه علاوه دارالفنون مدیر
عمومیلگی تفویض و نظارت تشکیلاتی میاننده [۱۱ اگستوس ۳۳۰] تألیف و ترجمه
هیئت اعضا لکنه تحویل ایدلمش و وفاته قدر بو مأموریتده قالمشدر .



رسمی سجلاتدن اقتباس ایدیلن
سوقاصله مراداری حیاتنده سامی بک،
یکرمی یدی سنه بی ناصل عقیف
ونی شائبه بر وظیفه پرور لکله املا
و تنوید ایتیش ایسه حیات فکریه
و ادبی سینه ده او قدر حساس و مفیض
بر تکامل تعقیب ایدلمش، هله شخصیت
اخلاقیه سنی بوتون فضیلتلرک تعمیمنه
خادم، بوتون آلام بشریه یه گوشدار
ور هاساز یاشاتمشدر .

پدره متوجه کین و غضبنی اولاد
معصومه سینه ده تشمیل ایتک شعار
معتادی اولان داهیة استبدادک زجر
و حجرینه سبب و یرمه مک ایچین اخفایه
و مع مافیة بر حسن منتدار بنوته
مستند بر التزام وجدانی ایله ضمناً
ایماه مجبور اولارق دم واپسینته
قدر محافظه ایتدیکی « سلمان نسیم »
قلیله سنک ظرافت شکلی ایچینه
مستتر سمای شاعریتنی دهها مکتب
ملکیه صیرالرنده و اداره و تعلیم
وظیفه لر یله بروسه و بغدادده ایکن
وادی قدیمده بلیرمش و بواسطه
ارثینه غرب ادبیاتی تبعاتنکده
و یردیکی انتباه و تأثیر ایله مساعد
و واسع بر ساحه تجدد و جولان

حقیقه

یلمر حقیقه دینه روح سر
رئیس آراسه قهرکوان وزینده
علیه عمره ... حقیقه حقیقه
تألیف بر ریشه حقیقه

برایه ایله ده کتایه انکار
ناسر و طریش لی ... برایه ده سر
حاکم آراسر ایماه انکار
و لرید ... و حاکم بر حقیقه

ای طریش اعصابه کراه اربابان
ای فارسی، ای تکیه و مجمع
کر! عر حقیقه کتایه هریم کتایه

کر! عر حقیقه کتایه هریم کتایه
نکته یاره! ان حقیقه سه اودان
نکته بیدار او حقیقه آراسر!

سعی نسیم

آزارکن ۳۱۴ ده ثروت فنون مجموعہ سنده با شلایان حرکت ادبیہ یہ اشتراک ایتشدر .
 بک سادہ وصمیمی و او درجہ دہ متین و بلیغ براسلوب معتنا ایله تبارز و بواسلوبی
 کالیلہ استعمالده دائماً موفقیّت ابراز ایدن شاعر نزیہک ایلک صونہ لرندہ — بختیار
 برزوج و مشفق برپدر اولابیللمسنہ اقتدار طبیعت تعلّق ایدہ مین — روح شبابتک
 عصمتکار برعشق و چارہ جو برمرحمتله و بالخاصہ انسانیت مضطر بہ ایچین اینجه المملرله
 تیتردیگی حسن اولونور .

آثار متأخرہ سنده سوداخیز و شفقتپور موضوعلرہ غیر ملتفت دگلسہ دہ ، ال
 زیادہ ، فضیلتہ ارشاد حسلری ، وطن عشقنک و حمیتنک حرارتلری ، حقایقی
 تحری یہ میال فکرلر ، ریا و حرص و خیانت قارشیسندہ مشتکی و باکی اینلر طویولور .
 شوبدین و مگدر روح ، زمانک و محیطک ایجابی اولدینی ایچین طبیعی و معذوردر .
 مقتداہی و یار صادق توفیق فکرتدہ کی فطرتدہ بوتجلی یہ مظهر دگلمیدی ؟
 سلیمان نسیب تولید آثارده — یالکیز شاعر قلمہ یہ قائل اولمادینی ایچین —
 مثلاً فکرت و جناب قدر سماحت گوستردہ مشدر . آز ، فقط درشہوار گبی قیمتلی

یازار . طرز سعی

تکلف سز در :

عاصہ سنک اوستہ

گلپشی گوزل

یغلمش کتابلر ،

مجموعہ ثروتدہ

رہ ایشدر برلمش

بر وایچ یاکار

حسن و صفت

آراسندہ سیغاردہ

سنک دو مانلرینی

توتدوردرک فکر

و قصور نہ حاکم

بروضع ایله یارمده

گوہولدیکی وقت

بری الہامک

سیال سونو حال

ایخیلری دوکر ،



دیژر . یازلیسی واضح ، مطبوع و سیه ویملی در . مسوده لرنده تصحیح ضربه لری چوق آذر ؛ فقط نادراً بگنمه دیگی بر کله ، حسنه ظرف اولامیان بر طرز افاده ایچین تکرار تکرار چیزوب یازدیغی واقعدر . بعضاً بر اثرینی ایکی اوچ جلسه ده بیتیرر . یاریم براقدیغی پارچه لرده وار .

املنه رغماً جمع و طبعنه موفق اولامادیغی شعرلرینک الده ایدیه بیلن قسمی و بعضی ادبی مکتوبلری بوجموعه یه قونولدی . گنجلگنه و زمانه نسبة دگر سز اولماسه بیه دوره کالنه نظراً پک سونوک قالان اسکی منظومه لری ده حیاتنک صفحات تکاملانی اطرافیه تشریح و اراءه ایده جگی ایچین فدا ایدیه مه دی . حتی املا و تنقیطده کی اعتیاد و سیری تمامیه محافظه اولوندی .

ایشته ، توفیق فکرت — جناب شهاب الدین مکتب ادبک ارکان محترمه سندن اولان سلیمان نسیب پک ده ولود اولمیان بطن حاضر مزه ده چوق نفائس فکر و صنعت اهدا ایتک قابلیتیه پر وعد اولدیغی و فقط روز افزون نایبات دور و دیار اوگنده — مقهو و زخم دار — قوت مادی و قوت و تسلی معنوی سندن نا امید بولوندیغی صیروده درت گونلک بر ذات الرئه نک تأثیریه [۱۰ ذی الحجه ۱۳۳۵ — ۲۸ ایلول ۱۳۳۳ / ۱۹۱۷] الی بر یاشنده سونوب گیتدی ؛ و قرق گون اول جوارینی اوزله دیگی فکرتک ایوبده کی آشیان سکون ابدیسنه — محدود و لکن وفا کاردوستلرینک براق ایسته مین اللری و مبذول قطرات رحمتله مسابقه ایدن گریه لریله — تودیع ایدلدی ...



سامی بگک مهم بر صفت کاشفیه سی ده تربیه جیلگی در . یکرمی سنه اول بروسه اعدادیسنده تربیه و اخلاق تدریسیله باشلایان — که نوطلرینی محلی غزته سی نشر ایدردی — بوخواهش سنین عمرینک عشر اخیرینی ده جیدی و پرستشکارانه بر انجذاب ایله اشغال ایتشدرد .

ملتی ایچین انتخاب ایتدیکی تربیوی مفکوره بودر :

ایلك تخمینی آسیانک سمالرله اوپوشن صاف وبا کر ، کریم و علوی تپه و یایلا لرندن آلمش اولان تورک عنصرینک قوی بر بازوی حق و مطاع بر حارس حقیقت ، بوتون علوم و صنایع عالمه ، بوتون فکریات و مساعی بشریه یه فرمانفرمای غبطه و احترام بر رهبر ایجاد و رشاد اولمسی ایچین هنوز خوابیده و غیر مشعور استعدادلرینی ظاهره چیقارمق ، اونی بدنی ، اخلاقی ، فکری ، اجتماعی و الهی قوتلرله تجهیز ایتک و حیات مدنیته کی وظیفه سنه صالح قیلمق .

بوامینه ایله در که بر یچق سنه اول ملی تعلیم و تربیه جمعیتی تاسیسه موفق اولمش و یالکیز

رئيسی بولونديغى ايچين دكل، معشوقه امالى ده اولديغى ايچين گيجه گوندوز ايرال-
يىلديگى زمان وتوانى جمعيتك تشييد بنيانه صرف ايتمىدر .

فى الحقيقه ، مدنى عالمده تربيه وتدریس ايشلرى، دها زياده، خلقه وخصوصى
جمعيت ومؤسسسلره عائد وموقوف و وحدت تربيه ايچين برپردنسيپ قبول وبونك
حسن تطبيقى مراقبه ايدن حكومت جمعيات ومؤسسسات خصوصيه تشويقات
ومعاوناتده بولمقله مألوف اولوب چونكه بر مملكتك بوتون احتياجات علميه سنه
يالكنز حكومتك مددرس و دواساز اولابيلمسى ممكن اولماديغندن ، سامى بك ،
جهلمزى صيرمق ، ادرا كمزى اويانديرمق و روح مليمزك انكشاف واعتلاسنى
ومنظومه مدنيه ايچنده مرصع قيمتدار بر قطعه اولابيلمه مزى استحضار ايتك
ايچين نه قدر پسيقولوژيك بر احتياجزه پيشوا اولمىدر .

بوتون مسائل اجتماعيه وتربيو ياده علاقهداردرد: زرده علمى بر اجتماع، هانكى



مكتبده تحريث وتدریسه
دائريگى بر فكر مناقشه سى،
هانكى مجلسده يگى بر
پروغرام مذاكره سى وارسه
اونك خفيف ايزنى، مقنع
سسنى اوراده طويارسكنز.
تربيه وتعليم اصوللرنده كى
تلقى وقناعتلرني حرمتله
ديكله مك ايچين دائما
اطرافنده معلملردن ،
گنجلردن ايكيسنه، اوچنه
تصادف ايدرسكنز؛ وسامى
بك دليل نظريسنى ارانده
گو جلك ده چكمز: قولنك

آلتنده فضاه جه طاسغين محتويات ايله، ادبى ، تربيوى، اجتماعى، فلسفى اوچ بش
كتاب ، بر قاچ تعليمات واصلاحات پروژسى ، يگى نشيدهلرني حامل ورقه لر ،
اوتك كك بريكنك ايشلرينه دائر مخره لر، اوگونكى وبلكه بر قاچ گونكى غزته لر ،
مجموعه لر ايله مدت حياتجه بارحياتى گى طاشيدينى آغير چانطه سنه مراجعت
ايدر ومدعاسنى اثباته چاليشير كورورسكنز. چوجوق تربيه سنه بوتون عشقه وقف
ايدن وجودينى گنجلرى تشويق ايچين ايزجى قيافنده بيله كوره بيلرسكنز .

ياريم عصر اول باباسى ده داخل اولدىنى حالده بعض رجال همّت وحيّت طرفدن
وجوده گتيرلش اولان جمعيت تدریسیه اسلامیه ده اعضای عامله دن بولوندىنى ايچین
هر اجتماع عمومی به قوشار؛ دارالشفقه نك اداره سنى اصلاح ايچین اعمال فکرايدر،
مخطره لر يازار . عائله تشکيل واداره سى حقنده خانملره سويّه فکر يه لرينه گوره
آچيق وساده بر لسانله قونفهرانس ويرر .

ترجمه وتلفیق صورتيله ايلک طبعی ردوسده معارف مدیری ايکن ۱۳۲۳ ده
ميدانه گتيرديگی « علم تربیه اطفال » اوافق قطعه ده ايکی يوز صحيفه يي متجاوز
کوچوک و فقط قيمتلى بر يادگاريدر .

تأليف وترجمه کتبخانه سنک دردنجی صایيسنى تشکيل ایدن وبويوک قطعه ده
۴۴۷ صحيفه اوله رق ۱۳۳۰ ده طبع اولنان « فروبهل وپستالوجى اصولارنده تعاليم و
تربيه درسلى » نك ترجمه سى منحصرأ همّت بلاغت نویسنه مديوندر .

تدريسات ابتدائيه مفردات پروگراملرینی ترتيب ایدن قوميسيونه رياست والک
بويوک خدمت تربيه يه سنى بوراده ابرازه کسب موفقیت ايتديگی گي مکاتب ابتدائيه به
مخصوص اصول تربيه و اصول تدريس حقنده ۱۳۳۱ ده طبع اولونان تعليماتنامه ترجمه سنک
بر قسمی اثر خامه ذی قدر تيدر .

« بوويسون » لک قاموس تربيه سنى ترجمه ايچین تشکيل اولونان هيئتک رياستى
عهده عرفانه توجه ايدلمش وهنوز ايکی يوز قدر صحيفه سى تسويد واحضار ايديلن .
بو قاموس کيرک اعضای هيئت طرفدن يازيلان پارچه لرینی ده هر اصطلاح اوکنده
بعضاً ياريم ساعت تنقيد وتدقيقده بولونه رق تنسيق وتهذيب ايتشدرد .

ينه په داغوژی به دائر مسجوده لری اوراق متروکه سى ايچنده گورولن بر ترجمه
بليغه سى وسکيز بويوک بلوق نوطی اشغال ايتديگی وهنوز اصلاح واکمال ايتمه ديگی
آگلاشیلان « مختصر قاموس فلسفه » سى متروکات غير مطبوعه سندن درکه طبع
اولونمه لری تمّنى اولونور .

تربيه غايه سنه دائر نطقى ، بر موعظه اجتماعيه سى ، تربیوى آثارندن بعض
پارچه لر مجموعه نك قسم مخصوصنه درج ايدلدى .



سامی بگک اخلاقى باشلى باشنه بر مجموعه محاسن و حسناتدره هر شیده حسنى ،
خيرى و عدلى آرار و آرا تديرر . حقسزلغه قارشى - خلقه حليم و ساکن اولمسنه

رغمًا - صبر سزلانیر ، کوپورور و قورتارمق ایچین چارلر بولور . کندى منفعتى



غیرک منافعی
اوغورنده جدداً
فدا ایدر .
خودکامانگ بو
درجه تفریطی
باکده دوغرو
دگدر ؛ فقط ،
سامی بک ،
بسریت معلوله
مزه قارشى بو
عکس العمل ایله
مجبولدر . پدر-
ینک سرگذشت
مظلومی قلب
رقیقنده حب
الغیری فنا فی الغیر
درجه سنده
انطباع ایتدیر-
مشدر .

مطلقاً حس حرمت القا ایدن پاك و درخشان سیای و قوری متواضع بر ایتسام
ظریف ایله غازه دار نجات اولدیغی حالده مخاطبىڭ اندیشه لرینه ، درد لرینه متوجه
و تمایلدر ؛ اونی قلییه ده چابوق ایشیدیر و ، امین اولوگزر ، ده چوق صیزلار .
آرتق ، سامی بک ، قیویلاجیملا مشدر : اوگون ایشنى ، گوجنى براقیر ، استطاعتی
یتیشمه سه بیله امکان خلق ایدر ، مطلق و مطلق او مسئولی انتاج واسعاف ایلر .
احتیاجات مبرمه سینه آیردیغی پاردی بر آرقاداشنىڭ آنی استعانه سی اوزرینه بلا
تأمل ویرر و آیلرجه مضایقه ایچنده یاشار . جیننده معاونتله مخصوص کوچوک
دفترى دائما طاشیر و دائما طاسیره رق ده گیشدرر .

وفات ایدن ، یاخود دیشاریده بولونان دوستلرىڭ اولرینه دعوتلر قوشار .
بوتون ایشلرىڭ ، چوجوقلرىڭ تربیه و تعلیملرىڭ عهدده سینه آلا .
بی چارده لرك استخلاص و اقدارى ، گنجلرك توظيف و نصی ایچین

اوغراشیر و بوتون بونلر ایچین یورولمه دن، بیقمه دن ائوکسک اشیکلری اشیندیرر،
اڭ قاتی یورکلری یوموشاتیر .

بی کس و فقیر چوجوقلری بولور و مکتبلره، ایش یوردلرینه یرلشدیرر، حتی
بوتون احتیاجلرینی کندیسنه یتمه ین کیسه سندن تأمینه چالیشیر .

آی باشلرنده محل مأموریتده کی اوطه نڭ قاپیسی برشفقت گیشه سیدر . سامی
بک، یاورولرینه، مکتب طلبه سنه منتظر در: برینی گورور گورمز یاواشجه یرندن
قالقار، قاپینڭ — کیسه نڭ گوره میه جگی — برآرالغده خرچلقلرینی مفرط بر
حجاب و محو یتله و برقاق کلمه نصیح وارشاد ایله ویرر . یرینه اوطوردیغی وقت
گوزلرنده ایکی اوچ اشکدانه مخفینڭ گولگه لرینی سچه بیلیرسگنر .

ایرادی مصرفه یتیشمه دیگی جهته سوء استعمالده بولونمق استعدادنده اولدیغی
حسن ایتدیگی برینه اخلاقی صیانت ایچین — وفاتنه قدر — سنه لرجه هر آی اوچ
لیرا معاونتده بولونمشدر .

برطول قادین ایچین متعهد اولدیغی عائدات شهریه دن ناصلسه اونوتمش و تراکم
ایتمش مقدارینه وفا ایتمک اوزره برلیرا گتیردیگنی، و آرتق تعهداتی منتظم اویره جگنی
وفاتندن آلتی گون اول یانمه گلوب قولاغمه فیصله دادیغی وقت گورسه گز کیر
وخجالت آور برگناهنی عفو ایتدیرمک ایچین یالواریور ظن ایدردیگنر .

برقاجنی خاطر لایه بیلدیگم شو زمانگیر وضمان ناپذیر مجاهدات بی شمار ایچین
او قدر مشاغل و غوائل رسمیّه و خصوصیه سی آراسنده شایان حیرت براعتنا ایله وقت
و نقد بولور و آیرر .

هر کسده آز چوق بولونه بیلن وفا کارلغڭ، دیگر کاملغڭ مرحومه کی تجلیاتی
قدر فوق البشرلک و غرض و عوضدن معنای تامیله منزهیّت هر کسده پک گورولمز.
و بوجوانمرد و عالیجناب انسان بوتون اومساعی و متاعبدن اودرجه غشی حظوظ بر
استراحت وجدان طویارکه

افراد عائله سی حقنده شفقتی بی پایاندر . پدرینڭ پارلاق ماضیسنه پک حرمتکار
اولدیغی ایچین بوتون خاطراتنی جمع و ترتیب ایتمش و «حسن انقلاب» ایله «سلیمان پاشا حاکمه»
سندن آلتی کراسه بی طبع ایتدیرمش و بقیه سیله ۹۳ سفرینه دائر نشر نجات و تنقیداتی
جامع «عمدة الحقایق» ی نشره تأسف اولونورکه عمری وفا ایتمه مشدر .



ممتدل و متواضع بر قامت اوزرنده مکتبدن نشأتنڭ ایکسجی سنه سی بغدادده
براقدیغی صاقلانڭ بر تدویر لطیف ایله چهویردیگی طوب چه ره سنه گوزلکلرینڭ

آئنده بر آرز بايغين و درين برنجابت ذ کا ايشيدايان گوزلرينك افاضه ايتديگي وقور



[وفاتندن بش آي اول]

معنار و صاچلر
ينه، صاقالنه
برف زمانك
مبذولا قوندور-
مقده استعجال
ايتديگي ايزلر
ايچنده ساده
و تميز و مظروف
ظرافت سياه بر
قوستوم ايله،
سامي بك، بك
سه ويملی بروجود
عرض ايدر .
قلبك دائما صير-
لاديني مصائب
بشريه بي قولا-
قليله اولسون
ايشتمه مك ايچين


بر آرز اغير ايشيدير، مخاطبني رنجيده ايتمه مك ايچين يا واش سويلر .
تعصبدين نه قدر اوزاق ايسه اساسات دينه سنه اودرجه مربوط و مراعيدرو بونده
بويوك بر تسلي و انشراح طويار. گوزلريني ابدية قاپامازدن بش دقيقه اول آبدست
الهرق ايماء نماز قيلمش و دودا قلرينك صوك تفصاتي دعالر ايچنده اويوتمشدر...



شاعرو مرآي و انسان سامي نك محترم هويتني آرتق قلمده ياشاتمق اوزره تمنيات رحمتله
اورتمك ايشه ديگم شو نقطه ده فوتوغرافيليله اثرلريني ماتم تاثيراتي ايچنده ممكن اولديني
قدر آرايه رق مجموعه يه ايداع ايتمك لطفنده بولونان معزز همشيره لري صبيحه و مديحه
خاتم افنديلره و انشته سي اسماعيل كامى پاشا حضر تليينه تشكر ايتمه بي وجيهه عدايده رم.


نائل رشيد

۳ تشرين ثانی ۱۹۱۷



سامى بلك اوراق آراسنده پك سەۋدىكى كۈچۈك ھەشپەرەنىڭ بىر مەشۋرەسى كۆرۈلدى. قارداش
ئىمتاننىڭ ماساۋ و جەمىيىتى بىر ئىخۇدجى ، قىممەتلى بىر يادكارى اولادىغى ايچىن عىنا نىقل اولوندى :

[illegible]



سایمان نسیم

ادبی و فکری حیات

شرقى

دلدادە اولوردىك كوزەلم كىندىگە كىندىك
پىشىگدە عيان اولسە اكر حسن بلىندىك .
عالمدە كوروردىك كە سىنك وارمى مىندىك
پىشىگدە عيان اولسە اكر حسن بلىندىك .

اشعار ايدەمىز حسن دلاويزىكى تصوير ،
حتى كوزىكىك ، يا لىكىك رىكىكى تقرير .
آء ، ايلر ايدىك بىندەكى چىلغانغى تقدير
پىشىگدە عيان اولسە اكر حسن بلىندىك .

۸ نىسان ۱۳۳۳



— کوچوک همشیره مه —

قارداشم ، زهر اولان حیاتمه
بکا سنك يكانه فصل سرور ..
لوح محسوس کائناتمه
سنك آنجق پاریلدايان بر نور !

خنده لر صاچ حیات بی فریمه
ویه وجود اڭ کوزل امللریمه !
أملگجه : آچیل ، یاییل ، شاد اول
سن یاشا ، سن یاشا نیم یریمه .



— بویوک همشیره مک حنفیده سی ایچون —

لطف مولی ایله بر عارضه سز
اوچنه باصدی بو کون تام کلپیز .
ایده ربیم بزی تا حشره قدر
یاییل ناطقه سیاه لیریز .

۷ کانون اول ۳۳۲



احتياج سکون

طبعمده شيمدی ميل سکون وار ؛ طبيعتك ،
السانلرك حياتنه بيكانه سيرتم .
ماضي يه منكسر كي ، آتي يه مطمئن
انظار بي خيال ايله باقمقده فکرتتم .

اشيايه انسلاب ضيادن دوشهن ظلال
تنظير ايدر ظلال حيات حزینمی ؛
هردم نظر گهمده اوچار طيف انفعال ،
اوقشار عدم قانادلری لوح جينمی .

آلدانديغم يتر سزه ، آلدانديغم يتر ،
ای سن نصاسهك اويله طوران كهنه كائنات ،
ای سن ده هر زمان ده گيشهن خودستا بشر !

آرتق سزكله اوغراشه مام ... ييقديكيز بني ،
سز قازديكيز اوگمده آچلمش شو مدفنی
اولسون سكو تكيز بكا اك صوك برالتفات .

بويوك آطه ، ۲۸ ايلول ۱۳۳۲



اشكايلىر شىرقىسى

آمان آمان كليور بر آلاى اشكلى دها
اشك صفا سنه آرتق يچلمز اولدى بها ..
صفا ، صفا .. بوكا ديرلرمش ايسته اهل بها ..
كلك بو عالمه بزلرده اشتراك ايدىلم .

بينوب اشكلره معدن يولنده بى كلفت
تنزه ايلهلم ، بونده واركه برلذت
بوتون قارارمش اشكلره ساحه رؤيت ...
كلك بو عالمه بزلرده اشتراك ايدىلم .

بوك آطه ، ۲۸ ايلول ۳۳۲



پراکنده آثار

مادموازل «آلن واقارسقو» یه — [*]

ای شاعره عشق کتابگده نمایان
برروح صمیمک بوتون الحان ملالی ،
برعمر مخیله کی سودای پریشان ،
برعشق فلاکتزده نک شعر زوالی .

برعشق ایله ، برعشق حقیقی ایله سومش
سومش وسولشسک ، اوت ، صکره مصیبت ...
بیقمش بوتون آمالکی برضربه مدهش
آزمش صدف قلبگی بردست خیانت .

روحگده کولرکن ازلی پرتو خلیا
قلبنده عمومک سکا تعظیم وپرستش
برذمت موروثه ایکن فکر نمایش

حرص وامل وداعیه طرز سیاسی
برقاچ کشینک فکر غلطیوری ، حسی
ملته کی صافیتی بوزمش ده بوسودا

بردرد وفلاکت کی ، بردرد عمومی
شکنده کورواش وستی خیرپالاهلر ؛
طار گلش اوواسع وطنک قلبگه پک طار .


[*] شاعرك شو نوطی وار :

مدلیده لمعه لزو آلور Lumière et flammes اسمنده بر مجموعه اشعارینی کورمش واومناسبتا
بومظومه یی یازارق کندینه ویرلک اوزره فرانسزجه ترجمه سیاه برابر «پرنسس» ه کوندرمشدم .

ترك وطن ويار وخیال ایلمیه ركسن .
 غربتلره دوشمش طولاشیرسك المكله
 ناقابل تسکین اولان آمال غمكله
 هپ در تأثر دوشیور نغمه لرگدن
 هپ در تأثرکه سنك روحکه دائر
 سودای خزانسته مجروحکه دائر ؛
 محرق اوقدر نغمه لرك ، اویله کوزلکه
 محرق اوقدر ، صکرده ریان املکه
 تشريك تأثرله بکاریز اویور روح
 حرمت سکا ، حرمت سکا ، ای باکر مجروح ...

حرمت سکا .. لکن اوقدر ایگله مه سیدك ،
 فریاد املسوز غمی دیگله مه سیدك ،
 روحك بوقدر کسب نزاهت ایده مزدی .
 اطباق معالیده سیاحت ایده مزدی .
 مجروح ومکدر بزى ، ای شاعره ، هیئات ،
 سن آغلانته مزديك ، واوشعرکده کی آانات ،
 آانات تعالی یاشامازدی وسونردی ،
 برزوجه مظلومه اولوردك که ، هدردی .
 برزوجه مظلومه ، دیدم ، بلکه ده مسعود ،
 سن بلکه ده برملته برسدره مسجود ،
 برحاکه ، برتاج اولاجقدكده مشیت ،
 طالع سکایار اولدی ، غدر ایتدی فقط سن ،
 سن ایشته بوگون حاکه شعر وادبسك .
 علوی ، دها علوی ، دها واسع بو حکومت ،
 البت دها علوی که قرین ابدیت ،
 شعر ابدی نامگی تکریم ایده جكدر .
 ایرکیچ وطنك نادم ومغلوب محاسن
 جویای مباحات اولاجق در شرفگدن
 اخلاف بوتون روحکه تعظیم ایده جكدر .

۲ ایلول ۳۳۲



« هلال احمر » خانملری ایچون :

السلام ای بنات عثمانی ،
السلام ای بویوک مخدره لر ،
سزه لایق دنیلسه رحمانی ،
آسمانی برر تسلیگر .

برتماسیله دست شفقتکز
قلب آلامی ایله یور تسکین ؛
پرنوازش که اوילה رافتکز
برشفا آک درین جریحه ایچین .

بزه خربک برآز مصائبی
سز اونوتدیردیکز خانملر ، سز
که عساکر یتیم ایکن سز

که بوکون آک مقدس اللرده
أرکک آرتق یه نر متاعینی
که قادینلر « هلال احمر » ده .

۲۹ شباط ۳۳۱



چناق قلعه صحنهٔ حربی

کیچه ساکن ، غنوده سطح شئون
طیف رحمتله هر طرف مشحون ..
صانکه اشیاده چوق دیدنمکدن
متولد بر احتیاج سکون ...
سریور نوردن خیوط سلام
بو سکونکاهه رجفهٔ اجرام .
جاجا عرشه طوغرو یوکسه‌لیور
کوز یوموق بر کتیبهٔ اجسام .



سکره ، کوم کوم بوتون زمین وسما
ایکلیور ، تتریور . ممات وبقا
صانکه یکدیگریله قایناشیور ،
یرله کوك صانکه پاطلیور ، طاشیور .
قایور آلتکیزده ارض رصین
اوچیور فوقکیزده عرش برین
بر قیامت که روز محشردن
عادتا بر نشانهٔ خونین
برده ، تااوکده پنجهٔ شیران
کبی ، بردن ، طرف طرف اوزانان
موته صولتمای استخفاف
سونکولرله پاریل پاریل اطراف ..
سونکولرکه شو قاینایان آتشک
شدندن دها وقور ومتین

اوينايور ، صيچرايور وقيورانيور
كه كورن حماه اجل صانيور ...



كيم بو طوپدن قوی ، چلیکدن پک ،
خون و آتشله اوینایان ارکاک ؟
كيم بو طوپارله جنك ایدن و ییقان ؟
كيم شو محشرده حشر اولان انسان ؟
كيم می ؟ فوقنده باق هلال ظفر ،
كيم اولور بویله کوکره یین اژدر ؟
كيم اولور بویله موته خنده کنان
سونکولرله هجوم ایدن وقوشان ؟
كيم اولور عادتاً طبیعتدن
دها علوی ، دها مها بترن ؟
كيم اولور ؟ ... جیش آل عثمان بو ،
حارس دین حق و قرآن بو ..
اونی آتشلره قیلان حاکم
آتش دینی درک، هر مظلم
جرمی تنویر ایچون مؤکل در .
نوی دینی در ، او بر آل در .
کوش عزمنده دائماً شو نوید
که یاغازی اولور و یا که شهید ...
صکره بر سرمدی جهان حیات ،
اوکا مفتوح در بوتون جنات ...
پیش رزمنده در دلیلی ملک ،
یا شامق اونجه دین ایچون اولمک ،
بویله بر عزم و رزمه کیم طیانیر
اونی اعدای دین و عرقی طانیر ..
که آریر قارشیسنده طاغ اولسه
بلکه عالم بیله ، بلاغ اولسه .



یاشا ای شانلی عسکر ، ای مؤمن ،
یاشا ، ای دست آهنین و آمین ؛
یاشا ، ای حکم عدله جانلی کواه ،
لفظه لا اله الا الله
ورد و ذکرک دکلی ؟ غالبسک ،
چونکه سن وجه حقه طالبسک ...
وَ « یدالله فوق ایدیهم »
سکا بر دستگیردر دائم .
یاشا ، نورکه ظلمی تاراج ایت ،
حق یکسر جهانه سرتاج ایت .

قاپلاسين كوني عشق وایمانك
پارلاسين آفتابی رحمانك ...
سونسون آرتق شراركین وفساد :
وور ، وور آی دست معدلت معتاد ...
وور شو ظالمیره ، کریم اول ، وور ...
یتدی معصوملر ، رحیم اول ، وور ...

۲۸ حزیران ۳۳۱



توفیق فکرت ایچون

نهایت کندی تعبیرکجه آی قاردش ییقلدک سن ،
فقط چو کدک سنکله بزده برلکده خراب اولدق .
بیلیرسک که سکا تاریخ برعرش تعالی در ؛
افولکله ، حقیقتده اصل ، بزلر تراب اولدق .
کونشدک بزجه سن که نور آلیردق انشراقکدن
قارا کلقلرده قالدق شیمدی هپ بی رنک وتاب اولدق .
نصل آی مهر ادراکم ، دکلسک سن دیمک موجود ،
نصل آی قاردشم یوقسوللغکله بز مصاب اولدق ...
دوشوندکجه فتوره دوشدک آرتق بز بو عالمدن ،
یاتار طوپراقده کوردکجه سنی میال خواب اولدق ...

یتیمک قالدق آی توفیق ، اویانده بعضی خوابکدن
مشام روچه ایصال ایله برنفعه تراپکدن ...

یتیمک قالدق ، آی قاردش یتیمک ...
نصل بیلیم که وجدان رحیمک ؟..
برآز ساکنمیسک باری ، نه موطلو !..

أولوم برشی دیمکی سویله قوطلو؟ ...
 بوکون بز زنده یز سانکه ، فقط باق ،
 حیات آثاری بروارلق که چیپلاق ...
 اوت چیپلاق ، نه برخنده ، نه بررنک ،
 نه برکولکه ، نه حتی برکوچوک ننگ ...
 که وجداندن نشاندن ، هپسی معدوم ...
 بوکون یالکیز یاشار برشی که مسموم ...
 زهرلهر ، همده عفوایتز برآفت ،
 برآشوب مسلسل که قیامت ! ...
 قودورمش بلکه اوچ یوز میلیون انسان ،
 جهان طیاره ، بومبا ، طوپ ، تفک ، قان ..
 ذکا ، وجدانی ... مسکینسک ، مخنت ...
 حیا ، ناموس ... آچاقسک ، ملوث ...
 بوکون انسانیسک ؟ ایگرنج .. ییق ، یاق ،
 یارین برقهрман نامک محقق ...
 صانیرسک هپسی خورتلاق ، هپسی جلاد ،
 افق ، تک برایشیق یوق ، ظلمت آباد ...

۶ آغستوس ۳۳۱



چو جو قلره [*]

أى وطنك تربيه لى ، سويللى ،
درايتلى چو جو قلىرى ، دىكله يىك :
بو وطنى ياشاته جق سز سكر ،
كله جكدن وطن سزكله امين .

اجدادمن بو يرلى دشمندن
جان ويردرك ، قان دو كهرك آلمشلىر ؛
حدودمن آشوركن جهانندن ،
سكره بردن جهالته دالمشلىر .

علم وفنده ايلرله مش اوروپا
آمريكا ، سكره ژاپونيا چيقمش .
طبيعتك بوتون زنكىنلىكنى
اله آلمش اونلردهكى چاليشش .

[*] بو منظومه ، بر خاطره اولمق اوزره قيد ايدلى . هيچ برقيمتى يوق . ايلرده بر
مجموعه طبع ايدىليرسه حذف اولنه جق .

سليمان نسيب

شاعرك خصوصى دفترنده كى شو تحشيه سنه رغباً بو منظومه ده بز ، بويوك برقيمت
تربويه كوردىكمز ايچون مجموعه مزدن حذفنه قائل اولماق .

بوگون اونلر طبيعتك نه قدر
قوتلری وارسه حاكم هپسینه :
طوپراق ، هوا ، صو ، آتش هپ اونلرك
النده بر اويونجاق ، بر ماكنه !

صكره بزده نه وار ؛ باقك واپورلر ،
ماكنه لر ، فابريقه لر كيملك در ؟
بو كيديشله ، — بز انسان مي دكلز ؟ —
چيغه جغز بو وطندن مهاجر ...

اوروپانك علمي ، فني ، صنعتي
بزي ، بزم جهلمزي بوغه جق !..
كوزيمزي بر آز دها آچازسه ق ،
صكره بزي بو وطندن قوغه جق !..

آتامزك ، آنامزك مزارى ،
عثمانليق ديارى ، هپ بو طوپراق ،
— كوسترمسين الله بزه اوكونى —
وشو بايراق ، نادانلره قاله جق !

خاير ، خاير : بو طوپراغى ، بايراغى ،
الى الابد ياشاتاجقسكز سز ؛
حتى وطن اوروپايى كچه جك ،
بو اميدله ياشايورز بوگون بز .

اى وطنك تربيه لى ، سويملى ،
درايتلى چوجوقلرى چاليشك :
وطن چونكه سزك غيرتكزله
قانلانه جق ، جانلانه جق در يارين .



آلتون اوردو

« حق قدرتدن ايدر تولد
حق قوتله ايدر تأيد . »

— بواسمده تأسس ايدن برادمان اوجاغی
ايچون آلتون دفترلرینه يازلدى . —

طوغدى ينه ايسته آلتون اوردو
توركك جانلاندى اوگلى يوردى ...
معلومات دركه البت اى كنج
اجداد نصل بوملكى قوردى .
اونلر كه بر ايشده عزم ايدنجه
توفيق خدا رفيق اولوردى .
اونلر قدرت ديمكى چونكه ،
اونلر هپ قوتى قوروردى .
حقك قوتله امتزاجى
عثمانلى ديارىنى طوغوردى .
تورك اوغلى ! آقندر آلتون اوردو ،
قورتار شو مبارك ، اوگلى يوردى !



اوح ، سندن زياره روحم سن

هر كونك فجر انفلاقده
فجر حسنكله اشتغال ايدەرم ؛
پاي اجلال اشتياقكده
سكا ترتيبل ابتهال ايدەرم .

كون طوغار ، سنده كائناتمده
بر طلوع ابدله پارلارسك ...
آه ، هر ذره حياتمده
مختلف سنلككله سن وارسك ...

اويله روحم سنكله نور آباد
اويله بر محشر محاسن كه ،
اوقدر بنده سك كه ، بنسك كه

سندە كورسەك ايدرسك استبعاد ...
پر شؤنم كه اويله بن سندن ،
اوح ، سندن زياده روحم سن !



بن و قلم

ازلی بر خیال ایله محتاج
دائما ، صکره ، دائما محروم
اولان آواره قلب مجروح ،
ینه بوش بر املله سگ تاراج !..

ینه بوش بر املله خندانسگ :
صانکه حس و خیال معدومک
شیمدی بر دست ناز و معصومک
لطف حار نوازشیله ... صاقین !

سن نه سگ ؟ بر حیات زهر آلود ،
سن نه سگ ؟ هیچ ، زوالی بر موجود ..
که وجودک حیاته ثقلت در ...

اوح ... روح ، اویانمه ، هپسی یالان ..
هپسی ، حق شو طویدیغک خاجان
سکا هپ خون اولان محبت در !



عارفه طومریس ایچون : (*)

قاردشم اسعد بکا
کوستره رک بر بیک :
« عارفه طومریس » دیدی ،
جانلی ، کوزل بر چیچک !
اویله کوزل که کوردن
ظن ایده جک بر ملک ..
اینجه ، حلیم و ظریف ،
اینجه ، فقط هم ده پک .
ایشته بودر عافیت ،
ایشته بو صحت دیمک .
هر چوجوغی ملتک
بویله یتشمک کرک ..
ملکه سعادت ویرر
عارفه لر بسله مک ...
عارفه ! وار اول قیزم
نجه بو اوزدن دیلک . (**)




(*) کوزطیبی اسعد پاشانک قیزی .

(**) یاخود :

چوق یاشا ، ای عارفه
نجه بو حقدن دیلک .

صنایع اسمیله انتشار ایدن بر
مجموعه نك قابنده یازلق اوزره —

صنایع ، صنایع ، صنایع ، صنایع .
بو قدرته خلق ایتیش انسانی صانع ،
که یوقدن یاراتمق شعار خدادار
که انسانده واردن یاراتمقله مبدع .
بو قدرته جاری دیمک در بشرده :
ازلز ، بوکولمز ، ییقلمز منابع .
دیمک درکه قدرت صنایعله قائم ،
دیمک درکه وارلق صنایعله بارع .



— دەمىر دوگەن بىر كىچىق رەسمىي ئىچىن يازمىشىدى . —

ئى مەقسەت چىكىچ كە ھەزىر بەك
ئورسە اينىدۇ بىر ھايات ئاچىلىرى ،
ھەزىر بەك كە مەن ئاتىدىن
زىر ۋىلايەت ئورۇن ۋەزىرەلىرى ..
ھەزىر بەك كە يۈكسەكلىرى پىرىتاپ
يىراپىر بىر جەھان رىزم ۋە شىباب !
بىر چىكىچىسىڭ ، فەقەت بۈيۈك بىر شى
كە دوگەرسىڭ دەمىرلە پىدىرى
غەزەم ۋە ئاممىدى ، دەست رەھمەتسىڭ ...
ھەزىر بەك كە رەنك رەنك بەھ ،
ھەزىر بەك كە بىر سەۋر رەھ ،
ھەزىر بەك كە عدەل ۋە ھەزىم ۋە ھايا ...
سەن ھەقىقەتتە ، آھ ، ئوقۇتسىڭ
كە ، شەئارەك بىقايەدەر ئوغمىق ،
ۋەرسە بىرسىڭىڭ ئىشتە : سەنئەت ، ھەق !
سەننىڭ ئانچىق بۈيۈكلىكى قورقۇنارەھەت ...
شىمىدى ، ئى سەن دە ، ئى مەبارەك قۇل
ئوۋتەيدىڭ يول ، بۈيۈك ئالەمى يول .
سەنغا غەدە بىقە مەشھۇر ،
كە شەئارەكە ھەق بىر بىرەر ،
كە شەئارەكە خەدائە رەھبەر !
شەۋ ۋە يۈشەش غەۋۋە ، ۋەزىر ، جەن ۋەزىر ،
يەشەمەق ئەشەق ، ئور ئىمان ۋەزىر ؛
ئوۋكەلەسەن ، ۋەزىر ، ۋەزىر « ئوۋكەنە قۇن »
غەش ئەمالە يۈكسەك ، ئوۋستەنە قۇن !



غیرتلی چوجوق

صباحلایین مکتبمه کیدرکن
قوشومزك اوغلی بکا « دور » دیدی ؛
« عجلهك نه ، آقاردشم ، پك ایرکن ... »
دیشندن بن آکلادم ، مقصدی :
« اوینایلم دیمك ایش . » اولاماز ،
گیچ قالامام ؛ خوجام بکا داریلیر .
دیدمسهدده ، آرقاداشم یاراماز :
« دور آزاجق ، بر ادیمده واریلیر ... »
« مکتب یاقین ؛ همده خوجا کچمدهدی .
بن بوراده بکله یورم .. » دیهرک
آلقویمق ایسته یوردی ؛ کیتمه مک
هوسنه بندده بر آز قاپیلدم ،
بردن برده ، فقط یینه آیلدم ،
« مکتبمه کیدیورم » دیهرک
أودن چیتوب سوقاقلرده گزینمک
بر چوجوغه یاقیشیرمی ؟ صاووشدم
قوشه قوشه مکتبمه قاووشدم .



وطن سسى

— اورخان حلمى يە —

بىر سس چىقار اوۋالردىن ، طاغلاردىن
بىر اىگلىكى كېي ، دىر كىن يۈكسەلەر .
دېگىلە ياۋروم ؛ بو اوۋا ، طاغ ھېي وطن ،
اىگلىتىسى بىلە سكا خوش كلير ...

*
**

فقط ياۋروم ، ھەر اىگلىكىن گولردە ؛
بىز اىگلىكتەك اۋنى ، چالیش سىن گولدور .
گولمىك اىچون يارادىلىش ايللردە
بو اىگلىكى سىنك اىچون بىر ذلدر .

*
**

خندەلر صاچ كرىيەسنە شو سىك ؛
آسنەك گولسون ، دىشلىرى اىگلىكىن ...

۲۱ ھىزىران ۱۳۲۹



قهرمان اوردو

« بالقان محاربەسنىڭ اعلاقى زمانىدە يازىلىشىدى . »

قهرمان اوردو ، قهرمان اوردو !
ينە شىنلەندى عثمانى يوردى ..
حق بودنياني حق ايچون قوردى ..
يورۇ ، حق دائىما ظهيركدر ..
يورۇ ، مولا سنىڭ نصيركدر ..
قهرمان اوردو ، طوغروسىڭ ، ارسىڭ ؛
ظلمە دشمن وعدلە رهبرسىڭ ؛
صاغدە قالسەڭ يارىن ، مبشرسىڭ .
يورۇ ، حق دائىما ظهيركدر ،
يورۇ ، مولا سنىڭ نصيركدر .
قهرمان اوردو ! حدى آشمىشلر
قرهطاغ ، صربىيە ، يونان ، بولغار ...
بر طوقاتلە فقط عمومى صوصار .
يورۇ آى اوردو ! حق ظهيركدر ،
يورۇ ، مولا سنىڭ نصيركدر .
قهرمان اوردو ! حق ايچون يوروين
يوكسەلىر حقە مادە ، معنى ؛
سگا تكبيرلر كلير كوكدن .
يورۇ آى اوردو ، حق ظهيركدر ،
يورۇ ، مولا سنىڭ نصيركدر .
قهرمان اوردو ، دىگكە ، سن ، بىشك
يوروينجە عدو سكوت ايدەجك ...
عاجزە مرحمت قيل ، آتمە توفك !
يورۇ آى اوردو ! حق ظهيركدر ،
يورۇ ، مولا سنىڭ نصيركدر .

تشرين اول ۳۲۸



اوردويه

« بالقان محاربه سی مناسبتیه »

بلغار حدودی کچمش ای عثمانلی قهرمان !
بالقان ، پلونه ، شیبقه افقلرده باق طوغان .
بونلر سنکدر آل ، ویریور رب مستعان ...
قوش ، قوش حدوده چاغریور آباء نجدتک
شاد ایلسین مقابر اجدادی نصرتک ...
بالقانلیر دین اوغرینه قيلمشر اتحاد
فرض اولدی مسلمانلرده حق ایچون جهاد
کیر قلبکاه دشمنه قیلمازسه عرض داد
بالقان ، پلونه ، شیبقه سنکدر حدودی آش
دو کدورمه ، قوش مقابر اجداده قانلی یاش .
آماز دکلی حوصله ک ای شیر صفشکن ،
رؤیاده طویسه نامگی خشیته تترهین
برقومه کچدی ، آسدی دینلیمک حدوددن ..
بالقان ، پلونه ، شیبقه سنکدر ، سنک طونه ؛
اجدادک کیکلری شاهد طورور بوگا .
آکلات صلیبه سویله که عهد ایادک بو کون
نجم وهلالک اسدیکی یرلر صلیب ایچون
ماضیه انقلاب ایدجکدر ؛ سنک بوتون
بالقان ، پلونه ، شیبقه ، طونه سرتسر سنک
قوش ! بکله یور قدومگی روح ظفر سنک ...

۵ تشرین اول ۳۲۸



اوردو

عدودن انتقام آلمق مرامی ،
سکوت ، اقدام و غیرت در نظامی .
قیامتدن علامتدر خرامی ،
شمال و غربی پامال ایتمک ایستر .

قیلار هر امره روحیه اطاعت ؛
صفوفنده مؤیددر اخوت ،
حیات آنجق وظائفدن عبارت ؛
اولوم بر شی که طویشدر مقدر .

اوزاقدردر ، مجتهددر های و هودن ،
صفادند ، چنک و سودادند ، سبودن ،
خصوصیه وطنسز کفت و کودن
شمال و غربیه ناظر تند و مغبر



حقیقت

بیلرجه حقیقت دییه روح بشریت
بر نور آرامش قعر سموات وزمینده ...
بیلرجه ، عصرلرجه ... فقط نور حقیقت
قالمش ینه زیر تنق محشمنده .

برلمعه امید ایله بعضاً شب افکار
یانمش و طوتوشمش کی ... دیرکن ینه سونمش .
چارپشمش ازلدنبری ایمان ایله انکار ،
وارلق بیله ، وجدان بیله بر هیچلکه دونمش .

ای ظلمت اعصار ایله گمراه اولان انسان !
ای قاردمش ، ای قلب المیده و مجروح ،
کل ! عرش حقیقت سکا ، هر دم سکا مفتوح

کل نور حقیقت سکا ، هر دم سکا تابان ...
کل ، کندیکه باق ! ایشته حقیقت سن او ، وارسک ؛
نفسکده بدیدار او حقیقت که آراسک !

مارت ۱۳۳۰




حقیقتہ طوغرو

ہر کون یکی بر درد ایله مقہور سفالت ،
ہر کون یکی بر موت ایله بر پارچہ اولورکن
آفاق امیدندہ ملوآن و مزین
بر رؤیت آتی ایله تتردر بشریت .

ماضی ، ابدی صحنہ پر خون مظالم ؛
حال ، ایشته بر آز سوسلو ، فقط طبقی او صحنہ ؛
آتی بیلہلم کہ اودہ ماضی کی مظلم ،
آتی بیلہلم کہ اودہ ماضی کی کھنہ .

آرتق یتش ای دست کرم ، دست رهاور ،
آکلات بزد ، ای نور حقیقت ، بزی قاندر ،
آکلات ، کہ یالان ، ہپسی یالان ، ہپسی یالاندر .

آکلات ، کہ عدالت ، مدنیت کی سوزلر
دیرکن ینہ قان ، قان ، ینہ حق نامنہ قوت ...
آرتق یتر ، انسانلرہ انسانلی اوگرت .



قادين

بشردده ميل سعادته ، حس علويت
قادينلغك نظر شفقتيله طوغمش در .
فقط قادينلغى ار ككده اصل اولان وحشت
بر اعتناي بهيمي ايچنده بوغمش در .

بر ار ككك نظر نده قادين اويونجاق در :
سور ، قيرار ، و آزر كيفي ، آرزوسي كبي .
النده قوتي ، قانوني اك بويوك حق در ،
سلاح صولتي : ناموس وعفت وادبي .

قادين ، بر ار كك ايچون عرض وعفت وناموس ..
أوت ، قادين ده فقط عيني حكمي ويره كرك :
قادينلرك نهيه ناموسي اولماق ار كك ؟

اكر حقيقت عصمت دكاسه نامحسوس :
قادين شرافت ناموس ايله موقرر در ،
قادينده عفتي تحقير ايدن محقر در !



شیمدی برخنده سرتله ،
شیمدی برکریه کدورتله ،
شیمدی لاقید بر هویتله
چوزولور عقده الیم حیات .

اک بلند ، اک کنزیده حسیات
بر دوکوم درکه ماحی لذات ؛
بلکه بونلرده ، بر زمان ، هیات !
قوة غالب طبیعتله ...

آه ، چیرکین ، فقط محقق که :
بشریت بوکون دوکوملنمک ،
ویارین طویمه دن چوزولمک در .

بو ، تسلیسی طالعک بلکه ؛
اک کوزل فلسفه فقط بی شک
شو تجلیه قارشی کولمک در .



باق نه لر سویله دم خلوقم ، بن
سکا بر شعر یزmq ایسترکن ...
صانکه بر سوز بو ، صانکه بر حکمت ؛
لاابالیاک .. ایشته اک مثبت
خاصه فارق طبیعت بو .
ودیمک مساک حقیقت بو ...
شو آغاج که خزانرسیده ، صولوق ،
آچه جق شیمدی سن اوزولمه خلوق ..
واینان که شو آغلایان چهره
کوله جک قهقهات ایله دهره ...
آغلامه بر سورو دقایق ایچون ،
سکا رام اولیان حقایق ایچون ؛
صاحب عزم وفکر ووجدان اول ،
لاابالی مزاج وشادان اول ...

۱۳۲۷



شعیب ایچون

أولئك زواللی اویله می ، آه اولدک شعیب ،
تأیید ایدر کمالگی عرفان مملکت ؛
اعصاره حک و نقش ایده جک احترام ایله
« احمد شعیب » نامنی شبّان مملکت !

کانون اول ۱۳۲۶



دشمن قاپیده ، بزینه بی قید و مبالات ؛
اولجه نصلسه قینه عینیه اومشرب ؛
هپ « سن و بن » آواز حریصانه سی هیهات !
اولدور بزى ، قهر ایت بزى ، محو ایت بزى یارب ...



ملتک اعتمادی لازمه
ملک حکم ایلین حکومت ایچون ؛
فرض اولور هیئت حکومتده
عینی بر اعتماد ملت ایچون .



باعث فوز و نجات اولمش ایکن
عالمه نیر مشروطیت ؛
بزى سوق ایلور اضمحلاله ،
اولور فسق و فساد آلت .



حق ویاخود اولوم ، وطن یا هیچ ...


بر جماعت که آلتی یوز سنه لك
بر حیات مفاخر آرانك
حامل عز و شانی ، اوروپانك
هجماتيله بلكه اك مهلك
دم ضعفنده ، بلكه محو اوله حق ...
باشامق : لكن اك طبعی حق ...
وَ خصوصيله اولمه مك حق ،
كی اولمك ده حقمر طبقی
نصل اولمشسه اولمه مك برحق
وطن اوغرنده اولمه در باشامق ...
بو قناعتله در حیات بشر
بو قناعتله حق تأید ایدر ؛
باشامق ایسته ینلر اولمکی ده
حق بیلیرلرسه حین حاجتده ،
ابدیا یشارلر ، اولمز لر ..



بر ساحه که ، جنت کی بر عدن طبیعت
ارضنده ، سما سنده بوتون نجم سعادت ؛
ارضنده : زراعتله تجارت و صنعت ،
اسبابی مهیا و سما منبع رحمت ...




بَنِم ، آه ، اولميان كوزللكلر ،
سزِه هپ قلب حسرتِم ايشكلر ،
سزِه روجِم الى الابد تتر
بَنِم ، آه ، اولميان وَ اولمامسي
بَنِي چيلديرتان ، ئولدورن ، صوكره
بَنِي احيا ايدن كوزللكلر ...



قىزل طوپراقده ، اى دون كوردىكم شوخ
 ومستىنا كوزلك : عرض حرمت ...
 كوزلك ، صانكه برالهام ، بر روح ،
 قادين شكلنده بر روح سعادت
 بر آز اولدى ، كوممشدك ترابه
 بويوك بر كنز عرفان وذكاني ...
 و نجه هر حقيقت بر سرابه
 مشاهدى ، بو آثار بقايي
 تماشادن ايدر كن بن تنفر ،
 حقيقت بر قاريش طوپراق ديور كن
 سن ايتدك پيش چشممده تنور
 سماوات وزمين شعر اولدى ، بردن

۲۴ كانون ثانی ۳۲۵



صوڪ دعوت

بر شوق نو آهنگ ايله ، اى شعر املزا ،
تجليل ايددم خاطرء عشقى هر دم ..
ايلر سكا روحم ابدى نغمه لر اهدا
هر دم يكي بر حس ايله ، بر فكر ايله ملهم ...

عشقكله ايدرسك كى سن روحه اسرا
هر نفحه الهامده بيك نغمه خرّم ...
هر دم يكي بر شوق امل ، بريكي سودا ،
هر دم سنى بن اڱ يكي بر عشق ايله سوسهم ...

سندن بكا بيك رسته الهام وتعالى ،
بندن سكا بيك رسته تجليل ومحبت ..
هر دم ، كوزلم ، اڱ يكي بر مهد سعادت ،
بر مهد سعادت كه بوتون عشق وتجلى

كل شوق ايله ، الهام ايله پرسود اولالم ، كل ،
بر خواب ابد نشهده مسعود اولالم ، كل ...



حسب حال

خاطرات لطیفه‌گزاره بتون
چیور شائقانه کونلریمز
بو اوزاقلرده سز سکر هر کون
بزه روح مقال اولان هپ سز ...

همانی بر کون - خیر ، بر آقشامدی
تپه‌ده بر کیجه - یاچفتلکدن
کلیورکن « ... » اوت ، « ... » مدی
— یوق ، ملکدی ، و « ... » هپ بردن

نه قدر شوخ وتازه کولمشدک
عادتاً بر چوجق کبیدم بن
عادتاً پارلایوردی شمدی سونوک
کوزلرم انبساط ونشئه‌مدن ...

آه اودملر ... مکالماتمیزک
ایشته هر کون مداری بونلردر
سزه دائر کوچوک ؛ اوزاق و یاقین
نه قدر خاطراتمیز واردر ...

یادیکز صانکه بر ملکدرکه
بزه انوار تسلیمت کتیریر
طالع یاسمیزکه ظلمتدر
نور اولور پارلایجه سز صانکه ..

« بزواریز ، بز » دبین اوزاق برسس
بولارق روحزده بر معکس
کون دوغار افق کائناتمیزه
رنکار سربیلیر حیاتمیزه ...

آه اولورمی ؟ زمان زمان کوزدم
بویله برلکده حسب حال ایددم ...

مدالی ۸ تشرین اول ۱۳۱۹



خندهلر


خندهلر ، خندهلر ، تبسملر ...
صانکه بر خنده بهار اندر
که سزك روحكزده خنداندر
چهره غم بيله سزكلاه کولر .

چهره غم بيله : کولوشلريکيز
اويله مونس و روحپورکه ،
سز کولنجه اوزاق ، نهايتسز
بر جهان صفا کولر صانکه ،

صانکه هپ خندهزار اولور ناسوت
روح پر خنده بهار اندر
که سزك خنده کزله ريزاندر ..

خندهلر ، خندهلر ، کولک کوزدم ،
خنده کزدين نصيب آلوب ملکوت ،
هپ زمين و سما بو کون کولهلم .

چامليجه ۱۰ نوز ۱۳۱۱



قایاده

— قارداشم نجیب خیراللهه —

شمدی بز شفقت ظالانده
اڭ کوزل بر حیات عشق اویویان
مختشم ، ذی وقار بر قورودن
کچورددق ؛ اسان حالنده

واردی حالا اوعشق حیرانی
روحه تقریر ایدن مشافهه لر ...
هر آغاج صانکه سویلیوردی برر
سر مسهوفی ، سر نالانی ...


صکره ، بر ساحه خیال کبی ،
او گمزده آچیلدی مر مره نڭ
حشرالوان ونور ایدن عصی

سینه بکر وصاف معصومی
صانکه بنده اوعشق خمومی
یاشادم ، بر زمان ایچین ، دالغین ..

صکره بر طاشدی اوپدی آرقداشم
بو ، دییوردی ، بزم سویلی طاشم ...
صکره دوندک ، او بویله مست غرام
بنده صانکه او نوره پیک ظلام ...

اوخ ، ای ای حیات معصومه
دائما خرم اول وایجنمه ..
اوخ ، ای ای حیات پر شفقت
سکا حرمت ، الی الابد حرمت .

چاهلیجه ۸ مارت ۱۳۱۸



بر امید آه بر ...

دهبدم بر خیال آسوده
بکا بر افق نوحیات آچه رق
صانکه بردن بو عمر فرسوده
دیریلیر ، نور و عشقه مستغرق ...

دیریلیر ، صانکه آسمان و زمین
اشتراک آیله یوب مسرتمه ،
بر صمیمی نوازش نوشین
خی اطمین ایدر سعادتیه ...

دیریایر صانکه هی چیچکاردن
بر بولوط ، بر خیال اسردن
صانکه هر کولکه دن دوشر بر نور
که حریم حیاته صوقولور ،

صوقولور او یله شوخ وفتان که ،
او یله مونس و محرم جان که ،
روحه بر حیات تازه کلیر ،
اوح ، روحم هی اهترازه کلیر ..

ایصینیر سخت و منجمد قلم
بر امید آه بر امل ، ربم ...

میدیلای



حریت

چوق شکر چاک چاک اولوب ظلمت
طوغدی مهر منیر حریت .
« ای وطن ، ای ملیکة ملت »
اویان ، آرتق اویان ، زمان کلدی ،
پادشاهدن بزه امان کلدی .

اویان ، آرتق اویان که شاد اولام ،
مظهر عدل وحق و داد اولام ،
حق یولنده برر عماد اولام .
اویان ای جانربا که جان بولوق ،
بزده عثمانلیرده شان بولوق .

اویان ای شانلی قهرمان ثبات ،
اوتوزاوچ ییل تمام حیات و ممات
آراسنده سوروکلنوب ، هیپات ،
باق قاووشدق ینه بوکون زنده
بویله قان واری باشقه ملتده ؟

اوتوزاوچ ییل سوروکلنوب مقهور
بز ازیلده کسه ده کلیرمی فتور ؟
آلتی یوز ییلق ارلرز ، مشهور ...
کیم دیمش که بوقوم اویوشمشدر ،
ایشته حریت ، ایشته حرز ، حر ...

یاشاسین پادشاه لطف آور !
یاشاسین اردو ، قهرمان عسکر !
یاشاسین ملکه جان ویرن ارلر !
وطن اوغرنده ای اولن شهیدا ،
انهزام ایتدی شاد اولاک اعدا .

شاد اولاک شیمدی بز ظفریابز ،
فیض افکار کزله سیرابز ،
نور آمال کزله پرتابز .
آلاماز سه قده انتقام کزی ؛
اوح ، یوکسلیتدک ایشته نامکزی ...

قالیگز ، قالیگز مزارلردن
ای شهیدان شهریار وطن ،
آرزوگز وجود بولدی ، بوشان
هپ سزگدر ، سزك عنایتیگز ،
سزدن آلدق دروس عبرتی بز ...

شیمدی برپادشاه ، برملت ؛
نه خفیه ، نه فرق جسیت ،
هپ مساوات خلق ، حریت ،
هپ عدالت ، وظیفه ، حق و وطن
دون قویوندق ، بوکون ، بوکون انسان ...

انسان اولدق ، حیات کوستردلم ،
سعی و حلم و ثبات کوستردلم ،
عالمه التفات کوستردلم .
سعی حریته ملازمدر ،
بریسی دیکریله قائمدر . [*]

کچمسین بردقیقه بوش که جهان
مترقی بوتون ، اوزاقده قالان
بر بز ، ای جماعت شبان
کلاک ال برلکیله جهد ایدلم ،
اعتدال و سکونی عهد ایدلم .

یاشاسین پادشاه ذی عظمت ،
یاشاسین ملت ، اردو ، حریت ! ..

تموز ۳۲۴



[*] یاخود :

مدنیت بونکله قائمدر .

عشقك

بوكون فضاى خيالمده تتره يور بايغين ،
ينه اوچشم سياه خيال مسجودك ...!
يكانه شوق ايدك سن شو عمر بى سودك ،
اى آفتاب حيايم ، نهدن اوزاقلاشدك ؟

بيليرميسك ، كيجه كوندوز بتون دوشونجه لرم
سنگ تخيل سودا گه منحصر كي در !.
بوكارگاه محاسنده مخفى ، ظاهر
نكات حكمتى هپ بن سنگله حس ايدرم ...

سنگ نوازش عشقكلاه هر صباح آچيلير
بنم حديقه روحده پنبه بركل تر ،
كهرنگ آل جمال كلاه ابتسام ايلر ،
مشام روحه شميم حبتك صاحيلير ...

سنگلاه در كوزلم هپ حيات وموجودات
بولور بنم نظرمده براعتبار وحيات ،
سن اولسهك ياشامام اى وجود مستثنا ...
بويوك بويوك اوقدركه ياشاتديغك سودا

سن اولسهك سنى ياخود دوشونمسهم بردم
برانقراض مؤبدله محو اولور عالم ،
فقط ، يشار ينه عشقك الى الابد ، هييات ...!



پرستیده خیالی به

سزہ باقدجہ ہر تصادفہ
بکا برابتلای تازہ کلیر .
اُک بلند ، اُک گزیدہ ، اُک نادر
برکوزلکسہ کزک خوابیدہ ... [*]

حسن گزده کورولین ، لیکن
طویولان برمال ، برشی وار ،
اوله برشی که پک طونوق ، ساکن ،
کبی دیرکن هجوم ایدر و طاشار ،

اويله بر پنبه لاک ویررکه سزه
اک بلند ، اک گزیده ، اک نادر
شعر حسنک بورنک باکری در ...

هرتصادفده ، بلكه بيلميه رك ،
شو حيات حزيني اڭ يوكسك ،
اڭ گوزل براملله تهر نره

ای ، مؤکل وجود مستثنا ،
برشی آکلارسه کز بوشعرمدن ،
سزده برشی طویارسه کز حساً

برامل ، برامید ، برخولیا ،
 بنی قلباً اودمده یاد ایدیکیز ،
 قلبمی یادیکیلزله شاد ایدیکیز ...

۲ تشرین ثانی ۳۲۲



[*] شاعر برنجی قطعه‌ای شوشکده‌ده یازمش :

سزی کوردکجه دائماً بنده
یکٹی برحس ابتلا او یانیر .
اڭ بلند ، اڭ گزیده ، اڭ نادر
برقادیں شعری سزده تابنده ...


تېسىم ظلام

بتون بدايع حسيه و خياليه
بوغولدى بىرگىچەنك سىنە ظلامندە ؛
بوكونكى حالە آغلار تظلمات ورم
چىچىكلارك بىلە الوان ابتسامندە .

اوقور سىلارك اعماق بى تىناھىسى
صباخ جانمە ھې برنشىدە دعوت .
زمان اولوركە سونوب روحك بتون حسي
حياتمە دوكلور پاردە پاردە برظلمت !..

بو ظلمتك اويوشور قىربى مألندە
بتون قواى شىبىم ... زمان زمان مفتور ،
بر ابتسام سىھرنك اولوركى منظور .

بو ابتسام سىھرنك ... ايشتە اك مظلم
زمانلرمدە بكا تازە جان وىرن ظالم !..
حضور وراحت آراركن اونك زوالندە !..



نننی ای طفل جانربا نننی ،
 نننی ای غنچه صفا نننی ،
 نننی ای طفل جانربا که سنک
 اطراد تنفسکله امین ،
 اوح روحم غریق نور اولسون ؛
 باباڭڭده حیاتی سور اولسون ...

نننی ای غنچه صفا ،
 بك باباڭده و بنده هرايکيمز
 بزى روحاً و مادهً توحيد
 ايدەجک بروجوده ربط امید
 ايدەرك بکله مکله صولمشدق ،
 عادتا بریابانجی اولمشدق ..
 چوق شکر ، شیمدی سنده برلشدک ؛
 آه سنسز غریب برلشدک ..
 چوق شکر ، شیمدی سنده : سنسک بز
 سنده موجودز ايشته هرايکيمز
 يشارز بك باباڭله بن سنده
 اوچ حیاتزکه شیمدی برتنده ...
 آه ربم بواوچ حیات سنک ،
 يرله کوك ، جمله کائنات سنک ؛
 خوش کوروب بويله اتحادمزی
 سن باغشلا بزه « و داد » مزی ؛
 شو ضعیف اوچ وجوده قوت ویر ،
 نشئه ویر ، صحت وسعادت ویر ...

نننی ای طفل جانربا نننی ،
 نننی ای غنچه صفا نننی ،
 نننی ای طفل جانربا که سنک
 اطراد تنفسکله امین ،
 اوح ، روحم غریق نور اولسون ،
 باباڭڭده حیاتی سور اولسون ...
 اویوسون سنده روح شفقتمز ،
 اویو ای غنچه محبتمز ،
 بك باباڭ ، بن سکون بولوب کوزلم ،
 سنده نبض حیاتی دیگلیهلم ...



احیای ماضی

هانی سن بعضی ملتفت ، خندان
بکا تقریب جسم و روح ایدرک
صانکه روحده صاقلانیردک سن ؟

هانی بن بعضی مست و پرخلجان ،
سنی روحله صانکه مزج ایده جک
کبی براحتمال آراردم بن ؟

هانی سن بعضی مبتسم ، ممنون
بنی روحکله اوپله دیگلیه رک
روحده صانکه روح اولوردک سن

هانی بن بعضی منفعل ، محزون ،
برخیالی املله ایگلیه رک
سکا ایمای راز ایدردم بن ؟

هانی برکون نصیسه برپویوجک
اورمانک قویتو برکنارنده ،
کوچوجک خنچرکله اکلنه رک
« خنچر غمزه کزله آه اولمک
نه قدر طاتلیدر » دیمشدم بن ؛

هانی سن ده اوکلعدارکده ،
عصمت روحک انبساط ایدرک ،
روحده بردن ارتباط ایدرک ،
بکا باقشده تتره مشدک سن ؟

هانی ؟ یوق ... شیمدی هپسی ، هپسی خیال ...
دها علوی فقط بورنک ملال
شیمدی سن باری بختیار اولسه ک
آه ، پرنشئه بر بهار اولسه ک
بنده ماضی اولان املله ینه
تتره سه م ، تتره سه م سعادتکه .



— بر رسمك آلتنه —


ديكليور روح تار سازندن
لمسه دست صنعتيله اوچان
موجات لطيف الحانى ...

ديكليور ، مست موج خوليادر
صانكه سودايه مهد رؤيادر
چشم حيرانى ، روح نالانى ..

ديكليور ... بنده شمدى ديكليورم
اونى تعقيب ايدن خيالمه .
تار روحده تازه برناله ،

تازه برنفحه هوا ؛ واونك
الم اشتياق ايله يورغون
تازه عشقيه ايكلسه م دييورم ..

۲۸ کانون ثانی ۱۳۱۷



يالکيز سن

اويويان برچوجق قدر خاموش ،
اويويان برچوجق قدر برروح
هپ طبيعته برحضور بشوش
هپ طبيعته برتبسم شوخ ...

صکره بر شی که روح اشیانک
صانکه فوقنده مست وسائر در .
صانکه بر ماهتاب خولیانک
کولکه سنده دوشن سرائردر ...

صکره محجوب بر طراوت که
صوقولان بر چوجوق قدر مونس
صانکه بر نفیحه امل ، بر حس .

صکره بر دست ناز ایله صانکه
سیاینوب هپ بو کولکه لر بردن ،
آه هپ بر خیال ، يالکيز سن ...

۱۱ نیسان ۱۳۱۷



ایلاک هیجان

— برکنج قیز لساندن —

شیمدی قوش خفتیله مست شباب
شوراده روحم اوچمق ایسترکن ،
شیمدی برطاتلی اضطراب و حجاب ،
شیمدی بر قورقو کندی کندمدن .

شیمدی برشی که شوخ بر رؤیا
کی هم کولکه ، هم نوازشکار ؛
صکره کیزی بر احتیاج بکا
صکره بر احتراز حسن و وقار ..

شیمدی بر ذوق ، صکره هیچ برشی
بر صیجاقلق ، عجول بر خلیجان ..
بنه هپ حزن و لشته پیدرپی .

برده بینم نه دلسته بر حدت
بر طو توفلق که عادیلا عورت
توچن کنج ایچون جوارمدن ...

۱۱ نیشان ۱۳۱۷




مجهوله

ایشته قالدق ملال ایچنده ینه
کیجه نك سایه سیاهنده .
اونك آسوده خوابگاهنده
بریلنمز اینن محنت ایله
بتون آلام واضطراب بشر
یورولوب بفراش موته دوشر ...

بن اوحال جودتی سویم ؛
اونده بیکس برانطف کورورم ،
غملی بررنك انزوا کورورم ؛
ایسته مم بن بوظلمتی سویم .
آرام نور چشم سوداگی ،
کورورم کوزلرده رؤیاگی !..

آرام ، سنده برپناه آرام
شو یورولاش حیات مسحوره .
شو بیلنمز خیال مستوره
سند بصرغوت نگاه آرام ،
اونی کورمزسه سنده دیده لرم
اوزمان اولك ایسترم کوزلم ...



ينه ماضی په دوغرو ...

نرده شمدی او خوش جيله لرك
اومحاسن ، اوسوبسو انوار
اوپورولق ندر دین افكار .
بتون آمال عشق ایچنده گولن
نشوة عنفوان در افشن
نرده برتانه سی اوحيله لرك؟! ...

اونه صبح بهار نزهت ایدی
بونه شام حزن بیگانه !
نډکه کچدیسه هپسی افسانه ،
هپسی نسیان ایچنده برمتروك ،
هپسی عادم ، بتون بتون مشکوك
بودوشونمکسه برغم ابدی ...


یاد ماضیده کی تأثر دن
نظر حکمتده واحیفا
بشریت کوزالشیر . کویا
اوصمیمی دم شیباب سحر
نفحه نوبهار عمن بشر
موتنه جانداده در تحسردن !

رنکی اوچمش اوشوخ ونازك یوز
او ، حیاتك یتیمه سی ایام
کوسترر برغم ابد فرجام
فقط آلامی هپ بنم سینهم
هپ بنم اك دکرلی کنجینه م
واراغمدار اوسودیکم اوکسوز !



— ردوسلی برزووالی کسبچ ایچون —

مدرس زاده ابراهیم افندی
بویرده مستظل مستعان در .
هنوز وارمشدی سنی یکرمی درده ،
اجل حکمنده بعضاً بی امان در .
تمام اوچ ییل زواللی خسته کزدی ،
بیلیردی ، دیردی : حالم پک یامان در .
فقط ، برچاره یوقی ؟ دیر ، صوراردی ،
آراردی چاره برخیلی زمان در .
نهایت رحمت مولا یتشدی ،
اوشیمدی قرب رحمانه روان در .
طوروب برفاتحه اهدا ایدک که
بو ، امواته سلام زندکان در .



سنگاه

تباعد ايلهرك دائماً حقيقتدن ،
سنگاه بن يشارم بر حيات خوياده ،
سنگاه مست اوله رق بويله محرميتدن
كولر سعادت عمرم بوتون بو رؤياده .

سنگاه پيش خيالده انكشاف ايلر
ازللك بوتون انوار ايتساماتي ؛
سنگ گذرگه نورگده تتره شير وسونر
سحرلك بوتون امواج ايتساماتي .

سنگاه نامتناهي يه طوغرو يوكسلهرك ،
بوتون حقايقه رغماً ، مقرب ويكروح ،
اوچار، اوچار كيدر م ؛ صكره منكسر، مجروح ،

دوشر، دوشر، دوشرم . بويله يوكساوب دوشمك ،
بودر مدار حياتم كليرميسيك ، كوزلم ،
بوكون ده عرش خيالاته طوغرو يوكسلهلم ؟ ...

ميدللی - ۱۴ نشرين اول ۱۳۱۶



آه بر تبسمكه !

روحك صفوتيله ديكليه رك
هپ سنك ساحرانا سوزلريگي
آه ، ممكن ، ديمش ايدم ، سومك
وسولمك ، اوآنده روحانى

بر تبسماله ، صانكه سن تأييد
ايلك ايستدكده خوليامي ،
اوقشادكدي ملال سودامي
بكا ويردكدي بر حيات اميد ...

شيمدى ، يوق ، يوق شكايت ايتيورم ؛
دائما بويلاه مغفل ومحروم ،
كجه جكددر حيات پر كدرم ..

شوكا يالكوز اينان كه شيمدى ينه ،
شيمدى ده آه بر تبسمكه
ينه بن عمرمى قدا ايدرم ...



ایکی رفیقہ

— فائق علی ایلم مشترک —

کچدیگز پنہ بر خیال آسا
یا مژدن ، او هر زمانکی سزک
مبتسم نشہ کزلہ ، بز ، ساکن
سزی تعقیبہ باشلادق ، صو کرا

کیتدیگز ؛ بزده یادکار اوله رق
پنہ بر کولیکه ، بر بولوط قالدی .
شیمدی اونلرده پر ملال فراق
قارا بر شکل اشتیاق آلدی ...

بکله دک ، بکله دک ، وچیقما دیگز
آه بیلسه یدیکز که اک معصوم
بر محبتدی بکاین غموم

نه اولور بیلسه کز که بز سزدن
ساده بر نظره امل دیله بن
ایکی بیچاره روح نالانز ...

یوق ، خایر ، یوق بو حسی بیلمیکز
ناوصول امل قالک هپ سز

بلکه ایلر غم آزمای ملال
سزی حتی تکلم آمال

ای کوزل قیلر ، ای سلیلر
سزی هیچ ، هیچ براضطراب و کدر

ایحیتوب قیرمه سین ، و سز هر کون
نشہ یاب شباب اولک و گولک ؛



برقادینه

اوکنده زوجی گوزل ، شانلی ، تازه بر ...
یاننده یاوروجغیله ایلرله یور ، گریدن
او ، ناز و عشوه ایله شوخ و مبتسم ، دلبر
یواش یواش یورویور ، بردن آرقه سنده کلن

اوزونجه برحریفه ، برسفیه ، مست غرور
تمایل ایلیه رک وضع دلفکاریله ،
بوتون وجودینی آفات اختیاریه
ویرر کی اوکا باقدی پرابتسام سرور .

وصوکره هی ینه پروعد و پرامل یورودی ؛
اوآنده ذهنمی برقانی منظره یورودی ؛
جهان بوتون نظرمدده قاراردی پیدرپی
آووجارمله صیقوب قیرمق ایسته دم برشی

— نهدن زواللی گوزللك ، نهدن قوجهك ، یاوروك
اوگنكده ایشته یوروركن ، نیچون اوت آقادین ،
نیچون شوارككه سن بویله پرامل باقدك ؟
یازیق ده گلمی كه صولسون اوحسن مسرورك

شونك بونك نظر حرص و شهوتیله ، دوشون ،
دوشون دمنین نه حضیض سفاکته دوشدك ...

گوزلسهك ایشته قوجهك ، ایشته برده پنبه ملك
نهدن هم اونلری ، هم کندیگی رذیل ایتك ؟

اوتانمادگی قوجهكدن ، شوپنبه یاوروكدن ،
اوتانمادگی هیچ اولمازسه سن غروركدن ؟

قوجهكله یاوروجعك ، عرض وعفت و ناموس
بوكون چامورلر ایچنده روامیدر افسوس ؟ ...

خیر زواللی قادین ، ای بدیعه دلبر ،
خیر ، خیر دوشه منسك دكلی ؟ یوقسه ، گبر ...



سز كيتد كدن صكره

— مادموازل به آتريس دو قرامره —

ديديلر كه سزك ايچون بوكيجه
كیده جكار . ايناندم . صكره
بيلوردم ، ديدم ، بن اولجه
بيلوردم ، اوت ، فقط بو قارا ،

بو صوثوق چهره فلاكتي بن
كورمه مك ايستيور ، دييوردم كه :
كیده جكار ، بو بر حقيقت ايكن
شيمدي بر احتمال اولور بلكه ،

كيم بيلير بلكه بر خيال بعيد ...
صكره ، ديركن ، كيدلدي هپ واپوره
قالديكنز اورده سز ون صكره ...

يوق ، خاير ، اي فرشته اميد
بكا سز باقياك كه ، بن دائم
هر اميدمه بويله منكسرم ...

سزدن اولدمسده بوكون مهجور ؛
خاطراتم سزكله مست سرور ؛
سزي كورمكده بر سعادتدر ،
بو سعادت بنم ايچون يتيشير ..

ميديللي ، ۱۶ ايلول ۳۱۶



منکشه یه دائر

— ینه اوگا —

کوزلم ، هانکی زهره در عجبا
حائر لطف اتخابك اولان ؟
دیه سوردم . دهان نازگدن
چیقہ جق سوزله مست روح هوی !..

اعتراف ایلدك منکشه ایش
بو معزز شکوفه مسعود ...
شیمدی روحده شوخ و پرلرزش
بونی هپ سویلین اوطاتلی سرود ...

سکره بر آسمان خولیاکه
قویو مائی منکشه رنکنده
صانکه بر روح ، صانکه برخنده !..

کوزلم ، اوپله خوش بورؤیاکه ،
ابدیا اویانمسه ، دیورم
بنه ههات ! قامسه ، دیورم !..

میدلای ، ۱۱ ایلول ۱۳۱۶



بر بالودن صو کره

— مادموازل « پ. دوق » یه .

دون کیجه تازه بر بیاض چیچکی
سزه بيلم نه حسله کوستره رک ،
شیمدی پک خوش قوقار ایکن شو چیچک
صولیویردی ؛ دیدم . وسز صانکه

بنی هیچ طویمامش اداکرله
— هرچیچک بویله وهاله صولماز . —
دیدیکز ، شیمدی آکلادم ، اصلا ؛
صوله جق اولسه هیچ بهار اولماز .

فقط ای غنچه حیات وشباب
بوده طرز حیاته تابعدر ؛
یوقسه هرشی جهانده ضایعدر .

شوده وار : بر بدیعه پر تاب
صولمش اولمازمی چیرکین اللرده
نه قدر اولسه ناز پرورده ؟ ..

سزی اینجیتمش اولمهیم کوزه لم
بونی ایما ایدی بنم املم .

دیدلای - ۲۵ اغستوس ۱۳۱۶



دکیز

— احمد حکمت بکه —

شیمدی بر روح رعشه‌دار کبی
پیشگاهمده تتره‌یوردی دکیز
شیمدی بر صبح نو بهار کبی
حشر الوانه باشلادی ، سس سز

صانکه بر دست شوخ صنعتکار
خاره‌لر ایشلیوردی دقتله ؛
صکرده سریلدی بر یغین انوار
براوزون بوسه محبتله .

ینه بر روح رعشه‌دار کبی
آچیلوب تترددی اوسینه نور ؛
اویودی صوکرده مست عشق و سرور .

شیمدی بر لیل نوبهار کبی ،
نفس آلدجه ، طفل سودامه
باشلادی راز عشقی افشایه ...

بن فقط ، اسکی بر مزار کبی ،
ینه قالدیم حنین و بیوایه ...

میدلی - ۲۶ تموز ۱۳۱۶

احیای آثار

قادینره وار ککاره دائر

تفاسفات نسائییه سیله ، فخر انداز
بريله بحث ایدیوردق کچنده دورودراز !

قادین ، دیوردی رفیق ، قادیلغییه بوتون
من الازل چالیشیر هپ کوزل کورونمک ایچون ،
کوزل کورونمک ایچون ، باشقه درلو صورماییکز ..

اونک دوشونجه سی ، اک باشلی مقصد واملی
کورن بکنمه ایدر یکنظرده شیق دیملی ؛
قادین بونخبه یه وقت حیات ایدر یالکیز ..

— بوبلکه طرغرودر ، آنجق ، دیدم ، بیلیرمیسکیز
قادینده میل تجماله اکلنیرکن سز
بر اعتیاد ظرافتله ، دایما اوتولو
اولان ره دینغوتکزده ، یلکده بر بوکولو
بر اولاسین دییه شیمدی باقندیکنز ، بونه دن ؟

قادینده میل تجمل عیبسه ، ارککار
وایشته سز مثلاً بویله دایما دلبر
وشیق کزینمه ده معنی نه درکه سز فیکراً
وَخَلْقَةً اوکا حاکم سکز ، بر آز دوشونک

سوقاقده شیمدی کچرکن سویملی بر خانمه
کوزلسکز ، دیدیکزمی ، اوت امین اولکیز ،
بو صیرناشیق سوزیکزدن اومطلقاً محظوظ

اولور وبلکه ده حتی صمیم روحنده
بر اهتزاز تشکر طویارکه قابلسه
ویرر حیاتی بردن اوکیولی بر حسه ...
قادین نه دن اولیور زیب وزینته دوشکون ؟ ..
دیسهم قیزارمیسکزکه قاذینده صاف ونفیس
نهوارسه هپسنی ارککدر ایلین تلویث ...

دیه دوام ایدیوردم ، رفیق محترم
صیقلمش اوللی ، یاخود نتیجه دن نادم
یانم دن آبریلیویردی ، سوزولدی شوخ ولیب
اوزاقده بر قوقوتی کوردم ایلور تعقیب ...

زواللی فلسفه ، یاخود زواللی ارککار
قادینده وارمی قباحث ، سزک دکلی اثر ؟ ..



روحك احتياجی


بر قادیڼ پنجه سیله طیرمانه رق
صیزلامق ایستیور بوکون روحم ،
صیزلامق ، صوکرده متصل قانامق ؛
قاناماز اولدی روح مجروحم !

بر قادیڼ پنجه سیله .. پنجه دکل
صانکه بر نوردر او ، نورسحر ؛
ابتدا بر کریمه در مغفل ،
کیلیر صکرده روحدن اژدر .

قاناماز اولدی روح مجروحم ؛
قانامق .. ایشته پنجه عشق و حیات
قانامقدر الی الابد ، هیات ! ..

بر قادیڼ پنجه سیله طیرمانه رق ،
بر اثیری خیاله مستغرق ،
اویومق ، سوئمک ایستیور روحم ؟ ..

میدللی - ۲۵ تموز ۱۳۱۶



قادیئلغه دائر


طوروب مست تخیل بر زمان، صوکره اوزاقلردن
کلن بر حسی تعقیب ایلینلر اهتمامیله
اوزاقلاشدی بطی بر هیکل سودا خرامیله
یاننده قاینانشان خلقه تمایل ایلوب بعضاً .

اوزاقلاشدی ، یدنرمنده کی شمسیه فطرتدن
نه وارسه شوخ و مستغنی بتون روحیله سویلردی،
او بعضاً عادتاً خندان ایدی بعضاً مکدردی ؛
صانیرسک بر لسان راز ایدی ناز و محبتدن !..

بر آزطوردی و صکره هپ بو استحسان و تقدیره
کولوب بوش بر او موز سیلکبتیسیله قاچدی مستحققر،
بتون امیدلر سوندی پینده خائب و خاسر ...

— قادیئلر بویله در : اونلرجه حرمت بر بلاهتدر
قادین بر شیئه محکوم اولمق ایستر بر طبیعتدر
محبت اونده حتی منتظر در عتف و تحقیره !..

استانبول ، ۲۶ خرمیان ۱۳۱۶



کوزلرکه دائر

کولر بر سرمدی روح نوازش
سنک اعماق چشم سرمدکده ؛
آچار بر مائی کولکه مست لرزش
اوزاق بر افق پررؤیای خنده .

اوافقک بر سراب اولمش خیالی
اویور یلدای مژگانکده مسحور ،
اوچار بر مائی خولیانک ظلالی
سنک هر نظره پاککده مسرور ...

اوت ، چشمک سنک بر روحدرکه
دوکولمش ابتسامات سحردن ،
ازلردن بریکمش مایلردن .

ازلردن کلن اسراری حاکی ،
بوتون روح بدایعدرکه یکسر
سنک مینای چشمیکده کولومسر ..!

۱۰ حزیران ۱۳۱۶



قادينلغه دائر

« بيليرميسك كه قادينلق ديمك وفاسزلق
« ديمكه بردر ؛ اوت ، هر قادينده بركلبك
« حياتي وار كيدير ؛ بر قادين ايچون سومك
« بتون ظرافته قارشى بر اعتناسزلق ،

« بتون نزاکت جنسيهيه حقارتدر .
« اوت ، اوبعضى قادينلرده كورديكك ميلان
« سنكه بر زمان اكلنمك آرزوسندن ،
« بر آزده كندينى آلداتمه دن عبارتدر .

« بر آزده كندينى آلداتمه دن ؛ بو اونلرجه
« هوا ، ضيا كې بر احتياج مبرمدر ؛
« اوشى كه فائده سزدر ، قاديجه مظلومدر .

« قادين او بر كلكدر كه هر كلن آغاجه
« قونار و صكره او چار ... » بن ده اويله ظن ايدرم ؛
فقط براق او يالا سين سوروخ پر كدم ! ... *

ه نيسان ۳۱۶



[*] يا خود :

قونار و صكره قاچار ... بلکه طوغرى ، لكن بز
قادينلنى صانيرم كه بونك ايچون سوده رز ! ...

پیام دعوت


کل ، سنکله شو لیل تنهاده
روح بر روح اعتلا اوله لم ؛
بر اثری حیات خولیاده
روح سودایه آشنا اوله لم .

کل ، شو آلام زندکانیدن
ازلیت قدر اوزاقلاشه لم ؛
بن سنکله ، او حسن پاک ایله سن ،
کل فراز خیاله یاقلاشه لم .

کل ، اوت ، کل بو حسن پاک ایله سن
سکنا جای قراردر ماسکوت ؛
قاچه لم ، کل ، شو خاک سفلیدن ،

ایشته باق ، هر طرفده صمت و سکوت ..
شو کواکب که بی نهایتدر ،
نوردن بر پیام دعوتدر !...

۱۷ مارت ۱۳۱۶



پیام دورادور

بر کیجه ، اک فجیع وروحکیزا
بر حقیقت ایچنده ایگملرکن ،
بر سحاب مضيء عشق وهوی
کچدی افق سیاه عمرمدن .

کچدی ... اعماق روح تارمده
انکشاف ایتدی بر بهار بیاض ؛
شیمدی هرشی نیم جوارمده
بر بهار بیاض ایدر ایقاظ

بو بهاران ایچنده لکن بن ،
- بر خزانیدده قوش ملالیله -
ینه بی حسوبی امل ، مفتور

ایسترم : برسمای دیکردن
او سحاب مضيء خیالیله ،
ایسترم بر پیام دورادور !...

بروسه ، ۳ مارت ۳۱۶



آيرلقدن صوكره

كولرديكز بكا ، بحث ايلدجه عشقمدن ،
كولر و صوكره ترجم ايدردد سوزلریمه ،
« بوبرنوبت كيدير بزجه - ديرديكز - ، بعضاً
بلا سبب كولرز بز ، صاقين سن ايچينمه ! »

كليرمي يادكزه ؟ بركيجه حرارتله
ينه كولوشلركزدن شكايت ايلركن ،
« صوصارميسك ؟ - ديديكز ، بروقار عصمتله -
بن ايسته مم ، بكا بحث ايمه هيچ محبتدن ! »

بوكون سزي دوشونوركن بوتون او خفته
ندامت ايلورم بن ؛ فقط بيليرميسكز ،
آجيرسكز كوزدم شيمدي كورسه كن بن سز .

بوكون كه سزدن اوزاق ، بي اميد و دربردم
امين اولورميسكز ، ايسته اعتراف ايدردم :
يابانجي اولماديكز هيچ بيم محبتله ! ..

۲۳ كانون اول ۱۳۱۵



هیهات

بتون جسارت عشقه بن کچنلرده
جوار لانه حسنه کده برزمان کزهرک
جال صافکی برکره ایستدم کورمک .

اوکون اوزون سنه لردن بری خیالده ،
اویوتدیغم هوس عشق و شدت سودا
بتون حواسمه ایتشدی صانکه ، استیلا .


کوزم نه کورسه کوزلادی کوزلاکسکه سنک :
سنک ترانه شعرکدی دویدیغم سسلر ،
سنک هوای لطیفکدی منتشر ، یریر .

یورور ، طورور ، باقینیرکن ، نصلسه پنجره کاک
هان حناسنه کادم ؛ او آنده صانددمک ،
طمارلرمده قائم طوردی ؛ کیم بیلیر بلکه ...

خایر ، هنوز چیقهمازدک فراش نازکدن ،
هنوز صباح اولیوردی ؛ افنده رنک خمار
طاغلاماشدی ، وخولیا ایچنده هپ ازهار

اویوقلیوردی ... حرارتله قاورولان باشمی
جدار لانه که قویدم و اویله مست حیات
سنکه بن باشادم برزمان ایچون ... هیهات !

۱۹ کانون اول ۱۳۱۵



شب روحم

منمنلی زاده طاهر بکه —

کیجه اجرام بی نهایتدن
دو کولن هر شعاع دورا دور
کتیریز بر پیام نورانور
بکا ادوار سرمدیتدن :

دیکلرم بر زمان غریب وملول
خالقتک نغمه سرائینی ؛
کورودم صوکره هپ قرین افول
شب روحده روح طائرینی ...

هپ قرا کلق ، اوت ، قرا کلقدر :
شب روحده پارلایان شیلر
ظلمت صرفه انقلاب ایلهر .

سن فقط ، آه ای ندیمه جان ،
بکا بر کره مبتسم باقسهک
بو قرا کلق الی الابد داغیلیر! ..

۲۲ تموز ۱۳۱۵



برنجی تمنی

بیایر میسک ، کوچوچک بر چوجوق حجابیله
سنک کلیر کچرم دایما جوار کدن ؛
فقط سنی کورورم بلکه ، اضطرابیله ،
هان اوزاقلاشیرم لانه قرار کدن .

هان اوزاقلاشیرم ... سن بنم خیالده
کوزلککگله بتون حاضر و مشککلسک ؛
هجوم عشق ایله بر آن انفعالمده
بن ایسته مم که او آهنگه بر خال کلسین ...

خایر ، خایر ، سنی کورمکدن احتراز ایدرم :
حیات و فکر مه سن او یله حاکم اولدک که
أریر حضور جمالکده بنلکم بلکه .

أوت ، بودر بنی سندن فراره سائق اولان ،
فقط یتر بو تحسر ، بو شدت هیجان ؛
کورون ، سورونمسین آرتق شو عمر در بدرم ! ..

۲۸ حزیران ۱۳۱۵



بن بوکون خاطرات ماضیه مک
 ظل خولیای شعر نازنده
 رشحات املنوازنده
 یاشایان برزو الییم ، ساکن ...
 صانکه یاد خزانله لانه جدا
 برقوشم که اوچار اوچار ، یورولور
 و بولوطلرده برخیال وفا ،
 بریووا ، برامید آرار و بولور ..
 صوکره بردن سقوط ایدر مجروح ،
 دیگله نیر دلخراب و غمزده روح ...

دوکولن تویلریله نرم و حزین
 ایدوب آواره روحنی تسخین ،
 یاشار ایام عاشقانه سنی ؛
 داغیلان یا وروسیله لانه سنی
 متبسم کورور جوارنده ،
 دیریلیر حال احتضارنده ..
 و اولور روحنه حضور ممات
 ایتسام آور بهار حیات ...

اوح ، ای خاطرات معصومه ،
 ای خیالات دلفروز شباب
 روحی بویله دایما شاداب
 ایدیکزکه اولن امللرینک
 یاد حزنیه برامل کلسین
 شو حیات ملول و محرومه ...


ای بنم اک کوزل امللریمه
 غایه انجلا اولان کوزلم ،
 کل بوشبده حیات بیفریمه
 کل ، حضورگله تاب وفر ویرم ...

عشق صافگله ، عشق لالگله
سنه لردرکه ايشته نالانم .
قانمور ، قانمور خيالگله
سگا محتاج روح و وجدانم ..

اويله ساکن که باق فرازما ،
اويله شاداب نور و تابش که ..
اويله لبسته سرور و صفا ،
اويله مست اميد و خواهش که ..

کهکشان ، ثبات و سیارات
هپسی مستغرق مسار حیات ..
بو حیات ، کل اشتراك ایدم .

بزه یار اولیورسه حکم زمان ،
یتر ارتق بو خیت و خسران ؛
سینه صبری کل ده چاک ایدم ...



الحان التفات

بر سر سری خیال ایله سرمست و بی قرار
دشت حیات ایچنده کچیردم شبامی .
افقمده دایما آچیلیر بر درین مزار
بن کوممک ایسته مم ینه قلب خرابمی ..

بن کوممک ایسته مم و بو قلب خراب ایله
هر شیده بر امل دیله نیر ، صوکره ایگله رم ...
مجهول ایکن بو کون بکا بر طاتلی سس بیله
عرش وزمینی ساکت و مبهوت دیگله رم ...

بر سر سری خیال ایله سرمست و بی قرار
عمر حزینم ایلیه جکدر بنم گذار
بر نغمه وارد اولمه دن اعصاب کوشمه .

لکن اوسس که بن آرام ، ملهم و بلیغ ،
ممکن دکدر ایتیه جکدر اوت دریغ
الحان التفاتی قبر خموشمه ...



برينه

بر شوق سماوی کجی مسرور شبات
کچدک ... کولیوردق بتون اشیایه ، بهاره ؛
کچدک ، و سنک شوق سرورکه طبیعت
غرق اولدی مساره ...

کچدک ... کولیوردی سکا ازهار وچنزار ،
حیران ایدی اطوار دلارامکه هرکس .
طویدم که بو آهنگ عمومی ایله بر سس
انشاد ایدیوردی سکا بر شعر هوادار ...

طویدم ، و بتون روح علیمله بو شعرک
اذواق سماویسنه دالدم متفکر ،
بر عمر سعیدک بتون اشواقنی بربر

یاد ایلیه رک ... شیمدی خیالمه بو شعرک
آهنکسه پیرو اوله رق آغلا یورم بن ؛
قاچ قاچ ، ملکیم ، قاچ بو یرک خنده لرندن !

۲۹ مایس ۱۳۱۵



باران آمال

بوگون حیاتمه برنشئه ویرمک ایستیه رک
دکز کنارینه ایندم ، زمین ، سما هرشی
سکون ایچنده ایدی ... هرطرفده پیدرپی
حلول فیض بهارانه خاص ومستثنا
براهتم تیزین کولومسیوردی : - دیمک


صمیم روحی بر پارچه دیگله مک ممکن . -
دیدم ؛ وَ برقایغه آتلا یوب بونیتله
همان اوساحلی تعقیبه باشلادم . ساکن
دکز، بلوطدن اثر یوق افقده ، دورادور

برابتسام خفیف زمردین سرور
پارلیدیوردی ، وَ ساحلده یم یشیل طاغیر
تخیلاتمه "بررنک تازہ ویردی ؛ صولار
کیدی روح ملولم ؛ اوت ، دیدم ، بی شک

امیدسز یاشامق ، صکره بی نصیب اولمک ...
حیات بویله دکلدر ؛ وَ هست شعر خیال
اوزاقلاشوب کیدیوردم : خراب بریالینک
شکسته پنجره سندن ، خرابه دله

دوکولدی پنبه ، یشیل ، مائی برقوجاق آمال !

۷ مارت ۱۳۱۵



تخطر

کلیور کوشمه اوزاقلردن
بر درین سس که آشنای خیال ؛
طانیرم ، بر زمان شفقلردن
بکا قالمشدی یادکار ملال .

بر زمان دجله نك کنارنده
دولاشیردم مکدر و بی تاب ؛
آقشامك رنگ اصفرا رنده
کومولوردی بتون امید شباب ...

طانیدم بر زمان ، بوکونکی کبی
خاطر مده ، اونهر خوشجریان
بکا ویرمشدی باشقه بر خلیجان ...

بر درین سس ، اوزاقدده لوح شفق ،
اوقویوردی - ملول و مستغرق -
بر کوزل شعر محرق عربی !

۱۵ شباط ۱۳۱۴



پنبه بر تصویر قارشایسنده

- ابراهیم جهدی به -


ظلام یأس ایله مفتور اولان حیاتمده
سَنَك بظلال جمالکله بر بهار اولدی ؛
وَ او یله آکلا یورم که تصور اتمده
بتون خیالکله موقوف انتظار اولدی ...

بو کون فضای خیالمده نور پرورد
سَنَك لبکدن او جان تازه ، پنبه برخنده ؛
بو پنبه خنده - که روحکله هب مزهر در -
دو شور دی روحی بر تازه ، پنبه امیده .

اوت ، بن ایستیورم که بو پنبه خنده سَنَك
سمای صاف حیاتکده بویله پارلایارق ،
بتون بکارت شعریله شاد و مستغرق ،

هوای عمریکی بر پنبه رنکه غرق ایتسین ؛
وَسَن بوشعر سعادتله ، ای فرشته مال ،
شباب و عشق ایچون اول تازه ، پنبه بر تمثال ...!

۲۹ کانون ثانی ۱۳۱۴



شام حیات

قاره ... صواعق اعصار وقهر امواجه
کو کس ویره ویره دهشتلی برقدید اولمش ،
فقط بوکهنه قایا پک عیان که اولجه
شوغملی ساحله برکرسی سدید اولمش !

کلوب کلوب یالیور شمدی ناز ورقته
دکتر آياقلىرى ... صکره ریزه الماس
دوکوب دوکوب کیدیور ... صانکه هپ بوصورتله
کچن زمانه ندامتلى ایلور احساس !..

کونش افقلىرى الك صوك شعاع زرديله
ضیالیوردی ... کوروندی بویرده پک بیتاب ،
سونوک نظری بری .. برخیال تار سیاب

یغیلدی برطرفه ، قیش هوای سردیله
جهانی طوگدیریوردی .. او منطقی کوزلر
دیکیلدی قالدی قارا کلق ایچنده لال کدر !..



ترانه خسران

اوچار کیدی او گمدن پر ابتسام سرور
بتون شبا تمك الك كزیده آمالی ،
اوچار کیدی ... و قلبمده بر این فتور
اویوتدی حسلرمی ؛ شیمدی هر طرف خالی

کوروندی روحه ؛ صوك بر نكاه حسرتله
بو عمر زائل پر شوقی ایلدم تعقیب ...
واولدیغم یره دوشدم کمال رقتله ،
بتون شباب حیاتمده بی امید و نصیب .

بتون شباب حیاتمده ... بن بیلیرمیدم
طمارلرمده کز رکن زلال شوق و سرور ،
نصیب ایمش بکا بر بویله انکسار فتور .

بو کون حقیقتی درك ایلدم ؛ اوپك بی سود
زمانلرمدن اولوب شیمدی جمله نادم ،
شو روح بیکسه ایتدم تمام وقف وجود !

۱۷ تموز ۱۳۱۴



خندۀ عدم


ایندم دکنر کنارینه برشب ، هوا لطیف ،
آسوده هپ جوار وسما تابناک ایدی ؛
یریر ظلام ایچنده کی برتابش کشف
ویرمشدی قارشى ساحله بررنک سرمدی .

کاهی تموج ایلیه رک بحر پرسکون
برنور سربیلیردی ردای سیاهنه ؛
برسس که کاه اولوردی ملال اور درون
بگزرردی بریتیم قیزک کیزلی آهنه .

برقاچ بالقجی صندالی کچدی اوزاقلره ...
بحرک سکون حزنی ینه عودت ایلدی ؛
روح ملولی کنديسنه دعوت ایلدی ؛

طالدم یم تفکرده ... کورددم که قاپ قاره
برشی چکر کی بنی عمانه دمبدم ..
قاچدم .. پیمده قهقهه انداز ایدی عدم .

۷ کانون اول ۱۳۱۲



بربوسه غرام

- ع . نادر بکه -


برنجره اوکنده او طور مشدی بر ملک
بروضع دلفکار تفکر نما ایله ؛
مغموم ایدی ، یوزنده کی دنک بها ایله
شایان ایکن اودلبره دائم کولومسه مک .

برنجره ، اوزاقده قویو مائی بر فضا ،
پیشنده پنبه کولکه لی برکشن ظریف ؛
اعماق پر صفاسنه بیک طائر لطیف
برشوق عاشقانه ایله ایتمش التجا ...

بر موسیقی روحنواز وهوافزا
خندان ایدی اوکشن زیباده جابجا ،
ساریدی روح عالمه بر لون ابتسام ؛

مغموم ایدی فقط او پری سما حرم ،
هیچ کور میور کی بومعالی بی دمبدم ؛
مست ایلمشدی روحنی بر بوسه غرام !

تشرین اول ۳۱۲



نیاز محبت

اوطوروب بر دره کنارنده
سیرآب روانه دالمش ایدك ؛
أل آله ، اویله خیلی قالمش ایدك
بر كوچوك اورمانك جوارنده .

تتره دی بر خفیف رعشه ایله
دست بلور تابسوز نكار ،
ایدوب اندیشه دلی اظهار ،
دیدم : « ای دلستان ، نهوار سویله ؟ .. »

سوزه رك سویله مائی کوزلرینی
بنی بر مائی نوره غرق ایتدی ،
شدت ابتلامی فرق ایتدی ؛

اوزمان کیسوان اسمرینی
یوزیمه سرپدرک دیدی بیتاب :
« یاواش ای عمر ، ایتمه شتاب ! .. »

۲۷ ایلول ۱۳۱۲



دیلنجی قیز


قیش اورتہ سیدی .. هوا پک صوتوقدی ، یرلردہ
بر آرشونی متجاوزدی غالباً قارلر ؛
صوتوقدی ، خاطرہ کلدجکە اللرم صیزلار
اوقیش ، اوت اوشتای سفالت آوردہ

سوقاقدہ طوگدی صانیردم قائم برودتدن ؛
صوتوق صوتوق جکرمدن کچردی بادوزان !
یولمده هر کیمی کورسہم بنم کی نالان
اولوردی تتریدرک سردی طییعتدن .

براقشام اوستی .. بوتون طوگمش اورتہلق ، هرکس
تلاش ایله متوجہدی کندی خانہسنہ ،
الندہ بر ییہجک نقل ایدردی لانهسنہ .

ایرشدی کوشمہ پک اینجہ ، پک کوچوک برسس :
اوقارلر اوستہ دوشمشدی بر زواللی ملک ،
مورارمش آغزی ایله دیردی : « بردیلیم اکمک ! »

اغستوس ۳۱۲



اوکا

بیلیرمیسک عجیب سن نیم حیاتمده
بوگون ندمرتبه تأثیر وقدرتك واردر ؟
خایر ، اوت بیلهمزسك ؛ فقط ممامده
اوقو ، بوشعر حزینمله نسبتك واردر .

اوقو ، بوشعر حزینم سنك هدیه گدر ؟
بیلیرمیسك اصل اولدی ؟ بر آقشام اوستی ، هوا
صیجاقدی ، تقسیمه چیقمش ایدم یانمده کی بر
کوچك وبوش ماصهدن کادی برخیشیرتی بکا .

باشم خیشیرتییه دوغرو یواش یواش دوندی ؛
سنی کورنجه شاشیردم .. بوشوق وحیرتله
— دگزر اوگمده کولومسر ایکن مسرتله —

بتون وجودمه بررعهشه کادی ، هپ سوندی
بو منظره : قبا برشخصه پك آچیق کولدك ،
دو کولدی قلب رقیقمده آچدیغك کلبن !

استانبول ، ۲۸ حزیران ۱۳۱۴



بیلیرمیسک ؟ ..

بیلیرمیسک ، شو اوزاقلرده جابجا کورون
ستاردلر - که برر شعر پرلطاقتدر -
سنک او کوزلرگک نور دلپذیرندن
اوچان اثر معانی سرمدیتدر !

بیلیرمیسک ، شو کلستانده منکشف ازهار
- که نور نور ملاححت ، که رنگ رنگ بهار ! -
سنک ظلال جمالکله بوی حسنگدن
دوشن ربیع شباب ومال عصمتدر !

بیلیرمیسک ، شوزمین وسماده پرخلجان
سرود ساحر ومستی فزا دهانگدن
چیقان ترانه آهنگ شعر وحکمتدر !

بیلیرمیسک که طلوعکله ، ای ندیمه روح ،
حیات مردهمه برفیض تازه ایتدی سنوح ؛
بوکون بنی یاشاتان برخیال ایچنده سنک

محاسنگله نجم ایدن - عادتدر .

۸ مارت ۱۳۱۴



وداع

هر کون بر اقبال امید نوین ایله
آتی به ربط قلب ایدرک ، تام اوتوز سنه
ایشته ایگله دم ...

ماضی ، بوتون حیاتی بی سود و بی اثر
تصویر ایدن اودوره عمر مده بن نه لر
- هیات - دیگله دم !

برموسبق کاذب و پر نشوه دائما
گوشده بوجه خیز ترنم ، هوا فزا

بر سر سبزه کوی

هر شیده بر خیالت آرادم ؛ بوکون فقط
کوردم که هی املارم آزرده ، هی سقط !

شیمدی بر صبی

حزنیاه ایشته اغلیورم ... ارتق ایسته مم ،
طولدوردی عمر تلخمی زهرابه ندم !

۲۲ شباط ۱۳۱۳



بر فقير

صاللاندى ... طوردى . بردها صاللاندى . تترهدى .
قارشيمده پك ضعيف ، فقط شانلى بر فقير
پژمرده برقيافت ايله ؛ وجهى پك منير ،
سياسى دلگشا ، نظرى بى مجال ايدى .

صاللاندى ... كورميوردى كوزى باصديغى ىرى ،
طوردى بولوب او صاللانيشيله موازنت ...
صاللاندى بردها ... اوزمان ايسته كوزلرى
رشي كورون كى بكا صاللاندى عاقبت ،

طوردى ... بن آكلادم آنى آزاده سؤال ،
ويردم نه ايستيورسه ، او آلدى بلاجواب ...
صوكره داياندى دكنكنه ، دوندى احتمال ..

يوق دوئمەمشدى ، بردها صاللاندى ... طاق ، ديدى ،
دوشدى بونجه .. طوتدم الندى پر اضطراب
قالديرمق ايسته دم ؛ « بنى راحت براق . » ديدى ..

ايلول ۱۳۱۳



آطه دن عودتده

ياواش ياواش يوريوردی .. هوا غایت
گوزلدی آقشامه مخصوص اولان سکونتله ؛
افقلره چوکیوردی غریب بررقت ،
ياواش ياواش باتیوردی کونش مهابتله

فنار جوارى - که دونمشدی برچمنزاره -
شعاع شمس ایله لبریز شوق ونشئه ایدی ..
باقلسه فرق اولنوردی ظلال اشجاره
گولومسیور گی طورمش لطافت ابدی ...

کوکرته خالقنه باقدم ، غریق صمت وسکون ،
واپور کورولتوسی یوقدی ؛ فقط فشافش آب ..
آچیلدی روح ملولمه برحزین مهتاب .

ياواش ياواش کوچولوب شویله هیئت ناسوت ،
کوروندی پیش خیالده باشقه برعالم ...
اویوتدی غملمی بررشاشه مبهم ! ...



بر چیچکدر که روح مفتورم
روح ظلمتده انکشاف ایتش
صانکه ظلمتله اتصاف ایتش
نور صاف حیاتدن محروم

او یله مظلم و او یله مو حش که
اولامش براملله تابنده
او یله ریان آه ونالش که
هیچ سماننده کوله مش خنده ...

آب و تاب حیاته بیکانه
وارلغك بر مثال جامدیر
منفعل بر شبابك اکوانه
ازلی زهر خند باردیدر ...

کائنات ، ای چیچکار ، ای قیزلر
آجیك روحك شو ظلمتده
شو یتیمیت وسفالتنه ...

بیلسه کز بعضی بن نصل صیزلار
نه قدر ایگلرم ، ذلیل اولورم
نه یه مسعود جهان و بن محروم ؟ ..

صکره سز بیلسه کز که وجدانا
ایدرم بن سزی نصل تقدیس
خلقتك بنجه اک کوزل ونفیس
شعری ازهار ترله قیزلردر
قیزلر ازهاره بلکه مصدردر
خنده لردر که سر مدیتدن
بشرك روح ازن المرینه
کتیرر سرمدی تسلیلر
صانکه اونلرله ابتسام ایلر
ازلیت ، سرائر اکوان
قیزلرك عصمتنده در تابان ...
آه سز ، ای بنات شعر آیات
بکا بر پارچه آب و تاب حیات
ویریکز بر زمان ایچون ، هیات ،
شو وفاسز طبیعتك یرینه .



کندی کندیه

سحرک فیض انشراحیلہ
روحه دوغدی برامید نوین .
اولسون تابش صباحیلہ
بوامیدم دخی زواله قرین .
بوامیدم دخی ، اوت ، عمرم
کچدی هپ بویله پرامید وخیال ..
هپ امل ، صوکره هپ فتور وملال ...
برضیا ، صوکره هپ ظلام وظلال ...
شیمدی هرشیده منطبع کورورم ،
پک درین ، پک زواللی برپوشلق ...
اوح ، سوداکه وهم وغفلتدر ،
نهسعادت ، نهذوق ولدتدر ..
ناکهان اک زواللی بوشلقار
اک کوزل برحیات ایله پارلار ،
سرپیلیر هپ جهانہ برخوشلق ..
آه ، ای نفحه املپرا ،
ای فسون بدیع ومستثنا
برپیام کرمله ریان اول ،
نشئه بخش حیات نالان اول ...

بروسه ، ۱۸ اغستوس ۳۱۳



کلیرمیسک ؟

سنگله ایسترم ، ای دلفکار ، بن تنها ،
اوزاق ، اوت ، يك اوزاق بریرنده دنیانك
زمانكذار اولهیم ، شاعرانه ، پرسودا .

دوشوب آياقلاڭكه عرض اشتیاق ایدیم
بلاغتيله بتون داستان سودانك ؛
صفای تاب نگاهكده غشی اولوب کیدهیم . .

کلیرمیسک ؟ بهاردر ،
حیات مستعاردر ؛
شو عمر تارمارمه
محبتك مداردر !

بهاردر . . بتون جهان
بودمده گلستان اولور ،
سمای صاف گلستان
نظیره جنان اولور .

بر ابتسام نشوهره :
کولر جهانہ سو بسو
دولار بو ابتسام ایله
جنانه نفخه هوی . .

کلیرمیسک ، بهاردر ،
حیات مستعاردر ؛
شو عمر تارومارمه
محبتك مداردر !

۲۷ مارت ۱۳۱۳




ايلاڭ صونئەم [*]

كوڭم كە حسرتكە كدورتىما اولور
يادك كلنجە خاطریمە پرففا اولور .
سنسك ویرن حیاتمە انوار مسعدت
ای غازە جمالی اولان رنك صافیت ...

سن کیم خطاب حسنکە نور آشنا اولور
کیم کورسە طور عصمتکی مبتلا اولور
بیلسەم نیچون حزین طوروشك ای پری صفت
انجمله برزمان که ایدردك ملاطفت ...

ای شانکە مناسب اولان شوق نوبهار
اك نشئەلی زمان شباب ایتدیمی کذار ،
هرشی سنك دە قلبکە ویرمکده می ملال؟

وجه قمر ایدوب دە بولوطلرله استتار ،
انجم اولنجه عالمه یریر ضیانشار
هیچ ایتیمورمیسك اوسکونتله حسبحال ...؟



[*] سلیمان نسیب شعرمنزده حتی جنابدن ، فیکرتدن اول صونە طرزینک مبدعیدر .

شرقی

دوشدم بهار ایچنده شو حال خزانه
ویردم بتون حیائی روح روانه
بیپوده چاره صورمه که درد نهانه
ویردم بتون حیائی روح روانه

بیپوده چاره صورمه که هر درده مبتلا
اولقله ایگله مکده ایمش لذت هوی
یچاره لکده حس ایدرک بشقه برصفا
ویردم بتون حیائی روح روانه




شرقی

روح کلدی جسمه تاب جمالکله سنک
دائما لبریز اشواقم خیالکله سنک
مست عشقم سحر الحان مقالکله سنک
دائما لبریز اشواقم خیالکله سنک

سنده بولدم بن بتون شیمدی حیات شعریمی
سنسک اجمال ایلین هپ سانشات شعریمی...

هپ سنی تصویر ایدر پشمنده الواح بهار
هپ سنک الحانکی تقلید ایدر لحن هزار
نجه هپ سنسک بوکون روح حیات مستعار
دائما لبریز اشواقم خیالکله سنک

سنده بولدم بن بتون شیمدی حیات شعریمی
سنسک اجمال ایلین هپ سانشات شعریمی



قصیده

« معارف ناظر اسبق زهدی پاشا مرحومه »

ظلمای لیل کیم ابدیت رداسیدر
 مهر خیاله قارشی حقیقت لقاسیدر
 یوقدر بتون جهان شهود ایچره بر جمال
 وارلق دیاری وارسه بونک ماوراسیدر .
 هر شیده رنک لایتناهیته ازل
 بر قدرتك تجلی عکس ضیاسیدر
 تعمیق ظلمت شب یلدا ی محدود
 روح علیمک ازل بر غداسیدر
 ایتدم ینه او ظلمتی تعمیق دون کیجه
 کوردم که هپ کدرلر مک آشناسیدر
 دوشدم اورتبه روح شبستانه کیم هان
 صاندیم اولیل مظلومی یوقلق قضا سیدر
 اطرافنی صارار کبی اولدی خیال لر
 حکم ایلدم بو حاله اولوم ماجراسیدر
 تسلیم ایدوب وجودیمی ناچار ، عمریمک
 « ای موت ، کل ، دیدم ، بودم انقضا سیدر »
 برده اوآن یاش و تحزنه و هاله
 - کیم قدرت معظمه نک بر عطاسیدر -
 افقیده بر پارلق کوروندی و بر صدا
 « باق باق دیدی بولطف و مروت ضیاسیدر
 تنویر ایدن حیاتگی بر کنز شفقتک
 انظار التفات سعادتفراسیدر
 بر کنز شفقتک که درایتده ذاتک
 علم و ادب اسیر قدیم ذکاسیدر
 بر کنز شفقتک که در اطف و رحمتی
 اصحاب حاجتک ارلی ملتجاسیدر . . »
 طویدم ولی نعمتمک بوی وصفنی
 صوصمازمیسک ، دیدم ، نه چو جلق خطاسیدر
 توصیفه هیچ صیغارمی اوکلیت کمال

قدرت بیله مصور عجز انتماسیدر
 فکر ودها نشیده طبع بلاغی
 روح سخن قصیده حکمتسراسیدر
 ذاتاً بیلیر ایدم که براقازدی ناامید
 بر عمری کیم توجهی محض بقاسیدر
 ای خامه سن دعایه شتاب ایله وقتیدر
 زیرا مدار مسعدتک هپ دعاسیدر
 یارب قیل وجودینی هر درددن مصون
 کیم ذاتنک اوسایه رحمتسراسیدر
 بر کیمسه سز حیاتی اوقورتاردی درددن
 بچاره بر شباک اومهر رهاسیدر
 یاذاالوجود لیلئه اسرایه حریمه
 کیم روح احمدک اوشب اعتلاسیدر
 اقبال تام وا کمل صحتله دائم ایت
 اول ذاتی کیم دوشونجه سی ذاتک رضاسیدر .




قصيده

« مجلس معارف رئيسی مرحوم حيدر افندی يه »

بشرکه، جامع اضداد بی نهایتدر
کمال حقه بیوک بر کتاب حکمتدر
بشردده قدرت مولا بتون فیوضیله
مجسماً کورولور صانکه ذات قدرتدر
نهدر اوشی که دیرز بز قوای عقلیه
اوکنلهده مترکم اولان نهقوتدر
نهدر ذکا و فراست ، نهدر شو فکر و خیال
نهدر بو حافظه کیم ضبط فهمه آلتدر
نهدر اوخارقه کیم خاکدان پستیدن
چیتقار سملره جوینده حقیقتدر
بوکون جهانیه دییورکه فنون موجوده
بشر ، دوشونمیکز ، مادهدن عبارتدر
فقط اوماده نصل بویله فیضیاب اولش
اوت اوماده که بی حس و بی ارادتدر
دوشون ، دوشونمه دیم ، ساده حکمه قالمیشه
دیمه دوشونجه لرم لازم قناعتدر
نهدر اوماده که تأییده سعی ایدرساک سن
وجودی هانکی حقیقتله سویله مثبتدر
دکایدن اوسنک کندی زاده و همک
بوسنجه وارایسه مفتاح سرخلقتدر
یکانه واسطه در حادثاتی تفسیره
دیماک که خدمتی بر مقصده وساطتدر
بر مقصده ایریشلرمی بشقه صورتله
چون بو واسطه مطلق قرین صحتدر
سنک تفکره غرق اولدیغک شو موجودات
وجود خالق سویلر برر بداهتدر
بوکائناتی اورب وجوده عطف ایتک

نه دن مغاير فن و خلاف حكمتدر
 ديرم كه ، فن ايله قابلي سويله ابطال
 سنك اومادهيه بخش ايتديك بوقوتدر
 هم اسان شريعتله بيلديكم مولا
 محيط عالم اولان برفضاي قدرتدر
 بتون خصايص روحيه و طبيعيه
 اوقدرته متفرع برر مزينتدر
 مؤثري اودر آنجق بوتون بو آثارك
 وجوده اصل اولان البته جوهريتدر
 كلير بوفكر يمي تصديقه بانك لاهوتي
 كه دلهي بكا برعالم فضيلتدر
 بر اويله عالم فضل و كمال و حكمت كيم
 ذكا تصور قدرنده لال حيرتدر
 تأملاتي بتون خير محضه دائردر
 تفكراتي بتون ناشر سعادتدر
 قلوب فاتره آندن اميدوار كرم
 عقول خاسره آندن قرين شفقتدر
 جناب حيدر افندي ذي سماحت كيم
 يكانه وارث انوار احمديتدر
 قلم نصل ايده بيلسين اوقدرتي توصيف
 اونا يپاره كه دائم غريق ظلمتدر ..
 فقط قصوريني عفو ايت له محض جرات اولان
 نوجهكله كان وهم قابليتدر
 دعايه باشلايم آرتق كمال صفوتله
 دعا مقام تشكرده فرض ذمتدر
 كمال عز و سعادتله كاهران اوله سك
 اووقته دك كه جهان صحنه حقيقتدر
 وجود محترمك كور مسون كمينه الم
 وجود محترمك كه ددار رحمتدر
 خدا دوشورمه دودست تضرع نوميد
 دعا ديمك سكا عرض كمال منتدر ..



قصیده

« اعیان‌دن ایکن وفات ایدن ذهنی پاشایه »

بوشیون‌کاه فانی برتجلیزار عبرت‌در
اوشیلرکه خیالی عد اولمش برحقیقت‌در
حقیقت‌در اوت هرشی بوهیچستان هستیده
حقیقت‌درکه هپ برغایه علوی‌یه علت‌در
حقیقت اولماسه ذهن بشرده یربولورمیدی
بوفنا حکمة اثبات اولمش بربداهت‌در
حقیقت‌در دیرم یوقلق نصل وارلق حقیقتسه
بوکونکی وارلغم چونکه اویوقلتدن اشارت‌در
حقیقت‌در اوشیلرکه تغیر ناپذیر اولمش
اوائلدن بری موجوددر ، مکنوز فطرت‌در
عدالت ، مرحمت معدوددر دائم فضائلدن
مروت رأفت وشفقت برر مقبول خصلت‌در
بوخصائلر ، فضیلتلر بتون بر مهر قدرتدن
فضای روحه عکس ایتمش برر نور عنایت‌در
حقیقت روح انسانیده باهردر کمالیه
بشر بالقوه زیرا اکمل مخلوق خلقت‌در
جهان تسلیمه حاضردر طبیعی فکر ودعوای
بنم برشاهدم وارکه مجسم برحقیقت‌در
وجودی مصدر فیض عدالت ، روح علویسی
مطاف رحم وشفقت ملجأ انوار حکمت‌در
وزیر بی‌نظیر وبی معادل ذهنی پاشا کیم
در اجلال وعزری قباله‌کاه قلب امت‌در
طورر پیشنده عرفان بشر سرمست خاموشی
بینده مهر نوار ذکا موقوف حیرت‌در
بتون ذاتنده جمع ایتشددر اوصاف کالاتی
اوبر شهنامه برجسته فیاض قدرت‌در

خطا ایتدم محققدن بوکیم توصیفه قالدیشدم
 سنک شان کمالک برترشان بلاغتدر
 نه چاره ای وزیر مرحمتیرا که لطفکدن
 حیات بیکسانهم شاد و مسرور سعادتدر
 بیایوب آدابی تکلیف سکوت ایتدمسهده خامه
 بیوکارجه ، دیدی ، عنو خطایا دآب شفقتدر
 خصوصاً مدح ایچون سن برقصیده یازمیورسک که
 مرامک انجق اول ذاته صمیمی عرض منتدر
 بوسوزلردن بولوب خیلی جسارت کل ، دیدم ، باری
 بویولده برغزلده سویله زیر رسم وعادتدر
 فقط برطرز مخصوص اوزره همده نوزمین اولسون
 که سوزده طور مستثنا دلیل فکر حرمتدر
 جواب آلام حقیق برطبیعیته خامه مدن
 مکمل برغزل طرح ایلدی حالا نه حکمتدر :
 سنک عشقکه ای آفت جهان مست محبتدر
 سنک برنظره مستانه لطفک نه دولتدر
 کولر روی زمان برابتنام نشوه دارکه
 وجود نازک کویا سنک روح سعادتدر
 کوکلر آستان حسنگه سربسته سودا
 کوزلکار حریم عشقکه کریان حسرتدر
 نصل مفتونک اولمام ای پری شعر وسودا کیم
 کوکل بالخاصه الطافکه شاداب مسرتدر
 آلهی تا ابد قورتولسون دل نار عشقکدن
 که سودای صمیمی عشق ذاتکدن علامتدر
 دعایه باشلایم آرتق اگر تصدیع ایسه کافی
 دعا هر برقصوری چونکه عفو وصفجه آلتدر
 یاشا ای آصف عالی هم عز و سعادتله
 بو عالم تا که لطف حمله مهده آدمیتدر
 دینیلین لاجرم زیر جناح مسعدتسایهک
 تجلیگاه رحمت ، قبله ارباب حاجتدر .



هر وقت ادعا ایدرم که ذکای ملیمنر ، هرشیده اولدینگی کبی ، بوتحول ادبیده دخی
هیچ بریرده مثلی کورولمین برسرعتله آز زمان ایچنده ، کندیسنه تصاحب ایتدی؛
وکیم نه دیرسه دیسین ، کندینه - متعرضلرینک بیله حیرت و تقدیرینی جالب -
برمسلك نوین تعین ایلدی .

بویچنده ایلریله مدن اول «دهقادانس» نه دیمک اولدینگی اکلایمق ایچون اورویا
حکمای ادباسندن برذاتی دیکلیه لم :

« صنعت ، علم الروح نقطه نظرندن مطالعه اولنورسه ، صور تلقی اشیانک
برافاده صمیمیه سیدرکه بوضوح تلقی ، منطقاً عروق مختلفه بی تحت انقیادینه آلان
مؤثرات اخلاقیه و مادیه ایله بوعروقک بالذات حائر اولدینگی قابلیات و تمایلات اصلیه
وکسیبه نك اتحادندن نشأت ایدر . صنعت بواختلاطدن تولدایدن حسیاتک برترجه سی ،
- اقوامک حقیقت مادیه اشیا به ویا تمایلات و عادات عرقه مغلوب اولمسنه کوره -
آزچوق حرفی ویا آزچوق خیالی برترجه سیدر . فقط بوخلیطه لرك مقداراختلاطی
نه اولورسه اولسون اولنورده حقیقت و شخصیت دنیلن ایکی عنصر ابتدائی دائماً
موجوددر . حاصلی هر صنعتک بر سبب وجودی اولدینگی کبی انحطاطکده برسبی
واردر .

« بر صنعت نه وقت ملی اولمقدن ، یعنی بر قومک ویا بر عرقک بتون اشخاصنه
شامل اولمقدن منقطع اولور؟ بر ملتده اعصار عظیمه صنایعیه نك وصف ممیز حاکمی ،
وتواریسی انحطاط صنعتک علامت باهر دسی اولان عمومیت ذوق ، نه وقت تواری
ایدر؟ نه وقت ، صنعت حسیات عمومیه نك تعبیر صادق و غریزیسی اولمقدن منقطع
اولور ، نه وقت هر کسک ولا اقل اکثریت عظیمه نك تأثر مشترکنی ، تهیج صحیحنی
طوغرودن طوغرویه ترجمه ایدر چک یرده وسائط فعل و حرکتی تحلیل ایتکه باشلار ،
وبو وسائطی غایه مساعی اتخاذ ایدرک اصل صنعت اولان صادقیت و غریزیت تهیجی
نظرندن غائب ایدرسه .

« بوا انحطاط ، عروق عالییه منسوب اولان بر شخصه عین مناظر قارشیسنده مدت
مدیده توقفی منع ایدن قانون سبیلله ، قطعی الوقوعدر . بالضروره بروقت کلیرکه بر مدنیت
وبر صنعت الهام ایدن افکار و حسیات بتون مواد نافعه سنی ، بتون نتایج مثمره سنی
صرف واستهلاک ایدر . وحتی فکر ، تحریک ایتدیکی جهت سائقه سیله آثار سالفه بی تقلید
وتکراره محکوم اولور . بو حالد تقلید وتکرار اولنان یالکیز افکار و حسیات سالفه اولماز .
او افکار و حسیاتک تعبیری ، شکل بیانی ، بوش و جانسز اولان شکل بیانی بیله
تقلید وتکرار اولنور . فقط یالکیز تقلیدک فکره هیچ بر لطفی اولمدیغندن بوندن
پک چایق بیقیلیر ، احتیاسی تجدد ایچون تعبیر جبر اولنور . واونک درجات افراطی ،

امكانك صوك حدلرینه قدر منطقاً تعقیب ایدیایر. بتون بتون یولدن چیقمش اولان
هوس شخصی، آزاده برمسلك اتخاذا ایدر. صنعت، یالکیز عامه یی بهته دوچار
ایتمک و مفصلارینک الاستیقیتته هرکیسی حیران برامقدن باشقه برشی دوشونمین
جانبازلرک حرکات فکیه سی قیمت و درجه سنده برمارسه اولور.

«بو حالدده عامه غیرمساوی ایکی قسمه آریایر: بر قسمی صنایع نفیسه مراقیلری که
کندیلرینی برزمره ممتازدن عدایددرک بومارساتده ارباب نزا کته مخصوص برحظ
خصوصی بولیور کی کورونمک ایسترلر؛ دیگرلری یعنی اهاالینک یوزده طقسان
طقوزی، بوايجه لکاردن برشی آکلامدقلری جهته صنعتله اصلا اوغراشمیه رق،
اونی طریق توارسی اوزرنده براقیرلر. و غرائب مصممه سیله نظر دقتی جاب ایچون
اجرا ایتدیکی بتون مجاهداته هیچ اهمیت ویرمزلر. بوشروط ایچنده اویتمش
معدن او جاغنده برق آلتون پارچه سیلر ده کشف ایدر جک قدر ماهر و یا خود زمانلرینه
نسبتله شعرك صنایع جدید سنی سچه بیلر جک درجه ده متقدم برق صناعتکار د تصادف
ایدرسه اونلرده بونلرده اغاب احتمال ایله لاقیدی عمومی آرد سنده کورلمه دن کچرلر.
» بتون بو حال قطعی الوقوعدر. بناءً علیه اوندن نه شکایت و نه دهه - باخصوص -

تخیرد محل یوقدر. فقط عروق مترقیه یی، افکار و حسیاتی صرف واستهلاکه،
اونلری یکی بر طاقم افکار و حسیات ایله لاینقطع تصحیح و اکمال ایچون صرف
واستهلاکه محکوم ایدن بوقانونک - نتیجه منطقیه تطبیقی اوله رق - کچن مدنیتلردن
صوکره یکی مدنیتلر حصوله کتیرمی و عین سبیدن دولای بویکی مدنیتلره مخصوص
یکی صنعتلر تولید ایتمی ایجاب ایدردی. اگر میلان ترقینک یاننده اونلکه
اوغراشان و اونی شدت و تحکمله اکثر یا ازن طبان طبانه ضد دیگر بر میلان اولسه،
بو بویا ده اولوردی. بر قومده بعضیلری تحریر اعلی ایچون ایلری به طوغری
آتلدقلری اثناده، دیگرلری تربیه، منفعت، اعتیاد، کسل فکری، خوف
مجهول کی سوائق ایله هر یکی شیئی رد ایدرلر.

«بو حالدده حکم و نفوذ آز چوق بر زمان ایچون، بالضروره مدنیت سالفه یی
اقامه ایدنلرک النده بولور. بونلر جمعیتک بوتون تشکلاتنه استناد ایلرلر. فضله
اوله رق - عدلیه اصطلاحنده «امثال و سوابق» تسمیه اولنان - وقایع اونلرک
طرفنددر. بریکیلر ایسه ابتدا مبهم، ناقص و هر حالده تأیید تجربه دن محروم
امللردن، مطالبدن باشقه برشی درمیان ایدر مزلر. ماضینک باعث شرف و شانی
اولان اعتیادات فکریه قارشی، نظری بر استقبالک آز چوق مشکوک لمه لرندن
باشقه برشی میدان قویه مازلر. بناءً علیه کندیلرینی هیأت اجتماعیه ده متأسس، ثابت
نه وارسه هپسینک مقاومتنه چارمغه محکوم اولورلر.»

شیمدی بومطالعات عمومی ادبیات عثمانیه به تطبیق ایدلم :

دولت عثمانیه ابتدای تشکله ، دین و موقع سائقه لریله ، عرب و عجمه اختلاط ایتشدی . عثمانلیلرک قومیت اعتباریله البته برمدنیتی وار ایدیسه ده صفت کاشفه سی جنکاورلک اولدیغی کی مدنیت قومییه سی ده حظوظات مغنویه سی استیفا ایدجک درجه ده دکلدی . بناءً علیه برمدنیته یعنی علومه ، صنایعه احتیاجی وار ایدی . عرب و عجمه اختلاط مزدن دولایی ایکی مدنیتک ، عرب و عجم مدنیتک تحت تأثیرنده بولنیوردق . مناسبات بین المللک صورت جریانندن مستنبط برقانونه توفیقاً بالنسبه عالی اولان اوکی مدنیتک ، بزم مدنیت قومییه مزه غلبه ایله تقرری طبیعی ایدی . اولیه ده اولدی . فقط نه عرب مدنیتی ، نه ده عجم مدنیتی تمامیه تقرر ایتدی و ایده مزدی . زیرا اوزمان علوم عربده و صنایع عجمده مترقی اولدیغی کی بزمده کندیمزه مخصوص قابلیتات و تمایلات وار ایدی . خصوصیه بحسب الدین عربی ایله توغل ایدیوردق . بناءً علیه ینه اولیه برقانونه و خاصه بومشغولیت دینییه توفیقاً عرب مدنیتندن علمی ، عجم مدنیتندن صنایعی آلدق . واقعا آرد صره صنایع عربده مراجعت ایتدک ؛ فقط اوصنایع ، قابلیتات و تمایلات عرقیه مزه ملایم اولدیغی ایچون ، ممکن دکل ایچمزده قرار ایتدی . بختی صنایعه متعلق اولایغندن علوم حقنده بسط مطالعه یه قالمشمیه جغمر کی ، صنایعندن ده موضوع اعتباریله یالکیز صنعت ادبیاتی قاله آله جغز .

عجم صنعت ادبییه سی بزده حق غلبه سی تأمین ایدنجه اولای قواعیدیله ، صوکره بوتون خرافاتیله ، بتون خیالاتیله افکار مزه استیلا ایتکه باشلادی . برزمان کلدی که یازدیغمز شیلر صرف عجمانه اولدی ، صرف فارسی اولدی . بعض دورلرده مبالغتمز ، خیالمر عجملری بیله کولکه ده براقدی . نهایت آ کلاشلماز ، چکیلمز شیلر وجوده کلدی . هر اثری زمانه کوره تقدیر ایتک لازم کله جکندن - هیچ برشی آ کلاشلیانلری مستثنا اولق شرطیه - بو اثرلر زمان انشادلرینه ، اوزمانک مؤثرات اخلاقیه و حکمییه سنه ، اوزمانک تمایلاتنه کوره کوزل شیلردی . بو اثرلردن بعضیسی زمانمزده بیله مقبول و مرغوبدر ؛ چونکه اونلرده ، ادوار ماضیه یه منسوب اولماق برابر ، برصادقیت ، برغریزیت و الحاصل برشخصیت واردر که بزم روح ملیله هر زمان هم آهنگدر . فضولینک ، باقینک ، شیخ غالبک ، نفعینک ، ندیمک آثاری کی .

فقط اکثریت تقلیده او قدر مغلوب ایدی که یازدقلری شیلرده هیچ صادقیت و غریزیت یوقدی ؛ و بتون سعی و غیرتلی مواد و وسائط انشادک صورت استعمالنه منحصردی . شیمدی ذکر ایتدیکم شعرادن باشقه کلوب کچن قدمای شعرانک

آثاری کی

بوندن اوتوز سنه اول، ابدان برقچی فرانسزجه تحصیل ایتمیشدی. اولسانده
 یازیلان آثارک سهولت بیانی، اوسهولت بیان ایچنده شمشعه زاولان لطافت و عذوبتی
 کورونجه لسانمزك افاده مرآمده نه قدر ناقص اولدیغنی آکلادیلر. السنه غربیه ده،
 باخصوص فرانسزجه ده کوردکاری بوفائده یی لسانمزه ده نقل ایتک ایستدیلر.
 برولوله در قویدی. قدمای ادبا بو ادبیلرک طرز بیانیله اکنمکه، «بو شیوهر
 لسان ادبه صیغارمی؟» دیمکه باشلادیلر. صوکره اونلر بسیط شیلر یازمقله برابر
 قدمادن دها مغلق اثرلر وجوده کتیره بیله جکلرینی ومع مافیه مهارتی ینه لفظدن
 زیاده معناده آرادقلرینی اثبات ایدنجه بریکیلر شاشدیلر و بالضروره صوصدیلر. غلبه
 ادبای جدیدده، باخصوص ادبیات جدیدنک مثال مشخسی اولان برذاتده قالدی.
 برقچ سنه صوکره ایدی که ادبیات جدیدنک کمالیه تأسسی وارباب سوء تفهمه
 قارشلی الی الابد تأمین مصونیتی ایچون بتون اساسلرینه متعلق تعریفات «تعلیم ادبیات»
 ایله تدوین اولندی. ایشته اوزمان ادبیات عتیقه غیرتکشلری ادبیات جدیدنک
 بتون حدود واشکالیه میدان چیقیدیغنی کورونجه شاشیردیله واولانجه قوتلریله، تعرضه
 باشلادیلر. بوتارینخدن برقچ سنه اول شعرده برصاحب دها ظهور ایددرک نثرده
 وجوده کلن تجدیدن دها پارلاق بر اثر تجدد کوسترمشدی. اوزمانده یتشن ارباب
 قلمک بر قسمی بوایکی دهانک نثراً و نظاماً وجوده کتیردکاری آثاره برر منبع الهام
 کی نصب نظر حسرت ایددرک «تعلیم ادبیات» ک تعریف وتیین ایتدیکی ادبیات
 صحیحه دائره سنده یازی یازمغه قویولدیله. بر قسمی ینه ادبیات عتیقه طرفدارلرینک
 غیرتنی کودمکه مشغول قالدی. اوصرده برغزته، ادبیات منقذلکنی درعهده
 ایتدی. واقعا تنقیده پک زیاده لزوم واردی.

ادبیات عتیقه نک بیک درلوقیود طاقتفرسانی آلتند زبون قالان افکار، شیمدی
 اوکنده ایستدیکی کی سوز سویله مکه مساعد برمسلاک کورنجه بردن بره طاشدی.
 اوقدر طاشدی که غزتلرله یازیلان شیلر بتون منظومه لردن عبارت اولدی. بودور،
 بعضیلرینه کوره، ادبیات صحیحه نک تقرری ایچون پک مساعد برزمان ایدی.
 چونکه بتون ملتک قابلیت شعریه سی حال هیجانده ایدی. فقط بزجه زمان تقرر
 هنوز حلول ایتمه مش، زیرا ادبیات عتیقه دن قورتوله لی پک آز وقت کچمش ایدی.
 هیچ بریرده بوقدر آز وقت ظرفده یکی بر ادبیات وجوده کله مه مشدر. باخصوص
 تقرر ایچون هیجان دکل، اعتدال لازم ایدی که اوده مفقود ایدی.

بودورده ادبیات جدیده دائره سنده یازی یازمغه هوسلنلر وجوده کتیردکاری
 اثرلرده بعض یکی یکی فکرلر درمیان ایدیور، حسلرینی بدرجه یه قدر باشقه یولده
 تبلیغ ایده بیلیورلردی. کورولن یکیلرکله همان بزه یعنی تورکاره خاص اولمق اوزره

یابدیغنی یایق ایستیمیز . بزجه کوزللك بر ابدی حالت روحیه اولدیغندن یالکیز
 حالت روحیه مزی تصویر ایلرز بوحر کتده بالطبع ادبای سالفه وحاضره دن
 بر چوق استعاره لر ایدرز . چونکه دوید قلمزك بر قسمی اونلرده دویمش و بزده
 افکار و حسیات مزی افاده ایدجك سوزلر ، تعقیب ایدجك یوللر ترك وارائه
 ایتشاردر . اولا اوناره مراجعت ایدرز ؛ فقط بعض سوزلری ملایم بوله میز ؛
 دکیشدیریرز . بعضیاری فکر مزی ، حسمزی تمامیه ادا ایدمیز ؛ برینه باشقه
 برسوز ویا باشقه بر ترکیب ، باشقه بر جمله قویارز . بریر کلیر که یولی ده دکیشدیریر که
 مجبور اولورز ، دکیشدیریرز . صوکره بونلرک هپسی کفایت ایتمز ؛ فکرلرمز ،
 حسلرمز ، دها اینجه ، دها دریندر ؛ اوسوزلرله ، او وادیلرله بوا اینجه لکلری ،
 بودریندکلری آکلاتیه جغمزی کورورز . اوراده صرف حسمزه تابع اولورز .
 دوید قلمزی دویدیغمز ، ایستدیکمز کی یازارز . بونک ایچون بلسکه « ده قادن » [۱]
 اولورز .

بعض کره دوید قلمزی اولدیغی کی یازمقدن ایسه ، بر مثال ایله تجسم ایتدیرمک ،
 حسمزی تمثیل ایتک ایسترز . متلا کوزل بولدیغمز بر شیئه کوزل دیمنده اونک
 بتون اوصافی بر مثال ایله ذکر ایدرک سزه کوزل بولدرمق ویا اونلرده بولدیغمز
 محاسنی قات قات کیزلرک دوشونه دونه ، آرایه آرایه سزه کشف ایتدیرمک
 ایسترز . بویله یایق بر فکری ، بر حسی ، بر خیالی کوزلر قماشدیر هجق بر وضوح
 ایله یوزکره چارمقدن ای دکلیدر ؛ بر منظومه یی اوقور اوقومز شاعرك فکرینی ،
 حسنی همان کوروب طویقه له عین فکری ، عین حسی بر آز دوشوندرک ، بر آز
 تلاش ایدرک ، بر آز تهیج ایدرک کندیگز کورمک ، دویمق بیننده بر فرق یوقیدر ؟ ..
 اینجه بوفر قی انکار ایتک « انسان بر مخلوق متحسس و متفکر دکل ، بر مخلوق
 بداهیدر ! » دیمکه بر در . او یله ایسه آکلاتیلامیه جق شیلرک او یولده یازلمسی طبیعی
 دکلیدر ؛ بوسوز هیچ بروقت « هیئت مجموعه سی انسانی دوشوندرن ، هیجانه
 کتیرن شعرلر اوله ماز » مألنده تلقی ایدله ملیدر . بز او یله تحکیماته قالدیشه میز ؛
 خصوصاً که یازدیغمز شیلر آره سنده واضح اولانلری مهملرندن دها زیاده در .
 شومطالعانه کورده بلسکه سنبولیت اولورز . فقط امین اولمایدر که بز نه « ده قادیزم » ی ،
 نه « سنبولیزم » ی ، هیچ برینی ، هیچ برینی طانیمیز ؛ بر اثری یازارکن ، یالکیز تأثر اتمزد تابع
 اولورز . و اونلری اولدیغی کی ضبط ایدرز . بوکون « مالارمه » بیله سنبولیزم
 نامنده بر مسلک طانیدیغنی و کنیدیسنجه مسلک اوله میه جغنی سویلیور . بزده بویله

[۱] « ده قادن » کلمه سی بوراده « ده قادنس » دن دکل « ده قادیزم » دن مشتق


بر مسلك اسناد ايتمك نصل صحيح اولور؟.. ايسته اس مسلكمز بوندن عبارتدر،
وبز امينزكه ترقى هر شيئه غالبدر.

ماخذ :

استهتيك دولاناتور — موريس غريوو

استهتيك — اوژدن وهرون

۲۵ نيسان ، ۱۳۱۴





« بروسه » غزته سنك ۳۱ مارت ۳۱۳ تاريخلى نسخه سندن:

ده قادنلر

محمد رفعت بکه -

برادرم افندم

صباح غزته سنك كريد مهاجرين اسلاميه سنه اعانه مقصديه نشر اولنان فوق العاده نسخه سنى كوندرك عطفو فتاو احمد مدحت افندى حضرتلرينك بونسخه يه اهدا بيوردقلى « ده قادنلر » مقاله سى حقنده كى مطالعه مى صورمشسكز ومطالعه نامه نك بروسه غزته سنك ينه بومقصدله نشر اولنه جق نسخه سنه درج اولنه جغنى يازمشسكز . مقاله يى دقتله او قودم . مدحت افندى حضرتلرينك بتون قدرت مسلمه لريله ، اپى برزماندنبرى ادبى اشغال ايدن برمشلاهيه دائر مفصل وقطعى برحكم ويرمك ايستدكلرينى آكلادم ، هر وقت اعتراف ايدرم ، بن بوكى مسائله سوز سويلسكه اهل دكلم . فقط مادامكه اصرار ايدورسكز ومادامكه مكتوبم برخدمت خيريهيه مصروف اوله جق تكليفكزى قبول ايدرم .

اوت ديديككز كى مدحت افندى حضرتلرى برمدتدنبرى « يازيلان شيلرى هر كس اكلامليدر » قوليله اورتهيه آتيله رق ، اسلوب افاده لرى مسلك تخريرلرى سبيله برآزمغلق برآز مبهم اولان ادبى جديده يى مؤاخذهيه باشلامشار و كنديارينه برچوق طرفدار بولشلردر . بوقاعده برنقطه نظر دن يك طوغريد هر كسك آكلايه جنى ويا آكلايه بيله چكى شيلرى هر كسك آكلايه جنى لسانه يازمليدر . فقط هر كسك آكلايه ميه جنى شيلر ويا هر كسه آكلايه ميه جق شيلر اولسان ايله نصل يازيلور خصوصاً كه هر كسك آكلايه جنى لسان ، آكلايه ميه جق شيلرى افاده ده هر زمان قاصردر ..!

شمدى سز البته هر كسك آكلايه ميه جنى شيلرى ويا هر كسه آكلايه ميه جق شيلرى يازمقده نه معنى وار ديزسكز اوت ديزسكز چونكه اسانلر يئنده خلقتجه ، كريبهجه ، معيشتجه ، معلوما تجه و بناء عليه تاثيرجه ، تفكرجه كللى فرقار واردر .. برصنف خلقك وحتى هر شخصك بوتائيرات سبيله يله يكي ، كوردىكى طوبى ينى تى ديكرلرى يياوب كوروب ، طوبى من ؛ هر صنف خلقك ، وحتى هر كسك تاثيرى حسسى صرف كنديه مخصوصدر . مثلاً براديب مسلك حكيمى واديسنه كوره هر زمان حال فعاليتده اولان دماغيله كائنا تده يكي يكي ... كيزلى كيزلى برطاقم شيلر كورور . او كوردىكى شيلر كنديسى ايچون برر كنز خفا يادر معلومات موجوده سيله اونلرى آكلايه من ؛ فقط ، تعميق ايدم ايدم ، روحيا اونلر يئنده

برموانست پیدا اولور، اولر بؤکابعض شیلر الهام ایدر ... بوملهمانی کاغد اوزرینه قویق ...
 ضبط وقید ایتک ایچون کندینه مخصوص برلسانه محتاجدر ... اوت محتاجدر چونکه اوبیلدیکی،
 کوردیکی، طویدیغی شیلری؛ بیامیان، کورمیان، طویمیان آدمارک قوللاندیغی لسان ادا
 ایده من؛ بناء علیه اولسانک فوقنده کندی علمیه، کندی حسیله متناسب دیگر برلسانده
 افاده مرام ایدر، حتی طویغولری یکی اولورسه یکی کله لر .. یکی جمله لرده ایجاد ایدر .
 آرتق یازدقلرینی هرکس آکلایه من . آکلایه من دیه اویازمقدن منع اولمز ... آکلایه جقلر
 آکلار ... فقط بالفرض لسان عوام مساعد اولسه ده اوتأثرات، اوتخسبات بولسان ایله ادا
 اولسه بیله اقلیمآ، موقعآ، ادبآ، تربیه، علمآ، عادة، هرکس اوت ترکیه بیلن هر شخص
 بر ادیبک بر شاعرک روحنه عائد اولان اک اوافق ... اک کوچوک برتأثرینی ضبط وادراک
 ایده بیلورمی؟ اوحالده بؤکی شیلری لسان عوام ایله افاده ده نه فائده اولور؟ . بیلیرسکیزکه
 صنایع نفیسه الواح و آثار طبیعیه یی تقلید ایله باشلایه رق، علم و معرفت ایلرولدیجه تنوع ایتیش
 ومحاسن طبیعیه یی وبونلرک مافوقنده دائماً تبسمنشار تجلی اولان حسن مجردی تصویر وتبلیغ
 ایچون بعض یچاره لرک اجتهادات فطریه پرستشکاریسیله هیکلتراشلق، رساملق، شاعرلک،
 موسیقارلق کبی درت بیوک قول تشکیل ایتشدیر . بوسنایعه فطرة مجلوب اولان یچاره لرک
 بیکلرجه سنه در چالیشدقلری شی ... اوحسن مجرددن برنشان ویرمک ... اوحسن مجرددن
 کوردکلری طویدقلری شیلری اثرلریله عالمه اسماع ایتمکدن عبارتدر ! .. هیکلتراشلر اونلک ایچون،
 رساملر اونلک ایچون، موسیقی شناسلر اونلک ایچون، شاعرلر اونلک ایچون چالیشیر ! .. برهیکلتراش
 بررسام بر موسیقار بر شاعر ... اوحسن مجردک انوار فیضافیزیله خیالنه منعکس اولان
 الوان رنگا رنگک هبوط سایه نازانه لایق بر اثر ... یاخود، کیجه لری حرارت مسودا
 ایله کوزلرینی سایه دیکه رک اوظلام جابجا منیری تماشا ایله روحی برطاقم عوام علویه طوغرو
 سوزولورکن آهنگ نامتناهی طبیعتده طویدیغی الحان واشعاری اسماع وتبلیغه مساعد برنغمه
 برسوز سویله بیلورسه نه قدر بختیاردر ! .. ایشته بویچاره لر، بوخلقتلری بوفطر تدریله اک کوچوک
 شیده بیله بر بیوک پک بیوک شیدن نشان آرادقلری جهته، اثرلری هرکسک .. صنایع
 نفیسه یه وقوف واطلاعی اولمایان آثاردن استفاده ایتیان هر شخصک تفهم وادراک ایده بیلیمسندن
 متعالیدر ! .. غربدن بحث ایتیم .. بزده مثلاً موسیقی یی اله آلام .. بوسنعت وقتیه ممالک
 عثمانیه ده پک ایلرو کیتیش وبرچوق سماعیلر، کارلر، طوراکلر، شرقیلر یاپلمشدرکه حقیقه
 انافس آثاردندر ... برار موسیقی یه وقوفی اولان هیچ برحسن طبیعت صاحبی تصور
 اولنه منرکه بونلری اسماع ایله بسته سنه کوره عادتارقصان ویا کریان اولسون ... شمدی
 بوسماعیلردن بؤکارلردن ... هرکس هر ترک برشی آکلارمی؟ اوحالده هر ترک برشی
 آکلایه میور دیه بونلری آنقیمی لازم کلور؟ هرکسک طبقات مختلفه بشریه ده بولنان هر شخصک
 کندینه مخصوص موسیقیسی .. شعر یی والحاصل کندینه مخصوص صنایع نفیسه سی واردر
 او بونلردن آکلار چونکه بویله طویار ... اولجه ده سویلدم هرکسه آکلایه جق شیلری
 ویا هرکسک آکلایه جفی شیلری هرکسک آکلایه جفی لسان ایله یازمایدیر . بؤکی مؤلفانده
 غریب، ناشنیده کله لر، اوزون، قاریشیق جمله لر استعمال ایتاملیدیر . فقط حقیقتده برچوق
 حسیات مبعله ومقاصد عالیله پرورده اولان برروخک اوحسیات ومقاصدی ادا ایچون
 بتون روحنی تبلیغ ایتک اوزره بسبتون بشقه، فقط بسبتون علوی برلسان ادیبینی بکنمامک ...
 تزییف ایتک انصافه نصل صیغار ! .. اوت .. بؤکی فوائدک تعمینی ایسته مک برتمیدرکه
 حقیقه یک علویدر . فقط سویلدم ممکن دکلدر ..

مدحت افندی حضرتلرینک مخاطبلری اولان ذات « عربده امروالقیسلری ... قس بن

يوروتەجك ، دوشونديرەجك اقتسدارم يوق ، بن نه اولديغى ، نه ياپەبيلەجكمى ، ياپديغى
 شيك ماھىتنى تعين ايدەميورم صكرە استقبالى دە ملاحظە ايدەميورم . حالى تعيندن ،
 استقبالى ملاحظەدن عاجز اولان بر آدم نه ياپەبيليرسە ايشتە بن اونى ياپيورم ، سورونيورم .
 كتابلرىنى اوقوتديرەجق ، هضم ايتديرەجك ، خياللىرى طاتليلاشديرەجق ، حتى مديخەنى
 بكا سوديرەجك برشى ، بر موجوديت ، اوت ايشتە بواكسيك . بن اوفطرتلردنم كە وارلىق ،
 موافق وياخود مخالف ديكر بروارلقلا آكلاشيلير ، يالكنز باشنە هيچ برشى افادە ايتز ،
 هيچ برشى كوسترمنز . بونى آرتق قطعياً آكلادم بيلمەكە بويلە بروارلقە تصادف ايدەجكمىم ،
 يوقسە بويلە سونە سونە برات وكيك كتلەسى مى قالەجغى ؟

— « معشوقه خياليه » گە [۱] دائر سكا بر مطالعە نامە يازاجغى بيلمە فصلسە
 سويلەمشدم . اويلە برشى يازامىەجغى هيچ دوشونمەمش اولەجغى . منظومەك پك كوزل .
 بومنظومەنى كتيرون مكتوبكى ، پوستە خانەيە كيتمشدم ، اورادە ويرديلر . متهالكانە آچدم .
 ورينخم اوزرنندە اوقويەرق يورودم . اوقدر دالمشم كە خبر ويرمسەلر دكزە دوشەجكدم سنى
 تأمين ايدرم كە بواك خوشمە كيدن منظومەكدر . شمدى تىكرار اوقويورم . اووقت نچون
 كوزل بولديغى درخاطر ايدەميورم . بواوقويشده نه حس ايدرسەم اونى يازاجغى . بوملاحظاتە
 بلكە اسكى تاثرات دە كنديلكندن قاريشير : منظومەكده اول پك زيادە صميميت وار .
 اوقدر كە برنجى قطعەدن نهايتە قدر سنى تماميلە كورمك قابل .. معشوقەكى پك كوزل دعوت
 ايدىيورسك صكرە اوكا اويلە بر موجوديت كوسترييورسك كە قورقودىجى .. اوسندن قورقەجق
 كى ، قورقيور كى كليور .. فقط سن اونى بويلە ضبط ايتكە ، بويلە كنديكە باغلامغە
 مقتدر اولديغكى يواش يواش كوسترييورسك . آكلاشيلور كە قورقيور لكن سنك جاذبە كدن
 قورتولەميور وقورتولەمىەجق . بو بر تامل دكل عادتا بر مجادلەيە بكزييور .. صكرە سن
 علبە ايدىيورسك بوغلبەنى تعقيب ايدن و :

آچلدى شمدى برافق منور ودىكر
 اوزاتديغك او كوزل دست نرم ونازكە...

سوزلريلە باشلايان انشادك ، بى مجال ، آرتق سكا تسليم نفس ايدن معشوقەكى تأمين
 ايدەجك ، ديكلنديرەجك ، براوچوروم جاذبەسايە قورقولر ويرن آغوش احتراصكى بر
 بستر نرم سودا حرارتياە عرض ايدەجك برروش آليور .. كوروليور كە اودوشيور . فقط
 دوشديكندن ممنون .. سنك قوجاغكده ، قورقەرق كليركن ، كولەرك طوربيور ، صكرە
 دها زيادە صوقولەجق ، دها زيادە ايصينەجق ير آرايور وسن اووقت ، اونى دها زيادە
 غشى ايتك انچون بتون قوت وقدرتلكى بر طرفە براقەرق ، آرتق سندنە مجاوب واسير
 كورونمك ايتيەر ك ،

بزملا شيمدى باق ، اشيادە پرتخيلدر ،
 مكونات بو شب بكزييور خيالزە ؛
 بواينجە لكلى يالكنز قادين حياتى كورور
 وكوسترن دە اودر ديدە ملازە ...

دييورسك و بتون بو شعر بربرندە اريش ايكي روحك ، بربرندە ايرىكن نشر ايتديكى
 حرارتى برە تماميلە حس ايتدييور . انسان طمارلردن بر صيغافلق كچديكنى . وجوديە
 ايصيديجى وسوينديريجى بررخاوت ياييلديغنى كورييور . اونك انچون شعر كده صميميتلە برابر
 ايكنجى برشى دها وار كە اودە انسانيت . يعنى شعرك هم صميمى ، هم انسانى . بن بيليرسك كە

شعرده مادەنك علمېندەيم: اونده ايسترم كه كلهلر بياھ ائيري اولسون. سىنك بوئرگده او قدر ماديت اولديني وباخصوص صوگى ، روحى تخيله سوق ايتديكى ايچون ، بكا دوقوندى .
خاطرمدە ايكن سويليەيم : Albert Samain « آلبەر سامان » ك Jardin de l'infante اسمندەكى مجموعه اشعارنى كتيرت Mercur de France باصمىش آدرەسى شودر :
15, Rue de Echandé, Saint Germain, Paris . بعض شعرلرينى اوقودم . بكنه جكك كى .
برده Benjamin Constant ك « آدولف » نى تدارك ايتكه نادر برائر . ليبرەرى آشتەده باصلمىش . . —

— اولجه يازديغم كى بكا ثروت فنون كوندرمىورلر فقط متصرف رشيد پاشا حضر تلىرینه كليور . اوندن آلوب اوقيورم « شعيب » ك تەنە دائر ۵۰۴ نومروده يازدينى شيشى اوقودگمى . زواللى فيلوسوفى بيلم كيمه باقەرق خيرپاليور . محيطك انسان اوزرينه عادتا هيچ تأثيرى يوقش دينليور بوبابدهكى مطالعات او قدر تخفكه كولكه بيله دكرى يوق . بارى اصل قائلنى يازسهده بويلەدر ديسه نه اولور . بروسەده اولسەم ، امين اولكه ، آرتق دايانەمز اوزون برشى يازاردم . فقط بوراده ، هيات ...

— كچن كون ايتاليايه برشعر كوندرمىشدم شورايه استنساخ ايدهيمده اوقو :

سنگله

تباعد ايليهرك دائماً حقيقتدن
سنگله بن ياشارم بر حيات خولياده ..
سنگله مست اوله رق بويله محرميتدن ،
كولر سعادت عمرم بتون بورؤياده ...

سنگله پيش خيالده انكشاف ايلر
ازلارك بوتون انوار ايتساماتى ...
سىنك كذر كه نورگده تترەشير وسونر
سحرلرك بتون امواج ارتساماتى ...

سنگله نامتناهى طوغرو يوكسلەرك ،
بتون حقايقه رغماً ، مقرب ويكروح
اوچار ، اوچار كيدرم . صكره منكسر ، مجروح

دوشر ، دوشر ، دوشرم . بويله يوكسلوب دوشمك
بودر مدار حياتم . كليرميسك كوزلم
بوكونده عرش خيالاته طوغرو يوكسلەلم ؟ ...

۱۴ تشرين اول ۱۳۱۶

نصل ؟ سندن بونك ايچون بكا مطالعه گى يازارميسك ؟

— راغب بكك طريق بدلات نقديه سنى تحصيله مأمور اولديغندن خبرم وار ، فقط بكليە جكم . سن ، مناسبت كليرسه ، برشى چيتلات ، يوقسه سويله . محسن افندى صوك مکتوبنده رمضان بايرامنه قدر بکله مەمى رجا ايديوردى . اولدى اوله جق اونى ده اووقته قدر بکليه جكم . اونلر ده وقتك اولور ومناسبت دوشرسه بووعدلرينى برکړه اخطار ايدرسەك كافى . شمدى مطلوباتدن بحث ايدركن مدانيه ده براخييار حريفه وپرمش اولديغم درت پوز

غروشی خاطرلادم وسندي آرادم بولدم ايسته كوندريورم . بو سند موجبنه او حريقك
 يوز اغاج زيتونلكي ايكي سنه مدته بيم تحت استيجارمده در . فقط نهمه لازم بوسنه محصولي
 آلاجهي تسويه ايدرسه كافي . كلهجك سنه ننگكي اونك اولسون . سند سكا كليوريا نعل
 ايسترسهك اويله ياب . هر حالده بيم پاره مي تحصيل ايت وكوندر . مدانيه قائمقامي بو آدمي
 طانير . لوقظه جي طناش ده بيلير . اوراده كي مه صورارسهك كوستورلر . مدانيه اينديكك
 زمان بولدور وايسترسهك محصولي صاتهرق پاره مي كوندر . [۱]

— برادر ، سندن برشي رجا ايده جكم ، عمان ياپه جقسك : دوكتور شهرليان افندي يي
 كوررسك . او والده يه صول طرفنه عارض اولان بر نوع پاراليزي ايچون شيشه ايچنده
 آوروپادن كله قيرمزي رنگلي برحاي و يرمشدي كه پك ايي گاشدي . ايسودلي بروملي برشي
 اوله جق . شهرليان افندي يه ديديكم كي سويلرسهك او مطلقا درخاطر ايدر حايلر اجزاجي
 كيرقوريس افنديده واردور اورادن برشيشه آيلر بكا پوسته ايله كوندريرسك ، اولمازسه
 رچته سني يوللارسك آكلادگمي ؟ شهرليان افندي بو حايلره Curatif برتداوي اولق اوزره
 دوام ايتك لزومني سويلمشدي كوروشوركن بوني ده علاوه ايت . دوكتوره وكيرقوريس
 افندي يه سلاملرعي ده سويله . كيرقوريس افنديك اوغلني ده اونومه .

— صايغ افنديدن [۲] آلديك اوچ كتابله ديكر دردنجي كتابي بر محذور يوقسه
 پوسته ايله كوندر . كتابلر فنه عائد اوله جق دكلمي ؟

— فائقه تلغراف چكدگمي ؟ عودتده بكا كلهجكمي ؟ تيزه مك خزينه خاصه معاش
 سندلريني بوكون وقت قالمديني ايچون كلهجك پوسته ايله ، ايكي اوچ كون صكره يوللارم .
 — پرنسساله مخبره مي اداره ايدجكم ، قورمه . ياره آچق ذوقم دكل در ، ذاتا آچه مده .
 معصوملقدن ، خيالپرستلكدن بيقدم . كاشكه بنده هر كس كي اولسه يدم ...

— رفعت بك [۳] قارترلينه كچن كون جواب ويردم . يازارسه ينه جواب آيلر .
 بر آز كچ اولورمش . اوكا باقامل ، بني بيلملي .

— امين اول كه آرتق سكوت ايتيه جكم . اولسه مده هفته ده ايكي اوچ قارت وياخود
 مكتوبمي آلاجهسك . سعيدك [۴] وسنك مديحه ايله برابر كوزلركزدن والليركزدن اوپرز
 باقي مكتوب كوندر ايكي كوزم قاردشم نظيفم
 قاردشك
 سامي



[۱] سامي بك بواقراضلري هپ سوق انسانيتله ايدى . پير مانده نروتنك برقمسي بويولده هبئثرله
 الندن چيقدي .

[۲] سزار صايغ افندي كه اوتارينده بروسه رڤي ناضري معاوني ايدى .

[۳] خيرالدين پاشا زاده دوكتور جلال پاشانك مخدومي شاعر رفعت بك كه اليوم ادرنه رڤي اداره سنده
 باش كاتيدر .

[۴] سليمان نظيف بك مخدومي .

ایکی کوزم قاردشم نظیفم ،

کچلرده بر مکتوبکی ، صکره ایکنجیسی ، دونده اوچنچیسسی آلدیم سنی اوقومقله
نه قدر مقسلی اولدیغی تعریف ایدم . وار اول قاردشم . سوزلرک یاک طوغرو فقط بنده
اوقدر فلاکت کوردیم که نه یاپه جغمی بیله یورم . درشت اولق المده دکل . مع مافیه
مابوس ده اولیورم ، ینه حاله حمد ایدیورم . متوکل ولاقید اولق ، یو یاک ای بر شی در
و بن بونی یاپه بیلیم و یاپیورم صکره بعضاده شمدی یه قدر چکد کلرمی برر برر صایه جغم ،
« یاربی ! . بنی نیچون بو قدر فلاکته اوغراتیورسک ؟ .. » دییه حکم کلیور ، صکره ینه
استغفار ایدیورم . اوت بن متوکل و صبورم و هر شیئه قارشنی ینه حاله شکر ایدیورم .
فقط سن ، دوشون ، نظیفم ، بن نه بچاره و نه طالعیز بر آدم ! . .

— هوالر حالا دوزمه لمدیکی ایچون والده ده دوزمه میور . یاز کلیرسه بلیکه دوزمه لجهک
ویا خود بن جناب حقدن ایلک بکلیورم . بو خسته لق ای هوا و ای تغدی ایله قابل
تداویدر دیورلر . ای یدیرمه و ای ایچیرمه غیرت ایدیورم هوا یه ده حکم ایده بیلسم ،
یالکیز بو المدن کلیور .

— اون بش کون اول ازمیره کیتدم و اون کون قدر اوراده قاله رق قاردشمی ای
بر لیلی مکتبه ویردم . مستریخ اول . بر مدت آراسنده بولندینی آدملر اوکا هیچ بر تأثیر
اجرا ایده من . شیمدی کیردیکی مکتبدن انشاء الله ممنون اوله جق و اوراده کوزل کوزل
اوقویه جق در . نه یاپه یم ، هر شیدن اول اونک عافیتنی دوشونمک ایستدم و جناب حقه
متوکل اولدم .


— شیمدی بتون زمانم والده یه باقق و زیاده جه صیقیلیرسم هان سوقاغه چیقهرق بر
آز کزنمک و اکثریاده بوراده یکنانه محل استراحت اولان شکری آغانک قهوه خانه سینه
کیدوب پزه فا اوینامقله کچور . ایلک کونلر بر آز زیاده جه صیقیلیمشدم . حتی بر ایکی کون
کندمدن قورقدم . صکره توکل واراده غلبه ایتدی . شیمدی عادتاً کندیعه مالکیم واییم .
قاردشم مکتبدن ممنون اولور و اورانک هوا و حیاتندن استفاده ادرسه ده ای اوله جغم .
هاله والده ده یازله برابر کندینی طویلامغه باشلارسه هیچ بر شیم قائیه جق .

— بو کونلک بو قدر . بر آز سوقاغه چیقمه و هوا آلمغه محتاجم . ایکی اوچ کون
صکره ینه یازارم . حتی کچنلرده آلا ی طرزنده بر قطعه یازمشدم اونی ده کوندیرم . سکا
و طاش اوجاغنه عائد بر شی . . جمله یه جمله عرض احترامات ایدرز . باقی کمال حرمت و
محبتله الارشدن اوپرم . و مکتوب بریگی آلدجه عادتاً تازه حیات بولدیغمدن بنی مکتوبسز
براقمامگی ینه رجا ایدرم قاردشم ایکی کوزم .

قاردشک

پنجشنبه ، ۱۰ مارت ۱۳۲۱

سامی



ایکی کوزم قاردشم نظیفم ،

۳ تشرین ثانی تاریخی مکتوبگی ایکی کون اول آلام بورایه کللی اون بش کون اولدینی حالده هنوز لایقیه یرلشمک نصیب اولدیغندن جواب ویرمکده بر آز جیکدم . مکتوبگه تشکر ایدرم : ایکی و بلیکه اوچ سنه اولیورکه سندن بویله اوزون برشی آلامشدم سنی اوقوقله نه قدر متلذذ اولدیغمی بیلسهک سنه لرجه صوصمازسک مادام که بر یرده بولنه میورز باری یازی ایله کوروشهلم و مخابردیه حصر ایده جکمز زمانلرده منحصرأ بربریمز ایچون یاشایه رق حیاتی بر آز طویالم .

بوکون صوردردم ماندا پوست گلش فقط پوسته خانه ده پاره اولدینی ایچون یارین ویردجکارمش عزمی بک افندی یه یارینکی پوسته ایله طقسان آلتی نسخه کوندره جکم . اثره سیاحوان اولاری بی سودکارنددر [۱*] . طلف ایدیورلر ، آیریجه بر عریضه ده قدیم ایده جکم .

ها ، امان نظیف ، سکا ایچون یوز نسخه کوندرمیوبده طقسان آلتی نسخه کوندردیگمی بردرلو آکلایه مامشسک صکرده ده نیم زوالی منطقه له اکلنیورسک . دیکله و آکلا : کتابک یکرمی درت دانه سی تام بش کباو کلیور بش کیلو ، ثقات ایچون ، حد غایه در یینی پوسته اداره سی بش کیلویه قدر اولان بر ثقات ایچون یدی غروش آلیور بر درهم فضله اولدیغی یدی غروش ده ا ویرک لازم کلیور . یدی غروش ساحله شمندوفرله مربوط اولان یرلر ایچون در ساحل اولان برلره بش غروش آلیورلر شیمدی آکلادگمی درت کره یکرمی درت طقسان آلتی ایدر یوزه ابلاغ ایچون درت کتاب ده ا علاوه ایتسه م یدی پی فضله ویرمک ایجاب ایده جکدی . بکندگمی ؛ امور صرافیه ایله مشغول اولدیغکه کوره بو تصرفم بلیکه خوشگه کیده جک در .

بوسفرکی ردوس سیاحتک میدیلایدن از میره قدر اولان قسمی بک سفیلانه اولدی میدیلایده خسته لاق اولدیغی سویلشدم بیوک واپورلر اوغرامیوردی کوچک برواپوره بینهرک مسافه قیصه اولدینی ایچون واپورک کوچک اولمسند بر بآش کورمه مشدم معاینه طیبه ایچون اورله یه اوغرادق تحفظخانه دوققوری انبارلرک تخلیه سی لازم کله جکمی سویلیدی حال بوکه ایکی انبارده اشیا طولی ایدی صکره بو اشیا پی قویه جق معونه لر لازمدی اورلده ده معونه بولامدق — امان شو معونه املاسنه صیقیلدم آرتق ماونا یازاجم — قپودان از میره تلغراف چکوب ماونا ایستیه جکمه از میره کیدوب ماونا آلتی ترجیح ایتدی اورلده دن از میره کیتدک آجبقده طور دق آجنته یه قرانته اداره سی واسطه سیله خبر کوندردک آقشامه قدر بکلزک صباحه طوغرو ماونا کوندریله جکی وعدیله آقشام اوستی تکرار اورله یه عودت ایتدک بازار ایرتسی کیجه سی میدیلای یه حرکت ایتش وصالی کونی صباحین اورله یه وارمشدق صالی کونی اورله ایله از میر آردسند کچدی کیجه ماونا لر گلش صباحین اشیا پی بوشالتمه باشلادیلر آقشامه قدر سوردی چهارشنبه کونی ده اورلده کچدی کیجه اتلاف الفار نظامنامه سی موجب نه انبارلرده کوکورت یاقدیله کیجه اونده بواش حد اولسون بیتدی و کوندوز ساعت ایکی راددرلنده اورادن حرکت ایدرک پنجشنبه کونی ساعت درت راددرلنده از میره واردق وایشته میدیلای آجنته سنک تدبیرسزایکی سنبیله میدیلای ایله از میر آراسنده کی مسافه پی اوچ کیجه ایکی بچق کونده قطع ایتدک زوالی قاردشم اوتدر راحتسز اولدی که . . قامارایه کیرمک قابل دکلدی قوقیوردی کوکرتده قالدق راحتسزاق بوندن نشأت ایتدی حد اولسون وجودجه متأثر اولدی که

[۱*] اثر « علم تربیه الخصال » در . عزمی بک ، اوتارینخده بروسه معارف مدیریتندن بولونمش اولان خداوندکار ولایتی والی اسبق عزمی بک افندی در .

بوندن طولای جناب حقہ نعل تشکر ایدہ جکمی بیله میورم . یا ازمیرده چکد کلرمن ، تام اون ایکی کون واپور بکلهدک بوکاده برآرقداشک تدبیرسزلکی سبب اولدی اونیده ایلریده حکایه ایدرم .

سیاحت هر درلو قیددن آزاده اولق شرطیله پک خوش برشیدر فقط بونک ایچون بیوک ، پک بیوک برثروت ایستر اوحالده بزهرشی کبی بوپک خوش برشیدن ده محرومن . ازمیردن ردوسه قدر مصر واپوریلہ کلدک واپور غایت تمیز و هواده غایت کوزلدی میدیلمی - ازمیر سیاحتنده کی بتون مشقتلری عادتاً اونوتدق و هیچ اولمازسه بو تصادفدن طولای جناب حقہ حمد ایتدک .

بوراده مناسب براو بولق یرلشیورز قاردمش و بن حمد اولسون ای یز یانکیزلقدن بشقه بر دوشونجه من یوقدر شو قدرکه غالباً یقینده بر مریه به مالک اولاجقز بیلم سکا حکایه ایتشیدم بر چق سنه اول قاردمشه بر رفیقہ بولسنی پرسسه یارمشم . اوده اوتدکنه بریکنه مراجعت ایتدیکی صیرهده ماده وازل «الهن واقارسقو» یهده یازمش . الهن واقارسقو خاطریکه کلیورمی ؟ الهن واقارسقوده وقتیله کنديسنه مریه لک ایدن «مادام غلادیس توماس» اسمنده بر مادامله کوروشمش و بزه دائر پرنسسدن نه معلومات آلدیسه هپسنی اوکا حکایه ایتش کونک برنده مادام غلادیس بکا بر مکتوب کوندردی و بر رفیقہ آرایه جغنی وعدایتدی بالطبع مخبریه باشلادق قاردمشه ده برایکی مکتوب یازدی مشاهیر صلح پروراندن «سیر توماس بارقله ی» ک بریکنی وارمش اون تو صیه ایتدی و رسمنی ده کوندردی صکره بر مکتوب آلدق مع التأسف اقرباسی راضی اولدیغنی یازیوردی الحاصل بر چوق یازیشدق بز انکلیر بر قیز ایستیوردق انکلیرلر ایسه میدیللیدن خوشلانیورمش اون شمدی آکلایورم چونکه اولسی کون مادام غلادیسدن کلان صوک مکتوبده بر قاچ قیزله کوروشدیکی و بونلرک ردوسه کلکی ترجیح ایتدکلری بیان اولنیوردی — مرکب رنگی دیکشیدی باش طرفی اوده یازدم دائرهده مور مرکب اولدیغنی ایچون ماوی ایله دوام ایدیورم عفو ایدرسک دکلی ؟ — الحاصل مأمولدرکه یقینده بر انکلیر میسیله تشرف ایدہ جکز فقط دهاسی وار مادام غلادیس مکتوبلرندن برنده پارسک قیدشدن شکایت ایدیور و بعض ذواتک قیسی کچیرمک اوزره کنديسنی مصره دعوت ایتدکلرندن بحث ایدیوردی بزده برای نزاکت یقینده ردوسه کیده جکمی و بزده بر ایکی آی مسافر اوله رق اورادن مصره توجه ایدہ بیله جکمی یازمش و مع مافیہ بالآخره عجوب اولسامق ایچون شرائط حیاتیه منی ده بر تفعیل آکلا تمشدق قادین مخنون اولش و یقینده بر میسله برابر کله جکمی ایشته اوصوک مکتوبده سویلیور . مادام غلادیس توماس الهن واقارسقو به مریه لک ایتدیکی صیرهده رومانیایا قرالچہ سیله کسب معارفه اتمش و مشارالیه انک دوستلغنی قازانمش و بناءً علیه اک مدبب بر عالم ایچنده یاشامش اولدیغنه کوره بزم اون نعل اغیرایه بیله جکمی بر درلو کسیدر میورم اولجه مقدمه لر یاپدمسه ده ینه دوشونمکدن کنديسنی آلامیورم ایشی اولورینه باغلارز و اونک ده صفوت و صمیمیت مزله قناعت ایدہ جکمی امید ایدرز ، اولمازمی ؟ بویله دیورمده بر آرز مستریخ اولیورم هله باقلم نه اولاجق . دفتر حیاتده بویله بر aventure ده بولونسون . بزده کله جک میس ایچون نه کبی قیدلر وضع ایتدیکی و کک اوصیرهده و کک اولدن صکره کی مکتوبلرده نکل یازدیغنی بیله ک ، سن ده اوقادین کی شاشیردک الله ویرهده désillusionnée اولماسه و اولماسه ق .

یرلشیورز دیمشدم انشاء الله تماماً یرلشنجه اولاشو کتابک [*] ایکنجی قسمنی یازاجم اوبیتدکن صکرهده بر منطق کتابی ترتیب و تحریر ایدہ جکم امید ایدیورم که ای برشی اولاجق


دها صكره يا براخلاق كىتابى يازاجم وياخود بعض علاوه لرله « رساله حميده » نى ترجمه ايدى جكم سن برزمان بكا پسيقولوژى يه دائر بر اثر يازمى توصيه ايدى يوردك. يوقسه اوكلامى باشلايه يم؟ منطق ديدمده خاطريه كلدى غالبا سندن ايشيتدمدى پدر مرحومك منطقه دائر بر اثرى اولاجق دكلى؟ بكا اوندى برنسخه كوندروميسك؟ ماخدم « كريلئوس فانديك » اسمنده برآمريقالينك عربجه يازلمش بر اثرى اولاجقه سده پدرك اثرندن ده استفاده ايدرم اهل ايمه ، ايمى قاردم ؟ [*]

فائقدن برشى يازميورسك برهانيه عودت ايتدى يوقسه حالا بروسه دى؟ سعيد نه ياپيور؟ مهندس رشدى بك برادره بك باخاصه كوزلرندن اوپرم بايرام مناسبتيا برقارترلىنى آلدى جواب ويرمك ايجون آرهدن زمان كچمش اولدىنى كى يرلشمك تلاشى ده يازى يازمغه مانع ايدى اونك ايجون جواب ويرمدم عفو ايتسينلر كلهجك بايرامه قصور ايتىم . « سوللى پروودوم » ك بتون مجامع اشعارىنى كتيرتديككه پك اى ايتك حقيقه اوقونه جق وسويله جك بر شاعر در . ترجمه ايتديك شعري پك كوزل . بنده بالمقابله سكا « الهن واقارسقو » نك بر منظومه سنى استنخا ايتك ايتردم فقط مجموعه اشعارى آرامم آرامده بولامدم كلهجك مكتوبله كوندريرم .

باقى كوزلرگدن اوپر واوزون اوزون مكتوبلىكى بكلم قاردمم افندى ايكى كوزم .

قاردمك

سامى



ایکی کوزم قاردشم نظیفم ،

۲۲ شباط تاریخی مکتوبی کچن کون آلدیم . بنده سکا اوندن دوت کون اولکی تاریخ ایله ، همده اوزون برمکتوب کوندرمشدم امید ایدرم که عینی زمانده الگه وارمش اولسون . . . بن سنی اوقورکن سنکده بنی اوقومهك خوش برتصادف اولور . قلیبر دائماً برابرکن بویه تصادفلك حکمی یوق کی کلیرسهده ، بنم کی فقر خلقت زبون اولانلراچون ، ثروت طالعه دلالت ایده جک ، برجهیله در .

— سعید ۱۷۱ اوده ایدی دیدم . سینی غرتهلرده آکامش ولاجقشك : توفیقك [۲] استغفاسی مناسبیله بتون طلبه مکشی ترك ایش سجدده اکثرته ، وهان کله تابع اوله رق اوه کلمش . ارقداشلرندن آیرلمشی تجویز ایده مدم . اوچ کوندنبری اوده در . عموم حقنده نه قرار ویریلیرسه اوده اوقراره تابع اوله جق . بنم فکریمی بیلمک ایسترسهك بن ایکی طرفهده قیزغیم . چوجقلمر ، بواکی بویوک چوجغه اویمسه البته دهها ای اولوردی .

امراه افندیك « شاعر یرینه عالم » تعبیخی قوللانمسه بعضلری معنا ویره میور . بن بونی پك ایی اکلایورم : بیلم خاطرکده میدر : امراه برزمان « محیط المعارف » مناسبیله اقدامه مقاله لر یازاردی . توفیق ورفقاسی بویازبلرله اکلنمشلردی . امراه افندی شیمدی فرصتدن بالاستفاده غالباً اوآلایلك انتقامی آلمق ایسته مش بن اويله ظن ایدیورم . سوزنده بویه برغرض یوقسه ، دهها فنا اوتعبیرك نه لزومی واردی ؟

— بابامك محاکمه سینه یازمق ایستدیكم مقدمه حمد اولسون بیتدی بابامك استیضاحات ابتدایه تسمیه ایتدیکی تحریری استنطاقی ترقیم ایله مشغولم . بعض تاریخ ، عباره خطالری وار اونلری تصحیح ایدیورم . استیضاحات ابتدایه بنم فضلی [۳] استنساخ ایتشدی . تقریباً ایکی یوز صحیفه طوتیور . اندن صوگرا محاکمه کله جک . محاکمه نك ایکی یوز صحیفه لك قسمی استنساخ ایدلمش در . بناءً علیه مقدمه ایله برابر الله تقریباً آلتی یوز صحیفه لك یازی وارد در . اون بش فورمه بر فاسیکول اعتباریله نشر ایتك و بر فاسیکول بش غروشه صائمق ایستیورم ایکی فاسیکول چیقنجهیه قدر آلت طرفنی ده یتشدیررم .

مقدمه ، استیضاحات ابتدایه و محاکمه تقریباً طنسان فورمه والقی فاسیکول تشکیل ایده جک . فورمه لر ملکیه مجموعه سی بیوکلکسده ، وهر صحیفه یکرمی سکر سطرلی اولاجق ، اوراده باقالم قاج فاسیکول صائه جقشك ؟ .

فائق [۴] صوك مکتوبلرندن برنده ، والده مرحومه برقبر یاپدیریله جغنی بونك ایچون سندن بکا برمکتوب کله جکنی یازیور . وکتابه اولمق اوزره یازدینی قطعه نی ده کوندریوردی . سندن حالا برمکتوب کلمدی قبر ، نصل یاپدیریله جق . والده مرحومه نرهده ونه طرفه مدفون در . یازده برچاره سینه باقالم .

— قاضی کویندن شیشلییه طاشینیورم تراموای یولی اوزرنده بغچه لی وواسعه برأو طوتدم . کراسنی سویلسم قورقارسك : اون لیرا . فقط بوپاره نی یالکیز بن ویره جک دکلم ، همشیره لرله تقسیم ایده جکیز . نه ایسه . دعاایت که راحت ایده لم . قاضی کویندن طاشینیورم ، فقط مراق ایتمه . ایکیده برده ینه سزه اوغرارم . برشی لازم اولورسه بکا درحال خبر ویرملرینی ده آیریجه رجا ایده جکم .

[۱] سلیمان نظیف بک مخدومی .

[۲] توفیق فکرت مرحوم .

[۳] یوزباشی فضلی بک .

[۴] فائق عالی بک .


— سڱا آره صيره كتاب كوندرمى وعد ايدرم بوكونلرده كى. ابجى يه اوغرايه مدم .
برهفته يه ونهايت اون كونه قدر ايلك كىتابى آيرسك .

— يكي بر رسم چيقارتدم ، بابامك اك صوك فوطوغرافيسنك قوپيه سيلاه . برابر كوندرييورم
بنى بيلنلر رسمى پك رنگين طورلى بولدير . سن باقالم نهدييه جكسك جيب فقير ، فقط هيچ
اولمازسه ، سىما رنگين .. تسلى ، زوكورد تسليسى ، دكلى ؟ .

— بصره اوجوزلق در . اقتصاده رعايت ايدرسهك اپى برشى آرتديره بيليرسك . ايكي
اوچسنة پاره بريكدير واپى بريكون ياپ كه بزده استفاده ايدلم .

— اپى سويلندم : مكتوبه ، ايلك صحيفه ده كى تاريخندن ده اكلايه جك ۱ نيسانده
باشلامشدم ينه : نيسانده بيتره بيلدم آرتق صوصه يم وسنى طويه طويه اوپه يم قاردشم .
قاردشك

سامى



کچن پنځشنبه کونې باشلايان شو مکتوبه بوکونه قدر برشی علاوه ایتک ممکن اولدی . سببار مختلف : اک مهمی شو آردلق صرف سائقه منفعتله اوتیه چیقان بخران . فرقه ده مخالف قالانلرک خطاسنی هپمز بیلپورز ، حتی بن ده کچنلر ده جاهدک دانشلر وکالتنه اتخابی مناسبتیه شهر امانتنده ومنتخبلره قارشو سویله مشدم : قوتک سوء استعمالنه بالذات قوت بیه تحمل ایده من ، چوزولور ، بوزولور ، دیمشدم شو بخرا نه قسمأ غرور قوت سبب اولدی ؛ بو ، هرکسک عزت نفسنه طوقنان برشیدی ؛ ومع مافیه بو عزت نفسنه اک زیاده حرص منفعت ده قاریشدی ، شو کوردیکمز بخرا نی انتاج ایتدی . سوزده یالکیز سلامت وطن ایچون طریق مخالفته صاپانلر آره سنده ، یوزده سکسانی ، بن امینم که کندیلری برشی اوله مدینی واوله میه جنی ایچون ، مخالفتده بولنیور . تحکم چکمز ؛ فقط تحکمی ازاله ایچون منتظمأ چالشمیوبده ، کونک برنده بتون مقدرات ملتی صارصه جق برنمایشله بویه طریق مخالفته صاپلمز .


دمین یازی یازارکن بنی برایشه کوندردیلر شمدی کلدیم لطیفک مغازه سنده یازیورم ، وشمدی نه قدر یازه بیلیرسم اوقدرله قناعت ایده جک ومکتوبمی پوستیه ویره جکم .

تحکم چکمز ؛ فقط تحکمی ازاله ایچون منتظمأ چالشمیوبده ، کونک برنده بتون مقدرات ملتی صارصه جق برنمایشله بویه طریق مخالفته صاپلمز ، دیمشدم اشبو مخالفتک داخل وخارجده نه قدر فنا تأثیر حاصل ایتدیکنی وایده جکنی سن پک ای تخمین ایده بیلیرسک ؛ بکا اویله کلیورکه مخالفلر آره سنده بونی هیچ تخمین وتصور ایدن اولماش ایش بربرینی چکمه مکدن ، حرصدن ، منفعتدن متولد ؛ وبوانفعالات اونلری اوقدر کور ایتش که کندیلرندن وانفعالارندن بشقه برشی کورده مشلر ، وکورمیورلر ، آره ده اولدن بری فرقه یه مخالف اولانلرک ، اجنبیلر وبتون خونه وطنک ده پارمانی ومداخله سی وار . بن کچنلر ده جالی کورمشدم ، واوکا ممکن اولدینی قدر سویلندم ؛ اوزواللی یی ده بشقه درلو اغوا ایتشلر . . اکثریت فرقه سنده تحکم ایدنلر ، وطنک منافعه مخالف حرکتده بولسانلر وارسه شخص تعیین ایدرک اونلره هجوم ایتلی ، مملکتک یکانه قوتی اولان فرقه یی کوچوک دوشوره جک حرکتده بولناملیدی . غزه لرده کورمش اوله جقسک : حزب جدیدک تکلیف ایتدیکی شیلر ، اونلر نه اولیور ؟ مقصد پک آشکار ، دکلی ؛ ارکک کبی میدانه چیقوب ، سن سویله یاپیورسک ، سن بویه یاپیورسک دیه حقیقه فنالق یاپانلری مؤاخذه ایده جکلرینه ، وبونی سویله مکده برتهلکه وارسه کندینی اوتهلکه یه آته جکلرینه ، پرده آرقه سنه ، برطاقم مطالب ظاهره آرقه سنه قاری کبی کیزله نوبده ، بویه مملکتی تهلکه یه آتق ، بعضیلرینه کوره جنایت وبعضیلرینه کوره ده عفو اوله میه جق برحماقت در . بیلیم که ، نظیف ، کرک مخالف وکرک مخالفلری ایقاظ ایده جک ، شو زواللی امتی طریق سلامتیه چیقارده جق وایلروانه جک بر آدم چیقیه جقمی ؟ بجه بویه بر آدم چیقمازسه فلاح ونجات پک کوچ اوله جق وبلکه ده ممکن اولیه جق . . بن یالکیز کندمده بوقوتی وعلم وادراکده بویه بر قدرت ارشادی کورهمیورم ؛ کورسم ، قارډشمک باشنه عین ایدرم که بر دقیقه طورم ، وکندی می هرتهلکه یه آتارم . نه یاپیم ، آرقداشم یوق ، فیکریمک صحیح اولوب اولدینگی بکا آکلاته جق بر رفیقم ، بر مشاورم یوق . صکره بر آدم ، بن نه یاپه بیلیرم ؟ آه برقچ کشی اولسه ق ، ووطن ایچون حقیقی بر جهاده چیقسه ق . . . نه یسه صوصه یم ، وبا قالم مولا نه کوستره جک .

— عفو ايدرسىڭ ، سىڭىرلرم اوينادى؛ شمدى لطفىك مغازەسنە كلان آرقداشلارەدە
برچوق سويلندىم . سىڭا حامدك [۱] ضيافتىدىن بىت ايدەجكەم . فقط ياپەمىيە جەم ، ايكىنجى
بىرمەكتوبلە مەكرە يازارم ، وياخود بورايە كلدىك زمان سويلارم . باقى كوزلرگەن اوپىرم ،
قاردىشم ، ايكى كوزم .

قاردىشك

سامى



[۱] عبدالحق حامد بىكى "تەجىللا" نەمەتشناسان ادبا جانىندىن اوصىرەدە توقاتلىيان اولمىدە وىرلىش ضيافت.



فائق عالی بک مکتوبلرندن :

۱۵ مایس ۱۹۱۶

قارداشم فائقم ،

مکتوبی کمال ممنونیتله اوقودم. سنکله مخابره ایتک ، بیلسه ک بخی ده نه قدر متسیلیدیور. بوکا ، دیدیکک کبی ، دهها اول باشلاسه ق البته دهها ای اولوردی . فقط تلافی مافات ده المزده دکلکی ؛ شوآراق سن براز مشغولسک ، امتحانلر بیتنجه اوزون اوزون کوروشورز ؛ ادبیاته ، شعره ، « استه تیک » ه باخصوص کندیمزه ، کندیا کلریمزه دایر بیلد کلرمنی ، بیلد کلریمزی بربریمزه یازار ، برابر مطالعه ایدرز ، اولمازی :

— واهمه لر حتمده کی فکرمی طوغرو بولیورسک ، اوت او اویله در ؛ سنک ویاخود سنک کی برقچ خسته نک مثلاً چالوب اوینامه دن ذوق آلاماسی دایما وهم ایچنده یاشامگزدن ، حقیقتله مماس اوله رق حیوانیتکیزی اوینادیر مامگزدن ناشیدر ؛ برکزه تمایلات نفسانیه کزه براز متابعته ، کندیکیزی حیاتک ویره بیلدیکی اذواق مادییه پی طامغه ، حیاتکزه اوزوقلری ده قاریشدرمغه موفق اوله کزه ، عصمت روحکزه هیچ برخلل کلامکله برابر ، سزده یاشارسکزه . امین اولک که اصیل برروح بو عالمه منسوب اوله میه جفی ایچون ، برچوق خصیه سیله اویومغه ، قسماً اولدریمکله محتاجدر . بوقسه الی الابد مضطرب اولمقدن قورتولماز . اونی بو حاله قویمه نک باشلیجه چاره سی ده اذواق مادییه پی تحصیلده در . حیات ، روح ایله ماده نک محصول مشترکی دکلیدر ؛ او حالده ، سز مادییه پیچون اهل ایدرسکزه ؛ روح ، بو عالمده یالکزه یاشایه بیلسه ، وجوده حایل ایتزدی . دیمک که روحی ماده دن تجرید ایتک ، اونی یاشاتمقدر . برده اذواق روحیه دیدیکمز شیلر ، ایجه تحلیل ایدرسه کزه کورورسکزه ، بر طاقم اذواق مادییه ایله ترافقدر ، ویاخود قابل مرافقدر ، قیمتی ده بوندن ناشیدر وبونکله متناسبدر . بناء علیه سز مادییه پی اهل ایتدکجه برزمان کلیرکه ، روحکزه بتون قابلیت تلذذیه سنی غائب ایدر ، هر شیدن مضطرب ، هر شیدن مجروح اولورسکزه ، یاخود هر شیئه mortellement indifferent قالیرسکزه . بن بونلری نفسمده تجربه ایتدیکم ایچون سوبلیورم . سزده توصیه ایدرم . یاشامق ایچون یاشایک ، بونک ایچون ده دایما حیات ایله مماس اولغه چالیشک . وامین اولک که غایه خیالی ، بوشکل ایله ، دهها مونس ودها روح پرورد .

— شعراک پک کوزل . بونلر طبع اولمقدن زیاده حفظ اولمغه شایاندر ؛ عوامک آغوش ادراکنه آتلمده نه معنی وار ؛ بو هفته ثروت فنونده « فاخر » امضاسیله بر شعر کوردیم . اونیرکمی ؛ بکا سمانک درینلکلرنده پارلایان اوزاق ، پک اوزاق بر نجم نوطلوع تأثیرینی ویردی . کیمکسه حقیقه تبریک ایدرم . سعدی بکده پک کوزل یازیور . ساهر بک موضوعی دهها کوزل یازمیلیدی . صونه لرده صوک بیت ، هان بتون بر « سمبول » اولمیلیدر . بونک خفیف !

بوراده بهار فنا دکل، فقط معلوم یا بز استفاده ایده میورز . بن ظن ایدیورم که سمایی
 مکتب دیوارلری آراسندن تماشایتمک، اونک « فیوض بهارانندن دوکدیکی برر قطره مینا » یی
 مصایتمک، پرفیض بهار اولان طبیعتک ایچنه آتلقدن یکدر . فیض چوق اولنجه روحه
 غنا کلیور؛ ذوق، تملک تامدن زیاده، حسن خرمانده در، بلنکه ده یالکز بونده در.....
 کوزلرکدن اوپر وجوابکی بکارم قاردشم .
 قاردشک
 سامی



قاردشم ایکی کوزم فائقم .

۱۹ نیشان تاریغلی مکتوبگی دون آلدیم . اولکی مکتوبکله برابر ایکیسنده بوکون جواب ویره جکم ؛ اولا برنجیسنندن باشلايه جقم : - اوت نه سنك ونهده قاردشمزك بنی اونوتیه جگکزه مقدس طانیديگکز شیلره هیچ هیچ بر زمان خیانت ایتیه جگکزه بنده قانع وقائلم . سزی ، ایکیکزی ده پك ای طانیرم . نسیان وخیانت فیکرلری هیچ خاطریه کیز . سکا بن یازمامشدم ، سنده مقابله ایدیوردك . فقط نظیفه یازدم ، اونچون جواب ویرمیور وویرمدی .. اونی بکا یازمه دن منع ایده جك هیچ بر لزوم معقول اولاماز اعال ایدیور وایشته بواهاله کوچنیورم . نه یسه بکلیم ..

— تشکر ایدرم ، سنك شعرلریگی اوقومه سنجه برشرف ایش ، بو براز فضله . صفوتگی وتوجهگی بيلمسه م ، بوکا « آلاي » دیردم . اوو ، یوق ، بن بوقدر مهم بر آدم اولامام .. — منظومه کی اوقودم کچن کونکی قارتمدهده سویلیدیکم کی ، صوك ایکی پارچه پك کوزل یالکز «ماهتاب مذاپ اولان کوزلر» ی آکلادم . منظومه یه براسم بولدم : ایکی همراه ... بر *trouvaille* دکسهده موضوعه مناسب بيلم بکنیرمیسك ؟

— آه نه قدر ایستردم ، ممکن اولسهده اوقصیده عشق وشبابی برلکده اوقوسه ق . بيلم خاطرگده قالیمی ، سکا بر زمان یازمشدم ، بن سنك بعض شعرلرکده کندی تمایلات شبابی بولور ، سنکله عادتاً کنجلیکمی ، کنجلیکده کی حسلریمی یاشارم دیمشدم . بو ، پك طوغرودر . درجه آرزو واشتیاقی بوندن آکلارسك . انشالله برکون اولورکه کوروشور وواقورز . اصل بئلکگی ، آمالگی ، تمایلاتگی ، خیالاتگی وخصوصیه عشقگی ، هیچ برانسانك دها زیاده سنی ، دها یوکسکنی ادعا ایده میه جکی عشقگی اوقصیدهده کوره جکمشم . سنلکگی ، آمالگی ، تمایلاتگی وخصوصیه عشقگی آکلارم ، فقط هیچ بر انسانك دها زیاده سنی ، دها یوکسکنی ادعا ایده میه جکی عشقگی .. بونده براز خود پرست کیسك . . . اولا ظن ایدرم که هرکس بویله دوشونور .. صکره عشق ، یالکز « حوادن ابتدا ایدرك بوکون افق محاسنك عالی برر ستاره اعجازی اولان یاخود اك چوق اوزاق عصرلرک صفحاتنده انجلا بوله جق قادینلرک اك دلرباسی ، اك کوزلی » ایچون طویولان حس دکدر ؛ بو ، بیوک ومطلق عشقک موقت برمسیره الهامی در . اك دلبر ، واك کوزل قادین ، خایر ، بومطلق عشق ایچون پك کوچوک ، پك بایاغی برشی در . عشق بویله بایاغی برشیته ومنحصراً ایگلایه من . اك دلربا ، اك کوزل قادین ، نه دراو ؛ قادین دکلی ؛ بتون حس عشق ، بتون عشق اونصل جامع اولور ؛ روح یالکز قادینده می کوزللککلر بولور ، یاخود بتون کوزللکار یالکز قادینده مندر ؛ قادین عشق هر حالده بر *volupté* در . قاردشلك ودوستاق حسلری ، بیوک عشقک بویولده کی تجلیلری ، قادین عشقندن صاف در والبته اوندن چوق بیوکدر . دوست بر قادین ، اوح ، بونی آکلارم . فقط بوده ینه بتون عشق دکدر ودوست قادین عشق ، بتون کوزل قادینلره ، کلش وکله جك بتون کوزل قادینلره شاملدر . سن بو عشقندن بحث ایدیورسهك اك دلرباسنی ، اك کوزلی آرامه گی بر درجه یه قدر عفو ایدرم . بوکون بنم روحی ، روحمک برحسنی اکلايه جق ، روحله بر زمان ایچون هم آهناک اوله جق بردوست قادین ، ایشه بنده بوتون دوست قادین عشقنی یاشاتیر ...

« بتون بدایع اشیایه قارشى حس اولنان

« تمایلات صمیمیه ، حب ذات و حیات

« ومیل عائله ، سودا وابتلاى وطن

» نشان فکر و ذکا [۱]

اوت عشقك تضمن ايتديكى حس بودر، بونلرك هپسى در . وقادين عشقنى ده، يالكز اوبيوك
عشقك برحسى كې ترنم ايتليدر . بن بويله دوشونيورم . — كچنلرده براميددورادور ايله
بردوره بخران كچرديكك صرده بنى پك چوق ارادىغى سويليورسك براز صكره سكا قدر
كله جكدم ديمسك باشقه برمعنايه حمل ايده جكدم . بو بخران نه ايدى سويلورميسك ؟

— بن ده اكثريا برشيدن ممنون اولنجه وياخود روحى محظوظ ايدن بروظيفه يي اكالم
ايدنجه بويله هان كزمالك ايتدم . كزىنتى حفظ و ذوقه بر كنيشلك ويرييور . بو حسى تحليل
ايترسه ؛ براز اوزون اوله جق . صكره يازارم . — بورالرده بن بهار فلان كورميورم .
« گلش اما نيلهيم . . . » بنمده نقراتمدر . هر سويل محاسنك موجات رنگارنگى ايچنده بن
خيالى ده دولاشدير مق ، بنم عجرانمى ده تهيز ايتك ، باق بوكا تشكر ايدرم . آفرين فائقم ،
بو ، بنم روحه بر جيله اولوركه سندن هر وقت بكارم . —

— اوت ، آرتق شعر و آهنيكدن بحث ايده بيليرم . فقط براز دها صكره باق سكا
نه لر كوندره جكم . — ايكنجى مكتوبكى بورايه كلالى بوكونه قدر اوچ مكتوبكى آلدكم كه
ايكيسنك جوانى ايسته بونده در . برينه ده اولجه جواب و ير مشدم

— باقى كوزلر كدن اوپر وشعرلريگه ، تزه لرگله ، مشهوداتكه داتر مكتوبلر كه كمال تهالكله

قاردهشك

منتظر اولورم قاردهشم ايكي كوزم .

سامى



۱۵ تشرین اول ۳۱۹ تاریخلی مکتوبکی آلمشدم . او آراق جواب یازامدمدی . فقط برقارت کوندره رک حیاتمدن خبر ویردیکم کبی صکره برقارت دها کوندردم . سن بونارک ایکسینه ده جواب ویرمدک !... بندن مکتوبی بکیوردک ؟ هایدی بویله دییهلم . فقط بو انتظار اونلره جواب ویرمکه مانع اوللمیدی ؟ صوردیغم شیلره یچون جواب ویرمدک ؟ بجه مهمدی که صوردم .. نهیسه تقاضای برطرفه براقلم ده اوله صوردقلرله سریعاً جواب ویر . بربرمزله مخابره ایدهمدیکمز ایچون نه قدر شکایت ایتسهک حتمز وار . بن بروسه دن چیقدیغم زمان بوقدر اهل ایدیله جکمی هیچ امید ایتیه رک چیقمش ، بو بر افتراق صوریدر ، بزینه هر زمان برابر اولاجغز دییه رک بوتباعد ظاهریه قاتلانمشدم . بن هیچ بریکزه مقیس دکلم : طبعاً اوقدر بیکسم ، اوقدر یالکزم که دائماً بر رفاقته ، دائماً بر حسن نظره شدتله محتاجم . شیمدی مثلاً یانده بولسان بر آرقداشم بر ازده بشقه طرفه باقسه براز بشقه برشیله مشغول اولسه ، بن ، درحال ، اک بیچاره بر یالکزاغه دوشمش بر زواللی اولور و اوتانمسهم آغلارم . اوح ، ایکی سنه دن بری ردوسده ومدالیده بو یالکزلق حسیله نه قدر ازلدیکمی وفقط اوکا مغلوب اولمامق ، وقوای جسمانیه می بتون بوتأثراتک اوستنده طوتمق ایچون نه قدر چالیشدیغمی بیله کز ... یالکز شو اولدی که براز دها قسوتناک ومقسی اولدم . برازده آقلم چوغالیدی . برسنه دها بویله کچرسه صاقالم بیغم بم بیاض اوله جق ، نهیسه کچلم . اوت ، بروسه دن چیقارکن نظیفی دائماً اوقویه جغم ، او بندن آیرلامش کبی اولاجغم امیدیله چیتیمشدم . بر زمان یازیشدق صکره بنده ، اوده ، اوت ایکیمزده ، یاواش یاواش صوصدق . غالباً نظیف بندن دها زیاده صوصدی . صورسهک سبیلری واردی . واقعا بویله ایدی . صکره او سبیلر قالدی . نه یاپهلم که او حالا صوصیور . بوسکوتده بر قانون طبیعی کورمک پک چیرکین دکلی ؟ نهیسه ، باق ، سنده ، اوکا دوندک ، سنده برشی یازماز اولدک !... بکا کلنجه بن چوجوق کبی یم . فقط سز یازار و یازمق آرزوسنی اظهار واثبات ایدرسه کز بن هیچ بروقت صوصمام . بعضاً سکوت ایدرم بو ، مطلقاً سزه قارشى برانفعالدن ناشیدر . یوقسه نه تنبالکدر ونده بشقه بر سبب واردر واولابیلیر . مثلاً سکا قارشى منفعلدم وسنی کورنجهیه قدر بوانفعالم کچمیه جک . البته خاطر گده در سندن بر صورتله « اثیر بکروشعر » ک بر رسمنی اله ایتک و بکا کوندرمک نیازنده بولنمشدم . جواب اوله رق یازدیغک سوزلو ، حتی بومناسبتله استانبولده ایکن المش اولدیغم ایکی اوچ خام رسمی حقنده کی مطالباتک بنی اوقدر قیردی که ، بوکون بیله ، سکا بوسطرلری یازارکن ، باغراجغم کلیور . کندیمی ضبط ایدهمیورم . بن مادیتپرست اولشم بندن بویله شیلر بکلنزمش صکره او خاعلری ده مسخرهیه چویرمشم ، اویله می ؟ ایسته بن ، بکا بویله یازان برذاته ، بنی بویله کورن بر روحه نه جواب ویرر ، نه یازابیلیرم . وحتی بوکون ده نه یازابیلیرم . نهیسه بونی ده کچلم ... سویلدم یا ، بنم آرد صره سکوتم انحق برانفعالدندر . صوصدمی ، بونی آکلاملی وحقیقه بنی اوقومق ایستیورسه کز اوشنمه ملی ایکی اوچ کره دها یازملی . انفعالم زائل اولسه بیله شدتی کچر ، درحال جواب ویریرم . فقط بنی اوقومق ایستیورسه کز بویله یاپلی دیمک غریب بر تحکمدر . سکا بوقدر مماشات ایتکه نه مجبوریتز وارده دییه بیایرسکز . اوزمان بکا صوصمق وبوینی بوکمدن بشقه یاپه جق برشی قالمز

— آه المزه بر ثروت كچسده طولی يك آزمیش اولان بر قاچ سنه لك حیاتی
 بر آزی ای کچیرسهك . . . ینه ایشته طاش اوجاغی خاطر مه کلدی . یوقی ؟ برشی یوقی ؟
 واولیه جقمی ؟ کور اولاسی شمندوفر تحویلاتی . . اوندن ده برشی اصابت ایتیورکه . معاش ،
 اواقوات یومیه یه بیله داره دار یتیشیور . — برایکی منظمه یازدم فقط اولاً ، سن وقاردشك
 برر شعر کوندرمدکجه ، ممکن دکل ، اسملرینی بیله اوکره نه منرسکیز
 قاردشك سنك وسعیدك کوزلر کزدن اوپرم قاردشم . مکتوبکی بکارم و خبرلر ، ای
 خبرلر ایسترم . نظیفده یازسین باقی عافیت وصحت .
 قاردشك

سامی



ایکی کوزم قاردشم فائقم

استانبولدن چکدیکم تلغراف اوزرینه اولاً میدیللیده بر مکتوبکی و صکره ده بکا ردوسده
یتیشن ایکنجی مکتوبکله ملفوفی اولان اون لیرالق چکی آیشدم. میدیللیدن ردوسه ردوسدن
ساقز وازمیره وازمیرده برهفته قدر قالارق اوته بری آلدقن صکره میدیللییه کیدوب کلک
رمضاندن ایکی کون اول بورایه عودت ایده بیلدیکم ایچون بر طرفدن او طوتوب یراشمک
بر طرفدن ده رمضان تلاشنه دوشمک کبی بیک درلو زحمت وکلفت ایچنده سکا جواب ویرمه جاک
وقت بولامدم. عفو ایدرسک بن قصورمی اعتراف ایدیورم معافییه سن ده بنی معذور
کورمیسک. بیلیرسک که ویاخود بیلیمیسک که بن وفاسز بر آدم دکلم با خصوص انکار
ایده مزسک که شو ائاده دنیانک اک ذهنی یورغون واک قلبی کوسکون بر آدمی ینه بنم
طوتوله جق هیچ بریرم یوق که تعریض ومؤاخذه ایله خیرپالایه جقسک.

بندن اوزون مکتوب ایستیوردک. رمضانده برشی یازامیه جغمی بیلیرسک بایرامدن
صکره انشالله اوزون اوزادییه کوروشورز. معافییه بایرامه قدر آره صره ینه یازاجغمی
وعد ایدرم.

استانبولدن بر آراق بروسه یه کیتمشدم. برهفته قدر اوراده قالدیم قاردشمزده مسافر
اولدم کزدک قونوشدق فلکدن برقاچ کون دها چالمش اولدق اوراده سنسز و سنکله برابر
مسعود وشاطر کریان ونالان نه قدر زمان کچردمه هپسینی بر بربتون عذوبت و صهارتیه تکرار
یاشادم اوچشمش واولمش زمانلری بویه تکرار یاشامق بکا اولدکن صکره دنیا یه کلک کبی
برحس ویردی که بونی ممکن دکل تعریف ایده م.

ردوسدن عودت ایده لی برهفته اولدی والی حضرتلریله کوروشدم پک ای ذات. قیشی
بوراده کچرمکلکمه مساعدده بیوردیلر. یازین ده غالباً کندیلری کله جکار بناء علیه کله جک قیشه
قدر بوراده یز باقم اوزمانه قدر مولا نه کوسترر. بشقه یره تحویل ایده مز ویاخود یاورى
طالعه براز روی سعادت کوره مزسه م ینه ردوسه کیدرم. اون درت اون بش سنه دنبری
هر کون بر فلاکت ایچنده یووارلاندق، هر کون بر ضربه قهر و تدمیر ایله سوروم سوروم
سورونه رک نه لر چکدیکمی ماده و معنأ نه قدر بیپران دیغمی بن بیلیرم. یاربی نه اولور،
برازده حضور و راحت کورسهم، بر کون بر دقیقه ده اوح، ایشه هیچ بر دردم هیچ
بر کدرم یوق دیسه م. شکایت دکل بن لطف و عنایتکه ینه متشکریم فقط نه اولور شکر
و منتم دها زیاده اولسه وسکا عذاب ایچنده دکل، رفاه و سعادت ایچنده حمد و شکر ایتسه م...
شو مکتوبی اقشامله یاتسو آراسنده یازیورم فقط نه قدر اولسه اوروج کیفی باقی.
اونک ایچون قصوریه باقه. باخصوص نمازه قالمه جنم صکره ده طولو معدده می براز خفیفلتک
ایچون سوقاق سوقاق کنزه جکم.

شعر یازمیورسک؟ هانیا بکا برچوق شی کوندره جکدک.....؟

اذان او قونیور وداع ایده م. یقینده انشالله ینه کوروشورز. بکا هر حالده جواب
ویر و شعرلر کوندر ای می قاردشم. باقی دعا و حرمت

قاردشک

سامی



ایکی کوزم قاردشم فائقم ،

۱ کانون ثانی ۳۲۲ تاریخلی مکتوبکه شعریکی آلام . وقتیه جواب ویرمدیکک ایچون عادتاجانم صقیلمشدی . حتی نجیبه یازدیغم مکتوبده آرتق سکا شعر کوندرمیه جگمی سویله شدم . شیمدی باریشدم مستریخ اول . فقط بردها آیلرجه صوصمه .

شعرک کوزل . سنک علی العموم یازدیغک شیلره وبالخاصه بواثریکه دائر بعض مطالعاتم وارکداوناری بوش برکونمده اوزون اوزادی یه یازارم . شو قدر سویله یکه سن پارچه پارچه شعرلر یازمغه دکل ، بزم قلاسیک اسلوبی اختیار ایتک شرطیه ، اپوپه لر ، یعنی وقایع عظیمه تاریخیه یازمغه چالیشمالیسک . بزم قلاسیک اسلوب دیمکدن مقصدم «شیخ غالب» ک «اسکدارلی عونی بک» ک ، «کمال» ک ، وحتی حامدک اسلوبی در . الحاصلی pompeux و pur براسلوب . «حسن و عشق» کبی مخیل برشی ده پک کوزل یازارسک . فقط بزم شمدیکی اسلوب بیانک قیریقلقیرینی ، «و» لرینی ، و مکرزاتی بر طرفه براقلی . کوچک بر منظومه ده اساساً قیریق و دوکوک برحالت روحیه یی تصویر ایدن بر منظومه ده بوکی مسامحات بعضاً حتی پک طوغرو اولور چونکه اوحالت روحیه ایله مناسب بولور فقط انواع خیالات ایله مزین اولان بر اثرده پک بیوک برقصور کبی کورولور . حسده برانکسار ، برهیجان پک طبعیدر فقط خیال برورس ، صاف و دائماً منعالی اولمالی ، هیچ برسکونه ، هیچ بر عارضیه ، حتی هیچ بر تکراره اوغرامه دن دائماً یوکسملیدر . ثروت خیاله یاقیشان ثروت اسلوبدر فقر بیان دکل در . ایشته شو قدر سویلیم دیرکن ینه اپی برشی سویلش اولدم ایلروده ده اوزون سویلرم .

بزم شعرده دائر پک غریب برادعاده بولندیغمی سویلیورسک شعر مکمل اولدجه ناقص اولور ویاخود بر آرز ناقص اولدجه مکمل اولاماز کبی بعض نظریه لر سرد ایتشم . بونلر نظریه دکل ، برر حقیقت در . چونکه کمال Perfection دیمک دکلدر . و Perfection ده هیچ برکمال یوق در . برشیثی پارفه Parfait کورمک یعنی Perfection ده کورمک جهالته ، فکراً ، حساً و خیالاً محدودیته متوقف در . Borné اولیانلر هیچ برشیثی پارفه کورده من ، هرشیده دائماً بر نقصان ، براکسیکک ، بردوشوکک ، برزو الیلق بولور ، وایشته بالخاصه بو نقصان ، بواکسیکک ، بوشوکک ، بوزوالیلق سببیه درکه اوشیثی سور - بوراده کی شی صنعته متعلق شی در - شمدی شو مکمل اولدجه ناقص اولور ، ویاخود برار ناقص اولدجه مکمل اولاماز دیمکه نه قصد ایتدیکمی آکلادکی :

بنده کی اهالی مؤاخذه ایدیور ومع مافیہ حس وفکریمه اساساً مشارک اولدیغکی سویلیورسک . اولایلم که سکا کوندردیکم منظومه نک نره سنده براعمال واردی . مع مافیہ بواولسه اولسه بر بلاغت اهالی اولدجق . بن بلیغ دکلم واولامام . فصاحت و بلاغت بر ثروتدرکه او بنده بوق . سکره بن لوی بر وجود ایچنده عصبی بر حسه مالکم . قوتلی وقانلی و فقط عصبی آدملرک آثار حسیه یی ده مطلقاً تترهک ، مطلقاً اهترازی ، وبناء علیه مطلقاً برار قیریق و برار دوکوک اولور . اعتراف ایدرم که مخیلم پک ضعیفدر اوزون دوشونمک دکل ، حتی برحسی اوزون اوزادی نه تعقیب ایتک المده دکلدر . وبن برشیثی حس ایدنجه نه اولور سه م و نه حاله کلیر سه م ایشته اونی ، اوحالی یازارم ، یعنی یازمغه چالیشیرم بوقدر . بنده فصاحت و بلاغت آراماملی وایستمه ملیدر چونکه بولنه ماز ، چونکه اولاماز . نه یسه بونی ده شمدیلک بوراده براقلم

ھوالر پك زياده صوغودى . بوراده اوچ كوندرا اورتلوق طوگيور . ھلە بۇكون
ھرطرف طوك ايچىندە . برھانيەدە دھا زياده صوؤق اولەجق . بايرامەھيچ بريرە كيدەمىەجكم
اولا مديھىي يالەكز براقق ممكەن اولەمىەجق . برابر كىتىرمك دەە مشكل صكرە بودجە او قدر
بربادكە حتى قايق پارەسى يوق .

اي بال وار ايسترميسك دىيە صورييورسك عفو ايدرسك اما بوسؤالە حاجت يوقدى .
بالى چوق سورم باخصوص ايىسى اولورسە ھر صباھ غالبا ياريم اوقە باللە معدە عاجزانەمى
طلا ايتك لطفندە بولنە بيليرم . كوندرا ھيچ اولمازسە دوت بىش تىكە كوندرا . باقى كوزلر كدن
اوپر ومكتوبلر يىكى بكارم . «الەن واقارستقو» ايچون بر منظومە يازدېم كە شيمدى يە قدر يازديغ
شيلرك اك اوزونى در . الەن واقارستقونى بيلمم خاطرلارميسك ؟ رومانيا ولى عھدىلە سويشمش
اولان وصكرە بعض احوال سياسىيە سببيلە اولنەمىن رومانىالى قىزكە . بزدە پرنسس اوندىن
بخت ايتشىدى . برقايچ مجموعە اشعارى وار . حقيقتە عاشق و حقيقتە شاعر . منظومە يى ترجمە
ايدەجك و پرنسس واسطە سىلە مخاطبە سنە كوندردەجكم . بكا بر منظومە دھا كوندردەسەك
سكادە بر صورتى يوالارم اكلا دكمى ؟ باقى مکتوب وعافيت قاردمش عزيزم

قاردمشك

سامى



ایکی کوزم قارشم فائقم ،

دون بصرده قاردشگه بر مکتوب یازدم بوکونده سکا . فقط هر شیدن اول شونی سویلیهیم که ، شیمدی مکتوبلریکی آچوبده تاریخلرینی کورنجه ، هم سکا وهم کندیه قارشی حقیقه اوتاندم . برنجیسی ۱۲ و ۲۳ شباط ایکنجیسی ده ۱۲ مازت تاریخلی . غالباً بونلردن اول کاش بر مکتوب دهها اولاجق که اوده براقیشم . سمکوتده هیچ بر معنی اولایه جغه وجدانک قائل در . صباحلری بابامک معلوم اولان کتابیه مشغول اولیورم ، صکره نظارت ایشلری ، صوکارا بویوک وینیلمز برفتور .. بیلیم که دنیایی خوش کوره جک هیچ بر دقیتهم اولیه جقمی ؟ بر آن ذوق و شطارت ایچنده هر شیئی اونوتمغه یاخود بکا اولیه هر شیئی اونوتدیردجق بر آن ذوق و شطارته بیلسهک نه قدر محتاجم . بر آن ایچون کولسهم ، بر آن ایچون فکر و روحه برانشراح کسه نه اولور ؟

شیمدی شکایتی براقهیمده ، تاریخ و مندرجات صرده سیله ، شو ایکی مکتوبکه جواب ویرهیم :

— حمد اولسون عافیتده اولدیغکی کان کیدنلردن خبر آلیورم . باخصوص ضیا و بها بکار پک ایی خبرلر ویردیله . سنک صحتک سنک عافیتک بنمده عافیت وصحت دیمک در ، اینانیرمیسک بیلیم ، حتی دهها قیمتداردر . چونکه بن کندیمک هیچ بر شی اولایله جکسه نه قدر احتمال ویرمزرسم ، بشقه لری ایچون ، باخصوص مدیحه ایله برقچ سودکارم ایچون ، اوقدر اندیشه و مراق ایله تتردر و هر کون اونلری دوشونمکه عادتاً معذب اولورم . دو قنور پاپانک لزوم کوستردیکی مقدار تزیادی انشالله شیمدی یه قدر کچمشسک در . اوراده ایکنده ، بورادهده توصیه ایتدیکم وجهله معلوم اولان شیئه دوشکونلک کوسترمزسهک ، مراق ایده جکک هیچ بر شبثک قالمز و بلکه شیمدی صحتک قیمتنی اوکرندییک ایچون ، اولکندن دهها قوتلی ودها صحیح اولورسک . لذت ، کثرتده دکل ، ندرتده ؛ وصالده دکل ، حسرتده در . عفت دیمک ، دنیاده هیچ بر شیئه مغلوب اونامق دیمک در معناً هر کسدن یوکسک اولانلر ، ماده ده او یوکسکلکی محافظه ایتلی در .

— نظیفدن صوک زمانلرده ایکی مکتوب آلدیم ، بنده ایکی مکتوب کوندردم . اولدن براز راحتیز اولاش ، شیمدی ایی در . تلاش ایده جک هیچ بر شیئی یوقدر . بن آنک بویله از بر زمان ظرفنده بصره دن انفکاک ایتسی فکرنده دگم . حتی کندیسنهده اولیه یازدم . لااقل ایکی سنه اوراده قالمای و بصره نی اعمار واحیا ایتلیسک دیدم . همشیره خانه کچن کون بر مکتوبدن اکلا دیغمه کوره نظیفده بویله دوشونبور . بصره شیمدی صیجا قدر ، یازین البته دهها صیجاق اولور فقط عماره و منتفک طرفلرینه کیده رک اک صیجاق زمانلری اوراده کچرمک ممکندر . حتی بغدادده کیده بیلیر .

— بیوزی مالوود دعوت ایدیورسک فقط شیمدی بر صرقه قلده جق زمان دکل . بابامک محاکمه سنی باصدیرمغه باشلایه جغم . حتی شیمدی مطبعه دن کلدیم . اقشام اوستی تکرار اوغرایه جغم . ابوالضیاده باصدیریورم . اون بش فورمه بر فاسییکول اولاجق . و بر فاسییکوله بی عروسی تحت وضع ایده جگم . او یوز اولورسه البته دهها زیاده سورولور ، محاکمه بنم یازدیغم مقدمه و محاکمه دن اول جریان ایدن استیضاحات ابتدائیه قسیله تقریباً طقسان فورمه تشکیل ایده جک . مقدمه ده ۹۲ - ۹۳ سنه لری حیات سیاسییه سنه داتر ایی معلومات وار . بن پک ساده و بیطرف یازدم بابام مدح اولنه جق بر آدمسه . اونی بشقه لری در عهده ایتسین . بن ثنا و ستایشده بولنه مدم . ذاتاً بیلیرساک که نه او که کی نه ده او کونکی بیلیرم .

— صوبك زمانده نظيفدن ايكي مكتوب آلدیم فقط ايكي سنده والده مرحومه نك
منارندن بحث بوقدی . دون يازدم ، فاتق كا منار الی ایچون سندن مكتوب كلاجكي
سوبليوردی ، نه امرك وارسه تبليغ ایت ، دیدم . جواب كليرسه ، درحال ايجابنه باقيلير .
— آشي مسئله سی برور . بنده آرايور و بولاميورم . معماره تحريده دوله محورم .
سن شيمديك آشجكي ابي قوللانغه ، والدن قاچرهمغه چالیش ، اولمازمی ؟

— قارت دوويزيت نمونه سی ایچون براز بكليه جكسك ، مطبعة عامره قاریشيق كي .
اوج درت كون صوكرا مدیری كورور یا نمونه یی وياخود قارتلری كوندیرم . بن نمونه یی
بكئيرسه م البته سنده بكئيرسك .

— كوشك فنا دكل . منظره سی البته اوتوردیغك اودن ایدر . قیش ایچون سرد
ایتديك مطالعه يك طوغرو ، صیقيليرسه ك موقتاً براوه چيقار ، بهارده ينه كوشكه طاشينيرسك .
بنده ايكي كونه قدر شيشيلیده براوه طاشينيورز . قاضي كويندن آيريليورم . فقط
صراق ایتمه سزككيلره آره صره اوغرارم حتی برشی لازم اولورسه بكا خبر كوندرمارینی
صورت مخصوصه ده تنبيه ایدجكم . معلومات ويررلرسه قباحث اولرك اولور . شيشيلیده كي
اوی كورسك بكئيرسك : لطيفك اپارتمانی صره سنده ، ايكي يوز مترو قدر ايلورده ، يالكيز
درت طرفی آچيق ، ارقه سی تا بوغاز ایچند قدر ناظر ، اون براوطه لی براو . ارقه سنده اون
اون بش اغاجلی برباغچه سی ، برده بيوكجه اخوری وار . هرشی ابي اما كراسی ده ابي : اون
لیرا .

شیشلییه كیديشمه قسماً سنك مكتوبك ده سبب اولدی . اورادن كاغدخانه یه بركره دكل ،
برقاچ كره كیده بيله جكم : اوراده دائماً سنی دوشونن قلمله ، وحدقه مشفقهمك هر زمان
ایچون بریادمونسی اولان خیالكله ، والحاصل هم سنك و هم بنم روح محرور و مشغوفزله بتون
محاسنی دویه دویه سیر ایدرم . چوجوقلق دكلی ؟ رشيدك غایت كوزل بر قصراغی وار .
بدانی مقسطاً ویرمك اوزره اونی ده آلدیم . بناءً علیه كاغدخانه یه مقنن و غیر مقنن زمانرده ،
عقلمه كلدكجه كیده بيليرم . و بناءً علیه اومسیره بدايعك هر كس كي معین كونلرده و معین
وقتلرده دكل ، نامعین ساعات وایامنده ده برزائر پرستشكاری اولاجق ، و هیچ كیمسه نك
كوردمديكي و طویه مدیغی ذوقلارینی ده طویه بيله جكم . ديمك كه سنده بنده بوسنه مستشنا برحیات
یاشایه جغز . الله ویرده ذوق خیالیزی طالع تلخ ایتیه .

— بزم مجلسده یازی یازمق قابل اوليور . شو مكتوب بلكه اون كره انقطاعه
اوغرا دی . كان وكیدنك آردی آره سی كسیلیميور . بو انقطاعات آن بآنی یازیدن اولسه بيله
افاده لك پریشان اولسندن اكلايه بيليرسك . ارتق مكتوبه ختام ویرييورم . یوقسه بیتیمه جك
ومكتوبك ظرفنی یازمق بلكه ممكن اولمیه رق مكتوبمده كچيكه جك .

برقاچ كون صكره ينه كوروشورز . افراد عائله محترمه كه آیری آیری عرض احترامات
ایل « كریزان » ك كوزلرندن وسنك ده هر طرفكدن اوپرم باقی صحت وعافیت قاردم فاقه

قاردمشك

سامی



قرده شم ایکی کوزوم فاشقم

ه خیزران سنه ۳۱۷ تاریخی مکتوبگی برقاچ کون اول آلام او قدر سویندم که حالا اوقومقاه طویه میورم سنک نه صمیمی بر لسانک وار . مکتوبگی اوقودجه بتون روحی کورمامک ، بتون معصومیتکه سکا صاریلوب اوپاماک قابل دکل . صانکه ماده دن بتون بتون مجردسک ، صانکه برروحسک . او قدر صمیمیسک او قدر صافسک .. برده لقردیله کده ، طور افاده کده او یله برصوقواغانلق وار که انسانک عادتاً قلبنه کیرمک ایستیورسک . و بن آرتق سنی کورمش ، سنی فوقلامش کی اولیورم .. قوزوم قرده شم بکا هر وقت بویله یاز و صمیمیتکه و معصومیتکه شو هنوز کنج ایکن اختیارلامش ، فطرتاً برچوق امل و امیدده مشوق ایکن هرامید واملنده محروم اولمش و فقط بتون محرومیتلرینه رغماً ، اولو برمادیت ایچنده هر وقت نازه وزنده هر وقت محتاج و مشتاق برمعنویتله معلول ، شو اختیار ، کنج قرده شگی اوقشا و متسلی ایت .

امین اول که بن سنکله ، سنک خولیا واملار که عادتاً کندی شبابتی یاشایورم سنده بن یشایور کی اولیورم . — بورغازده هیچ حقیقدم یالکیز واپورله کلیر کچرکن کوروردم . اوزاقدن طانیرم . شیمدی خیالم اوراده هپ سکا رفاقت ایدیور .. واپوردن برابر چیقیور اسکله ده کیله شویله برباققدن صکره آیریلبورز . دیرکن اونور خیال تجلی ایدیور . بن ده سکا اویارق اونی سلاملیورم وایکیمزده عین بر انجذاب پرستشاه صارصیله رق بر بریمزه باقیورز اک درین ، اک اثری برنشیده عشق و سودای بر بریمزک کوزلرنده اوقیورز . آه هیچ اولمازسه بونی دویمق ؛ بونی اوقومقده بر سعادت در دگلی ؟ . — بورغازده کز رکن هپ قاردشکی و بنی دوشون دیکسکه پاک طبعی اولدرق ایناندم چونکه بن ده نفسمده عینیه بویله دویارم : نه وقت کوزل بریره کیتسه نه وقت بر کوزل کورسه و یا خود نه زمان ائی برشی دوشونسه آد سزی ، ایکی قرده شاری هان یانمده بولمق ایسترم . وسزی بوله مینجه ، بو محرومیتله قانع اولمق لازم کلنجه بیلسه کز نه قدر صیزلارم . بعض طبیعتلر بتون نشئه لرینی بتون ذوقلرینی نفسلرینه حصر ایتک ایستلر . حالو که بن بونلری آنجق بشقه لرینه دویورمقاه ، بشقه لرینی ده اونلره تشریک ایتکله دویه بیلورم . فقط بو بشقه لر بنم کی دویه بیله جکاردر . بیلیرساک که بن پک دورغونیم .. — سنده بویله میسک ؟


— سنی بنمسه مکده نه قدر حقم وارمش .. سومک ، علی الاطلاق سومک ، هیچ بر شرط ایله مقید اولیه رق بتون کوزل لکاری ، بتون کوزلاری سومک .. اوخ ، بونه طانلی در . روح ازلی و نامتناهیدر بتون طبیعت محیطه ایله ارتباطی واردر . تجلیات روحیه دیدیکمز شیار ، بوا ارتباط ازلی سببیه ، روحزده ارد صره حاصل اولان ، هیچ بر زمان اکسیلمسی ممکن اولیان بر طاقم آهنگاردر که اونلرده بالطبع روح و طبیعت قدر نامتناهی در بو حال ایله ، بزم ایچون ، یالکیز بروجوده حصر حیات ایتک یالکیز بر وجودک ویره جکی آهنگار ایله اکتفا ایتک ، صکره فطرتاً او نامتناهی آهنگاره مستند اولان روحزی دیکلندیرمک نصل قابل اولور ؟ کوزل برچهره : ماوی کوزلی ، صاری صاچلی بر دایر ... بونی کورونجه تناسب سیما و اندامیه روحزده بر آهنگ حاصل اولور و اونی سورز صکره و حتی هان او آنده دیکر بر سیما ، سیاه کوزلری و سیاه صاچاریله ، یا خود تماماً اولکی چهره ده سوزوک بر نظر ایله و یا خود دها لوند بر قامتله بزده ینه بر آهنگ عشق و هوئی اویاندریر اونی ده سورز .

بو بیتماک بیلیمز ، طوینمز بر سویشدرکه اساساً هیچ بر کوزلده کی لذت مخصوصهیه
منققر واونکله قائم دکلدر بو اولردن بر شمه در ، بر عکس در ، بر روح در وایشته بز
بوروجی برده کورور و دیوارسی اونی نای حال سورز ... بر اویله عشوقه لرم واردرکه
برکره کورولش و ملاح وجهیه لرندن هیچ بری حتی قیافتی خاطرمدده قانامش در . فقط
اوبنده اویاندر دینی بنده احیا ایتدیکی آهنگ ایلله ابدیاً بر حیات در بن بیلورم که اک کوزل
بر وجوده نه قدر مجلوب اولورسه م اولیم عین زمانده عینی و بلکه دهها شدتلی بر محبتله
ایکنجی بر کوزلی ، حتی اوچنجیسنی دردنجیسنی بیکنجیسنی ده سوه جگم فقط حسماک ، بو
محبتده هیچ بر دخلی اولدیغندن ، هیچ برینه قارشی خیانت کبی ، حتی صورت متجردهده
برینی دیکرندن آز سومک کبی بر جنایتدهده بولمیه جغم ... — کچنلرده بویله هر کوزلی
جبلی بر محبتله سودیکمی پرنسسه یازمشم . شمدی اونکلهده هپ بوندن بحث ایدیورز .
ایسترسهک سکا اوبارچه لری یازارم .. امتحانلر بیتسینده اووقت ، دهها ایی اولمازمی ؟
یانیده کوردیکمز ملکسیمایه تصادف ایتدکجه واونی روحاً سلام لادجه بنیده خاطرلا .
هیچ اولمازسه اوکا قارشی بنده بو خاطر لرده یاشاییم . کیم بیلیر ، آره صیره روحه آسن
هوای محبتده بلکه بویله خاطر لرك بر عنایتی واردر ...

— پرنسسه مخبردمز ، دهها طوغروسی ، حیات روحیه من شمدی اویله بر دوردهده که
سویلسه م شاشارسک . ایکیمزده نه یاپدیغمیزی ، ایکیمزده نه سویله دیکمیزی بیلیمورز . یقینده
غالبا استانبوله کله جگم . اووقت بو مکتوباتی سکا اوقورم . یازمقله سویلنمز ،
سویلنه من . — غالبا دیدم ، فقط احتیاطاً ؛ حقیقتده مطلقاً کله جگم . چونکه ناظر پاشایه
صوک بر مراجعتده بولندم . غالبا سوزی اومراجعتک ویردیکی امیددن منبعث بروهم خیالینک
لطف افاده سیدر . هیچ بزم مراجعتمه جواب ویرن اولورمی ؟ قوزوم فائقجگم ، حسین
جاهده سورسهک آ معاف مدیرلرندن بعضیلرینک تحویل و بجایشی ایچون نظارتجه بر تشبث
وارمی ؟ بنم ایچون پاشا برشی یامشمی ؟ بیلیمورسه طاهر بکدن سورسون . اوصورامازسه
سن صور اولمازمی ؟ بوقسه طاهر بکه طارغینمیسکز ؟ اوو ، باق ، طاهر بک پک صاف
برآدمدر . اوکا دارلما ملی در . باقی اخوت وعافیت قاردهشم

قارده شک

سامی



ایکی کوزم فاردشم نجیم ،

قرهسی یه کیتدک کیده لی سندن برمکتوب آلمق ممکن اوله مدی برشی یازمیورسک .
آرد صیره وهاب بکدن ، حمداللهدن صوریورم : حمد اولسون اییلر جوابیله مقابله
کوریورم . فقط بوقدری - هر نه دنسه - کافی کلیور .

هر شیء حکم قاهرینه رام ایدن زمان ،
نولوردی قلب حرمته باری طوقومسه .

فقط بهوده برتمنی . هرشی کی حالت روحیه ده زمان ایله دکیشیور . بودکیشمه دن
حاصل اولان بر نتیجه وارکه اوده بر تجربه روحیه . ایشته کار حیات همان بوندن عبارت .
بنم تصویرم وعبدالحق حامد بکک تصویبی اوزرینه درت هفته دنبری طوقاتلیانده
معین برکونده برلشهرک چای ایچیورز . جناب ، نظیف ، حسین سعاد ، جلال نوری ،
علی اکرم کلیور .. همان شو اسکی ثروت فنونجیلر هپ اوراده . ایکی هفته در
سزایی بکده التحاق ایتدی . شوندن ، بوندن قونوشیورز . بویله یک فکر ویک حس
اولان آدمک بر آردیه کلسی فنا اولیور . انسانلر ایچون اکلا شمع هم بر ذوق ،
هم بر احتیاج ؛ بر آرز تریه کورمش اولانلر ایچون عادتا بر لذت . بوراده اولسه ک
نه آبی اولوردی ، سنده دوام ایدردک . کچن کون سزایی بکله سنی صوروشدق
وایکیمزده عین جوابی ویریشدک : مکتوب کوندرمیورکه ، کوندرمزکه ... امینه
خانم افندی نصل ؛ و دادمز نه عالمده ! بز بر بچق آی اول آرتق بویاجی کونی
بر اقدق ، کدک پاشایه کلدک فقط بوغاز ایچندن آیرلق بنم ایچون او یله بر محرومیت که
صورمه . مع مافیه حیات نه در ؛ محرومیتلردن مرکب براوزون زنجیر ... دکلی ؟
دون عالی بکه تصادف ایتدم . برقچ کونه قدر پدربله برابر آلمانیا یه کیدیورمش .
شو حرب بر طرف اولنجه بنمده ایلک حرکتیم بر آوروپا سیاحتنه حاضر لنمق اوله جقدر .
مدیحه ده پک آرزو ایدیور . باقه لم طالع مساعد اوله جقمی ؟ مقصد خالق کورمک
دکل ، محصولات فکریه لرینی تدقیق ایتمک .

باقی کوزلر کدن اوپر وجوابکه صبر سزقله انتظار ایدرم . مدیحه ده جمله یه عرض

قاردشک

حرمت ایدر قاردشم افندم نجیم .

سامی

۲ تشرین ثانی ۱۳۳۱





برانسانده، كندی اولمه دن اول، نه قدر انسان اولور. [*]

دون آقشام، آرقاداشلردن برینه ملاقی اولق اوزره، ابوالضیانك استانبوله کچدکجه
یمکارینی یدیکی «جهنیو» لوقانطه سنه کیتمشدم. بنی اوراده دائما ابوالضیا ایله برابر کورن
غارصونلردن بری یانمه یافلاشهرق، حقیقی براسان تأثرله، «ابوالضیا اولدی» دیدی.
بردن بره آکلامدم، صـورددم. ایکی غارصون دها کلدی، و اوچی برن «اوت،
بك، اولدی» دیدیلر؛ و تفصیلات ویردیلر.
بوخبر، بنجه او قدر نامنتظر و او قدر مؤلم ایدی که فکر و جمله عصیه هم برعکس العمله
گریلیدی. نه آغزمدن برسوز، نه ده کوزمدن بریاش آقیوردی. یالکیز دوداقلرم بلا
اختیار «ابوالضیا اولمش، ابوالضیا اولمش» سوزلرینی تکرار ایدیوردی.
بوصباح او یانجه کنـدیـمه کادم، و هان سوقاغه چیقـدم. هم گریلیور، هم ده ساکن
ساکن آغلا یورددم. ابوالضیانك اولسی نه دیمک اولدیغنی، و ابوالضیا ایله برابر بنده
و وطنده ده برشی اولدیکنی، صمیمی بر آجی ایله، آ کلامدم.
ابوالضیا رشید پاشا ایله باشلایان و شناسی - کمال دوری نامنی طاشیان دور ادب رحیتك
فکر صنعت و حسن طبیعتله تمایز ایتمش صنادید کزیده سنندن بری ایدی. بن و بنم کی
اولانلر ابوالضیایی کوردکجه هپ او دوری یاشار، او دورك مخصوصاتندن اولان آتش
جوشان حیتله طوگمش قلبهزی بر آز ایصیتردق.
ابوالضیا قونیه سورولمه دن اول بروسه دن استانبوله هرکلیشده - او وقت بروسه ده
معارف مدیری ایدم - غلطه ده کی مطبعه سنه او غرار، او دار مساعیده ابوالضیانك کبار
و وقور سیاسی طویه طویه تماشایدرک، اونده کی عشق صنعت و غیرتدن برهوس حیات
آلهرق، بروسه یه دونر ایدم. بنجه بو، یگیلرز بر احتیاج ایدی؛ چونکه، ابوالضیانك بنده
یاشادیغنی دور: حیت دوری، صمیمیت دوری، فدا کارلق دوری، صدق و وفا دوری
ایدی. بنی بو اولومدن متسلی ایدمک یالکیز برشی واردرکه اوده، نسل حاضرده و هیج
اولمازسه نسل آتیده ابوالضیا دورینك یاشادیغنی کورمک، و بونی کورمه دن اولمه مک در.

کوچوک بر مثال:

بابامله کمال مکتب آرقاداشی ایمشلر. ابوالضیا مرحومه کوندردیکی برمکشوبده کلاک

[*] اوراق خصوصیه می آراسنده ناتمام بولنان بومقاله یی سامی نك آباء حیت و ادبی تقدیر و توقیرده کی
فضیلتندن باحت و ابراز ایدیکی شواهد برفاءة تاریخیه یی باعث اولق اعتباریله درج استدیگم کی بورقه لردن
برینك آرقه سنده تسویدینه باشلادیغنی خالد بیتروپ بیتیرمدیکی آ کلاشیلامیان مرثیه پارچه سنیه ده اهاله قییمه مادیق.

وفاتندن بخت ایدەرك، آرەلرندەكى مناسبى شەصورتلە تەریف ایدیور : « كمالك ضیاعنه
اك زیاده متأثر اولانلردن برى دە بنم . مكتب شریكم پك اسکیدنبرو سودیکم حسمك
نرجانی فکرمك خامەرانى ایام مصیبتكم تسلیتساز بیامتانی ایدی الله غریق رحمت ایتسون .
صوکره کماله - وفاتندن اول - بغداددن ارسال ایتدیكى بر مکتوبده بومجبتى، باقك،
نصل برلسان محبتله سويليور :


« . . . عاجزلردن مکتوب آلنه مایش خاطرلئان اسبابدن دکادر . شوراسنى ده
علاوه ایدیم که هیچ برسب سزك محبتکزدن اخلاصکزدن بنی منع ایدەمن . اقبال وادبارك
بیمزده کی علاقەیه قطعاً تأثیری اولەمن . سز قبریسه ایکن یازدیغیمکیز برکاغد اوزرینه ینە
بویولده بر جواب ویرمش ایدم . حتی بزم محبت اویله هائله موت ايله اورکوب قاچه جق
عاشقانیلر قییلندەن دکادر . کون اولورده ایکیمزده دین ووطن یولنده شهید دوشرایسهك
نه بیوک فلاح وسعادت . اولەمزده سوق مساک ايله بوسعادت یالکیز بکا اختصاص ایدەجک
اولورسه قانلو پیرهنمله حضور سیدالشهدایه کیدک یالواریر ونرەده بولنسهك سنی چکه چکه
یائمه آلیر کتوریرم . الله ايله عهد اولسون ارواح شهدای کربلا شاهدیم اولسون امام حسین
قدوة الاحرا وسیدالشهدادر حمد اولسون همده جد اعظمدر امید ایدرم که بنی رد و محزون
ایتمز .



« ضیا » گه ، آد ، قاووشدک ابوالضیا ، لکن
یتیمک اولدی سنکده بو کون زواللی وطن ...
سنکله سوندی جهان ادبده برشعله ؛
بوتون شباب منور دو کونسون آرقه کدن .



انسانده برچوق انسان اولور کندى اولمەدن .





۲۶۸ نجی مکتوبدر : ۱۰۱

Ile de Rhodes, 9 Juillet 1902

Ma très chère Donna et amie,

Jamais je ne me suis senti aussi agité que depuis que je suis à Rhodes! Je n'ai plus de repos. Il se passe en moi quelque chose d'indéfinissable qui m'empêche de me consacrer librement à mes travaux favoris. Toutes mes pensées, tout mon être, en un mot, se trouvent égarés dans le Néant! Je suis un peu comme ce neurasthénique mécontent de tout et de lui-même! Je n'ai plus de goût que pour vos lettres. Ne m'en privez pas, ma chère et bonne amie, car vous seule savez me comprendre et me calmer !

Votre ami

Samy



[*] فرانسزجه انشاسی ده تورکجه سی قدر سهیل و بلیغ اولان سامی بکک اوراق متروکه سی ایچنده اله کچیریله بیلمن و ۱۷۲ نجی صحیفه ده ذیلاً بیان اولونان ایتالیالی پرنسسسه مخاطباتی حاوی اولوب اوقونابیلن مسوداتدن بعض قسملری بورایه درج اولوندی .

Ma chère Donna et amie,

12 Novembre 902

J'aime beaucoup Maurice Maeterlinck, l'auteur charmant de *Pelleas et Mélisande*, du *Trésor des humbles* etc. Je l'aime par la simplicité et la naïveté touchante de son style. J'adore le naturel et le naïf dans la poésie... Je crois même que ces deux qualités sont dans le caractère primitif et essentiel de la poésie et toutes les autres que nous lui reconnaissons, telles que véhémence, majesté, sublime, élégance etc, etc, ne sont que des effets de l'Art. En voici un exemple :


Et s'il revenait un jour
Que faudrait-il lui dire ?
- Dîtes-lui qu'on l'attendit
Jusqu' à en mourir !



16 Novembre 902

..... Ecoutez moi. Non, ma chère, nous n'avons pas de fêtes comme votre Fêtes des Morts, et je trouve que c'est bon de ne pas en avoir. Pourquoi sert cet usage et pourquoi ce ressouvenir périodique et pompeux de nos malheurs ? Qui n'a pas au fond de son coeur une source de tristesses latentes prête à jaillir en larmes à tout instant ? Oh ! de la cérémonie dans les malheurs, même pour les revivre !

La vie est déjà par elle-même assez pleine de tristesses, pour qu'on n'y ajoute point d'autres encore



24 Septembre 902

Le sort implacable a fait que cette jeune fille de 14 ans, cette fleur qui
à peine d'éclorre se soit noyée dans le Bosphore aussi bleu que ses
yeux ! Elle était d'une beauté et d'une intelligence rare .

J'ai été tellement impressionné de ce lamentable accident que je ne
sens pas la force de consoler ses parents !


Que pourrais-je leur dire ? Il est commode d'écrire des banalités. Toute-
fois il est des malheurs qu'il faut savoir respecter. Ce respect se traduit
par le silence !


Le malheur de sa fille au tombeau descendue

Par un commun trépas

Est un bien noir Dédale ou sa raison perdue


Ne se retrouve pas !





سماي بك

تربيتي و علمي حيات



نطق [*]

« ملی تعلیم و تربیه جمعیتك ۸ نیسان ۳۳۲ تاریخنده
اجرا ایدیلن کشاد رسمنده اراد اولمشدر . »

رفیق محترم اسعد پاشا جمعیتك غایه تشکیله دائر بعض بیاناتده بولندیلر .
مساعده بویوریلورسه بنده عینی خصوصه دائر ، فقط باشقه بر نقطه نظرندن
بعض افاداتده بولنه جغم .

ایضاحه حاجت یوق درکه هر جمعیتك بر طاقم قناعتلری و اقناعتلر اوزرینه
مؤسس بر طاقم مقاصدی واردر . بناءً علیه بنده کزده اولا قناعتلرمزى و صکره
مقصدلرمزى عرض ایده جگم .

برنجی قناعتمز شودرکه : دنیایه ماده و معناً حاکم اولمق آرزوسيله ، جهانك
اك كوزل واك حاکم بر نقطه سنده ، اك كوزل اساسلر اوزرینه ابتدا كوچوك و فقط
صکره او اساسلر قدر بویوك و جهانشمول بر دولت تأسیس ایدن و شیمدی یه قدر
تأسیس ایتدیكى بودولتك بقاسی او غرنده اك زیاده قان آقیتمش و هر فدار کارلغه
قاتلانمش اولان تورك عنصرى ، دنیاده هیچ بر ملتله قابل قیاس اولامیه جق بر خاصه یه ،
فطرى خالصت و صلابتی هنوز پیرانماش بر قوه حیاتیه یه مالک در .

ایکنجی قناعتمز شودرکه : ملتده کی بوقوه حیاتیه نك صوك عصرلرده غرب
ملتلری کی ساحه مدنیته ارائه کمال ایده مه مسی یالکز شوندن : وجوداً ، اخلاقاً ،
فکراً احتیاجات زمانیه ایله متناسب و قانون تکامله مطابق بر تربیه آلامامسندن
متولددر .

اوچنجی قناعتمز شودرکه : بر ملتك آلاجنی تربیه ، كرك حیات مادیه سی و كرك
حیات معنویه سی اعتباریله هر زمانده و هر یرده او ملتك هیئت عمومیه سنی کمال حرمت
و تقدیر ایله و دیگر ملتلردن متمایز بر طاقم اوصاف ایله تمثیل ایده جگم بر تربیه
اولملى در .

[*] ملی تعلیم و تربیه جمعیتی مجموعه سی ، عدد ۱ .

نهایت دردنجی قناعت مزده شودر که: هر هانکی عمومی بر تشبده حصول موفقیت،
عمومك بنیه سنی، خلقی و دماغی طایفه، عموم ایله بر لشمکه و عموماً بر غایه به طوغرو
یورومکه موقوف در .

عرض ایتدیکم شودرت قناعت کوره مقصدلر مزده شونلردر :

۱ — تورك عنصرنده کی قوه حیاتیه نك منبعلرینی آراشدیرمق، بونلری میدانه
چیقارمق، شیمدی به قدر واقع اولان تحریات مزده کوره، روح ملتده خوابیده و غیر
مشعور بر حالده قالان فطری استطاعتلری افراد ملتده بولدورمق، طویورمق،
طاندرمق، هر فردی غیرك قوتلرندن زیاده کندی استطاعتلرینه و بناءً علیه
کندینه، کندی وارلغنه: کندی فکرینه، کندی طویغوسنه، کندی اخلاقه،
کندی ایمانه، کندی ملتده، کندی وطنه، کندی عرقه ایناندرمق و کووندرمك
وتورك عنصرینك، تاریخنه نظراً، حیات عالمده کی وظیفه سنی تعیین ایتدرمك .

۲ — هر فردی فردی و اجتماعی بویمان و اعتمادینی، هر یرده و هر زمانده،
بوتون خصائص فارقه سیله، کمال حرمت و تقدیری جالب اوله جق صورتده اثبات
واقامه ایده بیله جك بدنی، اخلاقی، فکری، اجتماعی و الهی قوتلرله تجهیز ایتمك،
الحاصل تورك عنصرینی حیات عالمده کی مادی و معنوی وظیفه سنه صالح قیلمق .
ایشته قناعت و مقصدلر مز بونلردر. شیمدی شوقناعتلردا اُردسند بومقصدلری
استیصال ایچون باشلیجه درت زمین اوزرنده ایشله به جکز :

« ۱ » فردك فردی قوتلری اوزرنده ؛ « ۲ » فردك اجتماعی قوتلری اوزرنده ؛
« ۳ » فردك جمعیه و جمعیتك فرد و یردیکی قوتلرا اوزرنده ؛ « ۴ » بوتون بوقوتلرك
كرك فرد و كرك جمعیه ترتیب و اجلا ایتدیکی وظائف اوزرنده .

بوایشلری باشه چیقارمق ایچونده فردك و جمعیتك کندی فعالیتته، فعالیت
مادیه و معنویه سنه توسل ایده جکز؛ اولاً اونلرك شیمدیکی فعالیتلرینی تدقیق ایده جکز،
صکرده فردی و جمعیتی، احتیاجات زمانیه به و قانون تکامله مطابق فعالیتلره سوق
ایدرك، بو فعالیتلری اونلرده بر شیمه، برسیجه حاله کتیرمه چالیشه جغز .

فردك فردی قوتلرندن اولاً بدنی نظر مطالعه به آلا جغز . بر شینی نظر مطالعه به
آلق، اونك مزیاتینی، نقایصنی و مناسبانی آرامق و بولمق دیمك در . بناءً علیه
اولاً تورك بدنك مزیتلرینی، نقیصه لرینی و محیطیه مناسباتی آراشدیره جغز .
مزیتلرینی ادامه و یا اعلا ایتمك، نقیصه لرینی کیده رمت، و محیطیه مناسباتی تنظیم
و اصلاح ایتمك ایچون نه یایمق لازمه میدان چیقاردرق، بونلری هر کسك کوزینك
اوکنه قویدرق، هر کسکه برابر واک طبیعی صورتده، یعنی هر فردك کندی فعالیتته
مراجعت طریقیه، لزومی ظاهر اولان شیلری یایمغه و یایدیرمغه چالیشه جغز .

ایلك تخم فطرتی آسیانك دائماً سمالرله اوپوشهن صاف وباكر ، كريم وعلوی
تپه ویایلارندن آلمش و بوعلویت و كرمه اوصفوت و بكارتی ، زمان واداردنك
هردرلو تخریباتنه رغماً ، حالا ایلك صلابت و متانتیه محافظه ایتدیكنی صوك دفعه
چناق قلعهده چلیك قلعهلردن دها رصین برثبات و تحمل كوسترمكله اثبات ایتمش
اولان تورك بدتی اویله برحاله كتیرمكه ، اوندن اویله برقوت حاصل اولسنه
چالیشه جغزكه ، راه حرکتی اوكنه چیقہ بیله جك طبعی ، صناعی هر قوت اوکا ابدیاً
حرمتكار اولسون ، اونك حتی برقیلنه ادنا برضرر ویردمسین . اونی ازلی وابدی
بربازوی حق و حقیقت بیلمسین .

صدره توركك اخلاقی ده عینی اصول دائرهمسندہ تفتیش و تحقیق ایده جگز .
بزجه اخلاق دیمك ؛ اولاً نفسنه ایمان دیمك ، یعنی كندی نی سومك ، كندی نه اینامق ،
كووہ نمك و حرمت ایتك دیمك ، عزم و جزم دیمك ، ثبات دیمك ، متانت دیمك ،
مدنی جسارت دیمك ، استقامت ، حیا ، امانت دیمك ؛ ثانیاً عائله سنه ایمان دیمك ،
یعنی عائله سنی سومك و اوکا كندندن زیاده اینامق ، كووہ نمك ، حرمت ایتك ،
افراد عائله سنك منفعتنی كندی منفعتنه تقدیم ایتك ، هر اخلاقی حركتلرنده اونلره
معین و ظہیر اولمق دیمك ؛ ثالثاً ملتہ ، عرقہ و وطنہ ایمان دیمك ، یعنی ملتنی ،
عرقنی و وطننی كندندن و عائله سندن زیاده سومك ، ملتہ ، عرقہ و وطنہ كندندن
و عائله سندن و كندیله عائله سنك بوتون مامله كندن زیاده اینامق ، كووہ نمك ، حرمت
ایتك ، ملتہ ، عرقہ و وطنہ هر عزمندہ ، تشبثندہ ، ثباتندہ ، مدنی جسارتندہ ،
استقامتندہ ، حیا سندن ، امانتندہ ، الحاصل بوتون واجباتندہ معین و ظہیر اولمق ،
ملتنی ، عرقنی و وطننی هر ملتدن ، هر عرقدن ، هر وطندن دها عزیز و محترم كورمك ،
اونلرك مادی و معنوی بوتون منفعتلرنی ، كندی نك و عائله سنك منافعه تقدیم ایتك ،
وطنہ ، عرقہ ، ملتہ او منفعتلری تأمین و تأیید ایتك ایچون عندالایجاب كندی
و عائله سنی فدا ایتك دیمك ؛ و نہایت نفسك ، عائله نك ، ملتك ، عرقك و وطنك الحاصل
بوتون موجوداتك فوقندہ اولان جناب حقہ ، هر شیدہ استقامت و سلامتك قصوای
كمالی اولان و بزی دائماً او كماله طوغرو دعوت ایدهن قدرت مطلقه یه ایمان ایتك ،
جناب حق ، یعنی استقامت و سلامت مطلقه نی سومك ، اوکا هر شیدن زیاده اینامق
و كووہ نمك ، نفسك ، عائله نك ، ملتك ، عرقك و وطنك هر سو کیسنی ، هر عزمنی ،
هر جزمی ، هر ثباتی ، هر جسارتی ، هر فدا كارلغنی ، هر خیر خواهلغنی الحاصل
بوتون فردی و اجتماعی واجباتی حق و حقیقت مطلقه یه ، یعنی اللہك امرلرینه توفیق
ایتك ، اللہك امر و نہی بوتون منافع و واجباتك فوقندہ كورمك ، حق و حقیقتی ،

اللهمك امروني وجه ايله ، نفسندن ، طائله سندن ، ملتندن ، عرقندن ووطنندن
زياده سومك ، وبوسوكي ني بوتون بشريتك فكر ووجداننده تحكيم ايتمهك چالشمق
ديمك در .


ايلك تخم خلافتي آسيانك دائما سمالرله اوپوشه ن صاف وبا كر وكريم وعلوي تپه
وييالارندن آلمش ، بوكرم وعلويتله او بكار و صفوتي دين اسلامك طبيعت اشيا
اوزرينه مؤسس اولان علويت وكرمي و صفوت و بكار تپه مزج ايتمش ، كندندن
و كندى دينداش لارندن باشقه هر كسك ظلم وتعديسنه وبالحاصله ايشته چناق قلعه ده مدنيت
حاضر نك ظلم وعدوان نامنه ايجاد كرده سي اولان هر واسطه اعتسافه هدف اولديغي
حاله ينه شيمه كرمي اونو تپه مش ، ونهايت شهامت فطريه سي وايمان قويسيله بوتون
نامرد و يقيجي قوتلره غلبه چالمش اولان تورك اخلاقه اويله برساحه فعاليت
آچه جغز كه سوكيسي ، عزمي ، جزمي ، ثباتي ، متاتي ، جسارتي ، فدا كارلغي ...
الحاصل فردى ، اجتماعي والهي ايماني بوتون انسانيتي قاوراسين ، بوتون عالم انسانيتي
كندينه رام ايتسين ؛ بشرك هر درلو احتراصي اونك شهامت فطريه سي وايمان قويسى
حضورنده صوصسون ؛ اوني ازلى وابدى بر حارس حق و حقيقت بيلسين ...


نهايت ، توركك قواي فكرياسنى ده تدقيق وتشریح ايدجكز . بزجه فكر
ديمك ، انسانك صرف كندى فعاليتلريله ، يعنى بدنك ، اخلاقك و دماغك فعاليت
منتظمه ومطرده سيله ، اكتساب ايتديكي بيلكيلر ك هيئت مجموعهي ديمك در . بناءً
عليه تورك فردينك بدني ، اخلاقي و دماغني دائما وسطيله ، يعنى على الاطلاق كنديني
احاطه ايدن شيلرله تماس ومناسبته بولندي ردرق ، بوتماس ومناسبتلرله كيت كيد
طبيعي وتدريجي بر صورتده كنيشله تورك و چو غالت ردرق ، كرك محيطك بدن ، اخلاق
ودماغ اوزرينه وكرك بونلر ك محيط اوزرينه صورت طبيعيه ده واقع اولان تاثيراتي
برنظام و اصول آلتنه آله ردرق ، محيط ايله بدنك ، اخلاقك و دماغك برنظام و اصول
نخنده بلا نقطاع والى نهاية العمر تفاعل وتعاملني تأمينه غيرت ايدجكز . دماغني
يالكلر باشنه چالشمقندن وبومفرد ومجرد مساعيسيله هم - صورت مطلقه ده -
ضالته دوشمكدن ، هم ده عبث يره ييرانمقندن قورتارد جغز . بدن ، اخلاق وفكر
آردسندكي قويم وطبيعي ارتباطي تظاهر ايتدي ردرجكز . فكرك مكنسباتني ، حقيقي
اكتساب تمللري اولان بدن و اخلاق اوزرينه قورده جغز . و صكره هر فردى بوتمللر
اوزرند غيرك سابق ولاحق مساعي فكرياسندن ده استفاده ايله ، كندى كندينه ،
صاغلام وشخصي برر بنا قورده بيله جك حاله كتيردجكز .

ايلك تخم فكرتي آسيانك دائما سمالرله اوپوشه ن صاف وبا كر وكريم وعلوي

تپه و یا بالارندن آلمش و بونی بدن و اخلاقك فعالیتلریله تمیه ایتدیکی مدخجه ادر اکانده کی سلامت، رأی و محاکمه لرنده کی اصابت و متخیله سینده کی وسعت و جیادته کو چو جك بر عسیرتدن شرق و غربه حاکم بر دولت معظمه تشکیل ایتمش، وبالخاصه فکریات و مجردات ساحه سینده و صنایع عالمنده دخی زمانك اک عالم و صنعتکار ملتیرینه رشك آور اوله جق فحول و حکما و صنعتکاران یتیشدیرمش اولان تورک مفکره سنه، او یله بر طریق انبساط و انکشاف اعداد ایتمه غیرت ایده جکیز که تورک دوشونوشی، تورک محاکمه سی، تورک محصولات خیالیه سی: تورک علمی، تورک فنی، تورک صنعتی... بوتون مفکره لره، بوتون علم و فن و صنعت عالمنه حاکم اولسون، بوتون بشریت حمله ایجاد و اختراعنی تورک دماغندن آلسین؛ تورک بدنی، تورک اخلاقی کی، تورک مفکره سی ده بوتون مفکره عالمه و بوتون مساعی بشریه رهبر رشاد اولسون.. بشر، اونی ازلی وابدی بر مبلغ حق و حقیقت بیلسین...

ایشته افراد ملتیز و ملتیز ایچون استهداف ایتدیکمز غایه بودر. بو غایه نی، هیئت محترمه کزی تشکیل ایدن ذوات کی، سمع اطلاعنه ایصال ایده جکمز هر تورکک کندی غایه سی اولق اوزره تلقی ایده جکندن امیز. بز یالکیز ملتک کندی وجدانندن تلقی ایتدیکمز امری نشر و تعمیم ایده جکمز، مساعیمز بوندن عبارت اوله جق. بر اولان رتیمزک بر لکسه اینسانان ملل سائر دیه منسوب بوتون دین قارداشلر مزده قویاً امیز که اللهمک تورکله حیات عالمنه تودیع ایتدیکی امانتی و وظیفه نی نور ذکا و ایمانلریله تقدیر ایده جکمز، و تورکارله آل برلکی ایتمکدن هیچ بروقت کری طور میه جقلردر. باقی توفیق الله بندر.





قونفه رانس

[۱۳۲۴ سنه ماليه سی اواخرنده قاضی کوینده خانلره ویرلشدر .]

مهندس مکتبی طلبه سی افندیلر حدودده بولسان عسکر آرقاداشلرمنزه قیشلق البسه تدارکی ایچون معاونتده بولمق اوزره ارککاره و خانلره مخصوص برتیا ترو اوینامی تصمیم ایتشلر ، خانلره مخصوص اویننده برقونفه رانس ویرمکی ده بکا تکلیف ایتدیلر ؛ مقصد برخیر اولدیغنه کوره عجزمه باقیه رق بزده بوخدمتی درعهده ایتدم .

مصاحبه مک زمینی خانلره ارککار بیننده کی مناسبتنه ، ارککارله قادینلرک وظائف متقابله لرینه دائر اوله جق ؛ بو وظائفه دائر عمومی و خصوصی بعض مطالعه لر درمیان ایده جکم ؛ مطالعات عاجزانه مده اساس مملکته خدمت در . بویه بر خدمتده هم خیری ، همده شری سویله مک ، خیر ایشله مکی و شردن توقی ایتکی توصیه ایتک ضروریدر . بناء علیه خیر جهتی توصیه ایده جکم کبی سزی خیره تشویق ایچون شری ده ایضاحه و بوبابده بعض مثاللر و موأخذلر سردیله سزی شردن تحذیرد ، یعنی قورقوتغه چالیشه جنم . موأخذاتم عمومیدر ، صورت عمومیه ده قادیناغه شاملدر . بناء علیه یالکیز مقصدی و سنمک سزه بویوک برقاردهش کبی لاقیردی سویله مکه مساعد بولندیغنی نظر مطالعه یه آلهرق موأخذات عاجزانه می حسن نیتمه - باغشلایه جغکزی امید ایده رم .

معلومدرکه ، بوتون مخلوقات یاشامق ایچون یارادلشدر . دنیاده شخص ایچون بقا اولمایوب بوتون مخلوقاتک یاشامسی دائما تجدد ابتلرینه متوقفدر . ابتدای خلقت ، برچوق نظریه موجود اولماقه برابر هنوز حل ایدیله مش برمسأله در . معلوم اولان شودرکه ، مخلوقاتک بقای ارککله دیشینک وجودینه و بونلرک برآزاده یاشامسینه منوطدر . حیات برغایه در ، برمحصولدر ، برمیوه درکه بونک حاصل اولسی ارککله دیشی به محتاجدر . ارکک ویا دیشی اولمازسه حیات اولماز ؛ ارکک ایچون دیشی نه قدر لازمه ، دیشی ایچون ده ارکک اوقدر لازمدر .

یکی طوغان برچوجوق معاونتسز یاشایه من ؛ پییه جکه وکییه جکه محتاجدرکه اوللری آناسی ، باباسی تدرک ایدر . برچوجوق یکی طوغدیغی زمان بویه بر معاونته محتاج اولدیغی کبی صارب ، مزعج و مخاطره لی اولان طریق حیاتده ده هرفرد دیگر فردده و باخصوص هر فرد برشفته ، برمرحمته ، تا چوجوقلغنده آلیشمش اولدیغی آنا بابا محبتی کبی صاف و علوی برمحبتنه محتاجدر .

ایشته یاشامق ایچون هرفردک بر فردده محتاج اولمسندن عائله لر و عائله لرک بربرینه محتاج اولمسندن ده جماعتلر تشکل ایتمشدر .

حیوانات سائرینی بر طرفه برافرق صورت مخصوصه ده السانلردن بحث ایده لم ؛ انسانلرده بواحتیاج حیوانات سائرده دن ده ا زیاده در ؛ احتیاج قوای مادیه و معنویه ایله متناسبدر .

انسان‌زده قوای مادی و معنویه هر حیوان‌دن زیاده‌در ؛ بناءً علیه احتیاج ده دیگر حیوان‌لردن دهها متعدد، دهها شدیددر . قوای معنویه قوای عقلیه دیمکدر .

صورت عمومیه‌ده نظر مطالعیه آلینیرسه ارککار وقادینلر ابتدای خلقتده بالآخره برلشمک اوزره بربرندن آیرلش بوجوددرکه ینه بویله بربرندن آیری وبربرلریله برلشمکه محتاج برطاقم وجودلر حاصل ایتکه مأمورددر . الحاصل قادین وارکک بربرینک لازمی و متممیدر . ده‌مین سویله‌دیکم کبی قادین اولمادجه ارکک وارکک اولمادجه قادین یاشایه‌ماز ؛ بونلر اولمادجه‌ده حیات وکائنات اولاماز . شو ایضاحاته کوره ارککار وقادینلر صورت عمومیه‌ده بربرینه صوک درجه‌ده محتاج یول آرقاداشلری ، حیات آرقاداشلری ، روح آرقاداشلریدر .

هر ارککده ، هر قادینده بر اکسیکک ، اکسیک برشی وارددرکه اونی قادینه کوره ارکک ، ارککه کوره قادین تاملار .

حیات اجتماعیه‌ده بوصورت اتمامه ازدواج ، یعنی اولنمک نامی ویریلیر .

اولنمک بر ارککه بر قادینک عمرلری مساعد اولدجه برآراده یاشامق اوزره آنا و بابالرینک موافقی وبرجم غفیرک معلوماتی تختنده برآرایه کلمسی ، آرالرنده قاچ کوچ قالماسی ، ایکسیکده بدنا ، مالا وروحاً نه‌سی وارسه بربرینک اولسی . اکسیک وفائده‌منز ایکی حیاتک تمام وفائده‌لی برحیاته انقلاب ایتسی ، او وقته قدر بربرندن آیری قالمش ایکی محتاج حیاتک سوق تقدیر ایله وقانون طبیعتیه منقاد اوله‌رق اتحاد ایتسی ، بوجود اولسی ، بر حیات اولسی دیمکدر .

شو قدرکه تأهل برآراده یاشامق اینچوندر ؛ برآراده یاشامق‌ده حسن امتزاجه باغلی‌در . بناءً علیه تأهل حسن امتزاجی تأمین ایتلی‌در . امتزاج مزاج اولق ، قایناشمق ، آراده آیری غیری قالمق دیمکدر . شو حالده حسن امتزاج اک موافق واک کوزل صورتده بربرینه مزاج اولق ، بربرینه ایصینمق ، بربرینه قاینامق دیمک اولور . امتزاج اینچون مجانست ، یعنی ماده و معناً برمزیتد . برماهیتده ، برتربیه‌ده ، علماً ، اخلاقاً برسویه‌ده اولق لازمدر ، ماده موافقت کافی دکلدر ؛ معناده موافقت لازمدر . حتی موافقت معنویه موافقت مادیه‌دن دهها زیاده لازمدر . فکراً ، علماً وروحاً مساوی اولیانلر برآراده ناصل یاشایه‌بیلیر ؛ بناءً علیه ازدواجده ایلاک آرانیه‌جق شی زوج وزوجه بربرینه کفو اولق‌در . زوج وزوجه بربرینه کفو اولق‌ده ارککارله قادینلری بربرینه کفو اوله‌بیله‌جک ، اش اوله‌بیله‌جک صورتده تربیه ایتکه متوقفدر . ارککارله قادینلر آراسنده علم و عرفانجه هیچ بفرق اولمالی ؛ وحتی برآز ایلریده ایضاح ایده‌جکم وجه ایله قادینلر ارککاردن دهها عالم اولمالی‌در .

ده‌مین سویله‌مشدم ، انسان‌زده ایکی درلو قوت وارددر . بری قوای مادیه ، دیکری‌ده قوای معنویه‌در . قوای معنویه‌جه ارککارله قادینلر کیم نه‌دیرسه دیسین بر درجه‌ده‌در . یالکز شو فرق وارددرکه : بوقوتلر بالالتزام اعمال اولندینی اینچون ، قادینلرده لازم اولدینی درجه‌ده نشوونما بولاماش ، لازم اولدینی درجه‌ده بویویه‌مه‌مشدر . بونک اینچون‌ده کندیسینی کوسترمه‌مکده‌در . قادینلر داسناد اولنان عجز و ضعف ایشته بوقوای معنویه‌نک لایقیله نشوونما بولاماش اولسندندر . قادینلر ارککار کبی اوقور ، ارککار قدر اوقوتولورسه بن امینمکه ارککاردن زیاده قوتلی اولمه ، قوای معنویه‌جه اولردن دهها قوتلی اولمه مستعددر . قوای عقلیه درجه کماله ، فلاسفه‌جه ضعف زائل اولور . ضعف جهل‌در . علمده ضعف اولماز ، علم قوت‌در .

قادینلرک بالنسبه جاهل قالمسینه ارککار سبب اولش‌در ، بونک حکمتی‌ده تحکیم‌در . « الرجال قوامون علی النساء . . » بو آیت کریمه‌ده « قوامون » دیمک مبالغه ایله باشلرنده

طوران ، اوزرلرينه تيرهين ، اولنرى محافظه يه مبالغه ايله مأمور اولان ديمك در . آتويته
تحكم معناسى يوقدر . مبالغه ايله حفظ وصيانت معناسى واردر . حمد اولسونكه ، بو كى
فكرلر بوكون زائل در . اخلاقاً و شرعاً قادينلرله اركلار بيننده هيچ برفرق يوقدر . حقوق
طبيعيه و حقوق انسانيه اعتباريله اركاك نه ايسه قادينده اودر ، اركاك نه حقوقه مالك ايسه
قادينده او حقوقه مالك در ؛ اوحالده آرالرنده طبيعاً مساوات اولدينى كى علماً و تربيه ده
مساوات البته تأسس ايدمك و آرتق اركلار قادينلره تحكم ايدميه جكدر ؛ علم تحكمى مو
ايدمك در .

زوج و زوجه بربرينه كفو اولق ايچون اركلارله قادينلرى بربرينه كفو اوله جق صورتده
تربيه ايتلى در ، ديدم ؛ بو تربيه يي ويره جك مکتبلر در . بزده شيمدى يه قدر اركاك مکتبلرينه
باقيله مدني كى قيز مکتبلرينه ده باقيله مامش در . حتى مع الحجاب اعتراف ايتك لازم دركه قيز
مکتبلرى اركاك مکتبلرندن زياده حتى يوق دينه جك درجه اعمال اولمش در ، « اركلار
اوقويور و يازيورد نه اوليوركه ، قيزلر نه اوله جق ؟ » دنيلمش وقيزلر برآز اوقومق اوكره نجه
هان مکتبدن آلمش و يا خود دها زياده اوقومق ايسته ينلره مخصوص مکتبلر آچيلاماش در .
بالا التزام قيزلر ك بالاخره بر اركله آرقاداش اولاجنى ، والده اولاجنى دوشونولمه مش در ؛
بر اركله آرقاداش اولق ، اركاك كى دوشونمك ، اركاك قدر بيلمك ، اركاك قدر بدناً
و روحاً قوتلى اولغه متوقف در . باشقه درلو ناصل آرقاداشلى اولور ؟ بر اركله بر قادينك
آرقاداشلى برقاچ كوناك بر آرقاداشلى دكلدر . بوتون بر عمر آرقاداشلى در . بويله اوزون
آرقاداشلى عيني مزيتلى ، عيني قابليتلى حائز اولان انسانلر بيننده ممكن اولور . فكري
ضعيف ، بدنى ضعيف بر قادينله معلوماتلى ، قوتلى بر اركاك هيچ بروقت آرقاداش اولماز .
موكره والده اولق ، بونه قدر مشقتلى ، نه قدر مهم و نه قدر بويوك بر وظيفه در . چوجو غه
ايلك تربيه يي ويره جك والده در . چوجو قده اك زياده اثر براقه جق تربيه ده والده سندن
آلاجنى تربيه در . اومشقتلره تحمل ايتك ، بومهم و بويوك وظيفه يي حقيله ايفا ايتك ايچون
بر والده ماده و معناً قوتلى اولمالى در . بدنى و عضلاتى تماميله نشوونما بولماش ، اى بر زوجه ،
اى بروالده اولق ايچون لازم اولان معلوماتى اوكره نمه مش بر قيزدن جمعيت نه فائده ترتب
ايدم بيلير ؟ وقيزلرى بو حالده اولان بر جمعيت ناصل بقا بولور ؟

حكومت حاضرده قيز مکتبلرينى البته اصلاح ايدمك در ؛ فقط هر شيشى حكومتدن
بكله مك جائز اولماز ، بوكا خانملرك ده صورت مخصوصه ده چالشمسى لازم در . ذاتاً حكومت
نه قدر چالشي سره چالشمسون بويله بر تشبشه خانملر قدر موفق اولماز . بناء عليه بوراده لطفاً
بى ديگله مك زحمتنده بولنان خانم افنديلردن قوتلى و معلوماتلى خانم قيز يتيشديره جك خصوصى
مکتبلر آچالرينى بالخاصه رجا ايدم رم .

قادينلر ك وظيفه سى يالكىز اى بر آرقاداش و اى بروالده اولمقدن عبارت دكلدر . قادينلر ك
دها بويوك بروظيفه سى واردركه اوده زوجلرينه و چوجو قلرينه فضيلت درسى و يرمك ، فضيلت
اوكرتمك در . قادين فطرة عفت و عصمت در . عفت و عصمت ديمك نفسى حفظ ايتك ، اوى
ديكرلرينه منع ايتك ، هوساتنه مغلوب اولماق ديمكدر . اركله فضيلتى تعليم ايدمك قادين در .
فضيلتى بر قادين اركله يالكىز فضيلت اوكرتمز ، قوت و جسارت ده و برر . ذاتاً قوت
و جسارت فضيلتك چوجو قلى در ؛ كوندوز زوجه سنك و چوجو قلىك تا مین معيشتى ايچون
بيك درلو مشقته قاتلانان بر اركاك اقشام اوينه كلوب ده زوجه سنه قاووشنجه بوتون مشقتلرينى
اونوتدينى كى يارين ينه او مشقتلره كو كس كرمك ايچون تازه بر قوت ، تازه بر جسارت
آلير .. اركلارينه فضيلت ذاتيه لريله هر كون يكي بر قوت ، يكي بر جسارت و يرن خانملر نه قدر
بختياردر !

قادينلره ارککارک حسن امتزاجی بدنأ و روحا عین درجده تریه کورملرینه متوقف در، دیمشدم. مع مافیة بعضاً بوحسن امتزاجی ادامه ایتک متقابل بعض فداکارلقلری ده ایجاب ایدر. بعض احوال عصیة، بعض کدرلر، بعض صیقتیلر کرک زوجی، کرک زوجیهی موقه خویشز ایده بیلیر؛ بوخویشز لغه تحمل ایتک، اوکا فضیلتله مقابله ایتک لازمدر. ایشته حیات عائلده فداکارلق بویله موقت خویشز لقلره قاتلانق، اوخویشز لقلی کورمه منزلکه کلمک، دائماً عفتله، دائماً فضیلتله هر شیک اوکنی آلمغه چالیشمق در.


بوراده عفو کزه مغروراً سویلیه حکم که اکثریتله ارککاری خویشز ایدن، اونلری اودن قاچیران، اوده اوطورتیان، اوده اوطورمهیه حق حاله کتیرن قادینلردر. قادین ارککدن ده فضیلتی اولدیغه کوره اوینی وعائله حیاتی اویله برحاله قویلمیدر که ارککی تمامیه اوینه باغلاملی در. ذاتاً فضیلتی خانملر، اولزینی هیچ بروقت بردار عذاب حاله کتیرمه مشلردر.

انسان ملک دکدر. فقط ملکدن دها عالی و شیطانلردن دها دنی اوله بیلکه، هم فطرتده یارادلش در. برنجیسنه شاهد بودر که حق تعالی ملائکه کرامه حضرت آدمه سجده ایتلرینی امر بیورمشدر، دیمک که انسان ملکدرن دها عالی اوله بیلیر. ایکنجیسنه شاهد ایه دور سابقده بیکارجه جان یاقان، بیکارجه خانمان سوندورن آدملردر.

انسانلرک بویله ملکدرن دها عالی و شیطانلردن دهانی اولسی هم ایله که، هم فناغه مستعد اولدیغنی کوسترر. انسانک ای اولق ده، فنا اولق ده النده در. یوز کوزلالکی، وجود کوزلالکی موقت در. حال بوکه روح کوزلالکی ابدی در. بناءً علیه یوزه، وجوده دکل، روحه اعتنا ایتلی، روحی کوزلشدیرمه چالیشملی در؛ روح کوزلالکی ده ایکی درلودر. بری ذاتی، بری اضافی در. روح اساساً بردر، قادینلره ارککار اساساً بر اولدیغنی کبی. روحک ذاتی کوزلالکی ده مضاف اولدیغنی، یعنی برلشدیکی روح ایله هم آهنگ اولسی در. یوز کوزلالکنه، وجود کوزلالکنه اعتبار ایدنلر دائماً خطایه دوشمش، فضیلته قارشی خیانت ایتش اولور. ارککارمه وسایلت امتی تأمین ایتک ایچون قیزلر مه ویریله جک تریه شودر: برارکک یا لکیز بر قادین ایچون و بر قادین ده یا لکیز بر ارکک ایچون یا شامالی در. کندینک اولیان برارککه روی التفات کوسترن بر قادینه، زوجیه سی اولیان بر قادینه یان باقان برارکک اخلاقاً برر جانی در.

قادین بر خزینة محاسن در. بو خزینه نك هیچ برجهتی ایلریده زوجیه اوله حق ارککه تسلیم ایدنجهیه قدر هیچ برکیسهیه کوسترمه ملی، هیچ برکیسه نك او خزینیه فنا بر نظرله باقیسنه راضی اولمایددر. محاسن جسمانیسنه بویله کم نظرله باقان ارککاری تحقیر ایتک هر قادینک برحق، اک طبعی و مشروع برحق در. تریه سنی بیلمه نلره تریه لرینی اوکره تمک، حدینی تجاوز ایدنلره حدینی بیلدیرمک بروجیه در. حتی ناموسک نه اولدیغنی بیلمه رک ناموسه تعرض ایدنلری اولدورمک بروجیه دکل، برحق در. جاهل قوملرده تستر بو خزینة محاسنک مفتاحی دیمکدر. قادین صوک درجده ده عقیف و معصوم اولدیغنی کبی ارکک ده صوک درجه عقیف و معصوم اولمی در. ارککاره بو فضیلتی تعالیم ایدجک ینه قادینلردر. بز ارککارک بو فضیلتله صاحب اوللرینی قادینلردن، خانم افندیلر، سزلردن، سزک یتیشدیرر جکیز خانم قیزلردن بکلیورز. بوکون ملت اسلامیة نك بوتون امیدی سزده در. استقبال سزی، سزک همت و عنایت کزی بکلیور...





بنی حیاطمه اك زیاده اشغال ایدن چوجوقلردر . نروده برچوجوق کورسه م
بلا اختیار اونك حالی ، ماضیسنی ، استقبالی ، صورت معیشتنی والحاصل بتون
حیاتی دوشونورم . بتون چوجوقلری فئالغه قارشو مدافعه ایله اییلکه طوغرو
سوق ایتمکی آرزو ایدرم . ایسترم که بومعصوملر کافه ای اولسون .

شیمدی یه قدر بولندیغم یرلرده تجارب عدیده ایله آکلادم که بزده چوجوقلرك
یوزده طقسانی وحتی طقسان بشی جدی برتربیه ایله ای اولمغه مستعددر . واقعا
تربیه نك اطفال اوزرینه تأثیری هریره کوره مختلف ومحدوددر ؛ فقط بو اختلاف
ومحدودیتی برطاقم تدایر ایله تعدیل ایدوب چوجوقلرك هیچ اولمازسه یوزده اوتی
اصلاح ایتمك هر وقت قابل در . بن کوردیم که چوجوقلر فطرة پك نازك ولیندر ،
ایش بونزاکت ولینتك امراداره وتربیه سنی بیلمك در .

مربیلر ، امر تربیه ده بعض بیوك مانعه لره تصادف ایدرلر . بو ، مسلم در .
لکن ، انسانلرده و داد ومحبت فوق العاده بر استعداد اولدیغندن حسیات ودادیه
وعقلیه یی کرکی کبی تنیه ایدرک افعال بشریه نك سائق بولنان خود پرستکه غلبه
چالمق ممکن در . بشرک هر درلو تربیه یی قابل بر مخلوق اولدیغی قبول اولنور وتربیه
مطلوبه یه موافق اصول وقواعد اتخاذ ایدیلوب انسانلرك آمال وحرکاتی دخی اواصول
وقواعد معین وظهیر اولورسه ، محال قالماز .

..

شوده وارکه بر معلم ایچون اخلاقنك تمیز بولنمی کافی دکل در ؛ تمیز بر دینك
خلاصه تطبیقی دیمك اولان شفقتده احتیاجی واردر . اخلاق حسنه دین اوزرینه
مبتنی در . مربی ، اطفاله دینی ، احکام و اخلاق دینه یی تعلیم ایتملی ، وحتی ویردیکی
درس لرله تمرینلر ، تحلیل ونتیجه اعتباریله ، حسیات دینه یی توسیعه خادم اولملی در .
زیرا تربیه قلبیه نك خلاصه سی وغایه عالیه سی حسیات دینه یی تنیه در .

..

هوسات نفسانيه ايله خود بينك ، بالخاصه تمايلات دينيه ومدنيه ي ، «حب دين»
ايله «حب همنوع» ي توسيع وتتميه ايتمكه مغلوب ايديله بيلير .

روح ، بوجسد فانيدن عالي در ؛ بناءً عليه جسد انساني به امر و حكم ايتمك حق
مخصوصي اولديكي ، جسده هيج بروقت تمايلات ايتمهك ، اوکا يالكز حوايج
مشروعه سيله استلذاذه مساعده ايتمك باشليجه وظيفه سي در .

هر كس حوايج ضروريه سي تدارك ايتمك حقني حازدر ؛ بناءً عليه هر شيئي
كندي ايچون آرزو ايتمك ؛ وبشقه لريني محروم ايدرك ، يالكز كندي احتياجات
و حوائجي تأمينه چالشمق حقسرلق در .

تمايلات نفسانيه ، نفس انسانينك تمايلات اصيلا نه سندن دكل در ، نفس حيواني
ايله مشترك اولان تمايلات سندن در .

ياشامق ايچون يملی در ، يمك ايچون ياشامه ملي در .

سر خوشلر كنديلريني حيواندن آشاغي بر درجه يه تنزيل ايدرلر ، ونفرتدن
بشقه برشي احساس ايتزلر .

قيمتدار اشيا آرايانلر ، آجلقذن متأثر اولان بيكلرجه فقيري در خاطر ايتملي در .
كندي اتمكني ، اتمكي اولميان برفقير ايله تقسيم ايدن چوجني كورمكدن انسان
محظوظ اولور .

هوسات نفسانيه ي بالذات كندي منفعت بدنيه وصحيه من ايچون ترك ايتملي در ؛
بزبوكون اويله خسته لقلر دمعرض بولنيورزكه اجداد من اوخسته لقلري بيلمزلردى ،
چونكه بز اونلرك حزم وقناعتنى شكمپرورلكه مبادله ايتدك .

عدم اعتدال ، برچوق زواللي ي ، كننج ياشلرنده ، مزار عدمه ايصال ايتمش در ؛
جناب حق انسانلري چالشمق ايچون ياراتمش وقابليات فطريه لريني توسيع وتتميه
ايتلريني مراد بيسورمش در ؛ بونك عكسسه حركت ايتمك ، قانون الهى يه قارشى
كيتمك در .

سعى وغيرت ، كرك منفعت خصوصيه وكرك منفعت عامه ايچون ، لازم در .
سعى وغيرته مقرون اولميان وتنبلاكله كچن عمر ، قيمتسزدر . زحمتسز هيج
برشي اكتساب اولمز ؛ انسان تا چوجوقلق زماننده ، سعى وغيرته آلمملي در .
بالذات چالشه رق كندي رزقني تدارك ايتمكدن عاجز اولانلر مستئنا اولمق
شرطيلاه ، بشقه لرينك سعي ايله كچنمك عيب در .


تنبلك ، كرك وجود تنبلكي وكرك فكر تنبلكي اولسون ، برتدني اخلاقي در ؛
ايشسزلك بالجمله رذائلك مادري در .


چو جو قله، ياواش ياواش ، بعض محروميتلره ، بعض ضرورتلره آليشملي در .
 فقط چو جو قله محروم ايدليكي شيلر ، آرقداشلرينك فائده سني ، وهيچ اولمزه
 محظوظيتني ، وباخصوص شفقت ومروته متعلق امورده ديكرلرينك منفعتني موجب
 اوله جق شيلردن اولملي در . برانسانك كيسه سنده بولنان فضله پاره دن فقرايه صدقه
 ويرمسي اي برحركت در ؛ فقط كندى خوشنه كيدن وياخود ذاته لازم اولان
 برشيئي ويرمسي اوندن البته قات قات اي در !..

زواله ايرمه ين يالكز بر كوزلكك واردر كه ، اوده نجيب واصيل بر قلبك
 كوزلككيدر .

نفسكزه فضله حرمتدن احتراز ايديكز ، ويالكز بشقه لرينه قارشى دكل ، كندى
 نفسكزه قارشى ده غايت متواضع اولكز .

برانسان ، حق تعالى حضرتلرينه و كندى وجدانه قارشى ، مستريح وخشنود
 اولنجه ، بنى نوعنك نسيانندن وحتى تحقيرندن متسلى اوله بيلير . فضيلتلى كورنمكه
 دكل ، فضيلت صاحبي اولمغه چالشملي در .





مکاتب ابتدائیه مخصوص اصول تربیه - اصول تدریس تعلیمات نامه سندن:

سجیه ، اخلاق ؛ بالخاصه انضباط سایه سنده تشکل و تنمی ایدر . انتظام ؛ انضباطه تابع در . انضباط اولمازسه ، انتظام ده اولماز . اکثریا انتظام ایله انضباطی بربرینه قاریشدیررلر . حال بو که انضباط باشقه ، وانتظام باشقه شی در . انتظامک غایه سی : ویریلن امرلرده سریعاً اطاعت اولمنسی تأمین ایتمک در . انضباطک غایه سی ایسه : امرلرده حاجت بر اقامق در . انتظام ؛ حکومت اصولنک ، امرونی اصولنک ، « شونلری یاپملی ، بونلری یاپماملی » دییه امرلر ویردرک اداره ایتمک اصولنک محصولی در . انضباط ایسه ، « اداره شخصیه » یه ، یعنی کندی کندینی اداره ایتمک اصولنه طوغرو بر حاضرلق در . انتظام ؛ بر چوجوغه : « سن شویله اولملیسک ؛ شونی یاپملی ، بونی یاپمه ملیسک » دیر . انضباط ایسه ، چوجوقلرده « بن بویله ایستیورم ، بویله یاپه جغم ، بویله یاپملی یم » دیمکی او کره تیر ،

کوچوک چوجوقلرده حس اخلاقی یوقدر ، یعنی کوچوک چوجوقلر « طوغرو » ایله « اگری » یی آیرد ایدد مز و طوغرونی یاپوب اکریدن صاقینه مزلر . اونلرجه طوغرو اولان شی ؛ امر اولنان شی ، و اگری اولان شی ده نهی اولنان شی در . چوجوقلرده هر هانکی بر حرکتی یاپدیران و یا خود یاپدیرمیان عامللر : محبت ، قورقو ، امثال و محیطدر ؛ یعنی چوجوقلر محبت و یا قورقو تأثیریه و یا خود کوردکلری مثال و نمونه لرك و ایچنده یاشادقلری محیطک تأثیریه حرکت ایدرلر . ایی تربیه کورمش آدملر ایسه بویله دکل در ؛ اونلر بویله خارجی تأثیرلرله حرکت ایتزلر . ایی تربیه کورمش آدملرک نفسنده حق و باطلی ، یعنی طوغرو ایله اگری یی آیرد ایدیجی بر ترازی ، براولچو واردر . اونلر طوغرو برشیثی ، امر اولندیغی ایچون دکل ، طوغرو اولدیغی ایچون یاپارلر ؛ اگری اولان ، باطل اولان برشیثی ده ، منع اولندیغی ایچون دکل ، اگری اولدیغی ، باطل اولدیغی ایچون یاپمازلر . قانونلر دکیسه بیلیر ، فقط اونلرک خط حرکتی دکیشمز ؛ چونکه اونلرک قانونی خارجه دکل ، کندیلرنده ، کندی ایچلرنده ، کندی خلق و سجیه لرنده در . ایشته انضباطک غایه سی : غیر اخلاقی

اولان، یعنی طوغرونی واکری بی آیرد ایتمه وداثما طوغرونی یایوب اکریدن
 صاقمه مقتدر اولیان چوجوقاری؛ ائی تربیه کورمش آدمار مرتبه سنه چیقارمق،
 یعنی طوغرونی طوغرو اولدیغی ایچون یاپاجق واکری بی اکری اولدیغی ایچون
 یاپیمه جق آدمار قلب ایتک، غیر اخلاقی چوجوقاردن اخلاقی آدمار یتشدرمک در.
 بوغاییه وصول ایچون طوتیه جق یولده: چوجوقلره کندی نفسلرینه جبرایتمکی
 اوکرتمک؛ اونلری کندی کنیدیله امر ونهی ایده بیله جک حاله کتیرمک؛
 چوجوقلرک عقللرینی و منطقلرینی باشقه لرینک عقلنه و منطقنه باغلایان زنجیرلری
 حلقه حلقه قیرمق، ونهایت، اونلرده « عزت نفس »، « معرفت نفس » و « ضبط
 نفس » قدرتلرینی پیدا ایتمک در.


*
*
*


أك عالی سائق حرکت؛ وظیفه حسی در. چوجوقلرده بو حسی تولید ایدن
 برانضباط؛ وظیفه تربیویه سنی اکمال ایتمش دیمک در. وظیفه حسی بالذات بر قانون در.
 وجداننده بوقانونی طاشیان آدملرک آرتق امرونییه احتیاجلری اولماز. اونلر؛
 وظیفه حسنک دلالت نورانیه سیله، نه یاپه جقلرینی، نصل حرکت ایده جکلرینی
 کندی کنیدیله تعیین و تقدیر و تعین ایده بیلیرلر.

انسان؛ طوغرو اولق ایچون طوغرو لنی طانیق، بونک ایچونده طوغرو لنگ
 أك عالی بر صفحه سنی کوردیکی زمان اونی سومک، طوغرو لنی بویه سوه رک اختیار
 ایتمک، اوکا بوتون وجدانیله تمسک ایتمک لازم در. تربیه ده یالکر وعظ و نصیحت؛
 یهوده و واهی در. تدریسات اخلاقیه ده چوجوقلری یورار، و بویوک بر تأثیر بر اقاماز.
 جانلی مثاللر، تاریخی و حتی خیالی بر طاقیم نمونه لر ایسه داثما مؤثر در.

بناءً علیه معلم؛ چوجوقلره کندی عائله لرینک و یا خود کویده، قصبه ده مشهور
 و معروف آدملرک اطوار و حرکاتندن مثاللر کتیرملی، کندی اطوار و حرکاتیه أك
 کوزل بر نمونه امثال اوللی، بالخاصه تاریخن بر طاقیم نمونه لر کوسترملی، ده
 ایسی او اشخاص تاریخیه و مخیله نك تمثیلرینی (تاریخی تمثیللر) یاپدرملی در.

چوجوقلرده بویه وظیفه سنی طانیان و یاپان آدملری تقدیر ایده ایده بلا اختیار
 اونلر تقلید ایتمک هوسی و یانیر؛ بالخاصه شهرت ابدیه صاحبی اولان آدملر، چوجوقلرک،
 قلبنده بوتون فضیلتلریله یاشایه رق، اونلری علو جنبه، طوغرو لنه و عادی و خسیس
 منفعتلری استحقاره سوق ایدر.






« فروبهل وپستالوجی اصوللرنده تعلیم و تربیه درسالر » ندن :

السانلر ایچون اطرافنده بولنلر هر نیئی دکشدرمک ، اولنره یکی یکی سکالر ویرمک براحتیاج فطری و ضروری در . انسانلر بوتغیراته ، ایکی مقصدله : یا کندی رفاهیت مادیه سنی استحصال ایتمک ، یا خود ذکسک احتیاجات عالیه سنی استیفا و « انتظام » ی ، « بدیعت » ی و « آهنگ » ی تأمین ایلمک مقصديه تصدی ایدرلر . برنجی مقصده کوره انسان بر عمل صناعیده بولنلش اولورکه بو عمده مبدأ حرکت آنجق رفاهیت شخصییه یی تأمین اولدیغی حالده ، شخص کیت کیده تکمیل ایدرک بر عامل مدنیت اولور . ایکنجی مقصده کورده بر عمل صنعتکارانه وجوده کتیرر . انسان اوپله بر صورتده یارادلشدرکه فطرتنک بو احتیاجاتی بری برندن تمامیه آیره ماز ؛ فائده ایچنده کوزللك ایستر . حاجات ضروریه دن اولان اشیاده بیله شکلجه ظرافت و صنعتجه مکملیت آرار . بوندن طولای درکه هر ملتک معمولات صناعیه سنده بر خصوصیت صنعتکاری واردر ؛ وینه بوندن طولای درکه اکثر مسالک صناعیه ده ای بر عمله اولمق بر درجه یه قدر صنعتکار اولمغه متوقف در .

صنایع نفیسه یه کلنجه ؛ واقعا هر کسده بو صنایعه استعداد اوله ماز ؛ فقط هر کس صنایع نفیسه یی بر درجه یه قدر آکلاملی ، وهیچ اولمازسه کیرلی و بوزوق بر ادبیاتک نشر ایتدیکی اخلاق مفسده و اذواق غیر سلیمه دن کندیغی وقایه ایتمک ایچون شعرک کوزللكلرندن و حقیقی ادبیاتدن ذائقه دار اولملی ؛ هر کس کوزل بر آبدنک عظمت و علویتنی ، کوزل بر رسمک لطافت معنیدارینی ، صمیمی وحسی بر موسیقینک تربیه سی تام اولان هر شخصه القا ایتدیکی تأثر وهیجانی حس ایتملی در . انسانلره بو اذواق صافیه منبعنی آچق ، اولنری قابا و حیوانی لذتلردن چویردرک علوی و انسانی ذوقلره اماله ایتمک ، دهامسعود و بختیار قیلمق در . صنایع نفیسه مزکی ' اخلاق در



تربیه اطفاله دائر صوك ترجمه مسوده لرندن:

چوجوق و طبیعت

چوجوق روحی

چوجوق : ايشته حیاتده ائک لطیف و همده تملکی ائک کوچ برنعمتی اجمال ایدن مطمئن و مقدس برکله ، ای قارئ ویا قارئه ؛ سز برچوجوغه نصل بر اهلیت معنویه کودنه رک بو بنم یا وروم « دیمک حقنی کندیکزده بولیورسکیز ؛ نفسکیزده بویوکی طاشیه جق قدر قوت حس ایدیورمیسکیز ؛ وظیفه و غابه نه اولدیغنی واضحاً سیچه بیلیورمیسکیز ؛

برروحي حقیقت حیاته ایقاف ایتک ، اونی حمایه و صیانت ایچون دائماً کوز قولاق اولق ، اوکا نفسکیزک ائک خیر خواه حسیاتیه برسر اولق ، و بوتون بوجهد و اقدامی ، سزک عون وراثتکزه قارشى هیچ برقید و مبالات اثری کوسستمسه بیله ، بلاتعب و فتور صوکنه قدر ایفا ایتک ؛ ايشته وظیفه متحنه کز بودر .

برنوزاد ایچون کندینی فدا ایتکی ائکنیل و ائک مقدس بروظيفه عد و اعتبار ایدنه لایتغیر و صبور برعشقه مالکمیسکیز ؛

بویله بروظيفه نئک بار ثقلاتی آلتده ازلیمه جکمزى بزه آنجق برشی ایضاح و تأمین ایده بیلیرکه ، اوده بووظیفه نی اکمال اشناسنده کندى قوای نفسیه سزکده نمایاب اوله جنى ، و بوتنوک درعهده ایتدیکمز مشغله نئک عظمتیه متناسب بولنه جنى کیفیتى در . ايشته ابوت و یا امومت مقامنه بویوکاک و کوزللك ویردن شى ده بودر . حیات بزه ، چوجوقلر سزک یوزندن کلن اندیشه و تلاشلره ، مشغتلره ، مأموراته قیمة معادل اوله بیله جک هیچ برحادثه عرض ایده من .

زمانک تأثیر احماکاریسندن آزاده قالان یا وائش یا وائش ایلزدن قاچار : شان و شهرت بیله انسال جدیده نئک نقاط نظرینه کوره آرتق حکمدن دوشهر ، و یا خود صفتنى دکشدیرر . یالکر برشی قالیرکه اوده صحنة حیاته ادخال ایتدیکمز چوجوقلردر . اکر بز مابعدالمائة معمر اوله بیله جک حالد ايسه ک ، اونلرده حیات مابعدالمائة نائل اوله بیلیرلر . اونلرده ، بزم کبی ، زمانک مافوقنده در ، ابدیه نامزددر ، ابد زنده در .

موضوع بحثمزى ساده و بسیط بر صورتده نظر ملاحظه آلام . علم النفس مباحثنه طالمیه لم : تجارب حیاته باقیه لم ، زمین تدقیقمز حیات اولسون .

چوجوغکز بر فرد اخلاقی در ، ماهیتی قابل فهم و ایضاح اولیان بر موجوددر ؛ مع مافیه ، ز اونی لزومی قدر آکلایه بیلیرسکیز ، چونکه چوجوغکز سزدن بر جزو در ، سزک عینیتکزددر .

سز اونك شخصيتندن هيچ برشي دكشديره مرسكز : اوكندي قانونلرته كوره وجود بولديني كي ، ينه او قانونلره توفيقاً نهي ايدر . سز بوغير قابل تعميق اولان سري كال سكون ايله تماشادن باشقه برشي ياپه مرسكز ، بوتماشا سزه بلكه بحدود بر عالمك وجوديني احساس وافشا ايدر .

ساي مكوكة عطف نگاه ايدر ونظر مذك قطع ايتديكي نامتناهي مسافاتي تأمل ايده جك اولورسه ق ، اوزرنده ساكن اولديغيز سياره بزه پك يكي برمنظره عرض ايدر . طبق بونك كي ، چوجو غمزك شخصيتيله تماس ايتديكمز زمان ده بزه ابدیت فكري ونامتناهي حسی تیقظ آرا اولور .

فقط بو مخلوقك ده بر بدني وبرروحي واردر .

بدنه ، هيچ اولمازسه ، برآز علمكز لاحق در ؛ اوكا ابدال تقيد واهتمام ايدرسكز . مع مافيه ، اونك ده كنهی مجهولكز در . علم ، هر نه قدر بوكنه واصل اولغه جهد ايتكده ايسه ده ، هر خطوة ترقیده مشكلاتك ترايد ايده كلديكني بالذات مقرر در . مع مافيه علمی برطرفه بر اقيورز ؛ شوده واركه ، حیات روزمره ايچون ، اوندن ده لزومي قدر بهره كز واردر .

روحه كلنجه ، بوكا تقيد واهتمام ايتكده سزه دوشهر . ايسته برشي كه بدنن دها قاريشيقي . بدن وروح بری برينه صمیماً تابع در ، بناءً عليه بدنه دائر برشي سويله مده دن اول روحدن بحث ايتك قابل دكل در .

فقط آره مده لايقيله تفاهم حاصل اولق ايچون ، اولا روح تعبيريله نه معنی قصد ايتديكمزي آچيقجه ايضاح ايدلم . روح كله سي معنجاه غایت زنکين برکله اولديني كي ، استعمال ده اوکا هر کون مختلف ذهنی تصورلر اضافه ايتكده در .

بوكله بزه ، چوجوقده حسيات نوعندن اولان شيلري اراثه وتمثيل ايده جك ، يعني اونی بومعناده قولانه جغز . بناءً عليه چوجو غك ابوينه اولان رابطه سني ، ديني ، علمی ، خلاصه حدود زمان داخلنده محصور اولان حیات فکرتك هيئت مجموعه سني نظر مطالعيله آلا جغز . بونك جمله سي حیطه روحه داخل در : ديمك كه بزجه روح ، انسانده ، نهي بي قابل اولان وحيات حاضرده كي معطيات و آثارينه نظراً اولچيله بيله جك برطاقم استحالاته تابع طوتيلان قوه لرك باشليجه مركزي در . [*]

سياره کائناته نسبتله نه ايسه ، نفس ده اودر . هيئي وسياي تعبيرلري مترادف دكل در ؛ هيئي سرعتلر ومسافهلر بزجه ماهيت حقيقيه لريله قابل فهم واحاطه دكل در ؛ ارضي مسافهلر ، قيمتلر وتحوللر حقنده ايسه ، بالعكس ، واضح وصریح بيلکيلر مزاردر . اويله ايسه ، چوجو غك ماهيت روحيه سيلاه مشغول اوليه لم . روح زماندن مستقل ، وكندي قانونلرينه تابع در كه تحليلي هم غير ممكن وهم ده بي فائده در .

ألز دن كلديكي قدر ، آياً ممكن الحصول شيلرك حقيقي مركزي ، وتربيه نك زمين خاصي اولوب اوزرنده كرك بزم اعمالرك وكر كسه حياتك سيلنمز ايزلري قاله جق اولان نفس ايله مشغول اوله لم .

بو حالده برمسأله اورتهيه چيقار : چوجو غمز بزم ايچون بر دوستمي وياخود بر مدعي مي اوله جق ؟ فقط بوندن دها مهم برشي واردر كه اوده : كندي ذات ونفس مذك مافوقنه چي تعمق ، وحياتده ايجاد وابداعي ايچون حقيقي ومطلق بر صورتده بوتون قواضيه چالشمق زحمتي اختياره دكن يكانه شاه اثری ، يعني چوجو غمزي وجوده كتير مك در .

شاد ومسرور اوليكر ؛ چونكه علوی بروظيفه بي ايفايه مدعو سكز .

[*] دفع التباس ايچون مؤلفك بوراده روحه ويرديكي معنياه مقابل نفس كله سني استعمال ايده جكز .

تكون اطفال

اگر حکومت مداخله ایدہ جک اولسہ ، کیمسہ آئندہ چوجوق اعاشہ و تربیہ سنہ مقتدر اولدیغنی مبین ، اصولی دائرہ سندہ مختوم و مصدق ، براہیتنامہ رسمی اولدجہ ، چوجوق صاحبی اولاماز . بووثیقہ دہ ، شبہ سز ، برطاقم تدقیقات و تجارب متقدمہ دن صکرہ اعطا ایدلہ بیلیر .

دیگر جہتدن ، هیچ برچوجوق بر امتحان کچیرمدجہ عالم موجودیتہ نامزدلکنی وضع ایدہ من : اُک مهم شیلر حقندہ معلومات کافیہ می اولمق ، و بومعلوماتی ارائہ و اثبات ایتک لابد دکلہ در ؟ بناءً علیہ رسمی بر تعلیم و تدریسدن مستغنی اولاماز .

یاشامق ، دنیادہ اُک کوچ اولان برشی در . هر آدم اولیلہ دقیقه لر کچیرکہ یاشامقدن عادتاً امیدنی کسہ جک کبی اولور ، بوس بوتون قطع امید ایدنلردہ لایعددر . یاشامسنی اوکرہ نمک ایچون بر عمر لک مدت ، لزومندن فضله بر مدت دکلدر . فقط حقیقتدہ کیفیت بوس بوتون باشقہ برماہیتدہ در : بزی ، حیات قدر ، کندینہ ناقص بر حاضر لقلہ مستحضر بولان هیچ برشی یوقدر . وافتیز علم و خبرلری تنظیم ایتک و یاخود معناسز برطاقم اوراقی مہرلہ مک حقنی اکتساب ایچون لاقول اون اوچ اون درت سنہ لک بر تحصیل لازمدر ؛ دینی برمسکک کیرمک ایچون قطع ایدیلہ جک طریق تعلیم دہ بطی در . هر هانکی بر حرفتی اجرا ایسہ اوزون بر حاضر لغہ محتاجدر . اُک اوافق بر ثانیہ تأملہ وقت اولمہ دن ایچنہ کیریلویورہن حیاتدن باشقہ برشی یوقدر .

بوفرق نہدن ناشی در ؟ شوندن ناشیدرکہ حیاتہ کیریش برواقعہ طبیعیہ در . طبیعت ایسہ صافدر ، صمیمی در ، احتیاط ناشناسدر . ہمہ دہ خزینہ لرینی کیمہ ابدال ایدر بیلیر میسکیز ؟ اونلرہ اصلاً طالب اولیسانلرہ ، حیاتدہ کی خدمت لرینک عظمتندن ، وظیفہ لرینک ذی قدرت جدیتندن ہنوز بیخبر اولانلرہ . بر حالہ کہ آمان طور دیمکہ وقت براقہ دن ، ہنوز تجربہ و اہلیت کافیہ مالک اولدیغمز بر زماندہ ، قوللر مرکز اوستنہ بر قاچ چوجوق قوندورر . صکرہ ، چالیشہ چالیشہ بزم تجربہ و اہلیت قازاندیغمز بر صیردہ دہ ، مشاغل مترتبہ مرکز اُک طاتلیسی اولان بر مشغلہ نی اکمال ایتہ مزہ میدان ویرمہ دن ، علی الاکثر ، اونلری آلمزدن آلیویرر . اکثریا ، چوجوق صاحبی اولمق شدیداً آرزو ایدنلرک چوجوغی اولاماز ، بشیکہ پک لایق کورینن پک چوق اوجاق ، اوندن محرومدر . بر صورتدہ کہ ، بعضی احوالہ ، مجرد بابا و یا آنا اولمغہ مشتاق اولمق کیفیتی بوصفتہ غیر صالح اولمہ کزی انتاج ایدیور دینہ جکی کلیر .

بونک عکسنہ اولہرق ، برعائلہ بسیلہ ییہ بیلہ جک نہ زمان ، نہ وسائط ونہ دہ قدرت مساعد کورلیدیکی حالاردہ ایسہ ، قبولہ عینیا اولوب اولدیغمکزہ هیچ باقہ سزین ارکاک و قیز چوجوقلر طولوکبی یاغمغہ باشلار ، تکلفسز و شوخ برادا ایلہ ایچکمزہ یرلہ شیر و راحتنہ باقار . بو تصادفامی بولہ اولور ، بولہ بوندہ ، بزم فکر لر مزہ نیست . سما ایلہ ارض آرہ سندہ کی فرقدن دہا عالی بر فکر حکمت می مند مجدر ؟

بزم قواعد تربیہ ، تربیہ و تدریس ناملریلہ تسمیہ ایتدیگمز شیلر ، بذاتہم نظر اعتبارہ آلنہ جق اولورسہ ، عادی و معناسز شیلردر ، حتی بونلرک صورت جریانی هر وقت تہلکہ دن دہ عاری دکلدر . فقط بو آرہ دہ غایت واسع بریلان ، انسانیتک انبساط و انکشاف پلانی حکمنی اجرادہ دوام ایدر . طبیعت متبسمہ جلہ مزی ، دوشمکدن محافظہ ایدہ جک نہ امین وقایع برادا ایلہ ، قوی قوللرینک آرہ سندہ طوتار ، وکندی واسع تربیہ پلانی ساحہ تحقیقہ چیقارمق مقصدینی تعقیب ایدر . اونک غرضی بزم کلیشمہ مزدر ، و بزم یاپہ بیلہ جکمز اُک آئی شی دہ سادہ دلانہ برامنیتلہ اوکا اویعقددر .

ایشته حال تشکله اولان برحیات مواجبه سنده اختیار ایده جگه ایلک حرکت، بودر. اووقت هر نوع قواعد تربیویه بی برطرفه آتملی: بالکیز حرمتکار برتماشا ایله اکتفا اتملی. بومنوال اوزره بزمه چوجو غمزک نفسی آرد سنده کی ایلک رابطه لر تأسیاب اولور.

پدر ویا والده اولغه ناهزد اولدیغنی بیله ن هر فرد، بومظهریته نسبتله ایکنجی درجه اهمیتی حائر اولان هر شیئی بالاها، بوتون مفکره سنی جهان موجودیته طوغمه باشلایان کوچو جک مخلوق ایلله عالم روح اوزرینه عطف و حصر اتملی: بونماشای خوشه مسفرق اوللی، وقلبی بوتون کنیشلیکیله سرور و محبت آچلی در.

بوخصوصده طبیعتک اختیار ایتدیکی طریقلره عرض تقدیر و حیرت اتملی در: هر حیات مبتدی، طبیعت ایچون، بر اهمیت اصلیه بی حائر در. بناء علیه، اونی تحت ضمان وامنیته آلمی ایچون، اولجه دن برچوق دقیق حاضر لقرده بولنمش در. بوبابده تفصیلاته کیریشمک ایسته میز: چونکه سوزیک زیاده اوزایدیلیر. مع مافیله، آی والده لر، بالخاصه سزه عائله، بعضی شیلر سویله مک ایجاب ایدیور.

برموجود انسانینک صحت تامه ایلله متکیف اولسی نادر اولقله برابر، هیچ اولمازسه موجودیته ناهزد اولان برمخلوقک، عالم حیاته ممکن اولدیغنی قدر صاغلام بر صحتله قدمزن اولسی شایان تمنی در. بواشاده بوتون اضطرابات، بوتون متاعب والدهنک دوش تحملی اوزرینه عمول در. مع مافیله والده، کندی حضور و راحتنی هیچ دوشونمیه رک، چوجو غنک رفاهت و سعادتنی ایچون ایجاب ایدن هر شیئی کمال ممنونیتله اجرا ایدر. ایلاده «قورتولش» تعبیر ایدلسی، درین برتحس اثری در. فی الحقیقه آن ایلاد، اوزمانه قدر جنینک یرینه چکیله ن برچوق اضطرابک ختامی دیمک در. طبیعت، بروالده دن پک چوق فداکارلق بکلایه بیله جکنه، اونک هر آجی یه تحمل ایده جکنه آگاه در. مع مافیله آن ره ایه قدر مرور ایده جک دورؤ انتظارده که، حقیقه صعب التحمل در، والده، سوق محبتله، حالت اضطرابنک وظروف واحوالک نفسنده اعداد وایقاظ ایده جکی افکار مظلومه بی برطرف ایده بیلملی در. نفسنی سرور و نشاطه اماله اتملی، قلبنی سالم و حیاتدار تأثیراته کشاده بولندرملی در، زیرا طلوعنه انتظار اولنان مولودک سعادت آتیله سی بوکا بالی در، بوآنده محروم اوله جنی بر نعمتی بردها اله کچیرمسی قابل دکل در. کیم بیلیر نه قدر حیات بشرک فطره میال اکدار اولسی، دور جنینیده کی احوال و ظروفک نتیجه تأثیراتی در.

بناء علیه عالم حیاته ادخال واهدا ایتک مقدور کز اولان موجود نوینه، کمال محبت و امنیتله، شن و شاطر انتظار ایدیکنز.

* *

انسانک قاچ چوجوغنی اولملی؟

انسانلرک پک چوغنی، برچوجوق بیله بویوتمکدن عاجزدر، بالطبع بردن زیاده سنی ده. انسانلرک پک چوغنی می؟ — حقیقتده، بوکا اهل اولان قاچ آدم واردر؟ بویله اهل آدملر موجود اولسه، تربیه، ولو بردفعه اولسون، بزه انسانیتک مکمل بر نمونه سنی ویرمک لازم کلیردی. حال بوکه بویله برشی اصلا واقع اولماش در.

المزده اعلا تربیه اصوللری، واک مکمل تربیه کتابلری وار، فقط بوتون بو اصول وکتب حد وسطینک فوقنده نه وجوده کتیره بیلیر؟

علم تربیه اطفاله دائر متعدد اثر تألیف ایتمش بر علم تربیه مدرسی ایلله کسب معارفه ایتدم. وفات ایدلی خیلی زمان اولدیه ده، بوکون بیله دیلارده کزهن اسمنی سویله میه جکم.

طلبه‌مدن اولان یکانه اوغلی ، بوتون فن تربیه قواعدینه توفیقاً بویوداش ، وکندی اصولنک جانلی برهانی اولق اوزره یتیشدسی التزام ایدلشیدی . بو چوجوق ، ایی بر چوجوقدی . فقط ، مع‌الاسف ، یکانه برخطا اونی حیاته غیر صالح قیلینوردی : تربیه‌سی . آلدینی تربیه ، ومجرد ایشته اوتربیه ؛ اونی تئردن منع ایتدی .

دقت ایدلم : تربیه‌ده مغرط درجه‌ده مانع‌الغیر بر مقصد تعقیب ایدن . صورت‌عمومی‌ده او مقصددن محرومیتله معاتب اولور . بو بابده بر چوق الیم مثال ذکر ایده‌بیلیرم . برده ، فی‌الجمله ، تربیه‌ی یاپان طبیعت‌در ؛ بزم وظیفه‌من اونک ویدیعه حکمت عالی‌سی اولان بذور قابلیت علی حاله نماسنه نکهبان اولقدن ، بو بذرلری برسرر محافظه ایله احاطه ایله‌مکدن ، بر موجودک نصل اولسی لازمه ایله اولسی تأمین ایتمکدن عبارت‌در .

ایشته بونک ایچون درکه عائله‌لرک تک چوجوقلی اولسی دائماً شایان تأسف‌در ، زیرا اوچاره چوجوق قواعد تربیه‌یه توفیقاً تربیه وتشکیل ایدلمکه قالدیشیلیر . و بوتشکیل ایسه تخریبه معادل اولور .

بزم کویلیلرمن : بر چوجوق اوله‌جغه هیچ اولماسین دیرلردی . حقلری واردی . تک بر چوجوق ، هر حاله ، دائمی بر سبب اندیشه‌در . چوجوق ایکی اولسه ، ینه تربیه‌لری مکمل اولاماز ، وبا خصوص جنساری آیری اولورسه ، بری والدنک و دیگری پدرک کوزده‌سی اولق محذوری واردر . تربیه‌ده ترجیحه میل ، عائله‌لر آردسندگی امتزاجسزلغک پک صیق تصادف اولان بر سببی‌در . بوتقدیرجه چوجوقلر نه‌قدر آز اولورسه ، بومشؤم کوزده‌جیلک‌ده اوقدر قولای تأسس ایدر . چوجوقلرک دائماً کوز اوکنده بولنسی ، ابونک نظر دقتلرینی بلا انقطاع اونلر اوزرینه جلب ایدر ، وبودقت متمادیه یالکیز طبیعتک بر تأثیر اجرا ایتسی لازم کلدیکی ویاخود اجرا ایده‌بیله‌جکی احوالده‌ده اونلرک مداخله‌یه قالدیشیلرینی ایجاب ایدر . حسن ایفای وظیفه ایچون ، هیچ اولمازسه ، اوچ چوجوق لازم‌در . ذاتاً برزوج وزوجه‌نک انسانیتهمدیون اولدینی‌ده بودر . یکی نسل ، اسکی نسلدن عددجه ، بر مثل اولسون ، فضله اوللی‌در ؛ یوقسه ترقی بر امر محال‌در .

فقط بو اوچ چوجوق ، هر حاله ایکی جنسی تمثیل ایتلی‌در . یالکیز ارکاک اولادی ؟ عنصر انثی‌نک فقدانی ، شایان تأسف اولقله برابر ، بوفقدان کیت کیده ده‌ها محسوس برحاله کلیر ؛ ذاتاً طبیعت‌ده ارکاک وقیز چوجوقلرک تا کوچوکلکدن بر آرده‌ده یاشامغه آلملرینی ایسته‌ر .

فقط جنسلر آره‌سندگی فرق حرث و تربیه ایله تزايد ایدر . ایلاک درجه‌لرده قیز وارکاک چوجوقلر بری برینه فوق‌العاده بکزرلر : قوه بدنیه‌لری همان مساوی‌در ، وبویاشده‌کی وظیفه‌لری اساس اعتباریله فرقلی دکل‌در .

ترقی حرث ایله نسبتلر دکشیر ؛ جنسلر آره‌سندگی فرق متزايد هم احوال نفسیه وهم‌ده احوال بدنیه‌ده کندینی کوسترر .

حرثیده برکنج قیزله برکنج ارککده‌کی فعالیت ذهنیه‌نک نحو توجهی بر دکل‌در . بو فرق مشاغل حیاته ، بنیه‌ده ، مزاجده‌ده عکس اندازدر .

برعائله‌ده یالکیز قیز اولورسه ، عائله ناقص دیمک‌در : ارکاک قاردشسز یاشایان بوزوالیلر ارکاک حقنده هیچ بر فکر ایدینه‌مزلر . جنسلرک تخلف ایتدیکی زمانده ، کنج قیز ارکاک حقنده غایت‌خیالی بر فکر حاصل ایدر ، وبوندن علی‌الاکثر غایت آجی برطاقم نتیجه‌لر چیقار .

فقط ایکی جنسدن یالکیز بر چوجوق بولنسی‌ده موافق دکل‌در ، زیرا یوز ویریه ویریه بوزولور ومستثنا بر مخلوق کبی تلقی ایدیلیر .

اويله ايسه چوجوقلارك اوچ اوله جغنه درت اولسي دها خيرلى در، فقط شو شرط ايله كه ايكيسى قيز و ايكيسى اركاك اولسون، زيرا برجنسدن اوچ و ديكر جنسندن ده ياكى بزرچر چوجوق بولنورسه، مخدور دها بويوك اولور.

اَك ايسى قيز و اركاك اولق اوزره بش چوجوغه مالك اولق در. ايشته ايچنده حضور و راحتله ياشانه جق تام برعائله!

فقط اوحالده تربيه نه مى اوله جق؟ نه اوله جق، بخمده تعالى هيچ دوشونولمز. ابوينك دقت و توجهى، چوجوقلارك دائما برندن ديكرينه انتقال ايدر، وبوسايله ده بوتون ثقتيله برويا ايكيسنك اوزرينه يوكلهمز. صكره كلهلر، ايلكلردن زياده اهتمام و نظارته محتاج اولور، ايلكلرك حياتى ده جمله سنى قورويان جناح رافت آلتنده بلا مزاحم انكشاف و انبساط ايدر. بش چوجوغك بشى ده يورويجه يه قدر اون سنه كچر - دها طوغروسي كچمى شايان نمى در. - آرتق بويوجك اولان ايلك، اَك كوچوكلرله مشغول اوله بيلير. ايشته سزه اعلا برتربيه! فقط ابويندن دكل، طبيعتدن كله برتربيه.

بلكه، بردرجه دها آتلايه رق، ياريم دوزينه يه مى وارا جقسكز؟ اوح، بويوك كوچوك بوتون افراد عائله ايچون نه بويوك سور!

يا مصارف؟ حقكز وار، آزدها اونوتيور دق. بوحربه برتحصيل ويرمك لازم، بوده بهالى يه مال اولور. نصيحتى ديكله رسه كز، فكريكزى بويله اشككنجه لرله يورميكز. وحشيلرك برضرب مثلى واردر (اقوام ابتدائيه نك طور حكمتى، اكثرثيا طبيعتك وحتى جناب حقك شعار حكمتى در): «باش اورته جك شئى پك كوزل بولور» ديرلر. بزده: «باش ايچنه طولديره جق شئى پك كوزل بولور» ديه جكز. شونى اونوتمه ييكز كه تجربه، حياتده اَك زياده موفق اولانلرك اكثرثيا انكشافى اَك زياده طاسه لى بر كوزله كورلمش اولانلر آره سندن ظهور ايتديكى ارائه ايدر. صورت عموميه ده اَك فياض عائله اولادلر زنگين ابونه مالك برنجك چوجوقلر دكل، تا كوچوكلار نندن اعتباراً ابوين ايچون بر طاسه تشكيل ايتمش چوجوقلدر.

فقط بكا اعتراض ايله: يا ابوين بو قدر كشيرالافراد برعائليه حصر نفس ايده بيلير مى؟ آتيده قالمشيدق. يا چوجوق يدى يه بالغ اولور، ويا دها زياده اولورسه؟ ديه بيليرسكز. اى پدرلر، اى عزيز دوستلرم، براقيكز كاسينلر و على الخصوص سز يالكز كنديكزى بو تربيه ايله مكلف فرض ايتميه ييكز: چوجوقلريكز برى برلرني پك كوزل بويوته بيليرلر. اونلر سزدن دها دقتكاردر، چونكه اونلرك دقتى، سزكى كى، حيات حادثه و غصه لريله طاغنيق دكل در. اونلر دها حقانيت پرورددر، چونكه كيسه ده اونلر قدر حقيقت انديشاك يوق در. نهايت، اونلر، دها صارم در: شبات صارم در، شيخوخت ايسه كوندن كونه دها رحيم و ملايم اولور. ايشته شو قانون طبيعت بوندن ناشى در: شباتك تربيه سى شباته عائددر.

يدى ويا دها زياده چوجوغكز اولورسه، سزده لاقلا قرق ياشنه گلش بولنورسكز، و. آرتق بررحم و ملايت برحاله كلارك، صرامت و شدتده وقوعه كله جك افراطكزى لعيل ايدرسكز.


الحاصل، چوجوقلر مذك ائى تربيه كورمىنى ايسته يورز؟ اويله ايسه چوق چوجوق صاحبي اولم: كوچوك برعائله نك تربيه انديشه لريله حضور و راحتى انساب ايتمش بيكارجه عائله واردر؛ و فى الحقيقه بوشراط داخلنده اوعائله دائما كوچوك در. چوق چوجوق صاحبي اولق، احكام طبيعت دائره سنده يورومك ديمك در.

بو ، قولای برشی دکل در ، بنده بر پارچه بیلیم . بزم طقوز چوجوغمز واردی ،
 وحالا بوکون ایچلرندن برینی غائب ایتمش اولمه‌نک آلمنی چکیورز . حیاتی ، بالتمام ، کندی
 ذریتنه وقف و حصر ایتمکه آماده اولمیان برآدم ، ذریت صاحبی اولمغه لایق دکل در .
 وبالخاصه مراق و اندیشه‌یه هیچ لزوم یوقدر؛ ویاخود دهاطوغروسی بیلزوم اندیشه‌لره
 بویله اندیشه‌لر حیاتی کمیرر ، وچوجوقلرکزی سزک کبی اونلر ایچونده پک زیاده لازم
 و قیمتدار اولان سرور و شطارتدن محروم ایدر .

هیچ برشیدن قورقه‌ییکنر ، هرشیدن قورتولمه‌نک بیک درلو چاره‌سی واردر ، وسزک
 کوچوک سوروکزده مطلقا پیش عزمنده اووقته قدر هیچ کیمسه‌نک فرقتنه واره‌مدینی برطاقم
 سبیل نجاتی کشاده بولور .

برکون بنی ، حالت احتضارده اولان برکویلینک یاننه چاغیردیلر . بوآدم حقیقتده برکویل
 دکل ، زواللی سیار بر تاجردی ، ووفات ایتمدی . چوق شکرکه بویله اولدی ، زیرا بکا
 بردنبره یاتاغنک یاننده کی برکوک بشیکی کوستره‌رک : « ایشته یکرمی برنجی چوجوغمز ،
 لکن ایلاک چوجوغمز ایمش قدر خوشمه کیدیور » دیشیدی . بونک اوزرینه ، اووقتلر ،
 علی‌الاکثر زبونی اولدیغم اندیشه‌لردن اوتاندم . و اوتارینخدن بری ده‌صیق‌صیق بوآدمی دوشوندم .





املا نك اصلاحی حقنده کی لایحه دن :

اصلاح املا دن بحث ایته دن اول بعضی بدیهه لری سرد ایتك ایجاب اییدیور . معلوم در که اسان تعلیم ایله اوکره نیلیر . بو تعلیم اولاً سوزله باشلار ، کله لر مرکب اوله رق اوکره تیایر . چو چوق ده صورت تعلیمه کوره او کله لرك دلالت ایتدکلری معنالی ازبرلر . و بر کله یی ایشیدنجه اونك معناسنه انتقال ایدر . صکره لری قرائت باشلار . قرائتده حرفلر ، حرکه لر ، هپ عهدی در ، موضوع در . حرفلر ، حرکه لر ، عهده ، وضعه کوره اولجه معنالی بالله نمش بر طاقم کله لری ، و یا خود معنالی قرائت اشناسنده اوکره نیلن یگی یگی بر طاقم لفظلری تمثیل ایدر . صکره او کله لر نروده کورولورسه او معنالر ذهنه لایح اولور . دیتك که حرفلرك ، حرکه لرك ، کله لرك دلالتی ، اشاری بر دلالت در . عینی بر دلالت دکل در . تعلیم اولماسه ، حرفلر ، حرکه لر ، کله لر . . . هیچ بر شی سویله من . بو تقدیرجه معانی به انتقالده اساس ، تعلیم در . بالذات قرائت دکل در . مجرد اوقوموق ، بیلگی و آکلامفی ایجاب ایتمز . بو ، بر .

انسان قرائته باشلامه دن اول صرف تکلم صورتیله بر چوق سوز اوکره نیر و بر چوق معنا ادخار ایدر . حرفلردن و حرکه لردن مرکب شکلر کئندینه او سوزلری عرض ایدرسه منالرده خاطرینه توارد ایدر . فقط هیچ بر یرده تکلم لسانی ، بوتون علم کلماتی حوزه تصرفنه آلاماش در ، تعبیر دیکرله بیلگی لسانی تکلم لسانه کچه مه مش در . بونلر آیری آیری شیلر در . تکلم لسانی علم لسانه نه کلماتیله ، نه او کلماتك تلفظیله ، نه ده حتی اشتقاقاتیله حاکم اولاماز . اونك زمین فعلی باشقه ، بونککی باشقه در . علم لسانی ، تحصیل لسانی در . حرف اوکره نکلر حرکه اوکره نکلر ، کولدور کولدور قرائته تحصیل اولماز . تحصیل دیتك ، اوکره نك دیتك در . ده تکلم لسانك اوکره نمدیکنی ، اوکره ته مدیکنی ، اوکره ته میه جکنی اوکره نك دیتك در . بو تقدیرجه تکلم لسانی ، علم لسانی اولاماز . بر شی اوکره نکه یاراماز و یارایه مار . او تحصیلدن خارج در . بو ، ایکی .

بر لسان اول بول ، او لسانه صاحب اولان ملتك در . هر ملت کندی لسانك تحصیلیه محتاج اولان کله لرینی ، تکلم صورتیله اوکره نیر . او کله یی تشکیل ایدن حرفلرك ، حرکه لرك عهدی ، وضعی شکلرینی ده اوکره نجه ، طوغرو اوقومقده کوجاك چکمز . حتی سلیقه یار دیمیله لساندن اولوب ده کئندینه مجهول بر چوق کله یی ده طوغرو اوقویه بیلیر . یا کلش اوقویه جفی کله لر بیلمدیکی ، تلفظی ، معناسنی اوکره نته مش اولدینی کله لرله اصل لساندن اولیان کله لر اولابیلیر . بیلدیکی ، طانیدینی ، معناسنی اوکره ندیکی کله لر دکل . بناءً علیه بر لسانك املا سنی اصلاحده منحصراً اولسان اهلی نظر اعتباره آلیق لازم در . بو ، اوچ .

هر لسان مستقل در . حرفلری ، املاسی ؛ صرفی ، نحوی کندینک در . او لسانه صاحب اولان ملتک فیزیولوژیکی و پیسیقولوژیکی طبیعتلرینک محصولی در . هیچ بر لسان یوق در که اونده ایکی اوچ املا ، ایکی اوچ صرف و ایکی اوچ نحو جاری اوله بیلسین . بو ، درت . شو حالده :

- ۱ لسانده اساس تلفظ در .
- ۲ املا بر واسطه در .
- ۳ املاده اساس تعلیم در .
- ۴ بیلکی مسأله سی ، املا مسأله سی دکل در .
- ۵ علم لسانی باشقه ، تکلم لسانی باشقه در .
- ۶ لسان مسائلی او لسانه صاحب اولان ملته کوره حل ایدلک لازم در .
- ۷ لسانده بر نوع حرفلر ، بر نوع املا ، بر نوع صرف ، بر نوع نحو وارد در . لسان ، بر در .

الحاصل ، لسانه تلفظ ، املایه تعلیم ، لسانی بیلکییه تعلیم ، لسانه ملت ، و مسائل لسانیه یه ده او ملتک فطرتنده متولد بر وحدت حاکم در .

ایمدی ، مادام که املاده اساس تعلیم در و مادام که املا ، صرف ، نحو فیزیولوژیک و پیسیقولوژیک بر محصول در ، او حالده شکل تحریر کلماتک او قدر اهمیتی یوق کی در .

مع مافیه لفظلر ، سسلردن مرکب در ، کلمه لرده او سسلری تماماً ویره ن اشارتلرله مکتوب اولمق لازم در . ایشته املا دیلک ، او سسلری تماماً تمثیل ایده جک و معانییه سهولته انتقالی موجب اوله جق شکلرله الفاظی ثبت و تحریر دیلک در .

تلفظ خنچردنک ، دیلک ، و داماغک بر سعی ، بر فعالیتی در . هر سعی و فعالیتده بر قانون حاکم در که اوده « جهد اقل » قانونی در . بو قانونک صورت عمومیه ده افاده ایتدیکی شی شودر : أك آرزجتله اك قولای وأك چوق ایش کورمک . بو قانون تکلمه تطبیق ایدیلنجه اعضای تکلمک طبیعتلرینه ده ا زیاده موافق و مطابق اولمق معناسنه کلیر . اعضا جهددن قاچار ، سعی دن دکل .

لسانک تکاملاتنی طور در مق نه فردلرک ونه ده جماعتلرک آنده در . هیچ بر لسان تاریخنک هر هانکی بر آنده تثبت ایتمز و تثبیت اولنه ماز . لسان ایچون لایتبدل بر اغتیجه ترتیب ایتک ، اونی صیقی بر املا تحتنده حبس ایتک ، ثابت عنعناته وانحنا بیلمز دستورلره کوره اوقومتق ایچون نه قدر غیرت ایداسه ، لسان تکلمله یا شادیغنه وانسانلرک دوداقلری اوزرنده اوچدیغنه کوره اونی احتوائه غیر صالح اولان وقوای طبیعیه نک جمله موانع بر اندازانه سنی ضبطه چالیشان بوتون بو چرچیوه لری قیرار .

لسان ویا نطق ، عضو صوتییه ، ذهنیه و شرائط اجتماعییه تابع در . شیمدی بواساسلره کوره تورکجه نک املا سنی تدقیقه و بواملانک نصل اصلاح ایدیله بیله جکنی تحرییه باشلایه لم .

دین اسلام تورکلر آره سنده انتشاره باشلار باشلاماز ، مدینتی ، لسانی ، حرفلرینی و املا سنی ده تورکلر آره سنده نشره باشلامش در .

تورک لسانی ؛ پک طبیعی اوله رق ؛ عرب علمنک ، عرب عرفاننک ؛ لساننک ، حرفلرینک املا سنک تحت تأثیرنده قالمش در . تورکجه نک اوائلده کی درجه ترقیسی معلوم دکل ایسه ده ، عرب مدینتنک حین انتشارنده ، عرب علمنی ، عرفانی ادایه صالح بر حالده بولمیدیغندن ، او علم و عرفان ، کندی حرفلری ، کندی املا سیله بزم لسانمزه کیرمش ، یرلشمش در . فارسی ایچون ده بویله اولمش در . عجملره مناسباً تمیز اولنردن ده بزه معانیسی ، املاسی ، حرفلریله

برابر بر چوق کله کتیرمش در . تورک علمنه ، تورک عرفانه بو صورتله داخل اولان بر چوق معنی و کله ، اولره نسبتله پک محدود اولان تورکجه کله لر اوزرینه بالطبع تأثیر ایتمش و او کله لر وحی اعضا معنایده کندی قابله ، کندی عجمه صوفش در . فائق ایکی مدنیته ، فائق ایکی بویوک تأثیرینه قارشى ، تورکجه ده اولرک محکومی اولمش ، و بر مدت بالضروره عربجه لشمش و عجمجه لشمش در .

آنجق لسانده تلفظ حاکم اولدیغنه ، تلفظ ایسه عضو صوتیه ، ذهنیه و شرائط اجتماعیه تابع بولندیغنه ، و بر چوق عربجه و عجمجه کله لرله طولان تورکجه اصل کندی کله لرینه استعمالده دوام ایتدیکنه بناءً ، بالمقابل تورکجه ده تلفظلری ، تکمیل ایدن ذهنیتلری و شرائط اجتماعیه لرله عربجه و عجمجه کله لرک کرک صورت تلفظلری و کرک معنای اوزرینه اجرای تأثیر ایتکدن : اولرده تصرفدن ، اولاری تمسه مکدن و حتی کندی سلیقه و شیوه لرینه اویلدوره رق یکی یکی کله لر ، ترکیبلر ، معنای احداث ایتکدن کرى طورمه مشلردر . ایشته بو مقابل تأثیر و تصرفدن یاواش یاواش بوگونکی مستقل عثمانی لسانی طوغمش در .


یقین زمانلره قدر علوم و فنون عربجه و یا عجمجه تحصیل ایدلمکده اولدیغندن و لسان علم و فن اربابنک حکم و نفوذی آلتنده قاهره علم و متفنین ایسه ، یا اشکالدن معانییه انتقالده کوجاک حکمه مک مناسبی ، یا خود علم و فنی کندیلرینه تخصیص ایتک غیرتیه دائماً محافظه کارلغه میال بولندیغندن ، عرب املاسنی محافظه ده باس کورمه مشلردر .

آنجق تأثیرات مختلفه تحتنده ملی عرفانک تزیایدله معارفی تعمیم ایتک و هیج اولمازسه علمی برتورکجه ایله تورکجه اثرلر وجوده کتیرمک و مطبوعات ایله نشریاتده بولمق احتیاجلری حس ایدلمک و بوضورتله آثار نشرینه باشلانینجه ، یعنی لسان بالنسبه ده طار بر ساحه دن ده کنیش بر ساحه یه چیقنجه ، اوساحه نك احتیاجاتنه ده توافق ایتک لازم کلش و بولزوم لسانی وجدانک یاواش یاواش تظاهر و تبلرینی ایجاب ایتمش درکه ، املانک کیت کیده دوچار اولدینی تغیرلر ، عضوی و علمی برطاقم اسباب ایله برابر ، هپ بوايجابک انتاج ایتدیکی حادثه لر در . لسانی وجدانک بوگونکی حکملری شونلردر :

۱ — عثمانی تورکجه سی شیمدییه قدر ایچنه آلمش و تصرف ایتمش اولدینی عربجه و عجمجه کله لرله برابر صرجه ، نحوه و ادبیاتجه تماماً مستقل بر لسان در .

۲ — عثمانی تورکلرینک کندیلرینه مخصوص بر صورت تلفظی ، قوللاندقلری تورکجه ده اصلاً تورکجه اولان کله لرک کندیلرینه مخصوص صائتلری وارددر ، بوضورت تلفظی اصلاً عربجه و عجمجه اولان و بوگون تصرفاً و فعلاً تورکجه لشمش بولنان بوتون کله لره تشمیل ایتک ، لسان تحریرنده ایکی مختلف املا جاری اولماق لازم در .





بر لایحه اصلاحیه دن : [*]

انسانلر بیننده قوای عقلیه جه مساوات یوقدر. خواص درجه کماله اولان قوای عقلیه سی سببیه دائماً تعالی و تجدد ساعی و منه مک اولدینی حالد عوام بتون اعتقادات و معلوماتیه دائماً مقلد و دائماً محافظه کاردر. اولر هیچ برشیده اجتهاد و تجدد و بالذات بر حرکت اختیارینه مقتدر دکلدر، حتی هراجهاد و تجدد دن فطرة متنفرد و متباعددر. عوامک بالجه افکار و حرکتی ارشیدر و قوه حیاتیه سی موروثاته مغلوبدر.

بناءً علیه عوامک، یعنی بنیه دولتی تشکیل ایدن اکثریتک افکار و عادات موروثه لرینی بتون بتون جرح و اونلری نفرت و وحشته دوشورمیه جک تدابیر و اصلاحات ایله تصحیح مزاج و مظهریتلرینه خدمت ایتک و اونلری یواش یواش برر مخلوق ارثی اولوق در که سندن قورتارمق لازمدر. بووظیفه صنوف عالییه ازبانه عاڈدر. حال بویله ایکن کوردیکی کورکورینه تطبیق ایتکدن بشقه بر قدرت حیاتییه مالک اولیان صنف عوامی کنیدی کندینه اصلاح فطرت و مزاج ایله مکلف طوتمق و حتی بومقصد ایچون اولردن خدمت و معاونت بکله مک نصل صحیح اوله بیلیر؟ اصول حاضره اقتضاسنجه مکاتب صبیانیه نک امر اداره سی جماعت محلیه راجعدر و قانونا ده جماعت محلیه بر طاقم وظائف محولدر. فقط هیچ برکویده مکتب ایچون آریجه معلم تعیین اولنماز. بو خدمت کوی اماملرینه ایفا ایتدیریلیر و بوده محضا اسکیدن بری عادت اولدینی ایچون یاپیلیر. یوقسه صورت عمومیه ده هیچ برکویلی امامک بووظیفه یی ایفایه مقتدر اولوب اولمادیغنی دوشونمیدی کی اوغلنی ده او قومق ایچون مکتبه کوندرمز، عادت اولدینی ایچون کوندریر و چو جرق بر آرایش یارایه جق یاشه کلنجه یاننه آلیر. کویلیلرک سنه ده طقوز آی قدر ایشی کوچی اولدیغندن چو جق ده برسنه ظرفنده یاییکی ویا اوچ آی منتظماً مکتبه دوام ایده بیلیر. بویله اقتدار و اهلیتی دوشونولیه رک و بالطبع تقدیر اولنه میهرق تعیین ایدلش بر معلم ایله سنه ده آنجق ایکی اوچ آی مکتب کوره بیلن برشا کرددن نه معرفت بکله نیر؟

معلملرک اقتداری ویا اهلیتسزلکی حقنده کویلیلره وقوع بوله جق خطرات غیر مسموعدر. چونکه امامدر، سسی کوزلدر، قرائت قرآنه مقتدردر و بعض کره ده واعظدر. دیمک که برشیدر. باخصوص بتون اشکالیه منالقدیم کوردکری زی و قیافتی حائزدر. عادتاً کندیلرینه میراثدر. آبا و اجدادلری زماننده کی اماملر نصلسه بوده اوله در و مطلقاً اوله اولمیدر. یوقسه کویلی اوکا ایصینه ماز و اونی باریندیردماز. کویلینک امامدن ایسته دیکی شی اسلافنک

[*] بروسه ده معارف مدیری ایکن نظارته کوندردیکی ۳۰ کانون ثانی ۱۳۱۴ ترینلی لایحه مفصله درکه بونوک قطعده اوتوز صحیفه یی و موشکافانه تدقیقات و مطالعاتی محتویدر. ۲۲ — ۲۶ نجی صحیفه لرندن نقل ایتدیکنم. بعض سطرلر آرادن یکریمی ییل کچدیکی حالد قسماً ینه جاری وزنده حکمدر.

یابدینی شیر ؛ تجدد دکلدر . اولکیلر نصل اوقوتدیه اوده اویله اوقوتلیدر . ذاتاً امامده آنجق بوکا مقتدردر . اومنالقدیم نه کورمش ایسه صیم صیق اوکاباغلیدر . بشقه بریوله کیتیمی عادتاً عقیده سینه طوقوندینی کی بتون بیلکی ده کندیسنه معارض اولور . تکرار اوقورویا خود جبراً اوقوتولورسه بر درجه یه قدر خط حرکتی تعدیل ایدر ؛ فقط بتون بتون ده کیشدیره من . چونکه انده دکلدر . او آنجق بیلدیکنی اوکرمش و آرتق اوکره نه جک زمانی کچمشدر .

بعض محالرده اصول جدیدیه کوستریلن رغبت شوملاحظاتی رد و جرح ایده من . مسائل عمومیه ده احوال استثنائیه نك اصلا دخل و تأثیری قیمت اساسیه سی یوقدر . برده اصلاح حال ایتک حالک فناغنی بیلکه ، صور اصلاحیه یی تقدیر و تطبیق ایتکه متوققدر . عوامده اوبیلکی ، اوقدرت یوقدرکه بوصلاح حاصل اوله بیلین . بناءً عوامده صورت عمومیه ده مکاتبک تنظیم و اصلاحه انتظار ایتک و حتی تنظیمات و اصلاحات اولاردن فعلاً و مادةً معاونت بکلیمک موافق حکمت حکومت دکلدر . چونکه بر آدم فطرةً ایسته مدیکی برشیئک وجود بولمسنه یاردیم ایده من

دوراً کشت و کذار ایتدیکم محالرده مکاتب موجوده یی تنظیم ایتک و بکیدن مکتب کشار ایتک ایچون واردات تدارکنه اهالی بی تشویق و ترغیب ایتدیکم ائاده اکثریتک حتی بولزومی تقدیر ایتدیکنی مع التأسف کوردیم . بوقیدسزک عوامک عادتاً فطرت مخصوصه سی اولان محافظه کارلوق ایله بتون حیانه شامل اولان خود پرستک حسندن ناشیدر . عوام بوخصائص مفطوره سی سببیه کندی منفعتی عمومک ودها خصوصی برتعبیر ایله غیرک دکل ، حتی کندی ابون و اولادینک منفعتنه ترجیح ایتدیک کی منفعت ذاتیه سنده ده آتی بی دکل ، یالکمز حالی دوشونور . حوائج و آمالی بالطبع محدود اولدیغندن اولری استحصال ایدنجه آرتق هیچ بر ایستکی ، هیچ بر دوشونجه سی قالماز . اوبوکون و یاخود بوسنه ییه جکنی تدارک ایتمشدر . کله جک سنه ده تدارک ایده جکندن عادةً امیندر ؛ اویله ایسه مستریحدر . بناءً علیه مثلاً مملکتک معموریتنه و رفاهیت و سعادت عمومیه یه وبالخاصه آتی بی اصلاحه تعلق ایتدیک ایچون تحصیل علم و معرفته خلقه رغبتی یوقدر . کندی نصل کچینیورسه اولادی ده اویله کچینه بیلیر . باخصوص اوبوکون کندیسنه لازمدر : تارلایه کیتدیک زمان ییه جکنی کتیرر ، یاخود دکرمنه بغدادی کوتوره بیلیر . اوغلی مکتبه کیدرسه بولری کیم یاپه جقدر . ایسته فکر عمومی بودر و بونک ایچون وقوع بولان نصایح ایله کوستریلن دلائل التفاتدن محرومدر .

* *

نوع انسان برطاقم قوای عقلیه ایله ممتازدر . و بوقوتلر فطرةً نشوونما ایله متصفدر . بناءً علیه قوای عقلیه دن هربری مظهر اولدینی تربیه یه کوره تنی و تقرر ایدر . فقط قوای عقلیه نك ابتداءً استطاعت تربیه سی علی الاطلاق نامحدود دکلدر . عقل اجرای فعله باشلادینی زمان حائز اولدینی قوادن هربری انکشافه و نشوونمایه باشلار و آلدینی تربیه ایله عرقه ، اقلیمه و محیطه کوره یکرمی بش و نهایت اوتوز یاشنه قدر انکشاف و تنی دوام ایلر ، اویاشلرده هر قوت ، قدرت انکشافیه سی تمامیه صرف و استعمال ایتش اوله جفنه بناءً آرتق متضرر اولور . و بو یاشدن صکره علی الاطلاق هیچ بر قوت انکشاف و تنی ایده من .

شو حقیقته و تربیه حاضره اطفاله کوره بزده قوای عقلیه نك صورت نشوونماسنی تا آنا فوجاغندن ساحه جمعیه قدر لغیب و تصویر ایتک و جسم محترم دولتک روحی و محرکی اولان بوقوانک هیئت منبسطه سنی تبیین و ایضاح ایلهمک ممکن ایسه ده موضوع اعتباریله آنا تربیه سندن صرف نظر ایدرک یالکمز مکتب تربیه سندن ، یعنی علی العموم آتی یاشنده بولنان چوجقلرک صورت تربیه سندن و صکره ده جمعیت تربیه سندن بحث ایتک ایسترم .

شیمدیکي مکاتب ابتدائیه ده چو جقلر قرائته اجرای شریفه دن باشلار. حروفی کورمه دن حروف متعلیه و منفصله یی و بولرک اشکال مختلفه سنی اوکرنه دن تهجیه ابتدا ایدرلر و اجزاء شریفه یی و بعده قرآن کریمی بویله آخردن اوله قدر بر کره محالیه رک او قورلر. اوندن صکره بردها تکرار ایدرک و نهایت بتون اشکال کلمات ایله استیناس ایدرک قرائت قرآنه مقتدر اولورلر. فقط حرکه لی خطره آلیشمش اولدقلری ایچون حرکه سز یازیلری او قویه مازلر. اجزاء شریفه دن بو صورتله کونده آنجق بر سطر و مستثنا اوله رق بر بچق سطر او قویان بر چو جق منتظماً دوام ایتک شرطیله آنجق بر سنه و حتی درت سنه ده بو اقتداری احراز ایده بیلیر. بو اصول تدریس سببیله قوای عقلیه دن مفکره ، مدرکه ، ممیزه ، حاکمه قطعاً نشو و نما بولماز ، یالکیز قوه حافظه ایشلر. تجارب عیدده ماله ثابت اولدینی اوزره چو جقلر ایکی اوجی بال مومی ایله محدود اولان بر ویا بر بچق سطر یری ، اوکونکی درس لرین حرقلری طانییه رق معلماردن بالتهجی از برله دکاری کبی او قویه بیلیرلر ؛ فقط بال مومیدن آشاغی بر کله بیله او قویه میورلر و برکون اول او قودقلری یرلری بیلیمورلر. چونکه بوکون او قودقلرین ده حرقلری و وظائف حرکاتی طانییه رق والحاصل بیله رک دکل ، ده ا اوکون محاله دکاری ایچون از بردن او قویورلر.

بناء علیه برکون اول او قودقلری یری برکون صکره اونوتیورلر. قوه حافظه هنوز اجرای فعله باشلامش اولدیفندن قدرت ضبطیه سی ضعیف اولدینی کبی قوه حافظیه معاون اولان قوه مفکره و مدرکه و ممیزه و حاکمه هیچ ایشله دلدیکندن لوح حافظیه انتقاش ایده بیان هیئت کلمات اوراده آنجق بر ایکی ساعت صورتیدر اوله رق صکره هیئتیه سیلینور و آنجق سنه لرحه تکرار ایله حافظه ده اساس سز و منطق سز بر اثر انطباع براقه بیلیمورک بونک ده هیچ بر لطفی ، هیچ بر فائده سی اولیمور. بو حال ایله برابر چو جقلر ده سنلری سببیله بتون او قوتلرک آماده انکشاف اولدینی بالتدقیق آکلاشیله بیلیمور: آنجق بش اون دقیقه امتداد ایدن بر قاچ تجربه ایله دونکی درس نی بیلدین و اونوتدیغنی قطعاً سویله یین بر چو جغه او درسی او قوتدینم کبی ، درس ناک ایلرینی ، او قومدینی یرلری ده او قوتدم. چو جقلر بو تکلیف اوزرینه اولایر کیلیدیلر ، صکره قورقدیلر ، تیره دیلر. فقط کندیلرینه رهبر اولدم. مفکره ، مدرکه ، ممیزه و حاکمه لرینی یواش یواش تنبیه و ایقاظ ایتدم. اولای امنیت سز لکله و صکره بیوک بر امنیتله او بیلمدکلری ، بیله مه یز ، او قویه مه یز دیدکلری یرلری پک کوزل او قودیلر. حتی اوکون معلمدن او قودقلری یرلردن ده ا ای او قودیلر.

شمدی چو جقلر ده فطره آماده انکشاف اولان بو قوای عقلیه نک قطعاً اهل ایدلرکینی کوروب ده دلخون اولماق قابلمیدر ؟ یقیناً آکلادم که بو اصول ایله هر مکتبه ده هر چو جق برما کنه حکمنی آلمش و یالکیز معلمک دلالتیله اوکون او قودیفنی او قویه بیلیمک اعتیاد ایتشد. هیچ بر مکتبه ده هیچ بر چو جغه کله لرک حرقلردن مرکب اولدینی و حرقلرک تهجیسی و بناء علیه کله لرک قرائتی ده بو محالری اظهاردن عبارت بولندینی آکلاشیله رق برکون اولکی درس نی البته او قویه بیله جکنه و حتی حرقلری و اصول تهجی یی بیله کدن صکره هر شیشی او قویه جغه دائر بر فکر و یرله مش ، یعنی قوه مفکره سی قطعاً اعمال اولنماشدر. حال بوکه بتون ترقیات مغنوبه و ماده قوای عقلیه نک نشو و نماسیله فکر تحلیلک ایلر یلسنه متوققدر.

مکاتب صبیانیه اصول تدریسه قوای مذکوریه اعمال ایتدیک کبی بونلری تنبیه و توسیعه خادم اوله جق هر درلو اصول تربیه دن و وسائط و آلات علمیه و فنییه دن محروم اولدینی جهنله علی العموم اطفال مملکت حقنده بر آز اول درمیان اولنان مطالعه وجه ایله خدمات بیتیه دن قورتوله رق منتظماً اوچ درت سنه مکتبه دوام ایدن چو جقلر بیله قوای عقلیه لری

استعداد فطريته و دوات و ملتك حيات معنويه سي اعتباريله معين اولان بر مقصده ، يعنى نه على الاطلاق قوه انسانيه لرينه ، نه ده حيات مليه واجتماعيه لرينه كوره برغداي تربيه آله دن و بناء عليه انكشاف ايتمه دن مکتبدن چيقارلر. اون اون بر ياشنده اولان بوجوجقلرده قدرت انكشافيه بردوامدر. جمعيت بوقدرتي كشف واعماله مقتدر اولسه بر درجه يه قدر تلافی مافات ممكندر. فقط جمعيتده صورت عموميه ده بوقابليت يوقدر. ذاتاً او قابليت موجود اولسه اولان مکتبلر دوزهلير. چونكه بر ملتك شاهد مالى مکتبدر. حتى رأیجه هر ملتده قواي عقليه نك درجه انبساط وانكشافی اصول تهجيسيله تعيين اولنه بيلير. يعنى اصول تهجي ترقیات عقليه الك اساسلى بر مقیاسدر.

شيمدی قواي عقليه لری انكشاف ايتمه مش اولان بوجوجقلر جمعيت ايچنه كيررلر. جمعيت بونلری برطاقم وظائف ايله ، برطاقم افكار وعادات ايله تلقی ايدر. او وظائف و افكار وعادات هپ موروثدر. بناءً عليه عينيله و تماميله تقليد و تطبيق اولنق لازمدر و او يله جه عينيله و تماميله تقليد و تطبيق اولنور.

فطرت بشريه ده توارثك ذاتاً بيوك بر تأثيری وارددر. فقط قواي عقليه نك عرقه ، اقليمه ، محيطه كوره ايلك اول انكشافه مهيا اولديغی زمانلرده توارثك نوعنه ، جنسهنه ، شدتنه و قدمنه كوره قواي عقليه نك او كا غلبه ايتمی و يا خود تربيه ايله غلبه ايتديرلمسی قابلدر. چونكه بشرده حاكم اولان عقلدر.

بوجوجقلرده توارث ايله ذاتاً موجود اولان بعض طبایع و اوصاف اوزمانه قدر قواي عقليه نك فعل و دخيله هيچ بر تعديل او غرامامش اولديغندن بو تقليد و تطبيق ايله او طبایع ده زياده سيوريله يكي كي ، قواي عقليه ده فطرةً سوق اولنديغی بعض عمليات ايله بالضروره او افكار وعاداته انطباق ايدر. بو حالك علم الروجه برطاقم اسبابی وارسه ده بوراده تفصيله محل كورلمه مشدر.

اون بش ياشندن يكرمی بش اوتور ياشنه قدر عسكرلك ، تجارت ، سياحت كي بعض سائقه لرله بوقوتلره بر درجه انبساط كليرسه ده كويلره و قصبه لره عودتله و مرور زمانله عادات و افكار محليه يه مغلوب اولور ، سونر .

*
* *

كوی مکتبلرينك صورت تنظيمی يالكرز اصول تدريس منحصراً اولملا مادهً و معناً فوائده كلييه و صحيحه اقتطاف اولنه ماز . استحصال ثروت و مكنت ايچون سرمايه لازمدر . الك مهم سرمايه سرمايه معنويدر . سرمايه مادی اهميته ايكنجی درجه ده در . واقعا آلات و ادوات و خام اشيا اولملاجه برشی ياپيله من . فقط معلومات اولملاجه نه او آلات و ادوات ياپيله بيلير ، نه ده او خام اشيا قابل مبادله برحاله كتيريله بيلير ، يعنى برقيمت كسب ايدر . بناءً عليه كوی مکتبلرينی اهاالينك سرمايه معنويستی آر تديره جق صورتده ترتيب و تنظيم ايتلی ، يعنى طبيعت اراضيه و اهاالينك و موقعك استعدادينه كوره بومکتبلرده زراعت ، صنايعه ، ملاحته ، تجارت قوتلر داسلر او قوتللی و اونلری بوسرمایه لرله طبيعتدن الك زياده استفاده ايدم بيله جك بر حاله قويميلدر .

بزده شيمدی يه قدر اهاالينك سرمايه معنويستی افكار و معلومات موروثه دن عبارت اولديغی جهته زراعت و صنايع و تجارتجه همان هيچ بر اثر تبدل و ترقی كورلمه مشدر. بالعكس برچوق صنعت و الك مهم تجارت اوروپايلره كچهرك صنايع و تجارت محليه همان محو اولمشدر ، زراعت حالا اصول و شكل قديمدن چيته مامشدر .

اصول جدیدہ تدریس سایہ سنده یواش یواش اجرای فعلہ وانکشافہ باشلایان قوای
 عقلیہ زراعت ، صنایع و تجارتہ متعلق مباحث جدیدہ و کشفیات علمیہ و فنیہ ایلہ نظری واک
 زیادہ عملی اولہرق تربیہ ایدیلیر، اصول وقواعد تجارتلہ تألیف اولنورسہ ایشته اووقت ثروت
 عمومیہ و بناء عالیہ مکنت و قدرت ملیہ کرکی کبی تقرر ایدر. ادبیات ایلہ نظریات فنیہ و علمیہ
 قوای عقلیہ نك نشوونما سنہ خدمت ایدرسہ دہ هیچ بر نظریہ طبیعتہ و اشیای مادیہ تعلق
 ایتدکجہ احتیاجات مادیہ و معنویہ یی تسویہ و استیفایہ یارامیہ جغندن مکاتب ابتدائیہ دہ تأسیس
 ایدیلہ جک بواسولی درجہ درجہ مکاتب رشدیہ واعدادیہ و عالیہ دخی تشمیل ایدہ رک اورالردہ
 زراعت ، صنایع و تجارتہ متعلق سرمایہ معنویلری دائماً تزیید ایتلیدر . علی العموم مکاتب بو
 صورتلہ تنسیق اولندقدن صکرہ ادبیات ایلہ نظریات فنیہ و علمیہ قابلیت بشریہ نك دائماً مصباح
 ترقی و اعتلا سی اولدیغندن و چونکہ بری دائماً قوہ خیالیہ ایلہ و دیگری قوای عقلیہ سائرہ
 ایلہ و صفاً میال اعتلا بولندیغندن بوقوتلری لایقیلہ تحریت ایتک ایچون مکاتب ادبیہ و فنیہ یی
 ابقایہ و حتی اعداد و تکثیرہ و برطرفندن دہ زراعتہ ، صنایعہ ، تجارتہ ، صنایع زراعیہ یہ ، صنایع
 نسجیہ یہ ، صنایع تلوینیہ یہ ، ماکنہ جیلکک، کیجیلکک، صو مهندسلسلککنہ ، معدن مهندسلسلککنہ ،
 اورمان مهندسلسلککنہ ، والحاصل بتون شعبات علوم و فنونک تطبیقاتی بالتجربہ تعلیم و تدریسہ
 مخصوص مکتبلر کشاد ایتکک چالیشملیدر .





برتذ کره

« مکتب صنایع طلبه‌سندن ۱۴۰ نومبرولی محمد امین افندی به »

بایرام مناسبتیه کوندردیککنز بر مکتوبی آلام . قلبک الک صمیمی حسله
ضربان ایتدیککی بر کونده بنی در خاطر ایتدیککنزدن طولانی تشکر ایدرم .

فقط بن سزک ایچون برشی یاپامشدم . اخلاقک تربیه‌صناعیه دن متولد اولدیغنه ،
مملکتهمده اخلاق صاحبی نسلار یتیشدیرمک چوجوقلره صنعت تربیه‌سی ، ایجاد
واختراع تربیه‌سی ویرمکه قابل اوله بیله جکنه قائل اولانلردن بولندیغم ایچون طرز
مساعیکزی آکلامق ایسته‌مش و طالعه‌کنزه مع‌التأسف ایسته‌دیکم قدر دکل ، امکان
مساعد اولدیغی قدر اشتراک ایدم بیلیمشدم . بناءً علیه بکا قارشی کوستردیککنز آثار
محبتی محضا روحکنزک بر نشانه نجاتی اولمق اوزره تلقی و قبول ایدر ، وسزه ورفقا کنزه
بالخاصه بکا احساس ایتدیککنز نجات اخلاقیه دن ، عرقمک و ملتکم صنعتکار و متفنن
روحکنزده انکشافنه شاهد اولدیغم ازلی اصالتله متفنن و صنعتکار عثمانلی تورک‌لکی
ایچون بکا تأمین و تبشیر ایتدیککنز ابدی سعادتدن ... عرقم و ملتکم ایچون بنده
تأیید ایتدیککنز صمدانی امید وایماندن طولانی تشکر ایدرم . باقی ، جمله کنزه سلاملر
و سعادت و موفقیتکنزه دعا لر .

۵ تشرین ثانی ۳۲۹





« مختصر فلسفه قاموسی » مسوده لرندن :

Aboulie . — فقدان ارادت . — كرك دماغدهكى مراکز محرّكه نك ،
و كرك بومرکز لرك اخذ ايتديكى تنبيهات و تحريكاتك ضعف و وهنه اطلاق اولنور .
قوة عاقله ايله آلات حركت غير مصاب در ، سالم در ؛ غايه ، هدف واضحاً متصور در ،
وسائلی ده كذلك ؛ فعله تصدی غير ممکن در . شونك ايچون كه اشواق و رغبات
ضعيف در ، اجرای فعله سوق ايچون غيروافی در ، و بوده حساسيته مقابل و موافق
اولان حالات عصيه نك ضعف و وهندن منبعث در . « ريبو » Ribot نك (اراده
خسته لقلری) Les maladies de la volonté اسمندهكى اثرينه باقیکنز .
Aperception (فرق ايتك معناسنه اولان Apercevoir مصدرندن مشتق در .) —
ادراك واضح Perception claire ديمك در كه فرق ايدلمه دن حاصل اولان ادراك
مبهم Aperception confusé مقابلی اوله رق موضوع در .
لايپنیز « Monadologie » Leibnitz سنده بوكله ايله ادراك مشعور و متأملی
Perception conscientée et réfléchie افاده ايدر .
Cousin اشيا نك بلا واسطه و غير متأمل تحدسنه - Intuition immé-
diatée et non réfléchie ادراك صرف Aperception pure نامنی ویرر .
[Aperception ه استدراك Perception ه ادراك دینیلسه ، ظن قاصرانه مزجه دها
موافق اولور . یاخود برنجیسنه مقابل ادراك وایکنجیسنه مقابل درك کله سنی قوللاعلی در .
سأمزده دائماً حس و درك کله لری برابر اوله رق « حس و درك ایتدم » تعبیری استعمال
اولنور . « ادراك ایدمده کی ؟ » تعبیرنده کی ادراك کله سنی دها قوتلی بر معناده در . حتی
« درك ایتدم فقط ادراك ایدمدم » دینیه بیلیر .
Aperception ه مقابل « ایقان » کله سنی ده وارد خاطر اولیور .
بو کله یی نعیم بك تعقل کله سیله ترجمه ایتشلردر . رضا توفیق بك ایسه لایپنیزچك
مونادولوژیسنده کی تعریفات و سرهاماتنك ایضاحاتنه توفیقاً استشعار کله سنی توصیه ایدیور
و اخلاق علائی صاحبی قنه لی زاده علی چانی نك بر عبارده سیله ده استشهاد ایلهیور . « قاموس
فلسفه یه باقیکنز . »]

Cosalité . — علّیت — برشئك اجرای فعل ایدیشی . علتك معلوله نسبتی .
مبدأ علّیت ، كه علك معطاسی در ، شوصورتله تعریف اولنور : وجودیاب
اولغه باشلایان هرشئك برعلتی واردر .

مبادی Les principes وعلل Les causes فلسفه اسلامده برمعناده مستعمل در .
برده اسباب واردر كه ، اونك مقابلی ده Les raisons در .

برده علت علوم طبیعی و معنوییه ، واسباب علوم ریاضیه به تخصیص ایدلمش در .
بو تخصیصه رعایت اولنسه مناسب اولور .

Idéal . — غایه کمال . — موجود حقیقی Réalité ، عالم مادیك ترتیب
ایتدیکی نقصانلردن قورتوله رق بلامزاحم librement انبساط وانكشاف ایده بیلسه
اخذ ایده چكی حال دیمك در . بونی نه مخیله Fiction ایله ونه ده خیال باطل Faux
ایله قاریشدر ماملی در . غایه کمال ، شكل مكمالنده فكر حقیقت در . قوانین اشیا به متوافق
اولان موجود حقیقی در ؛ اك كوزل فرض و تخمین اولنان آت ، اك یوكسك
معنای حقیقیسیله انسان ، حتی مكملیت بشیعه لرنده رذیله Vice و قبح Laideur كبی .
غایه کمال مطلقاً موجود دكل در ؛ هر فرد كندی عقلنه ، سجهیه سنه ، معلومانه ،
و خلاقنه (و یا خود قابلیت اخلاقیه سنه) Moralité كورده هر هانكی برشی ایچون
بر غایه کمال تصور ایده بیلیر . فقط مولیه ر Molière ك قوه دهائتیه غایه کماله ایصال
ایتمش اولدیفی هارپاغون Harpagon ایله تارتوف Tartufe ؛ هر كسك صورت
خصوصیه ده تصور ایتدیکی خسیس Avare ایله مرائی بی Hypocrite تمیل ایدر .

« قانت و فيخته و تربيه مسئلهسى » عنوانيله .
اخيراً مسوده لرى اليكن غير مطبوع برائىرندن :

..... چوقدن برى معلوم و مبرهن اولدينى اوزره ، امر تعليمك ايكي وظيفهسى واردر . امر تعليم اول امرده بر اوكره تمك ايشى دركه بوده بر چوجو غك ويا بر رشيدك مكتب ابتدائى ويا اعداديده بولندينى مدتجه ذهني آچق ، اوكا بر طاقم معلومات نافعنه قازانديرمق ، چوجو غى اك اي اصوللرله ، مكتبدده كنديسنه اوكره دلسى ممكن اولاماش اولان شيلرى كندى كندينه تحصيل و اكمال ايده جك حاله كتيرمك در . ايشته بو ذهنك حصهسى در . فقط مكتب ابتدائى ويا اعداديده بوتون مساعى يالكرز ذهنه حصر ايديله جك اولورسه وظيفه تعليميه نك يالكرز نصفى ، وهمده اك مهم اوليان نصفى ادا ايدلش اوله بيلير . انسان ، فى الواقع بر فعل وحر كنده بولمق اوزره يارادلش در ، حياتده بر وظيفه مخصوصه ايضا ايتكله مكلف در ؛ و بو وظيفه يى آي ويا خود فنا بر صورتده ايضا ايتكى تجهيز و تحليله ايديله بيله جكي معلوماتدن زياده سجييه سنه تابع در . بو جهت ايسه تدريس دكل ، تربيه يه تعلق ايدر . تربيه واقعا بوتون عمر ك آفريده سى و باشليجه سى عائله اولمق لازم كلن بر چوق عامل و مؤثر لك محصله سى ايسه ده ، حقيقى مر بيلرك بر چو غى مكتبك ده تربيه ايله مكلف بولنديغنه قانعدر .

بو ايكنجى وظيفه برنجى يه نسبتله فوق العاده كوچ در . تدريس اتده ياپيله جق شى يالكرز جهالت و عطائتله مجادله دن ويا خود حكم و محاكمه خطا لرني تصحيح و تعديلدن عبارت اولدينى حالده ، امر تربيه ده مسئله دهها معضل و مشكل در . سجييه ، مادى و اخلاقى بر چوق شيك محصله سى در ، و هر چوجوق مكتبه كليركن ، برى برينه صيم صيق يه مربوط بر طاقم خصائل و نقائصدن مركب اولان كندى سجييه سنى ده بر ليكده كتيرر . اكر چوجو غك مزاج و فطرتى هيچ بر سوق و اداره يه تابع طو قوليه رق ، كندى كندينه اجراى فعلده حر بر اقيه جق اولورسه ، سهولتله هم ايلك وهمده فنالق جهتنه تمايل ايتك و كرك فرد و كرك جمعيت ايچون اك مشغوم نتيجه لر توليد ايله ك استعدادنده بولنان قدرت انسيقيه و فرديه نك انكشاف و انبساطك غل و يرلش اولور . مع مافيه مزاج و فطرتى سوق و اداره ده ده افراط ايديله جك اولورسه ، ينه غايه الده ايديله من : گور بوز و صاحب عزم اوله رق طو غمش اولوب ده تحكمه بويون اگمك شانندن اوليان چوجو قلر بو افراط طولاييسيله سر كش و عاصى اوله بيله جكلرى كى ، امر انضباطك مزاج و فطرتلرينه غلبه ايده جكي ديكر بر طاقم چوجو قلردن ده ، بوتون اوتار اراده لرني لزومندن زياده كرمك نتيجه سى اوله رق ، پك بويوك بر احتمال ايله غايت عادى آدمار وجوده كتيريله بيلير . ايشته تربيه مسئله سنك اهميتى بوندن ناشى در .

نفسك ناظمى اولان اراده مفقود اولدجه ، مفكر نك ، ذكانك نه فائده سى اوله بيلير ؛ بوتون همت و غيرتى يالكرز ذهنى تزئين و تحليله يه حصر ايدوب ده سجييه لرى تجهيز و حسيات وجدانيه يى تخيه ايله مك ويارين يالكرز نفسلرينى سوق و اداره ايله دكل ، سوزله ، غزته لرله ،

کتابلرله ونفوذ اجتماعیلرله افکار عمومییه بی تشکیل وتقویه اشتراك ایده جک و آرای عمومییه بی پنده سور و کلیه جک اولان بوگونکی چوجوقلرک اخلاق وعاداتی بر اساس قوم اوزرته بنا قیلماق خصوصاتیله بالنسبه غایت آز مشغول اولماق عقل وحکمته موافق می در ؟ سوربون علم تربیه اطفال معلمی اولان موسیو ماریون : « بر حکومت عوامده ، فردک مفید ونافع بر وظیفه ایفا ایده بیلمسی ایچون یالکیز مفکره نا کافی در ، چونکه حریتک طلب ایتدیکی فضیلتلردن اُک بسیط و اُک منفیلری اولان ثبات واعتماد فضیلتلرینی بیله تحصیل وتأمینه قادر دکل در . بناءً علیه یالکیز تدریس دکل ، بوتون هیئت مجموعه سیله تربیه کنجلمری حیات حرهیه ، استقلال ارادته حاضر لاملی در [*] . « دیور .

اوله ایسه یاپیله جق بر سلسلهٔ اصلاحات قالیرکه کرک ملتله وکرک فردله ایچون اُک یوکسک بر درجهٔ اهمیتی حائزدر . بومسئله زمانزده ، انسال متقدمه طرفندن بر جوق جدال نتیجه سنده احراز ایدلمش اولان حریتلرله مؤسسه لرک تشید وانکشافنه شاهد اولماق اندیشه سیله چیرپینانلرک باشلیجه مشغله سنی تشکیل ایدر کی کورونیور

دلالت ظواهر خلافتنه اوله رق ، فی زماننا مفکوره ومقدرات بشریه اندیشه سنک هر زماندن ده ازیاده حکمران اولدیغنی ارئه واثبات ایتمکدن قولای برشی یوق در . واقعا بر جوق کیمسه ، دساتیر اخلاقیه قارشى بر علامت استحقار کوسترمکده ایسه ده ، بو استحقار یالکیز افعالده وحیات خارجیه ده واقع اولوب ، بالذات وجدانده واقع وموجود دکل در ، وبزم عصر مزک صفت کاشفه سی ده فکر ایله عمل آره سننده کی آهنگسزلک در ، یوقسه اخلاقی فکرلرک انطفاسی دکل در .



[*] آمریقایی بر حقوق شناس وبر حکومت آدمی اولان وپستالوژینک افکار تربیویه سنندن ملهم اوله رق آمریقاده تربیهٔ عوامک ایلک ناشر ومروجلرندن اولقله معروف بولنان میستر « هوراس مان » (برجهوریتده تربیه نک بر امر ضروری اولدیغنه) متدائر اولان برقونفرانسنده : « بزه همان دائما ، پولتیقه عالمده اجرای کشفیات ایچون یاپدیغمز سیاحتلرده ذکا ایله فضیلتی کسندیمزه رهبر اتخاذا ایتمکلمیزی ، وبویله حرکت اینترسه ک ایلک « بورا » ده یولیزی غائب ایده جکلمزی اخطار وتوصیه ایدرلر . بن شونی ده علاوه جسات ایدرمکه . بو شرائط موجود اولدقجه ، حتی فورطنه ظهورینه قدر ده طیانهمیز ؛ سکون مطلق بزم ایچون بادی خسران در . دکنز بر آینه کی ساکن وراکد اولسه ده بزینه باتمغه محکوم اولورز ، زیرا ایچنده سیاحت ایتدیگمز کی عادتاً طاشدن بر کمی در . الحاصل ، بو شرائط بوتون دماغلرده وقلبلرده موجود اولمازسه یالکیز مؤسسات جمهوریه دن الی الابد واز کچمک مجبوریتنده بولنمیز ، رفاهت وسعادتده بزم ایچون برر لفظ موهوم اولور . « دیور وبو نظریه بی ، فطرتده موجود اولوب مدنیت حاضرته نک احضار واعطا ایتدیکی وسائط عدیده ایله دائما تغدی وتهیج ایتکده اولان انسیاقات سفیله نک ، اگر بیلکی وبالخاصه تربیه ایله چاره تسخیری بولنه مازسه جمعی اُک قورقوتج بادره لرله تهدید ایتک استعدادنده بولندیغنی جالب نظر بر طاقم دلائل وتشبیهات ایله توسیع وایضاح ایدیور . نهایت بزم مملکتتمزده وشو زمانده تنظیم ایده جکی ادارهٔ حکومت پروگرامی باشلیجه حلقهٔ تربیهٔ علمیسی اساسی اوزرینه دوران ایتدیرمین برآدم ، حکومت آدمی عنوان ذی شرفی طاشیمغه لایق دکل در . بر آدم بلیغ اوله بیلیر ، تدریخده ، علوم سیاسیه وحقوقیه ده بر وقوف عمیقده صاحب بولنه بیل ، وبو اوصاف ممالک ساثره نک بر چوغنده اوکا حکومت آدملری صفتنه ادعای استحقاق ایچون بر صلاحیت بخش ایتکه کافی در ؛ فقط اقوالی ، تصورات ومجاهداتی هر پرده وداثما تربیهیه موقوف ومقصور اولدقجه آمریقا حکومت آدمی دکل در واولماز . »

سامی بکه دائر

احتساسلر ، مطالعهلر

[اثرلر تحریر و ورود تاریخی صیراسیله
دیزلش و املاده صاحبزینک اعتیادی
محافظه ایدلش در .]



الحمد لله

غائب ايندك ساهي پالان پانده قلمه

بو بولك ساهي رضا عهده علان اولان اديله پانده
سوزمه اكله ديهون پانده سوزي سوزي سوزي سوزي
عده به سوزي سوزي غائب ايندك

بہ سیران یات زارہ سامی بک شہر شائع ماحر حق شوق قاری قدرانی ^{شاعر}
 اولدیفہ آکام ایرم / فکری بید مکل برجامه نقایس شکل ایرہ بک آثار و شمار
 مددوسی بولدیفہ انجہ غیبت ایرہ سترہ مکرہ شاہد اولورم .
 بر فہدائی صبح و توفیق ایرہ ہیئت ایرہ بی بڑیک ایہ بڑم مرصع رحمتہ رجوع ایرہ
 اوروج پاکہ فاتحہ راہد ایرہ و افتراق حسائندہ متأثر و مکرہ بولنات
 اویا واجانہ برکت ایرہ یات یان سامی بی توجہ ایلہ عرہ نیت ایرم .

عبدالحق

تقدیم، ۱۴ مارچ ۱۹۸۰ء



الك عزيز آرقاداشم سامى يه

بويوك اضطرابلرم ايچين كوچوك
ئشيدهلر يازدم . —
هانريخ هاينه

بوگون ده سن ، آرامزدن سن اوچدك اى شاعر ..
سموم قهرينى روحله ايچديكم ماتم
بو ، قلب شفقته مخصوص ومنحصر برالم ،
بو برتأثر شخصى دكل ، عموميدر .

بوگون ده ذات نجيبكده غائب ايتدى وطن
بواك عزيز آنا برزاده فضيلتى ..
كيدنلرك ىرى هپ بوش .. بو ، ايشته خاصه
بو آرتىروب دوريبور ماتمك فجاعتنى .

وجودك اولدى قرين فنا فقط سامى ،
اوروح صاف ونزیه اوچدى ؛ سىرمدى اسمى
بوكون فضيلت اولان برسماده بربرجه

برا احترام صميميله ، عمرم اولدقجه ،
بوماتم ايكله يه جكدركوكلده اى دادر ..
قبول تسليت ايتمز بوتورلو ماتملر .

شيشلى ، ۲۹ ايلول ۱۳۳۳

فائق على



ياسامى

ابكى بك الموت عين العلم والادب
 يا سامى النفس والاخلاق والرتب
 قد كان منعاك لما ان سمعت به
 كضربة السيف في قلبي وفي عصبي
 فقلت من دهش والقلب منصع
 والدمع منسكب في اثر منسكب
 يا راحلا قف قليلا للوداع فقد
 تركتنا بين محزون ومنتحب
 وارفق بافئدة عطشى اليك غدت
 ترنو اليك رنو الروض للسحب
 انا عهدناك لا تحفوا ولو حتما
 فهل اصدق عنا اليوم من سبب
 كلا فان المنايا وهى غادرة
 قد انشبت فيك اظفارا من العطب
 ان غيبتك شعوب عن نواظرنا
 فان آثارك الغراء لم تغب
 وان ذكرك باق في الديار وان
 خلون من شخصك الخالي من الريب
 فلم تمت منك اخلاق مهذبة
 تتلو مناقبها الاقلام في الكتب
 فلك والله اخلاق اذا ذكرت
 تجثو احتراماً لها الدنيا على الركب
 وسوف يبقى لك الذكر الجميل بها
 مخلداً ابد الآباد في الحقب
 اما العفاف فتوب كنت لابسها
 وان رزقك قد ابكى القضاء
 لله در ضريح انت ساكنه
 كما لبست صميم المجد والحسب
 حتى غدا جدثاً في الارض تحسده
 افاضل الامتين الترك والعرب
 فيه انطوى كوكب العرفان والادب
 من السماء جميع الانجم الشهب



مؤبد قرداشم سامی ایچین

(دوبالزاق De Balzac) ك درین و درونی بیرسوزی واردر؛ توفیق فکرت
قادر مقدس ومؤبد دوستم سامی بی هر یاد ایتدیكجه بوسوز خاطریمه کلیر:

Le génie a des grandes oreilles en dedans.

سامی، هر كسك، هر انسانك وحتی هر حیوانك مالك اولدیغی قولاقلا ره کوچ
وآز ایشیدیردی، فقط صیوانلری وجدانه، حریم پاك وجدانه دوغرو آچیلمش
حساس بیرسامعه ایله، صفات صمدانیه دن اولان بیرسمیعت ایله، سمیع ایدی.
اونی طانیالی، اوننگله در حال قارداش، وجدان داش اولالی بیرربع عصر اولدی.
سلیمان نظیف، عبدالحلیم ممدوح، علی كمال، حسین سیرت، توفیق فکرت، اسماعیل صفا،
اسماعیل حق، جناب شهاب الدین، رضا توفیق، احمد ندیم، طوروس، بهجت، نابی زاده
ناظم، احمد وفا، علی حمید [شیمدی حامد]، محمد سرمد، نائل رشید، اسحق سکوئی الخ
کوزلریمزی هپ عینی زمانده آچدق، فقط کوزلریمزی هپ عینی زمانده قاپامیورز؛
اوصره ده، تام بیرربع عصر اوّل، (هیکل یأس) آدیله بیرمنظومه یازیوردم. بو
منظومه ده شوقطعه او قونیوردی:

یارانمی قیلدی غرق و نابود
بیر جوش سکون لیل ظلما؛
بیر دور طرف طرف ییقیلدی
بن قائم عیش ونوش حالا!

بومبتدی، فقط صمیمی نوحه لری قوپارمانك زمانی، اوزمان دگل، شیمدی ایمش.
او زمان دخی سهامزدن بیرقاج ستاره دوشمشدی. فقط یالکیز بیرقاج ستاره
دوشمشدی!

ستاره دیدم؛ نامتناهی فضا ده بعضی ییلدیزلر بیرقاج بیك سینه اوّل اولمش،
داغیلمش، نابود اولمش اولدوقلری حالده بزکرة ارض لیلر اونلرک ضیالرینی حالا

آلماقده بولونورز . فېكر يىلدىزلىرى ده ، فضا يىلدىزلىرى گييدرلر . كندىلىرى نابود
اولدوقلىرى حالده نورلىرى آقماقده ، نارلىرى ياقماقده دوام ايدر .

ايچمىزده بعضىلر يىز دىللار مىزده حافظ ك

معرفت نيست درين قوم خدايا مددى
تا برم جوهر خود را بخريدار دگر .

تمنيسى ، يا خود بير عرب حكيمنىك

اذا ترحلت عن قوم وقد قدروا
ان لاتفارقهم فالراحلون هم .

يىتى اولدىغى حالده ترك دار وديار ايتدك . سامى ايسه

منصور وار كرىكشندت بپاي دار
مردانه پاي دار ، جهان پايدار نيست .

ديهر ك پايدار وتوكل كارقالدى . معلمك لى ، معارف مديرك لى اونك ايچين كافى
ساحه نور وساحه تنوير اوليوردى .

حسن وظيفه بونجيب روح ك اك رصين و متحيز بير صفتى اولاراق خيرخواهلق
واخلاص ايله برابر قايناردى .

تقواى دينيسى ، تقواى اخلاقيسى مرتبه سنده امين ومتين اولدىغى ايچين
دوستلرينىك بيرچوغى حترانديش ايدى .

اجتهادىنى محترم بيلير و هراجهتاده احترام ايدردى . شيمدى بز بوخصلته
مساعفه كارلق دىيورز . مساعفه كارلق مدنيليكك محقق اولين صفتيدر . مساعفه كار
اولماق ، دوشونديكىنى سويلامك و اولدىغى گيى گورونمك حريتنى انسانلردن نزع ايتمك
ايسته مك در . فېكرلرينى سربست اظهار ايدمه ين بير آدام روحنىك نصفنى ضايع
ايتمش ديك در . مساعفه كار اولمايان لى ، بوجهتله ، دائما ياريم روحلو ، ياريم يوزلو ،
ياريم اوزلو آداملرله محاط اولماق تهلكه سنى ، بيلمك سىزىن ، كندىلرينه دعوت ايتمش
اولورلر . وجداننده كى دويغولرينى سربست افاده ايتمك دن منع ايديان فردلر اسيرلر
منزله سىنه اينديريلرلر واسيرلر طارى وسارى اولان فساد و افساده سوق اولونورلر .

سامى ، بوپسيقولوجيائى و اخلاقى دقيقه يى دهاى فطريسييله آگلامش اولدىغى
حالده دوغمشدى . جوانمرد سليمان پاشانىك اوغلو ، بويوك قوماندان اولماق دن زياده
بويوك اديب و استاد ادب اولان سليمان پاشانىك اوغلو سامى بوارث و حرث ايله
دنياه كمشدى .

سامى ، وضع ، دائم ادرست گو و بعضا درشت گو ، فداكار ، شدتله مخلص ، متواضع ،

مستغنى، قانع، حب حق و حب حقيقت ايله « اى » يە، « ايلك » ە، « كوزل » ە بىك
زنجير صمدانى ايله باغلى اولاراق ياشادى .


ايشتە سامى نك ياشادىغى نزيە، علوى، صمدانى حيات .
بن شىمدى احتساسى ، سامى نك تلاقيكاد عمومى يە رحلق سبيله گوكلەدە قاينايان
ايم احتساسى بىر قورقو حالندە دوييورم .

قورقيورم، معشرى، اجتماعى بيرانديشه ايله، غنيف، دليرى شكن بيرقورقو ايله
قورقيورم، كه اچمزدە سامى نك حياتنە گولمش اولانلر، مماننە آغلایاجاق اولانلردن،
نسبتسز بيردرجەدە، چوق اولسون .

15 تشرین اول 1917، اجتہاد نەوى . دوكتور

عبدالله جودت





سامی بك

مرحومی یقیندن بك آز طانیدم . آنجق پدرمك اب مكرمه قارشى پرورده ایتدیكى حس حرمتى بنده ارثاً فرزند نجینه مقابل محافظه ایدردم ، رقیق ونفیس شعرلرینی برذوق وجدانی ایله او قوردم ، قلبمده درین عكسلر براقان بوتأوهات بكا مبدعناك بد بختی سنی تکرار ایدردی .. مملکت مزده سامی بك قدر هم نوعه مفید و خیر خواه و دیگر اندیشلرکله شهرت شعار اولمش برکیمسه یی دها طانیمورم؛ اکر حسن صیت شو حیات فانیه ایچون برتسلیت کافیه ایسه سامی بك مرحوم بومظهریتیه افتخار ایده بیلیردی ، اقربا و اوداسی اوبی شائبه نام بلندی، شبهه سز، بوتسلیتله یاد ایدرلر؛ بن بونصیبه غبطه خوان اولدیغمی اعتراف ایدرم .

نکار بنت عثمان

نشان طاشی — ۲۱ تشرین اول ۱۹۱۷




افندمن

سامی مرحوم حقمنده بندن یازی ایستیورسکمز . سامی یی یکر می سنه دن بری طانیر و سه وردم، اوده بنی — ظنمده مخطی دکلسم — سه و من دکلدی . زواللینک نا کهانی و عجولانه افولی حیاتمه بیوک برضربه تشکیل ایدر. آرهدن تام یکر می کون چدیکی حالده حالا بوصدمه نك قاهریتی آلتدهیم . بناءً علیه سامی یی محاکمه ایدجك مجال و توانه مالک دکل . عفومی استرحام ایدرم . شوورقه مزى مجموعه کزله عیناً نشر ایدیکز . بعضاً برایکی کله تأثر برقاج جلد محاکمه دن قیمتدار و بلیغدر . سامی یی تقدیس و تجیل ایدرم افندمن .

جلال نوری

غره محرم ۱۳۳۶



سامى پك

(روبرت قوللەر) دە بىرمەلىك ايشى ايچون توفىق فېكرت بى سامى بىكە كوندردىكى زمان اونى طائىمىش، سۈمىش؛ قىلمىدە كىندىسى ايچون حىرمتلار بىسلەمكە باشلامىشدم.. كىندىسىلە ايلك كوروشدىكىز كۈن، ياندى سىياھ سىقاللى، اوزون بويلى نطوق بىر ذات واردى. بو ذات كىتمىنى بىكەك ايجاب ايتىشدى. فېكرتكە صوك اىرلىرى زمىن مباحىيە تشكىل ايدىيوردى، بوبىدىن وىر آزدە غنود مسافىر ك نامىتاهى قىرتىكارىنە رغماً مرحوم، فېكرتكە موجب مناقىشە اولان « براىچم صو » سىرلوحەلى شىرىنى بىردە تىكرار ايتدى :

« كوزەل چوبان، براىچم، بىرۈتم صو دىستىگىن :
 بوكون صىجاق يىنە پك، صانكە اورتالىق يانىور...
 كوزەل چوجق سىنك اواسون حىاتم اىستىرسەك؛
 نىچون كوزم سىكا باقدىقە يويلە ياشلانىور؟...
 كوزەل چوبان نە قدر طاتلى سويليورسك سىن؛
 يالان دە اولسە اىچم طوغرو سويلەدك صانىور.
 كوزەل چوجق، بىكا باق، آلداتىرمىم سىنى بىن؟
 اىچك بوياشلىرى بوش آكلایورسە آلدانىور!
 كوزەل چوبان، براىچم بىرۈتم صو دىستىگىن،
 بوكون صىجاق يىنە پك، صانكە ھىرانىم يانىور!.. »

مخاطبىنە، فېكرتى بىلىيورمىش، طائىيورمىش كىي، بىلىدىرىمك وطائىقى اىستىيوردى : باق، غىزىم، فېكرت، يالان سويلدىكى ايچون، دىكرلىرىنك دە كىندىسە قارشى يالان سويلدىكە قائل اولماز.. قىتالىق ايتىدىكى ايچون، باشقىلرىنك دە شىخسە قارشى قىتالىق ياپەجقلىرىنە اينالماز.. قايى تىز اولدىنى قىددە صاف كورونور، اونك ايچون : « يالان دە اولسە اىچم طوغرى سويلەدك صانىور. » مىصراعى، روىنىك اى بويوك ترچانىدر، اونى، زمان اولوركە، آنادولونك اىك ھىرا كوشەلرندە ياشايان بىر كويلى قدر صاف كورورسىكىز. وقت اولوركە، يىنە عىنى صافىيە، كوزلرندە ايشىلدايان بىر شىعلە ذكا واردى، اودىقە دە غىرىمكشوف بىر عاملك تائىر جاذبەدارى ايلە اوكا بىر آزدە ياقىنلاشدىغىكىزى؛ اولكىدىن بىر آزدە صامىمى بىر رابطە ايلە باغلاندىغىكىزى نىس ايدىرك كىندى ارادە كىزى اوكا تودىع ايدىر وىر آن ايچون اونك ارادەسى، اونك قوتى ايلە ھىركىت ايدىرسىكىز.. بەضاً جاھل بىر كويلى قدر صاف، بەضادە عالم بىر غىربلى قدر متواضع كوردىكىكىز بونادىرە خىلقىكە متبىسم، فقط سىحركار نىظرلى دركە سىزك كىي بىر چوق آرقداشلىرىمىزى آلداتىش واونى : (غىرور وعظمت) ايلە اىھامە سىبب اولمىدر.

ۋە سەتەڭ سەكرە ، بۇخودىن مەسافىرى تەشەببۇس ئايدىن ئىزاھتەرور ئادىتى ، دەرھال فەكرتەڭ كەندىسىدىن رەجا ئىتدىكى ئىشنى ياتىش ۋە بۇجىنى قىيامەتتىكى ، فەكرتەڭ ئۇلان ھەرىكەت ۋە سەكرەڭنى ئۆزگەرتىدىكى ھالەتتە ئۇنى ئىچىدە بىك مەيدان مەلۇماتىدا دەرھال ئىشقا چالغىنىشىدى . . سامى بىك ، فەكرتەڭ قەدر ۋە قىممەتتىكى ئۆلەتكەن سەكرە ، چوق سەكرە ئاڭلاشقا چوق دىيورە . سەبب مەن فەكرتتە ئۇلەي ، ئۆلەتكەن سەكرە كەندىسىنى چوق كورور ۋە كوروشورەڭ .

بالىلار فەكرتەڭ ئىسەندىن سامى بىك ئىچون شۇ سۆزلەرنى ئىشتەيىكمەن زامان ، بۇ مەھترەم ئىستادى دەھرا زىيادە ھەرىكەتتە ياد ئاتىغا باشلامىشەم : سامى بىك ، مەلىكەتەڭ ئارباب ھەرىكەت ۋە مەنەرىدە مەتەدى ۋە فائىدە ئىش بىر سەي ۋە فەئەلىت كورەمە دىيىگەن دولايى بىك مەتەسەفەدى ، بۇ بىك ھەسەلى ئىچون پەرورە ئىتدىكى مەللەر بۇشە چىقىدىغەن دولايىدە ئادەتتە كۆرسەتكەندى .

اۋەت ، اۋەر ئىنسان كەمەل ئىدى ، نەسل ئاتى بى چوق دوشۇنور ۋە بۇ بىك ئىچون دە نەسل ھەزەرەك تەلىم ۋە تەربىيە سەنە ھەزەرەك مەھسەل غەيرەت ئىتەكى بىر ۋە جەيئە ئىنسانىيەتتە ئىدى . مەلىكەتەڭ كەنجەك ھەياتى ، ئۆلە ھەياتى دىيىگەندى . بۇ ھەياتى جەنەلەندىرەمە ، نۇرلەندىرەمە مەندە ئىدى ، (فەرنەكى) نەمەندە يازدىغەن بىر پەيەس ئىچون كەندىسىيە كوروشورەڭ : كەنجەك ھەرىدە دەر . مەلىكەت ئىچىدە ئۆلەيور ، ئۇنەم ھەستەلىق يۈزەندە ھەياتە ۋە دەر ئايدىن كەنجە قىزەلەرى ، دەرھال ئىلەرى كورەيىكمە ۋە بۇ كەمەل بىر قەتەلە قەرزى كەلگەن مەقتەر اولامە دىيىمە ھەس ئىتەيىكمە دەرھەدە بىر بىلە ئۆلەك ، بۇ كونا كونا الوەق سەفەتتى كورەمەك ئىچون ئۇرەقەر ئىچىدە ھەس ئۇرەقەر ئىستورە . . بۇ دە ھەيات شەبەبە ، ئارتق ئىكەنچ بىر ھەل كەسب ئىتەدى . .

دەرەك كۆزەلەرى يەشارىيورەدى . . تۆرەك كەنجەكەنى بۇقەر دوشۇنەن بۇ مەھترەم ئىستاد (سەكە ئۆلەك) سەلۋەلى شەرىلە دەھرا بۇندە ئۇقۇز ئۇنەمە ئۇل ھەياتەن بۇ دەرەكەنى ، مەھتەندە ئىكەرەنەك ئۆلەك ئىستەدەكەنى سۈيلىشەدى :

« بىر سەسەرى خەيەل ئىلە سەمەست ۋە بىقەرە

دەشت مەلەل ئىچىدە كەچىرەم شەبەبە .

ئەقەدە دەئەمە ئاچىلەر بىر دەرەن ھەزار

بىر كۆمەك ئىستەمەم يەنە قەلب خەرابە .

بىر كۆمەك ئىستەمەم ۋە بۇ قەلب خەرابە ئىلە

ھەشەدە بىرەمەل دەرەنە سەكرە ئىكەلەم .

مەھەل ئىكەن بۇ كونا بىكە خەش بىرەدە بىلە

ئەش ۋە زەمەنى سەكە ۋە مەھەت دىكەلەم . . .

بىر سەسەرى خەيەل ئىلە سەمەست ۋە بىقەرە

ئەمە ھەزەمە ئىلە جەكەر بىر كەندە

بىر نەمە ۋە دەرەلەندە ئەسەبە كۆشە .

لەكەن ئۇسەكە بىر ئەرەم مەھەم ۋە بىلە

مەكەن دەرەلە ئىتە جەكەر ، اۋەت ، دەرە

ئەلەن تەفەتتى قەبەر خەشە . »

سامى بىك ئىتەلى ئادەبەتتى ئى تەدەقق ئىتەش بىرەدە ئىدى ، ئۇقۇق سەكە زەمەندە سەكرە

ئادەبەت ۋە سەكرە ئىنسان ئۆزەندە مەلەمەت ۋە كەلەت ئىچون ئىسە كۆلەسىون يەنە قەرزى ئادەتتە بىرەر

ئەفەل كۆستەمەكە باشلامىشەدى .

او ، يالکز بو امل ايله پاچالريني صيوايه‌رق فقط تهي دست اولارق چالیشان وینه آنجق بوساحده اشتهار ایدن وایتمک ایسته‌یه‌ن کیمسه‌لری طانیور ولسان وادیاتمزی الارنده بویله بر او یونجاق کبی قولاندقلرینی کوره‌رک بر شی یاپه‌مامقدن متولد بر انفعال و تأثرله ، خزینه‌لر طاشیان باشنی یومروقلری آره‌سنده ازیوردی . .

بر آره‌لق یینه ، (لسان و ادبیات) مناقشه‌لری اولیوردی ، شهاب‌الدین سلیمان بک ، صنعت و ادبیاتدن بحث ایدن اوزون مقاله‌لری آره‌سنده ، سامی بکک ، تماماً دکلمه‌ده - غایه اعتباریله - قسماً افکارینه ترجمان اولان شو سطرلر چوق خوشنه کیتمش وحتی بو حالی تصویر ضمنتده (الفاظ و کلمات چولنده) سرلوحه‌سی ايله بر شعر قارالامغه باشلامیش وبر ایکی بیتنی بکا اوقومیشدی . صکره نه‌دن بیلمم بونی اتمام ایدلمش اوله‌رق کوره‌مدم . شهاب‌الدین بک او مقاله‌لردن برنده دییوردی که :

— « دیمک که عمومیت‌صنعت عائد اولان بو حقایقندن رسم ، هیكلتراشی ، رقص ، موسیقی کبی اقسام صنعت عائد حصه‌لری ویردکدنصکرا قالان قسمی ادبیاتک تعریف بدیعسی ، تعریف فنیسی اولور ، ادبیات تحلیل ایدر ، دیمیشدک ، تحلیل دیمک بر شیئی محاط اولان اقسام و تفرعاته آیری آیری برر فکر وبالنتیجه برر تعمیر بولمق دیمکدر .

بناءً علیه ادبیات فکرک واونک مولودی الفاظ و کلماتک محصول حیاتیدر . یاخود شویله‌افاده ایده‌بیلیرز : ادبیات فکرک حقیدی ، الفاظ و کلماتک اولادیدر . او حالده ادبیات ؛ الفاظ و کلمات واسطه‌سیله مخیل و حساسیتکده معاونتیه ، بر صنعتکارک تعقیب ایتدیکی مقصد و غایه‌یه کوره حیات خارجیه‌دن بر شیئی قسماً تقلید ایتک صورتیه حظ بدیعی تأمین ایتمکدر .

بو قدر کوچ ، زور بر دستوری ایفا ایده‌بیلنر اُدیب ، وادیاته منتسبدر . ایفا ایده‌مه‌یلرسه ... (الفاظ و کلمات چولنده) بیهوده بر آرزو آرایان سرسریلردر . و بونلر بزده نه‌قدر چوق ، نه‌قدر چوق ! ... »

سامی بک هر کون ، طاتلیجی و پینیرجی دکانلرینه سرمایه اوله‌رق نشر ایدیلن اوقدر لزومسنز و بی‌معنا اثرلر کورییوردی که بعضیلرندن آرزو چوق معنا چیتقارمق بیله قابل اولیوردی ، بر کون یینه یاننده بولونیوردم . احباسندن ن ... بک اون ایکی یاشنده‌کی مخدومی ايله برلکده کلدیله ، کوروشورکن ، زاواللی چوجق ، اُلنده بولونان قرمری رنگلی (رباب) اسمنده بر مجموعه‌ک فانتازی بر چرچیوه ایچریسنه آلمش (سلیمان سری) امضالی اثرینک بعض پارچه‌لردن بر شی آکلایه‌مدیغنی سسویلیه‌رک استیضاح ایتک فرصتی بولش ایدی . .

سامی بک :

— اوغلم ، او آکلایه‌مادیگ پارچه‌لری هله بر دفعه اوقو بقالم ، بزده ایشیده‌لم . . دیمسی اوزرینه ، چوجق کندینه مخصوص بر ادا ايله اوقومعه باشلادی :

— ۱ ، بر زمان صکرا حس ایتدم : چیکنه‌نن قلبمک لوش طرحلرنده برپای مجهول کزیندی ، روحک فانی‌طق ایتدیکم باب وفاسی بو جهان نشو‌دن بونالمش و شیدای سیرمه دالمیشدی . اوخ ! . . شیمدی جنت خولیامک اذای امیدنی طوپلیورم . .

— ۲ ، غم روحده آچان هلال امید ، هر زمان فنای ابعاده یاییلیدی !

— ۳ ، ساحلر بیلیردم : صولرینک بللوردن دوداقلریله کلیرلر ، مشتاق تقدیس آلریعه سرین بوسه‌لر کومرلردی !

— ۴ ، اویله امیدلرله قلم یوکسلیر ، اویله بدیعه‌لرله روحم امیدله‌نیردی که ، شبنمدن

قوشلار ، پروازكار صاحپلرمده آشيانهلر قورارلر ، ماوي حذقه لرمده عشق هيكللري كولمكه لردى ...

معناسز سوز وحركتلره جاني صيقلان استادمن بردن برندن فيرلابه رق چوجغك الدن مجموعه ي آلدى . چوجق حالا صوريوردى : بك عموجه ! قلبك اوستنده لوش طرخلر ناصل اوليور ؟ صكرا صولرك بللوردن دوداقلري اولورمى ؛ اولسه ده انسانك اللرينه سرين پوسهلر كومرمى ، يوقسه ايصلاتيرمى !

سامى بك ، چوجغك پدرينه دوندى ، - باق عزيزم ، ديدى ، بو يالديزلى اعجوبه لرى براق ده اوته كي نسخه نك علاوه سى آلتنده كي (جمال نادر) امضالى خطابه يي اوقو ! اوقوده چوجقلريمزك بو كي مجموعه لردن ناصل تربيه آلدقلىنى اوكره ك !

ن ... بك تتره ك بر سسايه ، چيلاق بر قادين تصويرىنى كوستره ن بو علاوه نك آلتيه يازلش اولان (نفائس ادبيه) دن بر پارچه يي اوقويوردى :

— [اورمانلرك حريم عشقنده بويله يالكيز وچيلغين ... كونش ، آزعين دوداقليله بكارلر شعريكى ايچمك ايسته يور ؛ آغاچلر ، وحشى قولاريله خزان قديسيه كه سجده ايده يور .. فقط سن كونشك آزعين دوداقلرينه ، آغاچلرك وحشى قوللرينه دكل ، جنون شهوتله تيرمين كوزلر ، محتاجسك ! ا .]

چوجق : اوت ، ديدى . بك بابا بونه قدر آهنگدار بر نثردر . شعر قدر كوزدل دكللى ؟

سامى بك ، چوجغك قلبنى قيرماق ايچون شو صورتله بر جواب ويرميشدى : اوغلم اكر شيمديدن اقصى املك (قادين) ايسه او پارچه فى الحقيقه بر قادين قدر لطيفدر . فقط - شعر - يالكيز قاديندن عبارت دكلدركه او پارچه بر شعر قدر كوزدل اولسون ! چوجق بر شى آكلايه ماديغنى افهام ايدر بر وضيعت آئسييله سامى بك ايضاح ايتدى : — كوزدل يازلش بر شعر دائما وابدئاً كوزهلر . فقط كوزدل بر قادين دائما وابدئاً كوزدل واطيف قالاماز .. فرق شيمدى آكلاديكيز دكللى ؟


* *

فكرت و برچوق قيمتلى آداملريمز كي سامى بك ده ، بوكون آرامزدن اوزاقلاشمش بولونيور .. (مى تعليم و تربيه جمعيت) بو قيمتلى ريشلرني غائب ايتدكلرندن دولاي بونون آرقداشلرى وعائله سى كي نه قدر متأثر اولسه لر آزدر . اميد ايده رزكه ، فكرت كي ، هر سنه اونك ده تأييد نامنه وسيله اوله جق ترتيباتده بولونورلر . بو مشئوم محاربه سنه لرى يالكيز جنك وجدال ساحه لرندو تولوم قاصيرغه لرى قوبارمقلا قالمادى . كمال سكوت و آسايشله ياشايان شهر خلقنك يوره كلرنده ده برر مزار آچدى . وبز اومزارلرك ايچنه ، تابوتلرني اوموزلريمزده طاشيديغمز سوكيليلريمزى كندى اللريمزله كومپورز .. سامى بك صوك كونلرده فكرتى چوق دوشونيوردى ؛ شيمدى بز اوني دوشونوركن ، اونك معزز روحى ده بلكه فكرته قاووشمشدر !

۲۱ تشرین اول ۳۳۳

اسكندر محي الدين





حضور قبرنده

وطنك سینه سنده کی یارالر
سنی اولدیردی عاقبت ، سامی !
بوافولکده بر فجاعت وار ..
بزی یاقدی بوماتمك المی .

§

ای ملکسیرت ای بویوک انسان
بیله یکه معبد فضیلتده
شیمدی حسرتله سینه زن اخوان ؛
ناله مز اولدی عرشه پیوسته .

§

کونشیدک محافل ادبک ،
اغترابکله هیمی قالدی سونوک .
آه اونور و ضیای محتجبک
نه یتیم لر براقدی ، بونی بوکوک !

§

بری ، بی شبهه شاعریتدر ،
بری اوندن ده بیکس و مردود
و بوکون هر دریچه دن مطرود
بر غریب سرچه جک .. که عفتدر .

§

سنک آغوش پاک عرفانک
اوکا یکتا پناه عزت ایدی ؛
بر نراحت حریم وجدانک
چولده برواحه فضیلت ایدی .

§

فقط آرتق وداع ایدوب کیدلم ؛
بوامیدسز شکایتک تکرار
سردی ارواحی ایتمه سین بیزار ؛
سنی حور و حضوره ترك ایدلم .

§


الوداع ای وفالی قرداشمز ،
الوداع ای بدیعۀ ایمان !
سنی ایحیتمه سین بوکوز یاشمز ؛
الوداع ای ودیعۀ رحمان !


§

الوداع الوداع ای سامی !
ارحم الراحمین اولان ربدن
دیلرز که بو قبر محترمی
ابر رحمتله ایله سین ریان .

۲۱ تشرین اول ۳۳۳

فؤاد خلوصی






« المؤمنون لا يموتون بل يتقلون من دار الى دار »

سامی ، مرحوم سلیمان پاشانک صنو صحیحی و بتون فضائل علمیه سنک وارث
صریحی ایدی . نقدینه عمرینی کمال سخا و سماحتله استفاضه و افاضه علمه صرف
ووقف و نقد صوری به رغبتدن مستغنیانه نظرینی صرف ایتشدی . او قدر که منافع
ذاتیه سنی دائماً همنوعنک ترقی و تعالیسند آرار و معین و محدود معاشیله ضیق معیشت
ایچنده یاشاردی . تعلیم علوم و اخلاقیات ایچون وجد آلود بر جهد وجدانی ، ناقابل
اطفا بر عزیم آتشین ایله چالیشیر ، و تکاملک تدریجی اولدیغنی بالطبع بیلدیکی حلاله
صبر و صومنی قیره رق غایه کماله عاجلاً وصول ایچون تعب و حیرت ایچنده چیرپنیردی .
هیچ شبهه یوق که جهالتک و فساد اخلاقک انتاج ایتدیکی فلاکت و نکبتلردن تخلص
کریبان ایچون میانه مظاهر دن نهان اولدی ، و بوسبیلله ظاهراً دائره منورین
و متفکرینده بیوک بر رخنه عیان اولدی . انجق اونک اثر فضیلتی و آثار فاضلانه سی در که
اقتفا و استقصای رخنه نی تعمیره کفایت ایدر . مرحوم توحیده و روحک ابدیتنه
علم الیقین قانع و قائل ایدی . آثار یله بقاده و فکریله ، روحیله بزم وفاده اولدیغندن
اکا حسن مثال اولمغه غیرت و اعمال و مساعی تکامل پرورانه یه بذل مقدرت ایدرسهک
غیابندن متولد الم واضطراب صوری نی تسکین و انشراح و انبساط قلبیمزی تأمین
ایده جکمز بدیهیدر . صانع اعظم کائنات رحمت و اسعه سینه مظهر بیورسون نیاز یله
روحنه و داعخوان اولورم .

ملال احمر مؤسسارندن

دوقتور محمد علی

۲۲ تشرین اول ۱۳۱۲





سامی بك مرحوم ...

سنده كيتك ، سنڌه آرقاڪڻ آغلادم .
آغلادم ، آغلادم ، خراب اولدم .
ت . ف .

سليمان پاشا زاده سامی بك وفاتيه عثمانی عالم عرفان و ادبیاتی بك قیمتدار بردماغ دها غیب ایتدی . بو، مادیاتده اولدینی کبی فکریات ومعنویاتدهده بك فقیر اولان مملکتیمز ایچون ألبم بر حادثه در . ناصل بیلنه مه ز ظالم وقهار بر تصادف ایله ئولوم ؛ اکثریا بویله گزیده ، نادر وجوهر دار خلقت لری آرایور و بولویور .

سامی بك اڤ زیاده تألیم ایدن اسباب مآتمندن بری ده ملتته و مملکتته دها پك چوق خدمت ایفا ایده جك بر یاشده ایکن ترك حیات ایتمه سیدر . اکر یاشامش اولسهیدی ، اڤ زیاده سودیکی تربیه مسائلنه و معارف عثمانیه یه خادم بر آبدۀ لایعوت وجوده کتیره بیلمه سی محتملیدی .

سامی بك ، عثمانی معارفك اڤمهم نفاطنه نفوذی ، تربیه پرهنسیپ لریك قواعد و غوامضنه معنای تامیله وقوفی ، وبالخاصه مملکتته ، وطننه حقیقی بر عشق ، جدی بر عزیمت و ایمان ایله پرستش و محبتی ایله تمیز ایتشدی .

ملتمزك فضائلنه ، عنعنات تاریخیه سنه دائر بر بحث کچمزدی که جداً متقی و عقیف اولان سامی بك کوزلری برشعله وطن پرورانه ایله پارلایاراق ، وطنك پرشعشه و جانب حرمت و تعظیم اولان مناقبی ، مسعود ماضیسنی حرارتلی بر لسان ایله آکلاتماسین ... و بومسائلی بوتون وثائقیه ایضاح و اثبات ایتمه سین ...

مختلف معلم لکارده و معارف مدیریت لرنده لیاقت و درایتی ابراز ایتش اولان سامی بك بالآخره دارالفنون مدیریت عمومیه سنه کتیریلش و اوراده فیضلی و نورلی ایزلر و اثرلر بر اقامیه موفق اولش و دارالفنونك تنسیق و تنظیمنده بویوك بردرایت ابراز ایلشدی . دی یه بیلیرم که ملتزمك معارف خصوصنده کی تکاملاننده سامی بك شایان دقت بر تأثیر و نفوذی اولش در . سامی بك عثمانی - تورك معارفك صواك ثلث عصرلق ترقی و تعالیسی تاریخنده اڤ خیرکار ، اڤ فعال رول اوینامش بر شخصیت در که تربیه و معارف تاریخمزده باشلی باشنه بر فصل اشغال ایتسه یریدر . ذی حیات وزنده و صنعت کار اسلوبیه یازدینی او جداً عالمانه مقالات متنوعه نفیسه بوتون عثمانی شبانی تغذیه ایتشدر . تربیه مسائلی حقنده کی مقاله و کتابلری جداً انافس آثاردن معدوددر . سامی بك ؛ شناسی و نامق کمال ایله باشلایان و خالد ضیا و توفیق فکرت ایله نقاط انکشافك منتهای کمالنه واصل اولان لسانك اڤ ممثل ، اڤ آی ، اڤ پروژسز

مقلد لرندن ، رقيق و حساس تليدلرندن ايدى . ادبيات جديده عائله سینه انتساب ايتديكى كون
 اسانه حاكم ، قوتلى اسلوبى ، اينجه حساسيتيله تائيس ايتشدى . فى الحقيقه بولسانى ادبيات
 جديده عائله سى اركانندن داها زياده بر صافيت ، بر سادگى ، بروضوح ايله افاده ايدىيور ،
 اوكا بوصورتله جزئى بر شخصيت ضم وعلاوه سینه جدا موفق اولويوردى . حتى صوك كونلرده ،
 طاتلى خاطرهلرني ياد وتذكار ايله بر انشراح وسرور دويدىغمز ماضيدين بر بوى نزيه ايله
 ياشايان ، موجودلرى بك آز اولان ذواتدن برى ده سامى بك ايدى .

سامى بك ، نه خالده ضيا كې خيال پرست ونقاش ترا كيب بر شاعر ، نه جناب قادار اينجه ،
 تراشيده خيالنده كى ثروتله مغرور بر شاعر ، نه محمد رؤف كې محمل ومشرح بر شاعر ، ونه ده
 سليمان نظيف كې احتشامه آشنا ، آغير اسلوبيله تفرد ايدن كله جى بر شاعردى . اومرحوم
 فكرت كې افاده سى سليس وتميز ، صفوت وعصمت اخلاقه متميز اخلاق بر شاعردى .
 شعرلرنده عظمت خيال وحشمت الفاظ ايله كسب معروفيت ايدن نفى يه ، ويسى يه ، شفيق نامه
 صاحبنه رحمت اوقوتله جق تركيب لر ، كله لر ، خياللر وغريب انموذجلر يوقدى . او هيچ بر
 زمان كهنه دماغ اولانلردن ده گيلدى . افاده سنده بروقار قدما پرستى ، بر بطائت لسان
 آشنائى اصلا محسوس ده گلدى . مع مافيه حساسيتنك قينه لى پارماقلىله عشق وهجرانى ترنم ايدن
 فضولى يى ، تصورات شاعرانه ك اُك پارلاق ، اُك رقيق واُك شوخلرني شعشه بيانيله تصوير
 ايدىرك ناقابل تنظير جوهرلر صاچان نديم كې صنعت كارلرى درين بر ذوق ادبى ايله سه ودردى .
 حتى او حس ونشويه مستغرق بر چوق غزللر وجوده كتير مشدركه ، بر قاچ لرى يديده
 محفوظدر .

سامى بك آثارينه بويوك بر افاده ، بويوك بر فكرت ، بويوك بر شخصيت وبويوك بر
 حساسيت نقش ايتكله تفرد ايتشدى . « سليمان نسيب » نام مستعاريله اوتهدن برى نشر
 ايتديكى دقيق ورقيق ، آهنگدار وطنان شعرلرنده درين بر حساسيت وانسانلق شفقت
 ومحبتيه دائما بنى نوعنك آلام واكدارينه متألما نه اشتراك ايتش ، سفالت بشره آغلامش ؛
 دائما حقيقت ، انسانيت وزواللى بشريت مضطربه اينچون فرياد ايتشدر . قلبنك رحيم وصاف ،
 لكه سز وتميز سسلرى ؛ شعرلرنده دائما انسانيتك عمومى مصيبت لرني ، بومعنويتى پریشان وخراب
 ايدن مصيبت لك ، سفيلى وعادى احتراصلردن هيچ بريده شائبه دار اولمايان كونش قادار
 لكه سز قلبنده حاصل ايتديكى انطباعلرك آجیلرني ترنم ايتشدر :

أى ظلمت اعصار ايله كمره اولان انسان !
 أى قارداشم ، أى قلب ألميده ومجروح ...
 كل عرش حقيقت سكا ، هر دم سكا مفتوح ...

§

آرتيق يتش أى دست كرم ، دست رهاور ،
 آكلات بزه أى نور حقيقت ، بزى قاندير .
 آكلات كه يالان ، هپسى يالان ، هپسى يالاندر .
 آكلات كه عدالت ، مدنيت كې سوزلر ،
 ديركن ينه قان ، قان ، ينه حق نامنه قوت .
 آرتيق يتر ، انسانلره انسانلنى اوكرهت !

صوكره آشاغيده كى سوزلر نه قادار علوى ، نه قادار سفالت بشريه يى مترنمدر :
 بر آقشام اوستى .. بوتون طوكشمش اورتهلق ، هر كس
 تلاش ايله متوجهدى كندى خانه سینه ،

النده برييه جك نقل ايدردى لانه سنه .
ايرشدى كوشمه پك اينجه ، پك كوچك برسس :
اوقارلر اوستنه دوشمشدى برزوالمى ملك ،
مورارمش اغرى ايله ديردى : « برديلم اكمك ! »

سامى بك قلمنده و قلمنده مؤسسات علميه واجتماعيه يه قارشى ، ملتلك عرفانسزلغندن متولد
برعشق بى پايان ، برمربوطيت حرارت ناك حكمفرما ايدى . بوحقيقتى برچوق شعرويازيلرنده
كورهبيليرز . معمافيه سامى بك برعشق و شجران شاعرى اولماماقله برابر سورمهلى كوزلرى ،
برلب محومه عرض تسليميت ايدن خنده لرله سوسلى دوداقلرى ، شوخ غمزهلرلى ترنمايدن ،
صميميت و حساسيته دلالت ايدى جك چياغين وعصبى شعرلرى ، ترانه دار نغمهلرلى يوق ده گيلدر .
باقيگنر ؛ آتيدى كى پارچه لر نه قادار رنگدار ، نه قدر ظريف ، نه درجه آهنگدار ، نه قادار
زنكين و فعال برخيله نك محصوليدر :

هاني ؟ يوق ... شيمدى هپسى ، هپسى خيال ...
دها علوى فقط بورنك ملال
شيمدى سن بارى بختيار اولسهك !
آه ، پرنشته بر بهار اولسهك ؛
بنده ماضى اولان املله ينه
تتره ساهم ؛ تتره ساهم سعادتكه ...

و :

بروجدجنونسازه دوشوب آل آله صيقسهق
يوكسكاره ، يوكسكاره ، يوكسكاره چيقسهق !
خاكيلره مخصوص اولان عادتلرى ييقسهق ...
يوكسكاره ، يوكسكاره ، يوكسكاره چيقسهق !
قورقوتميور آرتيق بنى باق فسحت ابعاد ؛
يالگنر ايكيگنر ، برده خدا ، مست و سر آزاد ،
عشقكده كى علويتك ايجابنه منقاد
يوكسكاره ، يوكسكاره ، يوكسكاره چيقسهق .

سامى بك شعرلرينك ، مقاله لرينك روحنده كى وحدت اصليه دائما بر نقطه ده تركز ايدر
و بوتون يازيلرينى يازاركن اونك دماغ نوارينه يالگنر بر اندیشه نجيب حكمران اولوردى :
انسانيت ، انسانلرك عمومى سعادت لرينه خدمت ايتك . ايسته بوتمايل ، بواحتياج دولاييسيله
سامى بك هم حيات روحيه يى ، هم حيات خارجيه يى تدقيق ايتكدن بر دقيقه فارغ اولمامشدر .
اونك حياتى علوى ، پك كنيدش وواسع ايدى . ايسته بونك ايچوندركه سامى بك ميزان
مزايانك هرايكى كفه سنده ده آغير ايدى .

شعرلرينك قسم اعظمنده شخصيتنده كى حلم و ملايمت ، حال و حر كتنده كى عفت و فضليت
ايله برابر دائما بر نخبه اخلاقيه و فكريه ، بر نخبه فلسفيه واجتماعيه بولونور . و اثرلرينك دلبر
سينه سندن طاشان نور و ضيا شلاله لرلى ايله مفتون و پرستش كار قارئلرينى كنيدش و يوكسهك ،
پر رايحه وبا كر افكلره يوكسكلىپردى . بزده حریت و سربستى شاعرى كالدن ، خاطره يى آرامنده
كوندن كونه فيضلى انطباعر حصوله كتيرن توفيق فيكرتدن سوگره سامى بك قادار حریت
و سربستى يه ، اخلاق و فلسفه يه اهميت ويره ن ، قارئلرينك سويهلرينى يوكسكلىك آرزوى
صميميسيله يازى يازان و موفق اولان هيچ بر شاعر ، هيچ بر اديب كوستريله من .

نامق کمال ناکهان قراکلی لړک سینه سنده مهیب بر خط ضیا وانتباه چیزه رک پارلایان
بر شمشک اولش ، محیطی ، کنج دماغ لری وطن وملت حسلیله نورلاند رمش ، توفیق
فکرت کشف ظلمت لره مستغرق وطنی نور دهاسیله تنویر ایتش ، کنیش و سالم ، آزاده
قیود و تحکم فکرلرندن جید و جدأ حر فلسفه لرندن بوتون تورک خدمه ادبیاتی وقارلری ناصل
متأثر، متحسس و مستفید اولش سه، سامی بکک یازیلرندن ده عینی درجه ده حصه مند استفاده
اولشدر .

عثمانلی - تورک ادبیاتی ، عثمانلی - تورک معارفی بوکونکی بلند وبالا کیر مرتبه سینه
اصعاد ایدن ترقی و تکامل اسبابنک ایلری کلن لرندن هیچ بری بولونامازکه اوراده سامی
بکک مؤثر و نافذ خدمت لرندن بویوک بویوک اثرلره تصادف اولونماسون . تک بر مثال آلمش
اولماق ایچون « ملی تعلیم و تربیه جمعیتی » کوستریله بیلیر . عثمانلی لړک استقبالنک تربیه و تعلیمده
اولدیغنی کورن سامی بک ملتی تربیه یه و تربیه جیلکه تشویق ایچون بوتون قوت و همتی ایله
اوغراش مش ، کشادینی پک صمیمی آلفیشلرله قارشیلادیغمز جمعیت بالخاصه بویوکسهک ادراک
وغیرتک محصولی بولونمشدر .

سامی بک مرحوم تورک لړک مربی و مرشدی صفتیله ده گیل ، معارف و تربیه مسائلنده
فعال و عزم پرور بر سیما اولاراق ده طانمشدر . افکار منوره و اخلاق فاضله سینه کوره
بوتون مدت حیاتنده انسانیتک وبالخاصه شبابک دوست و خیر خواهی موقعنده قالمش و بو
صورتله کنندینه برمنصه دلنشین تأمین ایده بیلمشدر . سامی بکک برکزیده ، یوکسهک مزیت
لری ایچنده اییلکه ، فضیله ، کوزللیکه و دوغرواغه مفتونیتی ، عفت پرورلیکی ، انسانیتک
آسایش و سکون ایله انکشاف و انشراحه مظهریتنه طرفدارلنی اک کاشف خصات لرندن برینی
تشکیل ایدر .

سامی بکک اثرلرنده کی معظم افکار اخلاقیه و اجتماعیه نظرأ یازیلرنده کی اینجه لک ،
اسلوبنده کی کوزللیک و ساده لک جدأ خارق العاده در . دینیله بیلیرکه سامی بکک اثرلرنده
نفیس و جاذب بر سحر اسلوب ، بر شوق صنعت براهتزاز شوخ و نوشین ایله رقص ایدر .
بونک ایچون کرک منظومه لرنده و کرک آثار منشوره سنده اسلوبک کوزللیکی و نفاستی ایله
فکرک درینلکی موازی اولاراق یورور .

سامی بک افکار حریت پرورانه ، جدیت و ناموس پرورلیکه جدأ تمیز ایتش نریه ،
فداکار ، خیر خواه ، متین اخلاقی ، معنوی قدرتی ، نفسی ، حیاتی غیره مفید اولماق
ایچون حصر ایتش نجیب و جوانمرد بر وجود ایدی . کنندیسنده او یله جاذب ، او یله عفیانه
بر حالت روحیه واردی که وطنک ترقی و تعالیسی ایچون سوز سویله دیکی زمان آرزوی مفرطندن
کوزلری ، شیمدی ابدیاً قاپانان کوزلری یاشایردی .

سامی بکک یکانه دوشونجه سی تعصب دن عاری ، ترقیات علمییه متوجه ، عنعنات و سوابق
عظمتیله مفتخر ، موجودیتی مدرک و هر زمان مدافعه یه حاضر بویوک و شانلی بر وطن کورمک
ایدی . بو وطن آنجق تورکیا ایدی . اونک عنندنه دنیانک اک نجیب و اک کریم و شفیق
انسانلری تورک لردی .

سهن سیمون و تولستوی کبی سامی بکده هر صنف اجتماعینک حیاتی یاشادی .
بویوک وقهرمان بر عائله دن دنیایه گلن سامی کنجلیکسده چوق یرلرده بولوندی ، برچوق
سیاحت لر ایتدی . حیاتک ذوقنی ده آلتی ده طاتدی . مکتب مدیری اولدی ، معلم اولدی ،
صوگره معارف مدیریت لرنده بولوندی . شعر یازدی ، مصاحبه ادبیله شهرت قازاندی .
صوگره استبدادک تغلبندن انواع فلاکتله معروض قالدی . فجیع محرومیتلر ، آلملر ایچنده ؛

يوكسلك ايچون مطلقا اكيلمك لازم كلن بوملكنده ، يوكسهك و نجيب آلنى شائبه دار اولادن ياشادي . شو قدار واركه انسانلرى منفعت پرست ياپان حيات ، سامى بكى بالعكس رحيم ، شفيق ، مظلوم ياپدى . او ، فلاكت و خاعت ياشامش بر وجودده تميز ، مهتاب قدار صاف و لكهسز بر روح ، بر وجدان طاشيردى .

بو حساس و مفتون معالى استادك اخلاق حقنده كى نظريه سى انجىلكككنه پك بكمزدر : فناغه قارشى فنالق يانماق ، هر درلو احتياجات حياتيه يى كندى تدارك ايتك ، اكمكى آلنك تريله قازانوب يه مك ... دينيله بيليركه سامى بك اللى سنه لك حياتى ايچنده قطعياً بو نظريه سندن خارج بر ياشايش قبول ايتمه مشدر .

بعضاً بولوشديغمز زمانلر اكثرياً ماضيدين ، ادبيات جديده عائله سندن ، رجائى زاده استاد اكرمدين بحث ايدر ، حامدك منظومه لرى ، خالد ضيانك رومانلرى ، بالخاصه سما قرين شاعريز توفيق فكرتك اشعارىنى اڭ عميق بروجد وطن پرورانه ايله مدح ايدر ، جاذب و نجيب كوزلرىنى بر شوخى نشوه ايچنده ، سامع لرينك اوزرنده كزديره رك ، هيچ بر كيمسه نك مقاومت ايدهميه جكى شفيق برصدا ايله ادبيات جديده نسلنك اك يوكسهك شاعرى عد ايتديكى فكرتك ، بو پك سوديكى ، تعبد درجه سنده حرمت ايتديكى بلند اوزلو ، بلند يوزلو ، انسان شاعرك بر شعرىنى كنديسنه مخصوص بر شيوه تلفظه او قدر ، بروجد واستغراق اوقوردى .

بعضاً امور معارفده بر انتظامسزلاغه ، بالخاصه تتبعات ادبيه ده بر مخالفت تصادف ايلديكى زمان « ... تربيه اجتماعيه مى اصلاح ايتمه زسهك آدم اولمايز ... » دير و ترقيات علميه و ادبيه قارشى كوسترديكمز عظيم لاقيددين ، بيكانه لكمز دن كمال سوزشاه شكايت ايلردى . سامى بك فرانسزجه يه حقيقه واقف اولدينى كى انگليزجه دخی بيليردى . اوروپا محرر لرينك توركلر حقنده كى تدقيقاتلرىنى فوق العاده بر دقتله تعقيب ايلردى . تكامل و ترقى ايتمش ملت لر صيره سنده كندى مى كورمك و اجتماعى و علمى ترقيمز ايچون اصلاحى آلزم عدايتديكى بر شى وارسه اوده معارف تشكيلاتمز ايدى . حتى بو سببدن سامى بك « مى تعليم و تربيه جمعيتى » نك تاسيسنى توركلر ايچون يگى بر خطوه ترقى عد ايتمش و جمعيتك رياستنى پك نجيب بر آرزو و آمله درعهده ايتمشدى .

سامى بك بويوك بر وطن پرور ايدى . خالصانه افاده سى ، وقوف عالمانه سى ايله همان هر كوروشديكك قلبنى تسخير ايتمشدى . خلاصه سامى بك معلم اولماق صفتيله قيمتدار ، جدى ، غيور ، تف ناپذير ، مكمل بر معلم ، ادبيات اعتباريله ساده و صميمى بر شاعر ، مربي اولماق اعتباريله سويلى ، خوشكو ، ظريف بر وجود ايدى . انسانلغى جهتيه سامى بكده ، اخلاق متينه دن ، رقتدن ، نازكى دن باشقه بر شيئه تصادف ايديله مى ردى . جوال و آتشين ذكاسنك نه اينجه ، نه ظريف ، نه قيمتدار شاقه لرى ، مضمون طرازلقارى واردى . هيچ برشى دوشونولمزه انسان اولماق اعتباريله مملكتك جداً نجيب ، خير خواه ، فعال و عزم پرور بر وجودك ضيايله متالم اولديغنى دوشونمك كافيدر .

بزدن سنك پاك روحكه فاتحه لر ، رحمت لر ،
اونودولماز خاطره كه قلب طولوسى حرمتلر ! ..

§


سامى بكدن بايرامدن بر قاچ كون اول ، توفيق فكرت حقنده يازمش اولدينى شعره دائر اوزون اوزون كوروشمش و بايرام ايرتسى بولوشمق اوزره آيريلشدم . جمعه كونى

سادك فاجعة افوانى پك محترم بر آرقداشم خبر ويرديكى زمان بويوك بر فلاكت قارشى -
 سده حس ايديله ن بر زلزله اضطراب ايله بوتون معنويتك صارصلايغنى حس ايله مشدم .
 ب ضياع قلمده پك بويوك بر جريحه ، بر جريحه ماتم حاصل ايلشدى . سامى بكك وطنم
 ومعارفم حقنده كى سوزلىرى وتمنى لرى قولاقلمده طنين انداز اولويور ، معصوم وپاك سيماسى ،
 طولغون وجودى ، پك اوزون دينيه جك بويى ، پارلاق كوزلىرى نظرلرم اوكنه كليوردى .
 سامى بكك ؛ كومهوش بخوردانلرده توتەن عود آغاچك روحى بر خشوع ديندارانه
 ايچنده مست ايدن معطر قوقوسيله مشبوع تابوتى كوزلرم ياشارمش ، دعا كولرك تيز و
 آهسته ، بر آرزى تولوم حسى ويرن دعالرينك قلمه ويرديكى فرط تاثيرله قلم پرهيجان ، پرستش كارلىرى
 ومفتون فضائلى آراسنده تعقيب ايله ديكم بو معزز ومكرم استادىمى بر قاچ طلبه سيله رفقاسنك
 صرك نظره احترام ايله سلاملايغنى كورويور ، سامى بكك آجى ، فقط دوغرو سوزلرني
 متصل خطر ايدىيوردم :

« ... تربيه اجتماعيه مزى اصلاح ايتمه زسهك آدم اوله مايز ! .. »

خور خور — ۲۳ تشرين اول ، ۹۱۷

منير سليمان



سامی بك

برقاچ كون اول سسسزجه آرامزدن چه كيلن بوبويوك ذاتك حياتنى تحليل ايتك، يالكز اديب وشاعرلر ك وظيفه سى دكل ؛ عيى زمانده معلملر كده وظيفه سيدر . چونكه اوشاعر اولدوغى قادارده معلم دى . سامى بك مکتبدن چيقدقدن صوكر ، استعدادينك ادبياتله اشتغاله مساعد اولدوغنى حس ايتشدى . فقط بزم مملكتده شعر يازمقا، كچينمك غير قابل اولدوغندن سامى بك ده معلمك حياتنه آتيلمشدى . بونكه برابر بو حيات كنديسنه هيچ بابانجى كشمشدى . خصوصيله بو حيات اونك روحنه ، مى مفكورده سنده توافى ايدىوردى . باباسى قدر وطنپرور اولان سامى بك ، مملكتك سلامتتى ، ترقيسى اك مفرط بر شكلده مى ايتمش وبونك ايچينده معارفى بو مقصدى تأمين ايدمك اك بويوك بر واسطه كى قبول ايتشدى . نه قادار تأسف ايديلسه آزدركه ؛ سامى بك ائى اوزون مکتبجيك حياتنه عايد بويوك بر اثر بيراقادن كيتمشدر . نته كيم بو حساس شاعرى استقبال گنجلرينه تقديم ايتك ايچين ؛ آلدده بر شعر مجموعه سى ده موجود دكلر . يالكز غزله لرك كوشه لرينه صالانان شعرلرى واردركه ، بوگون آنجاق اونلرله متسلى اولابيلورز .

يالكز ادبيات ساحه سنده دكل ، مکتبجيك ايشلر ننده تجمدك لزومى تقدير ايدملر ك ايلك صيراسنده سامى بگى ده بولورز . سامى بك حريتى اك ائى معناسنده آكلايان بر مکتبجى كى حركت ايدوردى . ايشته بو حريتپرورلگى دولاييسيله خصوصيله بى پايان شفقت و مرحمت حسريله ، كنديسنى ، طانيانلره ، ومحيطنه پك زياده سهوديرمشدى . هله چوجوقلر اوزرينه ياپدينى تأثيرلر پك قوتلى وساحرانه اولوردى ، هرچوجوق اونده شفقتلى بربابا گوزى و مرحمتلى بر آنا قلبى بولشدر . دالشفقه بيله اونك بويوك شفقت و مرحمت صاچان روحندن سنه لرجه خيرلى اسيلار طويلامشدر . اوچوجوقلرى اك حساس بر رباب كى فرض ايدمر واونلر ك اوفاق بر ضربه ايله قيريلماسندن قورقاردى . امينكه حياتنده اك مسعود دقيقه لرى ، چوجوقلرله قونوشدوغى ، واونلرى سربستجه اويناركن گوردىكى زمان ياشامشدر . سامى بك حريتپرورلكنه عايد اوفاق بروقه يى ذكر ايتمدن كچمه يه جكم . بركون بر مکتبده امتحان ياپيلوردى . پك حدتلى برسيا طاشيان معلمك ، صيقيلان وتزله بى چوجوقلرى امتحان ايتمكه مشغول اولدوغى بر صيراده سامى بك ايچرى يه گيرمشدى . چوجوقلر ك پك زياده صيقيلقلرى گورهن سامى بك بو حاله تحمل ايدمه مش وچوجوقلر ك اودايه آتيشر وسكزر كشى گيرمه لرىنى وكنديلرينه ممكن اولدوغى قادار قولاي صورولماسنى تأمين ايتمى ايچين معلمه وميزلره رجا ايتشدى . بالذات كنديسى ده چوجوقلرى ممنون ايتك ايچين بيك توراء طاتلى وسه ويملى سوزلر سويله مشدى . سامى بك يكى تربيه يى مملكتده پك قولاي واك دوغرو معناسيله قبول ايدملردن بريد . دارالشفقه يه آل ايشى درسلىرى گيرمه سنى ايلك اول دوشونلر

آراسنده سامی بگی بولاجغمز گبی ، یگی مکتبلر پروغرامنی یاپان قومیسوئنده ده ینه سامی بگی کورورز . خلاصه گه نیش تواضی و صمیمیتیه ، ایمانی قادار قوتلی حافظه سیله ، پک اینجه ذکاسی ، چوق بویوک وحساس روحیه ، سامی پک بو ملکتهک حیات عرفانده پک قیمتلی ودهرین اینلر بیراقشدر . البته بوگونک و یاربیک کنجیلری ، کندیلری ایچین صاچنی آغیرتان ، آغلایان و دیدیشهن بو بویوک انسانی واونک یوکسک منارینی حافظه احترامنده ابدیا صاقلایا جقلاردر .

بهاءالدين توفيق




سایمان نسیب بکک افولی مصائب ملیه یگونه دهشت و فجاعت علاوه ایتش اولدی . بختسز و مظلوم وطنک اک زیاده محتاج اولدیغمز برمربی فضل وادبدن محرومیتی ، طالعسنزلکمزک یکی بر تجلیسی در .

سایمان نسیب بکک حیاتی شعرلری قدر پر صمیمیت ، مماتی ، حیاتی قدر پر شعر و سکونت اولدی . بن افق شعر مزده زنده بر شعشعه ایله پایدار اولاجق اولان سایمان نسیب بکدن زیاده وهر شیئن اول کندی طالعسنزلکمزده آجیرم .

۲۳ تشرین اول ۳۳


فرید عزت



سامی پک ، ادبازن اولمسنه رغماً او قوریازار بر ذات ایدی . پدرا اولمامسنه رغماًده اولدیکی زمان بر چوق یتیملری قالدی .

۲۴ تشرین اول ۳۳۳

مدحت جمال





مرحوم سامی بك

[سليمان (۱۸۸۷-۱۹۷۰)]

محترم نائل رشيد بك افندي يه :

بيلم ھنوز اون آتی ياشارنده وارمی ایدم . ادبیاتہ ، صنعتہ قارشى روحمدہ تسکین ایدیلز برعشق واردی . استثناسز الیہ کچن هرکتانی اوقویور، بالخاصہ ہفتہلق ادبی مجموعہلری داھا حار براشتیاقلہ مطالعہ ایلہ یوردم . اوزمانلر، ادبیاتدہ اھمیتلی، کوزہ چارپان ایکی جریان واردی : ادبیات جدیدہ، ادبیات عتیقہ! . ایکی طرفکدہ مروجی غزتلری واردی ؛ بوغزتلردہ متمادی مناقشہلر جریان ایدیور ، یگی جریانک قوتی کوندن کونہ آرتیوردی . بالخاصہ کنجلاک اکثریتی ، منور قسمی بورادہ بولونیوردی . بندہ چوجقلقدن ھنوز قورتولان کنجلاک روحک اولانجہ جرارت وغلانیلہ، یگیلکہ قارشى طوتوشان احتیاجیلہ درحال مفرط برادبیات جدیدہ طرفدارى اولمش ، حسی بر قناعتلہ ھان بو یگی « ادبی پارتی » یہ التحاق ایلشدم . ذاتاً بو حرکتم براز طبیعی ایدی . زیرا یگی جریانلرک ، یگی مفکورہلرک طبیعی علمدارلری ھر محیطدہ، ھر ملتدہ دائماً منور کنجلا اولمشدر . بوتاریخی واجتماعی حقیقتہ قارشى، ہم بر استثنا تشکیل ایتکلکم قابل اولامازدی . طبیعتک بو سحرلی قانونی ، بگادہ ادبیات جدیدہنک داھا بشری یوانی کوستریور : — ایت کیدہ جکک یول .. صنعتدہ مفکورہ یواک ! . « دیوردی . بوکیزی سسک معنوی اوزرندہ اویندیردینی درین برعشق وھوس ، بویوک بر ایمان واعتمادلہ آرتیق صنعت غایہ می چیزمش ، کنجلاکک ایلاک دورہلرینہ مخصوص خیالی محاکمہلہ ادبیات جدیدہ مکتبک فضا، جوشغون بر مدافعی کیلمشدم . طبیہلی ، حربیہلی، ملکیہلی برچوق کنج مکتبیلر ھپ بو « یگی جریان » ک اطرافندہ .. فکرو حس براککک انسانلری یکدیگریہ یاقلاشدیران فسونلی قوتی اوگندہ طوبلانیور ، بربریمزلہ داھا یاقیندن طانیشیوردق . مثلاً : مرحوم عمر ناجی، معلم وحی ، دوقتور سعدالدین وداد، عمر سیفالدین، عزیزھدائی، محمد سعیدی، مرحوم الیاس ماجد بکلرلہ باشلایان آرقاداشلغمز، اوغلایانلی کنجلاک دورہسکک اونوتیلماز صمیمی خاطر دلرندن در .

ھفتہ باشیلری، بالخاصہ « ثروت فنون » ک، دیگر ادبی رسالہلرک نشری کوننہ تصادف ایدن « پرشنبہ » لر ، روحزدہ ادبی بر بایرام نشئہ سی حاصل ایدیوردی . اوکون ، بوتون آرقاداشلریمز مکتبلرندن چیتیورلر ، آرامزدہ تقرر ایتمش معین یرلردہ برلہشیور ، ثروت فنونی ، اوھفتہ ظرفندہ قرہلادیغمز یازیلری بربریمزہ بویوک برذوقلہ اوقویوردق . اوزمانلر بزم ایچین یکانہ ذوق وحیات، ادبیات ایدی . دیہ بیلیرم کہ ، باشقا ھیچ برمادی دوشونجہ بزى اشغال ایدہ میوردی . حیاتک مادیتلرینی، آجیلقلرینی خیالی برپردہ ایلہ اورتونی کوریور،

اوندن ده آريجه بر شعر ذوق دويويوردق. اوقادارگه، حقيقي حياتله تماس يوق كي ایدی. بوتون دوشونجه لر بئرك محصله سی ا بر شنبه، ثروت فنون ا کله لر ی تشکیل ایدیوردی. اوزمان بزی تظمین ایدن یکانه مجموعه، بوایدی. بوتون ادبیات جدیده شاعرلری، ناثرلری بومجموعه نك اطرافنده طویلانمشلردی. صنعت عشقیله چالیشیورلر، هر هفته نشر ایتدیکاری شعرلرله، کوچك حکایه لرله، تنقید و حکمت بدایعه دائر مقاله لرله مکتبلرینك خصوصی وعمومی خطلرینی داها واضح، داها شعورلی برطرزده — معارضلرینك کورلتیلرینه اهمیت و یرمیه رك — تثبیت ایتکه اوغراشیورلردی.

مرحوم توفیق فکرتك ریاستی آلتنده طویلانان بوزمره نك، مملکتیمزك ادبی جریاننده مهم بررول اوینادیغنه قائم. ایشته سلیمان پاشا زاده مرحوم سامی بکی ده [سلیمان نسیب] نام مستعاریلله بو ادبیات جدیده حرکتلرینه قاریشان، مونس وحسلی نشیده لرینی یگی براسلوبله یازان، طنطنه دن زیاده ساده لیکه میال، تمیز روحندن قوپان اینجه نغمه لر ی ترنم ایدن برشاعر اوله رق، اوزمان طانیشدم.

اثرلرینی اوقودیغمز و سودیکمز شاعر و ادبیلرک شخصلری حقنده معلومات ایدینک، مطالعار ایچین عادتاً درونی براحتیاج در. بواحتیاجی، مطلقاً تظمین ایتک ایستلر. بزکنجلرده اوزمانلر، ثروت فنون ده یازیلرینی اوقودیغمز و بکنندیکمز سیالرحقنده معلومات طویلا یوردق. ینه ثروت فنونك برهفته باشی ایدی. اونسخه ده مرحوم سامی بکك روحه خطاب ایدن نریه برشعری واردی. اووقته قادار، شخصیتنه دائر تدقیقه ده بولونمادیغمز بو حساس شاعر، نم وارقاداشلرینك داها زیاده نظردقتی جلب ایتشدی. تصادف اوکمزه مرحوم عمرناجی یی چیقاردی. سامی بکك شخصیتی و عائله سی حقنده بول بول معلومات آلمشdq. حریت بانیلرندن مرحوم سلیمان پاشانك مخدومی اولماسی، بالخاصه کندیسینی داها فضله سومك ایچین ای بروسيله تشکیل ایدیوردی.

مشروطینك اعلانندن سوکرا بالذات کوریشدیکم سامی بکله غیابی معارفه من، ایشته بو صورتله باشلار. مرحوم ایله آراضده تأسس ایدن صمیمی دوستلق، حیاتنك صوئ دقیقه سنه قدر دوام ایتشدر. ذاتاً سامی بک مرحوم، هرکیم ایله اولورسه اولسون بر دفعه دوستلق تأسیس ایتدکن صوگرا، قابل ده گیل بودوستلغنی اخلاص ایده جک ائ اوافق بر حرکت، کندیسدن صادر اولمازدی. طانیدق لرینه قارش ی لزومندن فضله امنیت شایان بر دوست اولدنی کی، حتی هیچ طانیدق لرینه قارش ی بیله حقیقی معناسیله ازلدن حسبی بر دوست، بر خیر خواه ایدی. سامی بکك بوکوزهل اخلاقی، بویوکسك طبیعتی افاده ایچین: « تام وکامل برانسان » جمله سندن داها ایی تعریف ایده جک بر تعبیر بوله میورم. دوشونجه لر ی، دائماً انسانی واییلکه معطوف ایدی. غرض، خصومت، کین کله لر ی سامی بک ایچین، اصلی (قاموس) ده موجود اولمایان کله لر دن ایدی. بالخاصه هرکسی سومك ایچین خلق ایدلش بر شخصیت، فانی انسانلر آراسنده ملکیت اخلاقی تمثیل ایتک اوزره یارادیلش قیمتی بر موجودیت ایدی. اجتماعی مذهبی: « حب غیر » ایدی؛ تفریق سز هرکسه: « ایلاک و یادریم » ایتک ایدی.

مرحوم سامی بکك ایلاک باقیشده هرکسك نظرینه چارپان، اساسی اوچ صفقی واردی: انسانیتچی، شاعر، تربیه چی. مرحومك برنجی صفقی اولان انسانیتچیلکنی لایقیله تصویر ایده بیلک ایچین برچوق صحیفه دولیرمق ایجاب ایدر. ایلاک و انسانیت، سامی بکك ائ بوکسك مفکوره سی ایدی. شاعرلک جهتیله ده اهل ایدیله جک سیالردن ده کیل ایدی. اونك شعرلرنده، دیگر بعضی آرقاداشلرنده اولدینی کی، او یله فضله رنك، بویا و آهنگ یوقدر.

بالعكس شعرلرینه حاکم اولان میز وصف: ساده‌لک، ایجه‌لک، سلاست‌در. اثرلرنده، بعضی بویوک شاعرلرده کوریلەن جوشغون، یوکسک الهاملر یرینه، دائماً مونس و جانی بر جریان وارد. بوتون اثرلری، برصوڭ بهار چیچکی قادار حزین و صمیمی‌در. ذاتاً شاعرک شخصیتیه یازیلری آراسنده اوقادار صیق بر رابطه کورولورکه، مثلاً بر شعری اوقونمقله شاعرک شخصیتی، بوتون مونسلیکیله نظردە ترسم ایدر.


تربیه جیلکینه کلنجه: مرحوم سامی بک اسکی بر مکتبجی اولمقله برابر، صوڭ زمانلرده بوتون حیاتی «تربیه‌جی» لیکه حصر ایتمش، مملکتیمزک تعلیم و تربیه عالمده کزیده وچالیشقان بر شخصیت اوله‌رق طایینمشدی. تربیه مسأله‌لریله اوغراشمق، سامی بک ایچین — یوروجی بیلە اولسه — یوکسک بر مفکوره ایدی. دائماً مختلف مکتبلر طرفندن ترتیب ایدیلەن تربیوی مسامره‌لره کیدر، دقتله تدقیق ایدر، نوطلر آیر، مکتب مدیرلریله خصوصی حسابلار ایدر؛ حاصلی حیاتی‌ک صوڭ زمانلرنده، سامی بکک بوتون دوشونجه‌سی: تربیه مسأله‌لری و مکتبلردی، دینیله بیلیر.

* *

شیمدی، آرامزدن ابدیاً آیریلان بوتیمز، قیمتی و ناموسلی انسانک یوقلغنی دوشونورکن، بلا اختیار نظرلرم محیطمزه دونیور — بعضی یوکسک روحلری آیرمق شرطیله — اورتده بوتون کوردیکارم: کین، خصومت، احتراض.. بر منفور فردیلاک اولویور. بر دقیقه اول یوزیگزه کوله‌نلر، الیگزی صیقانلر.. آرقه‌گزدن سزه اڭ ظالم کمندلری حاضرله مقدن چکنمه یورلر. انسان بوایکرنج منظره‌لری کوردکجه، مرحوم سامی بکک ملکی شخصیتی، نظرلرده بیك‌قات داها یوکسلییور و یوقلغنی درین بر المله تکرار ایدیور: «سن بزی نیچین یالگیز براقڭ؛ کینلریمزدن، احتراضلریمزدن نفرتی ایتڭ؟ بویوک انسان!..» دیور.

۶ تشرین ثانی ۳۳۳

فهمی رازی





سامی بك و اخلاقى

انسان انسانلغى غريزه لر ينك فوقنده آرايور. بوساحه ده نه قدر يوكسله بيلورسه اوقدر تجيل واحترامه اوغرايور. نسل بشر (نامتناهيليكي قاورامق) ميلنى اكتساب ايتدكن صوكرا حيوانيتدن آريلا بيلمشدر. بوميل انسانى طبيعت مادييه ي فوقنده دولاشدير ييور. حقيقت ، فضيلت ، حسن هپ بوساحه ده موجوددر. فضيلتكار ، صنعتكار هپ بونامتناهيليكي تحقق ايتدير مكه اوغراشان شخصيتلردر.

اسلام عالمده درويشلك فردى نامتناهيلهكه دوغرى يوكسلىتمكه مصروف طريقلردن برى ايدى. يالكىز بونلرك تعقيب ايتدكلرى اصول سقط ، كوردكلرى افق بك محدوددى. بونلر ظن ايتمشلككه انسان حياتك ايجاب ايتديكى غريزه لره تابع اولدجه فضيلت وحقيقت ساحه سنه يوكسله مز. اونك ايچون بوتون آرزولر ، سوق طبعيلر رياضت ايله قابل اولديغى قدر احما ايدلمليدركه « فنا » مرتبه سى اولان غايه يه ايريشيله بيلسين. بونلرجه فضيلت يالكىز روحى بوسورتله تصفيه دن عبارتدر. انسان بويله برتصفيه ايله كنديسنه لازم ومقدرا اولان مرتبه يه يوكسله بيلير. حالبوكه فضيلتى طبيعت مادييه يي محاده آرامق ياكلىش اولديغى كى ساده جه روحى تصفيه ده بشرىتك غايه سى دكلدر.

شرقه چوق زمان اخلاق بو « فضيلت صوفيانه » نك بك دار ساحه سنه تابع قالمشدر. تلقيات اخلاقيه ده بزه يكي افقى آچان نامق كمال ايله فكرتدر. كمال مرحوم فردى اخلاق ياننده بروطنى اخلاقك موحود اولديغى اثرى وحياتيله اوكرنديكى كى فكرتده فضيلتك دار معناسنى كنيشتشمشدر.

هيچ اميد ايتمديكمز بر زمانده افول ايدوب كيدن سامى بلك متحلى اولديغى فضيلت و بك يوكسلك اخلاق كنديسنه قارشى ابدى بر پرستش اوياندير ييوردى. بن بواخلاقه ايكي عنصر ك تفريقى قابل اولاجغى ظن ايد ييورم ؛ سامى بك بر كره فضيلت صوفيانه يي روحنده دويمش بر شخصيتدى. اونده شايان حيرت درجه ده انكشافه اوغرايان تواضع ، قناعت وشفقت اخلاق صوفيه نك برر تجليسىدى. سامى بك نه كى سائق و تربيه ايله بواخلاقه ده يوكسله بيلمشدى ؛ بوسؤاله حياتك بوتون تفصيلاتنى بيلمىدجه جواب ويرييه مز. يالكىز بك كنج ياشنده بغدادده تسكيه لره


دوام ايتمك ايسته مې و بو يوزدن پذرندن تكدير وتعذيره اوغرامسي دها اوزمان
روحنده فضيلته ونامتناهيكه ايريشمك ميلى اويانديغنى كوسترييور. احتمالكه پدريتك
اوغراديغى ظلم كنديسند لوث اخلاقي يه قارشى بويوك بر نفرت اويانمسنه سبب
اولمشدى .

سامى بك استانبوله كلوب ده فكرت ادبياتيله تماسده بولونماش اولسه يدى
فردى اخلاقده ، شفقت وتواضعده ينه بو قدر يوكسك برموقعى بولونه جقدى .
فقط احتمالكه انسانلق حقنده بويوك برايمان صاحبي اولميه جق ، وطنى حقنده او قدر
درين اعتلا عشقى دويميه جقدى . سامى بك وطن وانسانيتى عادتاً مرادف عد
ايدىوردى . وطنى ازىلير ، وطنداشلىرى حریت وسعادتن اوزاق بولونورسه ؛
اونلرك مى دويغولرى سوز ، اسير اولمغه مجبور قاليرلرسه البته انسانيت سقوط
ايتمش اولوردى . وطنه قارشى ياپيلان هر جنائيت عىنى زمانده انسانيته قارشى ارتكاب
ايدلمش بر جرم ايدى .

« انسانيت » مفهومك مقابلنى خارجه ده كى تشكيلاتده دكل ، وجدانده كى تمايلده
آرايانلر وطن وانسانيت فكرىنى تأليفده هيچ كوجلك چكمز لر ؛ انسانيتك اك
يقين جزئى اولديغى ايچون وطنلرينه پرستش ايدر لر ؛ وطنك حریت وسعادتي ديمك
اولديغى ايچون انسانيتى مقدس طائير لر . انسانيت مفكوره سى فردك حریت وشخصيتيله يعنى
يالكر كندي مقدساتنه تابع اولمسييله قائم وپايدار ايسه البته « وطن » ده بوكا داخلدر .
فكرت اخلاقي بوايكي مفهومى بوصورته تأليف ايدىوردى . بناء عليه فكرته
وسامى بك كى عىنى اخلاقي غايه نك معقبرنده انسانيت ووطن ترنماتى هيچ بر زمان
بر تخالف و تناقض دكلدر . بونلر بوايكي مفهومى روحلرنده بك كوزل تأليف
ايتمشلردر . بو تأليف خياليميدر ؟ ظن ايتيورم . بن مدنيتك وانسانيتك بويله بر تأليفه
دغروى كيتمكده اولديغنه اينانييورم .

سامى بك متديندى . فقط اونده كى دين بر « بيلكى » محصولى دكلدى . دياتى
كتابدن بر طاقم نصوص وقضايانى ازبرليهر ك اوكرمه مشدى . فضيلتى كتابدن
اوكرمديكى كى . نصل اخلاقي اعتلايى براحتياج روحى اولارق دويمش ايسه عىنى
ضرورت اونى متدين قيلمشدى . بويله بر دينك ماهيتنى آنجق سامى بك كى روح
طاشيانلر بيلير . سامى بك ايله غائب ايتديكمز اك بويوك شى درين بر شفقت ، بويوك
بر فضيلتدر . كنديسينك تذكير ناميله قازانه جغمز شى ده بوكسك براخلاق اولمليدر .





سليمان نسيب بك


بروسه ده سليمان نسيب بك اوزاقچه ماضى مأموريتنك بعض منقبه لرينى ديكه ردم . بونلرك هپسنى بربرينه باغلایان مشترك رابطه لر واردى ؛ ديرلردى كه : سليمان نسيب بك چوق صميمى در ، چوق شفقتلى در ؛ چوق خيرخواهدروالحاصل او ، چوق « بابا » برآدمدر .

استانبولده « تأليف وترجمه ده اونی ايلك دفعه كوردم . قونوشدق . بكا اوياشلى قلب ، بردن برده اوقادار صيچاق ، اوقادار هييجانلى وكنج كلدى كه
صوكره ، زرده ونه وسيله ايله خيردن ، طوغرولقدن ، علو جنابدن بحث اولونسه يادمده سليمان نسيب بك بياضلرله چرچوله نمش پاك سيماسى ديريليردى .
غزته لرده وفاتنى اوقومق ، بنده برصاعقه تاثيرى ياپدى . اوفيكرا پك كنيج ، پك حساس و هييجانلى سليمان نسيب بك بويه ثوله جكنه ايناناميوردم ؛ فقط ايسته بو بر آجى حقيقتدر كه سليمان نسيب بك آرتيق آرامزده يوقدر و بز اونك افولنه آغلايورز .

A تشرین ثانی ۱۹۱۷

نافع عطوف





موت و سامی

أی ظلم اکبر بشریت ، عذاب موت ،
میلیونلرک نعوشنه قونمش و قامامش
بر حرص افتراس ایله هرگون هجوم ، اوت ،
هرگون هجوم ایدوب طورویورسک — اینامامش ،
منکر براعتقاد ایله — میال اعتلا
هرحقه ، هر فضیله ؛ ای نجه فنا ،
ای موت غیظ و کین ،
ای قهر در کین

دون فکر تک ، او آبدۀ فکر و صنعتک
طیرناقلادک وجودینی ، بی قید مرحمت ،
قیدک بوگون ده برمتشخص فضیلتک
روح نجیب پاکنه . لکن ، بوسر گذشت ،
وجدانلرک اساسنی صارصان بو هائله
اک محترم واک متفکر و مقتدر
سبالرک ضیاعنه عائد دلایل
بر ذیل خون نثارمی در ؟ یوقسه ، مستر
بر قصد خائنک اثر اعتیادی می ،
ظلمک عنادی ، مرحمتک ارتدادی می ؟ ..

لیکن ، ناصل ، نیچین بوتجاوز ، بوالتقام
انسانلغک تکاملنه ، خیرینه ، مدام ،

برعزم بی فتور ایله وقف حیات ایدن ،
شعرك حريم نازينه — حسّاس ونشئه دار —
اڤانجه نغمه لر اوچوران ، صوگرا ، مضطرب ،
آلوده خسار ،

رنجیده محن

هرلوحه حقیقه — نومید وملتهب —
هپ قانلی گریه لر دوکن استاد شعرو حق
سامی یه ؛ آه ، سویله ، روامیدی ، ای عدم ،
بر حشر یکنسق ،
بر حفرة ستم ؟ ...


آرتق یتر دیدیکله دیگک ، ای عقاب شر ،
آرتق یتر بوسلسله وحشت و قتال ،
طورسون بوماجرا .

گرگین قانادرگده برآز یوق می انخنا ،
برنبذه رحم و شفقت ایچین میل اعتدال ؟
برکرده انقلاب ، برآز نیت ثبات
« ای سن ناصلسهك او یله طوران کهنه کائنات ،
ای سن ده هر زمان ده کیشن خودستا بشر » ؟ ! ...

نائیل رشید

۹ تشرین ثانی ۱۹۱۷





سامی پك حقنده

بایرامك ایکنجی کونی قدیم آشنالری زیارته چیقمشدم . یولم ، ایام شبایمده یاشادیغ سمترلر دوشدی . یارم عصرلق فانی عمرمك پك بلیرسز کذراننه شاهد اولان اویرلربی اورکوتدی . تنها سوقاقلردن شهرک دها ولولهلی ، کورولتولی جهتلرینه قاچق لزومنی حس ایتدم . حافظه مده دالغالانان حزنی خاطراتی داغیتمقلا، مشغول ایکن قدیم رفقاندن جمال بکله قارشى قارشىیه کلدیم . وضع و طورمی سناکت وهیجانندن آزادده بولمش اوللی که «زوواللی سامدن خبرک یوقی ؟» دیدی . بومشثوم ، بوسیاه استفهام ، دوستلرینی برر ایکیشر غائب ایتمکدن اورکمش مفکرده هرشیئی آکلامغه کفایت ایتدی .

بایرامی متعاقب نشر اولبان غزته لرده ، عالم ادبیاتمك اعلان ماتم ایلدیکی کوریلییوردی . قدر شناس ارباب قلم ، سامینك علمی وادبی مزایاسندن هفته لرحه بحث ایتدیلر . بن شکسته ، مبهوت آغلامقدن بشقه هنوز برشیئه مقتدر اوله مییوردیم . برآراق برلکده کچیردیکمز وقتلرک معزز خاطراتی یازایم دیدیم . فقط نه ممکن ! برجعتی شدی کوزلرمك اوکنده تراب نسیانه منتهی ، وقتيله نیجه معصوم امللرله بزه نمش مشترک ماضیمزی قارشیدیرمغه هنوز پارماقلمده قدرت حس ایده میوردیم . زمانك شهبال بیفراری ، تأثرمك شدتی ، مسکن کولیکه لری آلتنده برآز تعدیل ایتدکجه برشی یازمغه الم وارمیاجقدی . بوکونه قدر سکوتی اختیار ایتدم . فقط بوصوک مبجل تشبثی ده قاچیریر ایسه م سامی ایچین افکار عمومیه حضورنده برقاچ داملا یاش دوکمك وظیفه سندن ابدیاً محروم قالاچقمی آکلادم شو سطرلری قرالامغه جبر نفس ایتدم .

* *

سامینك آثاری ، حیات ادبیه سی ، قدرت علمیه سی حقنده واقفانه یازیلر ، نفیس نشیده لر یازلدی . هاله سلیمان شوکت بکک «ادبیات عمومیه» مجموعه سنده انتشار ایدن مقاله سی مرحومك بوتون ماهیت ادبیه سنی ، نمونه امثال اولاجق برطرز واسلوبده تحلیل ایلدی . یالکیز اومبارک ذاتک شمیدییه قدر تحلیل ایدله بن برروحیاتی قالدی . اومصنی ، او شایان دقت سوکیلی شفیق قلبک اینجه ، صمیمی تللرینه پك آز دوقونلادی . بنده سامی یی اوزون مدت پك یاقینندن طایمق نعمتنك بخش ایتدیکی صلاحیتله برآز بوجهلردن بحث ایده جکم : اونجیب روح تحلیل ایدیلرکن ، بنجه بوتون مزایاسنك اک قیمتلیسی اولان معصومیتندن باشلامق ایجاب ایدر . اوت ، اونك سعی ، فضلی ، عرفانی یاننده برده پك ملکانه عصمت وجدانی واردی . هر یوزینه باقانه اختیارلامش ، ییپرانمش چهره سنی بیله ، برچوجق کبی اوقشامق هوسنی ویرن ، بوصاف خصلتی اونکله برلکده دوغمش ، یاشی ایلریلدکجه تناقص ایتمش دکل ، بالعکس آرتمش ، دریندشمشدر . هرنه دنسه ، ضعف عد ایتدیکی بو حالنی کنیدیسی

دائما كيزله مك ، اورتمك ايستردى ؛ [زواللى سامى !] بن اونك اصيل روحنده كى بومعنايى
تفسير ايده جك بوندن كوزل برتعبير بوله ميورم ؛ محترم برپدرك تحت تربيه سنده كوردىكى فضله
اهتمام ، اونك روحنى قويو بر حجاب ايله ده معلول قيلمىشدى . شرقك اك يوكسك علامت اصالت
طائيدىنى ، بومجبوبيت ، سامينك سيماسنده ، صحبتنده ، هر حال و طورنده پك بارز بر حالده
كوريلوردى ، حق و حقيقت اوغرنده هر زمان مهيلى فوران دوران اوعالى ، فداكار ، قهرمان
قلى ، بودرجه مطيع ، اويصال ، حليم بر ظرف ، دائما شفيق و متبسم برسما آلتنده كيزله مك
موفقيتنى ، اومعند ، اوقيرماز حجابنه مديوندر .

زواللى سامى ، دنيا امللى ايچنده اك زياده عائله تشكيلة مجلوب ايدى . ناساز طاللى
بو آرزونك حصوله مانع اولمش ، ايكي دفعه ، صافيانه دويغولرله تشبث ايتدىكى تأهلدن اميدسز ،
ثمره سز بر حالده رجوعه مجبور اولمشدى . حالبوكه عائله اوجاغى اونك ايچين برمعبد وجدان ،
كوچك چوجقلر پرشعر حيات بر ربديعه محبت ايدىلر . سنه لرجه برلكده چيكنه ديكمز بروسه
سوقاقلرنده بوتون بو حسي ضعفلرني هر زمان كوستردى . معتادى وجهله ، بوتون حرارت
بيانيله دالدينى علمى وادبى مناقشه لر آره سنده يانمزدن برچوجق كچه مزدى كه ، مرحومك
نظر دقتنى جلب ايتسون ؛ مناسبت آلانلرني سور ؛ اوقشار ؛ باغرينه باصار ؛ بر قسمك ده
آرقه سندن حيران . مفتون بر نظره دالوب قالمادى يورويده مزدى . « نه جام سامى بك
هايدى . . . صكره . . . » ديه ايضايدىلنجه بر آرز شاشالار ؛ نجيبانه كولر ؛ بللى
ايتمك ايتدىكى حالده درين بر كوكس كچيرمديكه يولنه وسوزينه دوام ايده مزدى . بعضاده
كندينه خاص صوت واداسيله « نه ياپام ، كوچك چوجق كوردىمى . دايانه ميورم . . . » ديه افشاى
حسيات ايدردى .

طفوليته قارشى كوستردىكى بوشاعرانه ابتلا درجه سنده ؛ آوينده ده مربوطيتى واردى ؛
سما قدر صاف كوكلندن صميميت ؛ محبت ايچين انشعاع ايدن حساس تالرك هر برى خسران
ايله بوكولديكه ، همشيره لرى اوزرنده طويلانير ، يالكلر اونلرك قابنده نعمتشناس بيرر جاى
قبول بولوردى . مرحومده بوتون روحيله ، حسييله ، انسانى وظيفه لريله اونلرك اوزرينه
تتر ، اوراده ، اوت ، يالكلر او محرم محيطده ، بوى وفا ، بر آرز شمه تسلى دوياردى .
اوغلنك بوفطرى فدا كارلغنى البته بيلن [سليمان] پاشا قدر هيچ كيمسه كوزلرني مستريح
قيامامشدر . نيجه رقتلر ، شفقتلر ، محروميتلرله يپرانمش ، متوكالشمش ، قلمنده هيچ بر
تأثير ايله تعديل ايديله من بر عزى ، بروظيفه سى واردى كه اوده پدريتك عصمت وجدانى
نظر عالمده اثبات ايتك ، بو خصوصه دائر و ثائق طويلامق . عمرينك كتيخانه سندن ، كتابلرندن
آيرايلىدىكى بويوك بر قسمنى ، بومقدس وظيفه سى اوغرنده صرف ايتشدر . سامينك دالغين
نظرلى ملك رفتار چوجق تعقيب ايتيورسه مطلقا پدرينى دوشونور ، همشيره لرينه كوريله يور ،
صميمى ارقداشلرينه كولومسه ميورسه ، شهبه سز سليمان پاشا فلاكتته آغلاردى ؛ هر تأثيرى
تعديله مقتدر اولان زمان ، يالكلر سامينك كوز ياشارينه قارشى اظهار عجز ايتشدى .

مرحومى وفا كار مشغله لرى ، رقيق حسلى ؛ كتابلرى باخصوص بونلرك هپسندن
مؤثر ، ييرتلماز جبابى پراتيك حيات آدمى اوله بيلمكدن آلى قويوشدر . پاره قزاق ، دنيا
ماله اهميت ويرمك اونك هيچ خاطرينه كلن شيلردن دكلدى . سخاسنك افراطى اونى
ماده بويوك زيانلره بيله اوغرايمشدر . مملكتمزده خاطرى صاييلاجق درجه ده بر شروته
توارث ايتمش ايكن صوك زمانلرنده يالكلر معاشيله كچنمكه قاتلاناجق درجه يه كلشدى . اونك
ياننده ضرورت ايچين دو كولن ياشلر هيچ بروقت ثمره سز قورومامش ؛ مال و املاكنى
قطره قطره اريتمش ؛ توكتيمشدر .

کرم وسخاسنك درجه سنی آکلاتق ایچین آتیده کی وقعہ یی حکایہ ایتہ دن کچہ میہ جکم :
 ۳۱۶ تاریخلرنده معارف مفتشی ایدم . نصلسه برکون ایشسز قالدیغ دقیقه لرده نظارت
 قوریدورلرینی دولدیران اصحاب مراجعتک حالات روحیه لرینی تدقیق ایدیوردم . کوزیمه
 دیگرلرینه بکزمه یین ذکی ، کوچک برچوجق ایلشدی . یأسدن صارقش ایریلی اوفاقلی
 سیمالر آره سنده بو فطین چهره پارلیور ، مشکلاته اوغرادجه آرتان ، یوکسه لن براراده ،
 بزم محیطلره پک یابانچی برعزم کوستریوردی . آرتق نظریمی آندن آیرمق امکانی یوقدی ؛
 اوپولاد طینت بنی بر مقناطیس کی تایانه جذب ایتشدی . دها برکله صرف ایتہ دن مقصدی
 آکلادی ، متأثر فقط سلیس ؛ آقچی برافاده ایله حالی اکلادی . بش اولاد صاحبی
 معلول فقیر برپدرک اوغلی اولدینی حالده قباطاش اعدادیسنده برنجیلکله انتساب ایتدیکی صنفه
 محاناً قبول ایتیمورلردی . بودردینی نصلسه نظارتده ده کیسه یه آکلاتمامشدی . ایشی آکلادم ،
 درحال لازم کلن یرلره بنده مراجعت ایتدم ؛ بردرلو امکانی بولنه میوردی . اوائساده
 مرحوم ملیح سیاسیه کوزیمه ایلشدی ، درحال یانه قوشدم ؛ « سامی برآز شو طرفه کل ،
 سکا قوجه برمکتب دکر برچوجق کوستره جکم » دیدم . برقچ دقیقه آغرایشیدن قولاقلریله
 چوجنی دیکله نیجه اوده بنم کی عزم و فطانتک حیرانی اولدی . درحال بوصافی آرزونک اسعافنه
 چالشغه باشلادی . فقط ممکن دکل ، اوکون برایش کوریله میوردی . نهایت غنای قلبک
 یکانه استنادگاهنه مراجعت خاطرینه کلدی ؛ مستریخ کولومسه دی ؛ جیندن یکریمی لیرا
 چیقارارق بکا اوزاتدی . چوجنی حدیقه مشورته کتوروب لیلی قید ایتدیرمه می رجا ایلدی .
 اوکوندن اعتباراً مرحوم بوچوجنی عائله سی افرادندن قطعاً آیرمامش ، خاص اولادی کی
 معامله ایتشدر . چوجق برکون ده محمود شوکت پاشانک نظر دقتی ذکاسیه جلب ایتش ، مکتب
 حربیه یه نقل ایدلشدی . اوغرادینی هر لطفک شکرانی سعی و حسن خلقیه اوده مش اولان
 بو کوچک کمال ، او محیط جوالده ده کنسینی کوسترمش ، صنفک یینه آزوقته برنجیسی
 اولشدر .

سامینک رحم و شفقتی هیچ تعداد اولتمله بیترمی ؛ برکون مکتبمزه آرقه سنده قوجه ،
 مستعمل مرانغوز دستکاهی یوکل برحال ایله کلشدی . « بونه در سامی بک ؟ » دینجه « بن
 نه بیله میم ، شورادن کچرکن بر فقیر دوغراماچینک مالنک مزایده ایدلدیکنی کوردم . بوکون
 بش آلتی یوز غروشه آلمسی قابل اولیان دستکاه اوچ مجیدیه یه کیدیوردم . دایانه مدم ،
 آرتدیرمغه باشلادم . نهایت اوزرمده قالدی . بونی نه یاپاجغمی دوشبونمکه باشلانجه درحال
 سن و مکتبک خاطریه کلدی . آل ، عملیات خانه یه قوی ، البته برایشیکزه یاراز » دیدی .
 دستکاه الیوم مرجان سلطانیسی دمیر باش اشیاسی میاننده دورمقده ، خیرخواه آرقداشه
 وسیله رحمت اولمقده در .

حامد حسن جان بک ، هر زمان آکلادیر : « بروسه ده برآقشام بر معتاد سلیمان نظیف
 بکک اونده ایدک . بعض عقار و چفتاک آلیم صائیندن طولانی بویوچک پاره لردن بحث اولندی .
 بنده لطیفه ایله سوزه قارشق ، جریان کلامی خوش بر مجرایه دوکک ایچین [یا هوسز
 نه قدر بختیار آدمار سکیز ، بیکارجه لیرالر آغز کزدن معتاد بر استیناس ایله قایوب کیدیور ،
 حالبوکه بن بو یاشه کلدیکم حالده حالا جمده قرق ، الیسنی برآراده کورهمدم] دییش
 بولندم . طبیعی کولوشدک . فقط شمدی خاطر لایورم ، سامی دوشونیوردم ؛ ایرتسی صباح
 هنوز اویقوده ایکن (اوتل بروت) ک قارشوسنده کی دائره مک قپوسی شدتله اورلدی ،
 همان فرلادم . پنجره دن باقدم ، آ ، سامی کلش ! سبحان اه ، دیدم - قوشوب قپویی آچدم .
 « خیر اوله سامی بک ؟ » دیهرک صالونه آلدیم . اوبکا جواب بیله ویرمیور . متصل جیندن

زور ايله طيلمش بويوجك برپاكت چيقارمغه چالشيوردي ؛ نهايت موفق اولدي . درين
بركوكس كچيردكن صكره « آل حامد ، اقشام پك رقتمه دوقوندك ، سكا يوزليرا كتيردم »
ديمه سونمي ؟ بوغير منتظر حال قارشوسنده عادتآ آليقلاشدم ، اوصباح پاره سني تكرار كندينه
اعاده ايتك ، سوزك لطيفه دن بشقه برشيئه حمل ايدلك احتمالي اولديفني آ كلاتمق ايچين
ايجه يورولدم . ظن ايدرسهم برآزده جعلي حدت علامتي بيله كوسترمله مجبور اولدم .
ايسته سامينك رقتي ، دوستلرينه دوشكونلكي باخصوص سخا و مروتي ، مقاومت سوز
برابتلا ، غيرارادي برخسته لك درجه سنده ايدى . هله بركىمسه ده جزئي شمه علم و معرفت ،
سعيه و مملكته قارشى حب و مودت حس ايتسون . درحال اونك جان و كوكلدن دوستي اولور ،
خيروسلامتي اوغرنده راحت و حضوريني ترك ايدردى . سامينك بو مملكته ايتديكي خدمتلردن
برى ده فكر و مسلكدده كفو اولان ذواتي بربرينه طانماغه ميل ايدى . بوغيرتي يوزندن پك
مشكور مناسبتر ، صميميتلر حاصل اولمش ، خدمتلر ايدلشدر .

سامي ادبياته دها زياده متوجه اولديفني حالده فني ده هيچ اهل ايتز ، دائما آنكلده
توغلدن خالي قالمازدى ، بروسه ده ايكن نه وقت بكا كلك خاطرينه كلسه جيلرينه « ره وو
آنسيفلوپديك » دن ويا « له زانال » دن برقاج نسخه صوقوب برقاج جلد كتاب يوكلنمكدن
صكره يوله چيقمازدى . هيچ اونو تمام ، ره وو آنسيفلوپه ديكك اوزمانكي نسخه لرينك برنده
لغاتمه يرينه « ترييانكولر جدوللرينك استعمالى » محسناندن بحث ايديليوردي . مقاله ده
جدوللر ك نمونه سي و فضله معلومات اولديفندن مراقتي دفع ايچون كونلرجه اوغراشارق بر
كوچك ترييانكولر جدولى ميدانه كتيرمكجه يقه مي آلندن قورتارامدم . والحاصل علمه حرمت
و مراق زياده ايدى . فرانسزجه ني پك ايني بيلور ، انگليزجه ني ده آكلاردى ؛ ملي لسان
و ادبياتنه درين وقوفي ، هر شعبه علميه ده (آنسيفلوپه ديك) معلوماتي هر كسجه مسلم اولديفندن
بحثي اوزاتمى بيله زائد عد ايديورم .

اينانلر غرابتلردن دركه بو قدر عالي مزيتلر ، درين حسلر ، نورلى معرفتلرله مشبوع
اودولغون دماغى اداره ايدن روحى هر زمان برملك ، بر قوزى ، هيچ اولمازسه برچوجق
قدر هر نوع شائبه لوئدن آزاده قالمشدى . عيىن ايده بيليرمه كه كندندن اول وفات ايدن بعض
ارقداشلرينه اقبالري بيله سامي قدر جاندين آجيوب آغلايامازدى . بويوك توفيق فكريتك
وفاتندن صكره سامينك يوزى كوله مش ، ياشى قوروماشدر .

سامي روحاً ، نسلاً ، دينا هر زمان بو مملكتك حقيقي آدمى قالمش ، غربك محيط
عرفانه دالان كوزلري صافيت ايماني اصلا غائب ايمه مشدر .

كلال ويرمه مك ايچين سامينك دها نيجه معزز خاطراتي ايله مالى اولان ماضيى آرتق
فضله قارشديرمياچم ، ارباب مطالعه يي مرحومه برلكده بر فاتحه اتحافنه دعوت ايدمرك
سوزى كسيورم .

۹ تشرين ثاني سنه ۳۴۳

عبدالفياض توفيق





هو الموت لا يبقى من الناس باقيا

وما ان ارى حيا له الله واقيا

قضى الموت ان لا يبقى بتميمة

ولا هارب يلقى من الموت ناجيا

فذاك سليمان ، ونوح ، وادم

واجهد كل جاءه الموت داعيا

وافنى ملوكا ، ثم بأسا وقوة

فلم يبق ذا امر ، ولم يبق ناهيا

ولم يبق ذا علم ، ولم يبق ذا غنى

ولم يبق جبارا ولم يبق طاغيا

وصال علينا حاملا كل غيظه

فهد من الاطواد ما كان راسيا

دهانا فلم يترك لنا بعد ما دها

امانا ، ولا للشامتين امانيا

بدي ناشبا بالشعر فابتز (فكرة)

وعاد على الاخلاق فاستل (ساميا)

عظيمين لا تحوى الصدور سواها

اذا عقد الاقوام للبحث ناديا

فهذا الذي قد كان للحق ناصرا
وذاك الذي قد كان للعلم حاميا
فلولا يراع الشهم (توفيق فكرة)
لما جاء بيت الشعر للشعر حاويا
ولولا (أبو الخيزات) ما عاش بالأس
ولابات ذوهم عن الهم ساليا
فمن ذا الذي أبقيته بديارنا
— اذا ضلت الآراء — يا موت كافيا؟!

* *

فيا (ساميا) أبكيت كل نجيعة
وكل ابن أشي لا يعين اليواكيا
فقد نابك الإخلاق ، والعام والحمي
جميعاً ، كما أنا فقدنا المعاليا
لقد كنت يا (سامي) اماماً وحجة
وقد كنت مهدياً ، وقد كنت هاديا
وقد كنت برأ باليتامي وراحماً
محبباً الى الخيرات فينا ، وداعياً
وقد كنت بالبأساء خير مجاهد
ترد به البلوى غنيا وعافيا
يهمك شأن الناس طراً كما بما
ولدت جميع الناس برأ ، وجافيا

رَوْفًا ، رَحِيمًا مَا أَصَابَتْ مُصِيبَةٌ
أَنَا شَجَنٍ إِلَّا وَكُنْتُ الْمُوَاسِيَا
وَلِلنُّكْرِ ، وَالْحُلُقِ الدِّمِيمِ ، وَلِلخَنَا
أَبَى اللَّهِ إِلَّا أَنْ تَكُونَ مُعَادِيَا
وَكُنْتَ تَلَبِّيكَ الْعَلَى فِي سَمَائِهَا
وَتَحْتُوْهُ أَحْتَرَامًا حَيْثُ كُنْتَ جَائِيَا
فَلَمَّا نَعَتْكَ النَّاعِيَاتُ تَحَجَّبَتْ
وَلَمْ تَبْدُ إِلَّا أَنْ تَعِينِ النُّوَاعِيَا
فَطَوَّرَا أَعْزَظَهَا وَأَعْلَمُ مَا بِهَا
وَطَوَّرَا تَعَزَّيْنِي وَتَعْلَمُ مَا بِيَا
وَصَبَرْتُ نَفْسِي خِيفَةً وَتَجَلَّدَا
وَلَوْلَا عِقَابُ اللَّهِ أَصْبَحْتُ عَاصِيَا

عَلِمْتُ بِأَمْرَاضِ الْقُلُوبِ مُشَخَّصًا
لَهَا كُلَّ تَشْخِصٍ فَكُنْتُ الْمَدَاوِيَا
وَحَارَبْتُ بِالْأَقْلَامِ كُلَّ رَزِيَّةٍ
فَأَصْبَحْتُ بِالْعَقْبَى شَهِيدًا وَغَازِيَا
وَحَلَلْتُ أَسْرَارَ الطَّيْعَةِ كَاشِفًا
دَقَائِقَ كَانَتْ قَبْلَ ذَلِكَ خَوَافِيَا
وَعُدْتُ عَلَى الْآدَابِ ، وَالشَّعْرِ نَاهِيَا
مَنَاهِجَ غُرَا بَلَّغْتَنَا الْمَرَاقِيَا

وَكَاثُ تُنَاغِيكَ الْبَدَايِعُ حَيْثَا
خَطَوْتَ بِهَذَا الْكَوْنِ سَهْلًا ، وَوَادِيَا
فَتَوْحَى إِلَيْكَ الشَّعْرَ حَسَنًا مَجَسَّمًا
فَتَلْبِسُهُ ثَوْبًا مِنْ الدَّرِّ ضَافِيَا
فَلَمْ أَرِ الْفَاطَا تَمِيسُ كَوَاعِبَا
وَلَمْ أَرِ حَسَنًا قَسَمُودَ مَعَانِيَا

لِذَلِكَ أَنْ بَادَرْتَ وَصَفَ حَقِيقَةٍ
سَبَقَتْ بِذَلِكَ الْوَصْفِ مَنْ كَانَ رَأْيَا
تَصَوَّرَ لِلْعَيْنَيْنِ - أَنْ شِئْتَ - لَوْعَةً
وَأَنْ شِئْتَ دَمْعًا ، أَوْ يَتِيمًا ، وَعَانِيَا
فَتَجْذِبُ نَحْوَ الشَّعْرِ مَنْ كَانَ مَعْرِضًا
عَنِ الشَّعْرِ لَا يَهْدِي ، وَمَنْ كَانَ وَاعِيَا
أَرَى النَّاسَ صَرَخِي حَوْلَ شَعْرِكَ سُجْدًا
يَنُوحُونَ مَرثِيًا لَدَيْهِمْ ، وَرَأْيَا
وَمَثَلَتْ فِي تِلْكَ الْمَعَانِي خَلَائِقًا
طَلَعْنَ شُمُوسًا ، وَانْتَضَمْنَ دَرَارِيَا
خَلَائِقَ لَوْ أَنَّ الْمَعَالِيَ تَهْتَدِي
إِلَيْهَا لَكَانَتْ لِلْمَعَالِي مَعَالِيَا
خَلَائِقَ جَاءَ الدِّينُ فِيهَا مُبَشِّرَا
وَنَاهِيكَ بِالْدِّينِ الْخَفِيفِ هَادِيَا

وَلَوْ كُنْتَ تَهْجُو كَانَ هَجْوُكَ حَكْمَةً

وَلَكِنْ مِنَ الْأَخْلَاقِ مَا كُنْتَ هَاجِيًا

فَوَاحِزِي وَالشَّعْرُ بِعَدِّكَ نَجْمَةٌ

بِأَفَاقِنَا - وَيَلَاءُ - أَصْبَحَ هَاوِيًا

وَلَمَّا رَأَيْتَ النَّاسَ ضَلَّتْ عَقُولُهُمْ

وَكَلَّا بِهَذَا الْقَرْنِ أَصْبَحَ بَاجِيًا

وَأَنَّ دِمَاءَ النَّاسِ شَرْقًا ، وَمَغْرِبًا

تُرَاقُ بِلَا أَثَمٍ ، وَلَمْ تَرَ نَاحِيًا

وَلَمْ تَرَ مِنْ تِلْكَ الْعُلُومِ زَوَاجِرًا

وَلَا مِنْ دُعَاةِ الْحَقِّ لِلْحَقِّ دَاعِيًا

وَلَا الْمَوْتَ يَتَنِيهِمْ ، وَلَا الدِّينَ حَاجِزًا ،

وَلَا صَارِمَ غَضَبٍ يَرُدُّ الدَّوَاحِيَا

وَضَاقَ عَلَى الْمَرْءِ الْمَضَاءُ فَلَمْ يَجِدْ

لَهُ مَهْرَبًا كَيْمَا يَعِيشَ مُصَافِيًا

وَفِي الْجَوِّ ، أَوْ قَعْرِ الْبَحَارِ ، وَفِي الثَّرَى

إِذَا مَا احْتَمَى لَاقَى الرَّدَى ، وَالرَّوَامِيَا

وَمَا أَبَقْتَ الْأَيَّامُ - يَا وَيْحَهَا - لَنَا

كَهَوْلًا ، وَلَا أَبَقْتَ لَدَيْنَا ذَرَارِيَا

سَمِّتَ مِنَ الدُّنْيَا جَمِيعًا ، وَاهْلِيهَا

وَعَادَرْتَ هَذَا الْعَيْشَ لِلَّهِ غَادِيَا

وَلَوْ كَانَ عَقْلُ النَّاسِ لِلنَّاسِ هَادِيًا
 لَمَا كَانَ بَعْضُ النَّاسِ لِلنَّاسِ مَاحِيًا
 وَأَنْتَ الَّذِي أَعْرَضْتَ عَنْ كُلِّ مُنْكَرٍ
 فَاصْبَحْتَ لِلْمَوْتِ الْمَفْرُقِ دَاعِيًا
 رَضِيتَ مِنَ الدُّنْيَا بِثَوْبٍ وَلُصْمَةٍ
 وَغَيْرِكَ مَهْمَا نَالَ لَمْ يَكُ رَاضِيًا
 خَرَجْتَ مِنَ الدُّنْيَا نَقِيًّا ، مُطَهَّرًا
 تَحْفَ بِكَ الْبُشْرَى كَمَا كُنْتَ جَائِيًا
 تَسَاوَى لَدَيْنَا بَعْدَ دَفْنِكَ فِي الثَّرَى
 مِنَ النَّاسِ مَنْ يُنْعَى رَخِيصًا وَغَالِيًا

*
 **

تُحِيرُكَ التَّارِيخُ مِنْ نَسْلِ آدَمِ
 - لَصَدَقَكَ بِالْأَخْبَارِ - شَيْخًا وَرَاوِيًا
 فَكَانَتْ تُبَارِكُ الْحَقِيقَةُ دَائِمًا
 فَهَلْ كُنْتَ فِي حِجْرِ الْحَقِيقَةِ رَابِيًا ؟
 تَزَهَّتْ عَنْ سَمْعِ الْحَنَاءِ وَلَكَ الْهَنَاءُ
 تَجَوَّتَ وَمَا إِنْ كَانَ غَيْرُكَ نَاجِيًا
 تُصِيبُ إِذَا مَا كُنْتَ تَرْمِي لِحَاجَةً
 وَلَسْتَ إِلَى غَيْرِ الْمَكَارِمِ رَامِيًا
 تُطَاطَأُ عِنْدَ الْحَقِّ رَأْسُكَ مَثَلَمَا
 تُغْذَمِرُ إِنْ شَاهَدْتَ أَمْرًا مُنَافِيًا

يَهَابِكَ مِنْ يَلْقَاكَ كَهْلًا ، وَيَافِعًا
وَشَيْخًا ، وَذَاحِلًا ، وَغِرًّا ، وَغَاوِيَا
تَنَازَعَتِ الْأَقْوَامُ فِيكَ كَأَنَّمَا
لِكُلِّ مِنَ الْأَقْوَامِ قَدْ كُنْتَ حَامِيَا
لَكَ التُّرْكُ ، وَالْأَعْجَامُ ، وَالْعَرَبُ ، وَالْوَرَى
جَمِيعًا لَقَدْ أَضْحَوْا خَلِيلًا مُوَالِيَا
يَحِقُّ - يَمِينًا - عِنْدَ فَقْدِكَ أَتَى
أَشَقُّ فُؤَادِي لَا أَشَقُّ رِدَائِيَا
بِكَيْتِكَ مَلْهُوفًا وَحَقٌّ لِي الْبُكَاءُ
وَلَسْتُ عَلَى مَيِّتٍ مِنَ النَّاسِ بِأَكْيَا
بِكَيْتِكَ أَسْتَادًا خَيْرًا ، وَصَاحِبًا
غَيْرُورًا ، وَشَهْمًا فِي الْمُلَمَّاتِ وَافِيَا
أَقْلَبُ طَرْفِي فِي الْأَنَامِ فَلَمْ أَجِدْ
لِشَخْصِكَ فِي تِلْكَ الْمَنَاقِبِ ثَانِيَا
رَجَحْتُ بَنِي الدُّنْيَا وَفَاءً وَعِفَّةً ،
وَعَزْمًا ، وَأَقْدَامًا يَدُكَ الرُّوَاسِيَا
فَلَوْ أَنَّنَا قَسْنَا بِشَخْصِكَ ذَا الْوَرَى
لَكُنْتَ لِذَاكَ الْكُلِّ فَرْدًا مُسَاوِيَا
وَلَوْ كُنْتَ تُقْدَى بِالنَّفُوسِ ، وَبِالْغَنَى
فَدَيْتُكَ يَا (سَامِي) بِنَفْسِي ، وَمَالِيَا

وَلَكِنْ قَضَىٰ ذُو الْعَرْشِ أَنَكْ مَيِّتٌ
وَلَا دَافِعٌ يُلْفَىٰ لِمَا كَانَ قَاضِيَا

أَنْتَنِي لَكَ الْفَضْلَ الْعَظِيمَ وَلَمْ نَجِدْ
سِوَى فَضْلِكَ السَّامِي عَلَى النَّاسِ بَاقِيَا ؟
كَأَنِّي أَرَىٰ فِي كُلِّ شَخْصٍ نَظْرَتَهُ
بَعِيْنِي شَخْصًا مِنْ مَعَالِيكَ نَاعِيَا
فَاطْرُقُ أَجْلَالَا ، وَارْسِلْ أَدْمَعَا ،
وَأَسْكُو مِنْ الْبَلَوَى ، وَأُمْلِي الْمَرَاثِيَا
وَسَوَدَتْ فِيكَ الصُّحُفُ ، وَالْعِيدُ شَاهِدٌ
عَلَىَّ أَنِّي سَوَدْتُ فِيكَ نَهَارِيَا
وَمَا إِنْ أَرَىٰ لِلْعِيدِ مَاعِشَتٌ - عَوْدَةً
تَعِيدُ زَمَانَ اللَّهِوْ بَعْدَكَ ثَانِيَا
لَقَدْ كُنْتُ مَصْبَاحًا بِكُلِّ مَضَلَّةٍ
وَكُنْتُ عَلَى الْبَاغِي حُسَامًا يَمَانِيَا
فَقَدْنَاكَ فَقَدَ الرَّاضِعَاتِ مِنَ الْحَيَا
سَوَارِي وَبَلٍ تَارَةً ، وَغَوَادِيَا
وَرِيَا تُرَوِّي الْعُودَ كُنْتُ بِأَرْضِنَا
فَلَمَّا اسْتَوَى أَمْسَى بِفَقْدِكَ ذَاوِيَا
وَمَا إِنْ فَقَدْنَا يَا (نَسِيبُ) أَخَا عَلَى
وَلَكِنْ فَقَدْنَا أُمَّةً ، وَأَعَالِيَا

قَتَلْتَ دِيَارَ الْعِلْمِ بَعْدَكَ أَفْقَرْتُ
 وَتَلَكَ رَبُّوعَ الْمَجْدِ أَمْسَتْ خَوَالِيَا
 وَكَيْفَ أَسْلَى النَّفْسَ بَعْدَكَ وَالْأَسَى
 يَلَا حِظَنِي مِنْ حَيْثَا كُنْتُ مَاضِيَا
 فَيَا نَاعِيَا رَفَقَا بِنَا : إِنْ نَعِيهِ
 يَهْدِمُ رُكْنًا لِلْمَعَارِفِ عَالِيَا
 وَلَمْ أَدْرِ هَلْ أَبْكِي الْمَعَاهِدَ ، وَالتَّقَى ؟
 أَمْ الْخَيْرَ ؟ أَمْ أَبْكِي الْعُلَا ، وَالْمَسَاعِيَا ؟
 أَمْ الشَّعْبَ ؟ أَمْ - يَاعَيْنُ - أَبْكِي شَقِيقَةَ
 بِهِ فَقَدْتُ - وَيَلِي - وَلِيَا ، وَوَالِيَا

وَيَا بَانِيَا لِلْقَوْمِ بَيْتًا مُصَنَّدًا
 تَدَاعَتْ أَوَاسِيهِ فِدَيْتِكَ بَانِيَا !
 أَجْمَعُنَا يَوْمًا - وَهِيَهَاتَ - جَامِعُ ؟
 فَالْتَمُّ كَفَا عَلِمَتْنِي الْمَعَالِيَا
 وَفِي الْخَشْرِ هَلْ الْقَاكَ ؟ - يَا خَلُّ - أَنِّي
 أَحَاذِرُ يَوْمَ الْخَشْرِ أَنْ لَا تَلْقَا
 وَهَلْ عَالَمُ الْأَرْوَاحِ يَجْمَعُ بَيْنَنَا ؟
 فَتَحَبَّرْنَا : أَنْ الْحَقَائِقَ مَا هِيَ ؟
 فَقَدْ ضَاقَ صَدْرِي عَنْ أَحَادِيثِ لَمْ أَجِدْ
 سِوَاكَ إِلَيْهَا فِي الْبَرِيَّةِ صَاعِيَا

أَحَادِيثُ أَيَّامٍ خَلَقْنَ بِلا ضُحَى
فَمَرَّتْ طَوَالاً كُلَّهِنَّ لَيَالِيَا
أَحَادِيثُ تَمْلِيهَا عَلَى مَنْ أَلَدَمَا
جَنَائِيَاتُ أَقْوَامٍ مَلَأْنَ الْفِيَا
أَحَادِيثُ شَقَى عَنْ جَرَائِمِ سَوَدَتْ
وُجُوهُ بَنِي الدُّنْيَا خَيْشاً وَزَاكِياً
أَحَادِيثُ عَنْ عَصْرِ التَّمَدُّنِ ذَكَرَتْ
بِتَارِيخِ أَعْصَارِ التَّوَحُّشِ نَاسِيَا
أَحَادِيثُ دَهْرٍ كُلَّهِنَّ مَصَائِبُ
نَشَرْنَ فَلَمْ يَخْلُقْ لَهَا اللَّهُ طَاوِيَا
أَحَادِيثُ أَوْطَانِي ، وَاهْلِي ، وَعِزِّي
وَأَبْنَاءِ نَوْعِي ، ثُمَّ نَفْسِي ، وَمَالِيَا
أَحَادِيثُ أَرْضٍ مَارَضِيَتْ بِغَيْرِهَا
مَقِيلًا ، وَلَاعَنْ أَهْلَهَا كُنْتُ سَالِيَا
عَرَفْتُ الْهَوَى فِيهَا ، وَعَانَقْتُ ظِلَّهَا
وَقَضَيْتُ أَوْطَارِي بِهَا ، وَشَبَابِيَا
أَحَادِيثُ عَنْ وَادِي الْفُرَاتِ ، وَدِجْلَةِ
وَمَنْ ذَا رَأَى - قُلِّي - كَدِجْلَةِ وَادِيَا
سَمِ الصَّبَا مَاهِبٍ فِي جَنَابَتِهِ
رَأَيْتُ نَعِيمًا فِي الْجَوَانِبِ جَدِيَا

وَمَنْ ذَا الَّذِي يَنْسَى الرِّصَافَةَ ، وَالْمَهَا ؟
وَيَنْسَى شَذَا جَنَاتِهَا ، وَالْمَغَانِيَا ؟
فَلْيَكْبِدْ حَرَّى إِذَا مَا ذَكَرَتْهَا
وَطَرْفَ مَتَى نَبَهَتْهُ كَانَ دَامِيَا
بِلَادِي أَرَاهَا فِي الْبِلَادِ عَزِيزَةً
وَلَا أَرْتَضِي فِي الْعَيْشِ إِلَّا بِلَادِيَا
فَهَلْ أَنْتَ مُصْغٍ لِلْحَدِيثِ وَلِلنَّدَا ؟
كَمَا كُنْتَ تُصْنَعِي ، أَوْ تُحْيِي نَدَائِيَا ؟
أَمْ أَسْتَأْ ذَاكَ الْقَلْبُ مِنَّا فَلَمْ تَرَمْ
لِقَاءَ بَنِي الدُّنْيَا بَعِيدًا وَدَانِيَا
وَهَلْ أَنْتَ سَالِ اخْوَةَ مَا تَرَكْتَهُمْ ،
وَلَا عِشْتَ يَوْمًا عَنْهُمْ قَطُّ سَالِيَا ؟
أَجِبْنِي ! فَأَنِّي قَدْ عَهْدْتُكَ دَائِمًا
تُحْيِي أَخَا الْبَلَوَى قَرِيبًا ، وَنَائِيَا

يَعِزُّ عَلَى الْإِخْوَانِ تُخْشَى بِأَعْبَرِ
فَتَصْبِحُ فِي خَطِّ مَنْ الْأَرْضِ بِأَلِيَا
فِيَا قَبْرَهُ بِاللَّهِ رَفَقًا بِنَعْشِهِ
فَقَدْ كَانَ هَذَا النِّعْشُ لِلْحَقِّ هَادِيَا
أَيُّبِي الثَّرَى كَفًّا عَهْدَتْ بِنَانِيَا
إِذَا اسْتَجِدَّتْ أَحْيَتْ عِظَامًا بِوَالِيَا ؟

وَصَدْرًا حَوَىٰ عِلْمًا ، وَفَضْلًا ، وَحِكْمَةً

وَنَفْسًا أَبَتْ فِي الْمَجْدِ إِلَّا التَّنَاهِيَا

نَعَمْ ، هَذِهِ الدُّنْيَا حَيَاةٌ مَعَارَةٌ

وَلَا بُدَّ يَوْمًا أَنْ تَرُدَّ الْعَوَارِيَا

فَلَا تَتَّبِعَنَّ إِنَّ الْمَكَارِمَ خَلَدَتْ

لَكَ الذِّكْرُ فِي التَّارِيخِ مَا كَانَ بَاقِيَا

وَمَا مَاتَ مَنْ أَلْقَى الْحَمْدَ بَعْدَهُ

يَذْكُرْنَ أَيَّامًا بِهِ وَلِيَالِيَا

أَعَزَّى بِكَ الْأَقْلَامُ ، وَالصُّحُفُ ، وَالنُّهَى

وَارْجِعْ مَكْرُوبًا أَعَزَّى الْقَوَافِيَا

فَصَبْرًا جَمِيلًا أَيُّهَا الشَّعْبُ : أَنْ ذَا

مُصَابٍ بِهِ قَدْ خَابَ مَا كُنْتَ رَاجِيَا

هَلُمَّ بِنَا يَا شَعْبُ ! نَجْمَعُ شَتَاتِنَا

وَنَاسُوا قُرُوحًا فِي الضَّمِيرِ دَوَامِيَا

فَإِلَا مَنَا شَتَى ، وَوَقْتُكَ ضَيِّقُ

وَمَا ضَلَّ مِنْ - يَا شَعْبُ - شَرٌّ سَاعِيَا


عَلَيْكَ سَلَامُ اللَّهِ يَا قَبْرِ ! كَلِّمَا

عَلَا الْغَضْنَ قُرَى وَغُرْدَ بَاكِمَا

شيشلي ، ١٢ صفر ١٣٣٦

فهمي المدرس





سليمان پاشا زاده سامی بك مرحوم ايچون

غالباً ۳۲۵ اوخرانده ایدی، سليمان نظيف بکی بصره واليلکنه تشيع ايچون واپوره کيتمشدم . واپوره تشيعه کلن يوکسک سيالر مياننده طانيه ماديلم بر تک سياه واردی . اويله برسيماکه اک مردمکريز قىلبره ، اک يابانجى نظرلره بيايه القاي حرمت ايدهجک صورته مونس ونورانی . کيمدر ديه صوردم ، سادجه سامی بك ديديلر - بو قدرجق برايضاحله دفع مراق ايدهميوردم . چونکه کنديلرينه قارشى حرمتکارانه اکیلمش باشرك ، مشتاقانه اوزاتيلان آلرک فاقيت وتعددينى کورونجه هر حالده ، دييوردم ، بو پک محترم بر ذات اولاجق ، هر کس طرفندن بو درجه سويلن بر ذاتک اسمنه آفاق شوئنده پکده صيق تصادف ايدهميشمی يامستعار نامله ياخود آنويم بر روحله يشامش اولماسنه حمل ايتدم . مع مافيه بو آرهلق نظيف بکک لطف دلالتلريه پرهزانه ايدلم . او تاريخدن اعتباراً استانبولده بولندجه مشاراليهک دامن فيضى ، طشرهيه چيقدجه خيال فضيلتنى تعقيبدن کيرى طورمزدم . اوندن آلديلم انسانلق قوقوسيله شمدييه قدر شامه روحم آلوده در .

* *

تشرفدن هنوز چوق زمان کچمه مشدی . بر سبيله قضا زده اولدم ، اوله که موجوديت حال واستقبالم بر تزلزل معنوی ايله صارصلمشدی . کيفيتدن خبردار اولونجه قوجه انسان درحال رياست ايتديکی مجلسی ترکله مسئلهده علاقه دار سابق حربيه مستشارينه ، دوكتور عدنان بکه بالذات قوشدی . برات تخلصمی آيله امضالاتيروب يدمه ويردى وبنده سايه سنده دوكتور چيقدم . کيم بيلير بنم کبی قاچ بيک طلبه نك ، ملتجينك شفيع و خلاصکاری اولشدر . جينده قرق غروش بولنورسه نصفی بهمه حال بريتمی يا مکتب صنايعه يا ديگر بر مؤسسه يه مجاناً قيد ايچون آراهه اجرتنه صرف ايدردی . هله فضلى پاشايه طاشندقدن صکره بر کون اولسون کنديسنى کندى ايشيله مشغول کورهمدم . صاحبلرينى تعب فضيلته اغارتديغنه شبهم يوقدر . اونک نسباً اولديغى قدر حساده ناصل يوکسک يارادلديغنى آکلامق ، آکلامق ايچون اوصاف مالکيتی کوز اوکنه کتيرمک لازمدر . بن مرحوم حقنده بر غزته مقاله سى يازمقله نه نظمين تأثر نه ده تأديه دين ايده بيليرم . آنجق ناملرينه اتخافاً حاضر لاديلم « تربيه استقلال » اثرى طبعه موفق اولورسه هم بر درجه کنديمى متسلى ايده بيليرم ظننده يم . اثرى برى تصحيح کنديلرينه تقديم ايتديکم زمان « پکی کوزدن کچيره يم ، فقط اسمى يازمه ، صکره داريليرم » يولو عتابده بولنديلر . عتابنده بيله بر خطاب صميميت محسوس اولان مرحومک

بودرجه محب فضيلت ، نجيب ، متواضع ، بر او قدردانه مفتون بدايع اوليشنى - چكهمينلر -
 حال مرضى عد ايك ايسترلردى ، تهوت انسانلغك كندينه مخصوص اويله بر ذوقى واركه
 اوندن ذائقه دار اولانلره بهضاً جنت مقدسه كلز دكل ، لكن مشاراليه كنديلرينى پك او
 قدر افراطه قاپديروبده محالات وغير ممكناتله اوغراشمازدى . بو سبيله جنت مقدسه وصفى
 كندى حقلرنده وارد اولاماز .

*
* *

مبارك سيالرينه بو صوك سنه لرده آثار ضعف وفتور عارض اولغه باشلامشدى .
 بونى كنديلرى ده حس واعتراف ايدىورلردى . اوفى اختيارلاتان بر جهت واردى :
 انانيتك انسانيته غلبه سى ، جدالك فلاكتى . اونك حساس ، آلتون قلبى بو آتشلره دايانه مدى ،
 اريدى .

*
* *

فكرت ، شعيب ، سامى آره سنده بعض نقطه دن بر قرابت ذهنيه موجود اولدنى ادعا
 اولنه بيلير . چونكه هراوچنى ده بشريت مضطربه ايچون عيى حيله ، عيى سسيله كرچكدن آغلار
 كورردم . نه حزين برتجلى كه بوكون هراوچى ده تراب و سراب اولدى .


*
* *

سامى بك كى برولى انسانيتى اونوتمق ، غيبوتنى بر نسخه مخصوصه نشريله كچيشديرمك كافى
 دكلدر . مرحومك مسلك و خيالى نظر اخلافة ياشاته جق بر آبدنه انشاسى لازمدر . انسانيت
 نامنه يايلاه جق بويله بر تشبثك بر خدمت وطنيه و بروظيفه وجدانيه اولاجفنه قائم .

۹ تشرين ثانى ۹۱۷ ديار بكر بلديه دوكتورى

فؤاد ابراهيم





مرحوم سامى بك

سامى بك ده فکرت گېي ايچمزدده اصل اولد کدن صوگرا ياشامايه باشلايانلردن بريدر . امينم که فکرتک بلند پايه سنى حقنده کي نشريات وتظاھراتي گورد کدن صوگرا ادراك ايدە بيلنلر اولديغي گېي سامى بگک الماس قلبي ، يوکسک روحى ده آنجاق بوقيل نشريات ايله طانيه جقلر بولونه جقدر .

بويوک نامق کمالک وفاتى اوزمانک مطبوعاتی « ردوس متصرفى کمالک دوچار اولديغي خسته لقدن رهاياب اولامايه رق ارتحال داربقا ايلمشدر » طرزنده نقل واعلان ايتمشلردى . اوزمان چوجوق عد اولونه جق برسندە بولونديغم حالده کمالک پرستشکاري اولمق صفتيله بوحادثه بنى کمالک وفاتندن زياده متأثر ايتمش ايدى . داه صوگرالرى « اسحق سکوتى » نك اوروپاده ، « اسماعيل صفا » نك سيواسده کي منافسندە وفاتندن بالطبع هيچ بحث اولونمادى . ياشايان اولولرى ايچين اغزىنى آچامايان بوملت ، اولدوريلن عزت نفسى ، غصب اولنسان حقوقى ، چيکنەن حرىتى ايچين ده ، دياسنزدى . بويوک اولولرمزك ايچمزدده گزەجک خيالتلرني بيله قيصقانان اومشؤم گونلرک بزدن گيتدکجه اوزاقلاشدیغنى گورمکله متسلى اولاد بيليرز . فقط بوقادارى کافيمى ؟ فکرتى ، سامى بکى بوندن صوگرا کيم گيدوب ده مزارلرنده زيارت ايدە بيلير ؟ ايوبک او نهايتسز مزارلرى ومزارلقلرى آردسندە بووجودلرى اورتن طويراغى ، حتى کنديلرني اوابديت قاپيسنه قادار تشييع ايدنلر بيله ، بولابيله جکلرميدر ؟ گوگل ايسته يورکه بزمده بر « يانتەاون » مز اولسون . قبه سى (۸۰) متره ارتفاعنده اولامايه جقمش ، ضررى يوق . اک بويوک رساملرک ، فيرچه لريده تزيين ايديله ميه جقمش ، ضررى يوق . فقط اوزرنده شو عباره گورولسون :

« ملتک بويوک اولولرينه وطنک شکرانيدر ! »

ايسته اوزمان اوراسى ؛ قبه سنده ، ديوارلرنده قوجه بر ملتک دورادور شکرانلرى

عكس ايدن اولو بر معبد كې، سزى جذب ايدر و سزى محاط اولديغى بويوك روحلار
حضور مغويتمده قلى دعالرله اونلرى تغزير ايتىك احتياجنى دها آي دويارسىگىز .
سامى بىكله ايلك دفعه اوله رق بوندىن دوقوز سنه اول رادوسده طائيشمشدق .
گولهرىك وباشنى صاللايدىق « وای سز صفانك قارده شيميسىگىز ؟ » ديدىكى زمان
حالىده اويله بر ممنونيت واردى كه بوندىن آغابىكى نه قدار سودىكى آكلامق بىم
ايچىن قابل اولدىغى گىي اومچىدىن بويوك بر حصه ارشيه ده بىكا دوشه جىكى استدلال
ايتىك كوچ دىكلى . صوگرالى آكلام كه اونك قلى دىيانك بوتون انسانلرینه
قابل تقسيم اولاجق قدار بويوك، محبتى اوقيانوسلر گىي دهرين ومحيط، سهار گىي
صاف وجهانشمولدر .

طائيشمه مزىك اسكى دىگلسه ده كندىسىنى پىك اىي طائىق ايچىن دوشن فرصتلىر
چوقدى . اول « جمعيت تدريسيه اسلاميه » هيتت تدريسيه سىنده ، صوگرالى
« مى تعليم و تربيه جمعيتى » هيتت اداره سىنده هر هفته بولوشور ، بىركده چالشيىردق .
سنه لرحه دوام ايدىن بواسبوعى ملاقاتلر مزى آرامزده كى معارفه يى ماضى يه دوشورده
سنه لرحه اوزاته بيله جىك بر ماهيتى حائزدى . ذاتاً روحلر آراسىنده ازلى معارفه لىر
حاصل اولدقن صوگرا ، بزم دنيا مزله كوشك مناسبت دوريه لرىدن چىقان ،
زمان مقىاسلرىنىك نه حكىمى قالىر ؟

شبهه سز بر چوقلىرى گىي بىن ده سامى بىگدىن اول « سالىمان نسيب » ى طائيدىم .
وسامى بىكى طائيدىغى زمان اونده اك اول ارادىغى شى سالىمان نسيبده بولدىغى حساس
ورقيق شاعر اولدى . ارادىغى شاعرى بولدىم و اوقادار داعيه سز بولدىم كه محويتىك
بودرجه سى « سالىمان نسيب » لك شهرته نقيصه و ىرمىك لازم كليركن اونى دها
نزىه ، دها علوى بر پايه يه اصعاد ايتدى . ساده شاعر دىك ، سنه لىر كچدىكه اونده
قوتلى بر تربيه جى ، متفكر بر مورالىست ده بولدىم . ايشته سامى بك آرى آرى
برر قيمته صاحب اولان بواوچ شخصيتىك بر محصله امتزاجى ايدى .

شعر لرىنده سودالرىنى ترنم ايدىر كن عصمت و بىكارىك بوازلى محكومنى آدىم
آدىم تعقيب ايدى بىليرسىگىز . او ، شىبانىك هىچ سونمه ين آتشى ، وتسكىن
ايدىمدىكى عطشىله قوشار قوشار ، فقط ايچه بيله جىكى براق صولرىك ياننده بى قدرت
دوشونجه دهرين دهرين اىكلردى . بوايىكلىلر هب برر گزیده شعر اولدى .

تربيه نىك كتاب ساحه سندن يعنى لاف وكذاف حالندن چيقه رق اعتياد حالنده
برلشديريله سى وفكرىك عملى مشاغله اسير ايدىلدىك ضرورى بر تربيه مواجهه سىنده
بولوندىرولماسى كىي فكرلرىنى تطبيقات وادىسندى كورمىك ايچون ناصل ديدىنير
وچيرپىنيردى . هله بواسلره بر طرفدىن دوقونولسون ! اوزمان اودائىي حلميت

و محویت ایچندن متهور بر شخصیتك فورانی گورولور . متواضع سسك اهتزازاتی
 دائماً گوز یاشری صاقلاركن ، باقارسكنز بردنبره اوسس قورو بر طلاقته یو كسلمهیه
 باشلار . فقط نه غریبدركه هر كسك حدتی مخاطبندده بر عكس تاثیر حاصل ایدركن
 سامی بگك حدتلی اطرافنده كیلرك نشئه سنی آرتیرردی . اوبوگا قیزماز ، شخصه
 متعلق اولان هر شیئی عفو ایدر ، فقط دوغرو بیلدیگنه یا گلیش دینه سنی عفو
 ایده مزدی .


مورالیست صفتیه طاشیدیغی افکاری حیاتنك بوتون افعالی ایضاح ایدر .
 حیاتنده هیچ بر فئالق ایتمه ینلره « پك ائی آدامدر » دیمك ممكن اولونجه سامی بك
 گیی یالكنز ایلكه وقف وجود ایدنلره نه دیمه لیدر ؟ چونكه سامی بك شوزمانده
 نوعی شخصه منحصر عد اولونه حق درجه ده عالیجناب ایدی . داها مكتب ملكیه
 طلبه سندن ایكن سامی بگك حسابنه گینوب قوشانان ، گزمك ایچین اوندن خر جلق
 آلان آرقداشلی بولوندیغی اك عزیز بر صنف آرقداشندن دویدم .

ایشته بویله سامی بك كندیسی ایچین پك آز ، باشقارلی ایچین پك چوق
 یاشامایه ، بوتون كیمسه سز چو جوقلره آنا بابا اولمایه چالیشه رق یاشادی و بوگا مقابل
 هر كسك اهل ایتدیگی قیلردن باشقا بر قازانچی اولمادی . ینه بونك ایچین آرامزده
 بیراقدیغی بوشلغی هیچ دولمایا جق گیی بویوك گورو یورم .

۱۳ تشرین ثانی ۳۳۳

علی کامی

۲



سليمان نسيپك روح صافنه

بيليرميسك كه حياتمدن آرتق ايكره ندم ،
يانكده برير آچارسهك بؤك بويوك نعمت .
س . ن .

سنگ ده گلدی اودردلر ، زهرلی ماتملر ،
زاواللی روحکی هر آن دیدیکله یین حسلر
سنگ ده گلدی بوتون
سن ایگله دك ، ئولك

گورونجه گوزلری یاشلی شوخسته یاورولری
یوزگده پاصلی صاری ،

گوروندی یأس ایله منسوج ورملی برهاله ..!
برانطباع کدر ..!

شو قویتو ایزبلر آلتنده ایچقیران ناله
براوقشاییش بکلهر ..
شوماوی نیلوفر ،

شوباغچه لرده صارارمش ورملی نرکسلر
بردر یتیم باقیشی

تأثریله ازهردی اوانجه حسلریگی
أسه ن صباده دویاردك برانسان آغلایشی
بوايگله تیردی سنی ..

باشك وقور ومعلا ، سه ویملی برداغدی
گولش ده گل اوکا طلعتلی شهقه لر یاغدی
صارارتدی عمریگی تکمیل بهار ایچنده بوقیش ..!


سەنك دەگەلدى المەر ، سەنك دەگەلدى خاير
سەن آغلادىك بوسفالت ايچىدە ھەركەس ايچىن
زەرلەنوب گىتەك .


ئولوم دەگەل بوشەادت ؛ بوخلق ايچىن يىقىلىش
بوبرفضىلتەر .

سەن ايگەرنوب ياشامقەن جەھانى تەرك ايتەك
دويار فقط يىنە روحتك يىتمەلەك سەنى ،
مەزارىكەك باش اوچىدە سوروكلەن مەزەن
بەئوكسوروكلى فغانەك بوخستە بىستەسەنى . . .

روم ايلي حصارى ، ۱۵ تشرين ثانى ۳۳۳

۱ . حكمت





مرحوم سامی بك

ایلوک یکر می سکزنجی کونی مملکتمزک تربیه وتدریس عالمی محترم و قیمتلی
برعضوینی غائب ایتدی . سلیمان پاشا زاده سامی بک ، نجیب و خلوق بروطنداش ،
یکیلکی سودر برادیب وشاعر اولمقله برابر بالخاصه تعلیم وتربیه مسلککنک اُسکی
ومهم بر خادم واستادی ، کنجلیکک کورولتوسز ، فقط درپندن یانان برمشعل
ارشادی ایدی .

او سه و کیلی مسالکدashi ابدی استراحتگاهنه تشیع و معارف تاریخمزه تودیع
ایده رکن خدمتترین و فضیلتترین یاد اتمک بر وظیفه و بر تسلیدر .

بلکه تعلیم و تربیه مسالکونه منتسب برچوق کنجلیمز کی ، ائی خاطر لیورم که
سمده ایلک دفعه تربیه مسئله سنه عائد آلمه کچن کتاب سامی بک مرحومک کوچوک
جلدی اولدی . بعض تلقیات و مطالعات وارد که مادون شعوریمزده بنلکمزله
ائتلاف ایدر وبری بردن بره خبردار ایتیه رک مغویتمز اوزرنده دکیشیکلکلر یاپار.
ذهنمز ؛ روزکارلرک سرپدیکی تخمردن غافل طوپراقلر کی ، تصادفی اطلاعات
نتیجه سنده اولجه هیچده آشنا اولمادیغی تمایلاته صاحب اولور . بنده بوندن سکر
اون سنه قادر اول مکتب حقوقه مداوم وایلک منظومه لری می یازمقله مشغول ایکن
داغینق و متنوع مطالعاتم آراسنده مرحوم سامی بکه ساطع بک یازیلربدن ،
سبعدی تحلیل ایدیورم که ، بوقیلدن انطباعات آلمشدم . او زمان یک مینی مینی
اولان یکنمی یالکز محبت ونوازشلریمله احاطه ایدرکن یاواش یاواش تدقیقه
لایق بر موضوع کی تلقییه باشلادم . اووقته قدر یالکز غرامیاته و محیطمده کی
بعضی تحسیناته منحصر اولان یازیلریمک « چوجوق شعرلری » نده کی تربیوی
ماهیتی آلماسی ، حقوق وعدلیه مسالکونک ادبیات معلملکونه تحول ایتهمسی ،
اسویچرده ادبیات تحصیلی ایچون کونده ریلشکن بونک تربیه تحصیلنه انقلاب ایتهمسی
بوتون او انطباعاتک بنده کی مادون الشعور بر تأثیر و حاکمیتی نتیجه سیدر .

ديمك كه سامى بك مرحوم مملكتمزده تربيه يه عاڏ اولارق ايلك نشر ايديلن
(علم تربيه اطفال) ي ايله بنم كې بر چوق كنجلر اوزرنده تاثير براقش و تربيه
عالمزك ايلك استادلرن دن اولمشدر .

اعتراف ايتلى كه سامى بك حقيقى بر استاد تربيه اولمق ايچون لازم اولدينى
قدر مبذول اثر ترك ايتدى . (علم تربيه اطفال) ، (فروبهل و پستالوجى اصول
تدريسى) كې ترجمه لر ؛ بوتون بر حيات محصولى اولارق پك آزدر . ذاتاً ادبيات
ساحه سنده كى متروكات قلميه سى ، يعنى (سليمان نسيب) شخصيتى آلتنده كى آثارى ده
بوندن فضله دكادر . فقط مملكتمزك بوتون مساعى فكر يه سى بويله محدود وارباب
قلمى پك آز ولود اولدينى وبالخاصه فكرى مشغله لر صاحبلىر يه هنوز حضور
ورفاه تأمين ايدمه ديكى دوشونولورسه سامى بكك بر آز مشكلىسندلكنه ومعروف
اولان اهل كارلغنه قارشى توجه ايديله بيله جك سرزنشلىر خيلى دن خيلى يه تناقص
ايتك لازم كليز .

سامى بك آثارن دن زياده افعاليه ، دائماً خير وحق ايسته ين اقواليله ده مملكتك
معارفه خادم اولدى . ياريم عصره بالغ عمرينك معلملكده ، كتابلر آراسنده
ومعارف مسئله لرى ايچنده كچمش اولماسى بوكا شاهددر .

روشن اشرف بك كچنده نشر ايتدىكى مقاله ده مرحومك جانلى بر تصويرى
وجوده كتيرن شوسطرلرى يازييور : « اورته دن اوزون بوي و طولغون وجوديله
قيرانطه صاقللرينك يووارلاق چرچيوده سى ايچنده كى معصوم سيماسيله بو آدم بنده
جانلانيور : او نى اقشام اوزرى ، قلم دونوشو ، سلطان محمود تربيه سى گوشه سنده
كور ييورم . صول الى قالچه سنده ، ازلى يول ارقداشلىرى اولان درت بش كتاب
بوكرنده ، صاغ آووجنى قولاغنه سپر ايدرك كنچ و كيمسه سز بر ولايت معلمك
دردلر يى ديكليور . وصاقلنى قاشياقاشيا ، قيصيق ، ايقينتىلى سسييله او كا تسلى ويرييور .
صوكره آكسز ين كيرى دونيور . آلتون كوزلكنى دوزه لتهرك نظارت قپوسنه
باقيور ، ناظر ك او توموبىلى اورده يسه همان كنچى قولندن چكوب « حضور نظارت پناهى » يه
قدر چيقارييور . وبالذات شخصه بر ايش ايستر كې او كنچ ايچون يالوارييور .
وبر دها كورسه بيله طانييامايه جنى او كنچك كوكلنى ايدوب يولليور . . . »

روشن بكك شو موفق تصويرى او قوركن التى يدى سنه اولكى خاطره لرىمى
دوشوندم . بنده ولايت معلمى اولان بر كنچ ايدم . طربزوندن استانبوله ، عائله مك
نزدينده تعطيلى كچيرمك ايچون دونديكم زمانلر سامى بك مرحوم « صاغ آووجنى
قولاغنه سپرايدرك » دردلر يى قاچ دفعه ديكله مش و بنم ايچون قاچ دفعه يورولمشدى .
حالبوكه او زمان كنديسييله معارفه م پك آز و تصادفلرنده سلام ويرمكدن ، يكي بر

منظومه می سومشسه ألى صیقه رق صمیمی بر مبالغه ایله تلطیف ایتکدن عبارتدی.
 آوروپایه تحصیل کیتک آرزو سیله قاوورولدیغ زمان دردی می ناظر. اصعاد واسماع
 ایده جک کیمسه یوقدی . بالذات مراجعت جسات ایتدم وکندمجه مدلل بر
 مکتوبله آوروپایه کیتمه مه مساعدده ایتهلری رجاسنی یازدم . فقط رجاسی تقویه و بنی
 ناظر نردنده تشخیص و توصیه ایچون بر دلیل احتیاجم واردی . هیجانلریمه استراک
 ایدرک دلالتی اهمیتله وعد ایدن سامی بك ایلکنی سویله مک طبیعتده اولمادیغی
 ایچون بالآخره نتیجه یی بکا بیلدیرمدیسه ده دلالتنه اونوتغانلغندن باشقه بر مانع
 اوله مازدی .

ظن ایدیورم که حیات معارفه آز چوق قاریشمش هر کنج یاقین ویا اوزاق
 بر وسیله ایله مرحومک خیر خواهلغندن مستفید اولمشدر .

سامی بك « علم تربیه اطفال » مقدمه سنده شوقلی تودیعاتده بولمشدی: « بنی
 حیاتمه اک زیاده اشغال ایدن چوجوقلردر . نرده بر چوجوق کورسه م بلا اختیار
 اونک حالنی ، ماضیسنی ، استقبالی ، صورت معیشتنی والحاصل بوتون حیاتی
 دوشونیرم . بوتون چوجوقلری فناغه قارشى مدافعه ایله ایلکه دوغرو سوق
 ایتکی آرزو ایدرم . ایسترم که بو معصوملر کافه ائی اولسون . »

چوجوقلق عالنه قارشى صمیمی قرابت و رابطه سیله طانیلان و بیاض صاحبزینک
 تقویه ایتدیکی حرمتله حقیقی « چوجوقلر باباسی » اولان سامی بك ، چوجوقلرک
 الک زیاده سونیدیکی بایرام کونی خبرسزجه غائب اولدی واونلری بالکز بیزاقدی .
 آرزو ایدیایردی که اونک تابوتی هیچ اولمازسه برقاق یوز کوچوک مکتبلینک رفاقتیله
 تشییع اولنسون و معصوم سسلر قبرینک حضورنده اونک اصیل و تمیز روحنه برنشیده
 وداع اوقوسون .

ابراهیم علاءالدین



سامی بك

— بعض خاطرات

حياتك مرارتلرندن ، خشين وچيركين احتراصاتندن بي خبر ، كنجلكك بوتون اميد وخياللاريله مشبوع بولنديغمز زمانلرده ، پايختدن اوزاق ، مظلم بردورك تضييقات واعتسافا-
تندن اولدجه مصون ، آسوده بر حيات كچيرركن ، روحلريمزه قطره قطره علوي ونزيه
فكرلر ويره ن زمرة متفكرين وادب مياننده ، سليمان نسيب بك مستثنا برموقع اشغال ايدييور
ايدى . بشريتك بوتون آللرينه اشتراك ايدن ، مصارعة حياتك قبا وييريجى شدتلرينه ،
سفاللك منظره اسف انگيرينه عصيان ايله ين بو نزاھتپرور شاعرك ، كنجلكك آرمسنده
درين درين تأثيرلر بر اقامسى ممكنمى ايدى ؟ سليمان نسيب : عبدالحق حامد ، كمال وفكرت
كبي شعرك وخيالك سماپايه شاهقه لرنده طيران ايدن بر شخصيت ادبيه دكل ايدى . مرحوم
حياته دها يقين ، مادي ومعنوي آلام بشره دها زياده آشنا بر اديب ايدى . بو اعتبار
ايله سليمان نسيب ، دها انساني ، دها مونس ، روحلره قولايقله نفوذ ايدر بر صاحب
فكر و قلم عدايديله بيليردى . « انسانلره انسانلغى اوكرهت ! » دين شاعرك ، حيات خصوصيه
سنده كي عفت وخالصيت صنف شبابك كنديسینه قارشى پرورده ايتديكي مجلوبيتى ، حرمتى
بر نوع پرستشه قلب ايدييوردي .

*
* *

سامى بككه ، حياتده بك آجى تجربه لر كچيردكدن ، انسانلرك احتراصاتي ، کوتولكارى ،
چيركين ومنفور املارى حقنده ، فعلى واليم مثاللر كوردكدن ، يعنى حقيقت حياتيه ايله بحق
تماس ايتدكدن صوكره ، ايلك دفعه دارالفنونده تأليف وترجه دائرهمسك واسع سالوننده
كوروشمش ايدم .

كاظم نامى بك برادریمزك لطف دلالتيله شرف ملاقاتنه نائل اولديغم سليمان نسيب ،
سويملی وخلق سياسى ، حلیم وساكن اطواری ايله قلمده كنجلكك يرلشديرديكي بوتون
مجلوبيتي يكي دن احيا ايتدى . ايلك تماس د ، قارشيمده ، انسانلغك بوتون نزاھت وتميزلكرينه
صاحب ، حرصدن ، طول املدن ، هاله فنالقدن تماماً منزده ، يوكسك وكامل بر انسان
كوريبور ايدم . « علم تربيه » قاموسنك روسيه يه عائد اولان مقاله سنى ترجمه ايدوب ، مرحوم
ايله يان يانه ترجمه يي اصلى ايله مقابلديه باشلاديغمز زمان ، سليمان نسيب قارشى حرمت آرتدى .
چون بيليرميسكز : برده خان عرايشده ، نديقي وحمندن اجتاب ايله مك ، باشلاديغمز
وحق ختامه ايرديرديكمز مشله لرده لزومسز ومعناسز استعجال كوسترملك پك فنا براعتياد
حكمنده در . حالبوكه مرحوم ، يازيده ، اك كوچوك تفرعاته قدر فوق العاده بويوك ومدققانه


بر دقت اثری کوستریور ، یازیلرینی ایشله مک، برلساندن دیکرینه، عینی فصاحت و مکملیت
ایله ترجمه ایله مک خصوصینده ، موشکافانه بر اعتنا کوستر مک کبی جداً شایان تقدیر بر
خصت صاحبی بولونیور ایدی.

بالاخره سامی بکله پک چوق کوروشدک . مرحوم ، سوقاقده ، ساکن وحلیم طوریلله
وقتندن اول قیرلاشمش صاحبیلله ، اکثریا صول النده طاشیدینی کتابلری قلبی حداسنده
طوته رق کیدرکن ، انسانی تکلفسز جلب و جذب ایدیور ایدی . او ، های وهوی
حیاته بیکانه کیدیور ؛ یوانی ، بویوک حکیملری آ کدیراجق بر جدیت ووقار ایله تعقیب
ایدیور ایدی . کویا ، طبیعت بو نزیه و پاک قلبی، اطرافنده کی حرصلردن ، دیدی قودیلردن .
بشری کوچوکلکاردن آزاده بولوندیرمق ایچون اونک قولاقلرینی طیقامش ، اوکا باشقه
بر عالم ، کوزلک ، اییلاک ، دوستلق ، علویت و سائرله ایله بزدهشمش بر جهان بخش
ایلهشمش ایدی ... او ، بو عالم نزاht ایچنده وطننه ، ملتداشلرینه ، بوتون انسانلره
علمیله ، عرفانیله ، قلمیله ، تشکیل ایتدیکی نمونه ناموس وعفت ایله دائماً ، دائماً خدمت
ایله مشدر .

افول ایدی وناکهانیسندن بر قاچ کون اول ایدی . سلطان محمود تربیه سی اوکنده
حربیه تراموایی بکله یور ایدم . سامی بکی ، اوزاقدن کوردم . مرحوم ، یواش یواش بر
آزدها اختیار ، بر آزها یورغون کورونه رک تراموای موقوفنه تقرب ایتدی . سلاملاشدق .
— حربیه یه می کیدیور سکیز ؟ سوآیله باشلایان مکالمه نهایت معیشتک مشکلاتنه ،
اسعارک غلاسنه انتقال ایله دی . بوتیمز وجود بدل ایجارک ترفعی حسبیلله استیجار ایتدیکی
کدیک پاشاده کی خانه دن چیقماق مجبوریتنده قاله جغنی سویله دی . آه ! بیلمم بو بر حس
قبل الوقوعی ایدی ! .. اوت ، سلیمان نسیب بر قاچ کون صوکره ، متأثر و متأل اولان
باران و اوداسنک اوموزلری اوزرنده ، اقامتگاه ابدیسنه نقل ایدیور ایدی ! آرقه سنده ،
بویوک بر انسانی ، رقیق و تمیز بروجودی غیب ایدن یاران آغلا یور ، آغلا یور ، هم سلیمان
نسیبه همده اونی ضایع ایله یین وطنه آجیور ایدی ...

۱۶ تشرین ثانی ۳۳۳

یوسف عثمان





سامی حقنڊه کي قناعتم شـودر که ، اونک روحنه اتحاف ايديلن شو مجموعہ ۴۰۰
 هر فکر ديکرينه بکزيه جگ، هر سطر عيني فکري سويليه جکدر :
 سامی هر شيدن اول وهر شيدن زياده « فضيلت » ایدی.
 و بن ايسترم که سامينک « محض فضيلت » طـانيدیغی فکرتله بنم و هر کسک
 « محض فضيلت » طانيدیغمن سامينک مزارى، بوقوجاق قوجاغه ياتان ايکي وطنداشک
 مزارى، فضيلتي سودنلرک اللريله يوکسلسون و او مزار هر وقت و دأما باغیرسون:
 « هر وقت و دأما فضيلت ! »

۱۶ تشرین ثانی ۱۳۳۳

تـرهت ثابت





سليمان پاشا زاده مرحوم سامى بك حسياتى تصويرده ذى قدرت برشاعر
انسانيت اولديغى قدر وبلکه آنک فوقنده محاسن وفضائل اخلاقيه نك بر مجموعه
نجيبه کمالى و عرفى هندى نك :

چنان بانيك و بدسرکن که بعد از مردنت عرفى
مسلمانان بزمزم شويد و هندو بسوزانت
دستور اخلاقيسنک تمثالى ايدى .

علائق ظاهر يه قارشى اودرجه استغنا پرور بر طبعه مالک ايدى که فضولى نك
فقير پادشه آسا کداى محتشم
ادعاسى تماميله وصف حالى ايدى .

ابناى جنسى حقنده عاليجنابانه برخيرخواهلقله متحسس اولان روح پرفتوحنه
شو بيتلرى توديع ايدرم :

سامى فيوض رحمت رحمانه مظهر اول
بول عالم بقاده حقيقى سعادتى
کوسدک جهاننه ، کيتدک اسف کورمه دن بنى
اى يار جان حشره براقدک بو حسرتى
يوکسل حضور حقه کمال خضوع ايله
رفع ايت اوبارگاهه ندای شکايتى
عرض ايت که هر دقيقه ده اولاد بوالبشر
چکمه کده در مصيبت ورنج وفلاکتى
نکريمه مظهر ايلديکک نسل محترم
بردردده دوشديلر که کورنمز نهايتى
برگيردار مدهش فاجع که دمبدم
تخريبه سل سيف ايدى يور آدميتى
تأديب ايسه مراد آلهى يتريتيش
افتادگان امته آج باب رحمتى



« سلیمان نسیب »

ولوله سز حیاتی ایصنر وبا کر اورمانلر ایچنده متخیلانه آقوب کیدن براق بر دره کی کچدی ، کتدی


حریم سکوننه نفوذ ایدرک اوروح نرمینی یقیندن کوروب طانیامش اولانلر قلبمزده نه اونولماز آجیلر ، نه سیلنمز انطباعلر بیراقدیغنی تقدیر ایدر مزلر . مرحوم سامی بک بویوک برانساندی . رقت ، شفقت ، صمیمیت و محویت ایشته سامی بی بوتون علویت و نراحتیله پیش خیالمزه کتیردجک درت کله . محویتکار اداسنده ، نوازش پرور صداسنده ، حرارتلی باقیشنده ، محترز یه رویشنده ، اوانجه ، اودرین شعرلرنده هپ اوسجیه لره تصادف ایدیلردی .

أوده ، مکتبده ، واپورده ، تراموایده ، جیلرنده ، قوللرنده طاشیدیغنی جلد جلد کتابلر آراسنده اونی مشغول ، دائماً مشغول بولوردیکز . کیم بیلیر قاج ساعتدن بری سیاه سطرلر ایچنده محبوس قالمش یورغون ودالغین نظرلری نهایت سزه منعطف اولنجه اک حار ، اک لطفکار بر تبسمک بر چفت عدسه اوزرنده سزه تیرددیکنی کوروردیکز . مونس و مشفق سسیله همان صورار ، مسرت و تألمکزه اشتراک ایدر ، هیچ برعوض بکلمکسزین سزه مطلق ، مطلق نافع اولمق ایستردی . قلبکزه نهایتسز برانشراح بخش ایدن طاتلی حسبحالی اثناسنده تخیلکار نظرلرینک دائماً بر نقطه معطوف ، بر شیر آراشدیردیغنی کورور ، او توده توده مجلدات اراسنده یووارلانان بومتفکرک جهان معرفت و شهرتده کیم بیلیر نه ولوله لر قوپاراجق نه معظم اثرلر احضاریله مشغول اولدیغنی ظن ایدردیکز . او ایسه قاج کیجه در اویقوسنی آلان اجنبی برکله فلسفیه نک مقابلی آرایور و یاخیالنده قاهره قانتشار ایتیه جک ظریف برسونه سنه قافیه بولویوردی ؛ سلیمان نسیب صنعت و عرفانه اک صاف ، اک ریاسز بر محبتله عاشقدی . صنعتی سودیکی قدر صنعتکاری دوشونمش ، دها جوال و عز مکار بر قلمله اظهار شخصیت و موجودیته چالیشمش اولسایدی ، امینم که ، او

ماقدومؤثر رباب تحسسه نظم جدیدك اك بويوك مملارندن برى اولوردى. حيفا كه
 آريوردى؛ اومستنا شخصيتى اولانجه نكات وملكاتيله تجلى ايدىمدى. ناصل ايدى.
 يلىردى كه رحيم وحساس قلبك مائرمشفقاندسنى دائما يادندن سيلان سليمان نسيب
 صنعته اتحاف ايتديكى شعرلرينى ده هر كس دن اول كندى اونودوردى .
 ولوله سز حياتى ايصسز، باكر اورمانلر اچنده متخيلانده آقوب كيدن براق بردرد
 كى كچدى، كيتدى ...

۱۶ تشرين ثانى ۳۳۳

م. رؤف [۱۶]



سامى بك

سامى بكك صانكه يالكىز وجدان وعرفانك حاكم اولديغى برديار، برديارشفق
 آرييور اندیشه سيله يورغون كورونن نظرلرى ابدیت افقنده سونديكى زمان، اويله
 طن ايديورم، بزنزیه واصیل برشاعردن زياده شفيق وخيرخواه بر (Apôtre)،
 بر راهب انسانيت و فضيلت غايب ايتمش اولدق .. فى الحقيقه سليمان نسيب وسط
 درجه ده برشاعر، فقط سليمان پاشازاده سامى بك يوكسك درجه ده برانسان،
 بر «أبيك قهرمانى» ايدى .. هيات اجتماعيه مزك شدتله محتاج اولديغى اوعفيف
 وصميمى انسانلردن، قهرمانلردن ايدى كه «نه غوثيزم» ده، شارلاتانلغه، خصوصيله
 ربا واحتراسه تماماً دشمن قلبى، متواضع وپرستشكار، يالكىز انسانيت، يالكىز
 علم وصنعت اچون تيتردى ...


اولجه فكرته، شيمدى ده نسيبه كوسته ريلن حرمت نشانه لرى، كه ناملرينه
 ركنز ايديلن برر معنوى آبدى حكمنده در، استقبال اچون برتسليت، وحتى،
 بلكه بر بشارتدر ...!

۱۸ تشرين ثانى ۳۳۳

رائف نجات



[۱۶] زواللى كنج، ذكى شاعرلرمزدن ا فريقى متقاعد عاطف پاشازاده، صدارت شيفره
 نلى مديرى ا رؤف بك مجموعه مزك اكمل طبعندن اول ۲۳ شباط ۱۹۱۸ وفات ايتدى،
 وئكده ولوله سز حياتى ايصسز و باكر اورمانلر اچنده متخيلانده آقوب كيدن براق بردرد
 كچدى، كيتدى ...



سامی بك

ثروت فنون ادبیاتك بونزیه شاعرینی استانبوله كلكدن صوكره [بالقان حربندن برآز اول] طانیدم ؛ دفعهٔ حالنك ، قالنك مجلوبی اولدم . اووقت معارف نظارتنده « مجلس کبیر » ده ایدی ؛ امرالله افندی مرحوم ، « لاهی » ده انعقاد ایده‌جك اخلاق قونغرہ‌سنه برراپور حاضرلامق اوزره ، کندی ریاستی آلتنده بر قومیسئون یامیش ، بزی‌ده اورایه مأمور ایتشدی . اورایه کیتدکجه سامی بك مرحومه فکرلریمزی مداوله ایدردك .

بالقان خجعه‌سی ظهور ایتدی ؛ بوتون طشره مأمورلری کبی بنده آچیقده قالدیم ؛ یاری معاشله معیشت تأمین بکا کوچ کلیوردی . بویله بر صرهدده برکون جغال اوغلنده مرحومه راست کلدیم ، یاننده ایکی ذات واردی که بری مصرلی ایدی . بنی (قاهره) ده انتشار ایدهن (الشعب) جریده‌سنه مخار اولق اوزره مصرلی ذاته توصیه ایتدی . بو مخابرلك بکا، آیده سکیز اون انکایز لیراسی تأمین ایدیوردی .

براز صوكره کوچوك سعید پاشا قاینه‌سی استعفا ایتدی ؛ غازی احمد مختار پاشانك تشکیل ایله‌دیکی قاینه‌نك معارف ناظرلغنی کلمبوی زاده سعید بك عهدہ‌سنه آلمشدی . سامی بك بنی آلدی ، سعید بکه تقدیم ایتدی ؛ حقمده لیاقتمدن چوق فضله ثنالرده بولوندی . داماد شریف پاشانك نظارته کلمسی اوزرینه‌ده بکا عینی ایملکی یاپدی ؛ بو صورتله بنی اوچ دفعه کوچ ، قرارسز موقعلردن قورتاردی . بو ایملکاری هیچ بروقت اونوتام ؛ کندیسنه ، خاطرده‌سنه ابدی شکرانلرله مربوطم . ایکی سنه اول ، « قاموس تربیه » نك ترجمه‌سنه باشلادیغمز وقت ، اونك بویله ایشلرده نه قدر مدقق نه قدر مشکلمسند اولدیغنی‌ده اوکړندم ، اونك یرنده باشقه بری اولسه ایدی ، معامله‌سنده کی طرزه کوجه‌نیر ، برلکده چالیشمقدن واز کچردم .

زووالی سامی بك .. قلبنك بویوک‌کی قدر کیسه‌سی‌ده کنیش اولسه ایدی ، لطیفه احیا ایتدك کیسه براقازدی . برچوجوق روحی قدر عصمتلی ، نزیه دوشونوردی . ظن ایدهرم ، « بیلکی یوردی ایشینی » نك دعوتنه اجابت ایدن بوتون قلم صاحب‌لریمزله بونقطه‌ده مشارکز . شاعرلکی حقنده سوز سویله‌مك صلاحیتم خارجنده‌در ؛ کوره‌بیلدیکم شعرلرینی سوه سوه اوquدم . قلبنك نزاہتی شعرلرندن‌ده ظاهر‌در . بنجه اونك اك بویوک مزیتی ، حسبی بروطن پرور اولوشنده‌در . وطنی ایستدیکی کبی ترنم ایدهمه‌مش ایسه بیلہ اونی هرکسدن چوق سومش‌در . روحنك اك اینجه تلاری ، وطن حسی آلتنده بردن بره اهتزازده کلیردی ؛ چوق دفعه بویله حاللرده کوزلرینك یاشاردیغنی کوردیم .

سامی بك ، شبه‌سز ، برتربیه عالی دکل‌در ؛ فقط نظری تربیه‌ایله او قدر اوغراشمش‌در که بو خصوصده مملکت‌مزلک صلاحیتلی تربیه‌جیلرندن بری عد ایدیله بیلیر . تربیه ایشلرندن استعداد

وسعی کوردیکی، کندیلرندن مثبت برفانده مأمول ایتدیکی کنجلری سایه وتشویق ایدردی .
 خاصه دینی تربیهیه بویوک برقیمت ویریردی . « ملی تعلیم و تربیه » جمعیتک رئیس ایدی؛
 بوجعیتک متشبثی ، اک فعال عضوی اولان اسماعیل حق بکی ، چوق سوده، تقدیر ایدردی .
 جمعیتک نظامنامه سنده کی غایه لرك تصور و ترتیبنده سامی بک بویوک بر اشتراك حصه سی
 اولدیغنه قانیم . اونک شفیق قلبی ، فقیر چوجوقلرك عرفان نوريله آیدینلاتیلماسنی نه قدر
 اشتیاقله ایستردی .

سامی بك ، دینله بیلیرکه ، باباسنك عاشقی ایدی ؛ صوك كوئلرنده کندیسنه تصادف
 ایتشدم ؛ بکا دنیاده یالکز براملی قالش اولدیغندن بحث ایتدی : باباسنك هنوز طبع
 ایدیلهمش اولان اثرلرینی طبع ونشر ایدهبیلمك . « بوکاموفق اولمادن الله جانمی آلماسین ! »
 دییوردی . یازیق ! بوتمنسی یزینه کلمدی . امید ایدلم که محترم عائله سی بواملی تعقیب ،
 موفقیتلی بر نتیجه یه ایصال ایتسین . اووقت هم مرحومك روحنی شاد ایدرلر ، همده ملی
 بر خدمت کورمش اولورلر .

سامی بکی بر عصمت و شفقت نمونه سی ، حقیق بروطن پرور وانسان تمثالی اولارق
 خلفلریمزه طایتمق لازم در . کلهجك نسل بزدن ، فضیلت وحیت وادیسنده تعقیب ایدهبیله جکلری
 کوزل مثالر بکارلر . زمانمزه اندر بولونان بومثاللردن بری سامی بك در . ناصل حیاتنده ،
 کوروشدکلرینه حرمت واعتماد تلقین ایتدیسه ، اولادکن صوکرده کی حیاتی ده خلفلریمزه
 فضیلت وکمال تلقیننه یارایه جق بر صورتده تصویر و تثبیت ایدلم .

۱۹ تشرین ثانی ۳۳۳

کاظم نامی





سليمان پاشا زاده سامى بك مرحوم اوصاف جميله انسانيه يي شخصنده جمع ايتمش
طبيعتك بك اندر ياراتديغى بروجود ايدى. سنيله برابر كماله ايرمش اولان مكتسبات
علميه وتجربويدهسندن مملكتك حقيله استفاده ايدى چكى برهنكامده افولى بادي
تأسف عظيمدر. صباح غزته سنك ۳۳ تشرين اول ۳۳۳۳ نسخى باش مقاله سنده
بك واقفانه ايضاح ايدى لايكى وجهله مملكت بك قلتده اولان اعظمى كثر و سهولتله
غائب ايدى اور و بوضياعك اهميتى حقيله تقدير ايديله مامسندن اسباب ضياع حقنده
تدقيقات لازمه اجرا ايدى ليور، بوايسه عفو اولونماز برخطادر. برملت اعظميله
ياشار، اعظمى، رجالى ياشاته ميان برملت حياتندن امين اولاماز. مرحومى
بوندن اوتوز اوچ سنه اول مكتبه يازلق اوزره بغداددن استانبوله كلديكى تاريخده
طائمشدم. اووقت كوچك ياشده ايكن مملكتك مقدراتندن وتعاليسى ايچون
بسلديكى يوكسك املردن بحث ايدردى.


پدر عاليقدر لرى بويوك سليمان پاشا كه يالكىز عسكرلكده دكل معارف
خصوصنده مملكتيه مهم خدمتلى ايتمش، حتى معارف عثمانيه ده بردوره ترقى
آچان عسكرى رشديه لرى تاسيس ايله مشدى سامى بك مرحومده كى خصلت
معارف و ورينك اصل مورثى ايدى. مرحومك غايه املى حياتندن چوق سوديكي
وطن و ملتى على و مسعود كورمك و بومقصدك حصولى ايچون مطلق علم و عرفان
ملتك يوكسك سنده چالشمقدى. بوعومى غايه يي تعقيب ايدر كن تصادف ايتديكى
محتاجينه دريغ عاطفت ايتىز، او كسوز چوجوقلى، دوشكون فقط قيمتلى ذواتى،
محروم قالمش عائله لرى، وفات ايدن دوستلرينك اولاد و عيالى صيانت و حمايت
او غورنده على التوالى او غراشير و بومخصوصده كى آرزو و سخاسنى تظمين ايدى جك
قادر سرمايه نقوده مالك اوله مياشندن چرپينير، خير چينلانير، ئوزولوردى. مرحوم
علماء و اخلاقاً متين اولديغى قادر ايمان و اجتهادنده رصين، ديندار، توركلكييله
مفتخر بر مجاهد ايدى. مرحوم فرانسىز، انگليز لسانلرينه واقف اولوب تتبعاتى

منابع اجنبیه دن ایدئیش اولدینغی حالده اعتقادنده، اخلاقنده، تربیه سنده، عاداتنده هیچ برتردی کوسترمامش، دینی و ملی منبعلردن آلدینغی تربیه ید صادق قالمش، فضل و کمالی آرتدقچه ملتیه اولان ارتباط و محبتی تزايد ایتشددر. بؤکا ائ بویوک دلیل مؤسساری میاننده بولوندیغی ملی تعلیم و تربیه جمعیتک ریاستنی درعهده ایدهرک صؤک نفسنه قادار تکمیل موجودیتیه چالیشمسیدر. وظائف رسمیه سندن باقی قالان زمانک مجموعنی حتی استراحت زمانلرینی دخی جمعیه حصر ایتمش ایدی. جمعیتک بدایت تأسسنده اقتحامی ضروری اولان مشکلات و موانعی برطرف ایتک ایچون شیرانه مقاومت، خدایسندانه سعی و غیرتله ابرازیله، اساس تملاری وضع و تحکیمه موفق اولمش ایدی. ملی تعلیم و تربیه جمعیتی میرمشارالیهک ضیاعیله متالم و ماتم زدهدر. متسلی اولدینغی برجهت وارسه مرحومک آثار خاطرانی ائ محترم برموقعده جمعته یاشایه حق و جمعیت مملکته بؤکی قیمتی ذوات یتشدیرمک اسبابی احضاره چالیشه جقدر.

کوز طیبی

۲۰ تشرین ثانی ۳۳۳

اسعد





مسیحیه

یورکده ینه بر داغ درون قویدی نشان
 اولیور آه ایله ایواه آتم گذران
 باق افول ایتدی او دهاش کرمکار جهان
 بزم فانیدن اولوب عازم کلزار جنان
 ایتدی آفاق نزاہتده بویوک بر جولان

کیتدی استاد ادب سامی عالی همت
 ایتسون اجرای ماتم ادبای ملت
 افق آدابی بوکون صاردی سیحاب ظلمت
 داغدار ایتدی بزی بو ابدی غیبوبت
 هر کسک قلب حزیننده برافدی خلجان

بلبل خلک سخن شاعر فرخنده سمات
 رونق بزم ادب طائر قدسی نغمات
 آنی شاد ایتدی بو چرخ دنی کیچ حرکات
 مهر کردون کرم مبدع کلک خدمات
 داور ملک سخن داهیة تیغ زبان

بزم لاهوت صفاسنده مکین اولدی بوکون
 رهرو کلشن فردوس برین اولدی بوکون
 یمنی زهرا به کش چرخ مهین اولدی بوکون
 مظهر مغفرت رب معین اولدی بوکون
 مرغ لاهوت سخن منشی نایاب زمان

متحیر عرفا عزم بلندانه سنه
 سوزی برهان جلی مشرب رندانه سنه
 نوعی مخصوص قلم نکته پسندانه سنه
 دینسه شایسته در اطوار لونندانه سنه
 محتشم شاعر آزاده دل نادره دان

تنگنا اولسه كرك ساحه پهنای سخن
زیر خاک اولدی بوکون کتله شفت او بدن
ارجی امرینه لیلیک زن او ملفوف کفن
ایسون موتنه افواج ملائک شیون
او بویوک ناصیه بی محو وتلف ایتدی زمان

قیلدی دنیایه وداع ایلدی عقبایه سفر
نابید ایتدی آنی دغدغه رنج و کدر
مست و سرکشته پیمانه سرشار قدر
بکر مضمون بلاغتدی کلامی یکسر
روح معنای شعر ایللی شمدی فغان

ایشیدنار خبر موتی اولدی مدهوش
نامیدر محفظه خاطرده مزده منتوش
خوابکاد ابدیتده او سیای بشوش
نشوة ذوق سرودیله ایدر جوش و خروش
قلب ملتده مبعجل اثری شعله فشان

دیوریکلی معلم
طاهر نادی



سامى بىك ايچون

دېمىك كە سەندە خيال اولدىك ، آە سەندە دېمىك
بۈگۈن شۇپۇپراغىك آلتەندەسك .. ايناممىورم ،
بۇ بىر حەقىقەتە پىك بىكەندىور ، فقط كىرچىك
بۇ زەھرى بىن يەنە بىر دىرلۇ طوغىرو ساممىورم ..

اوحزن ايچىندە مسرت وىرن اصيل چەرەك ،
دېمىك كە طوپراغىك آلتەندە بوسبوتون صولاجق ،
بۇ حالە شىمدى بىم منطقە اينامازكن
دېمىك يارىن او، اوت بىر آووج غبار اولاجق ..

چىچىك ، بولوت ، كاكىك .. ھېسى آە ھېسى صولار ،
بوتون ھوسىلر ، امللر ئولوملە طىرمالانىر ،
بۈگۈن گۈلن شونظرلر يارىن امللە دولار ،
بۈگۈن حەقىقەتە خوليا دىين يارىن اينانىر ...

دېمىك اينامالى ىم بىن سەندە فرقتەكە
بومايمىك بىن مچنۇن ايدىن حەقىقەتە ...

سەن آە سەن باباسىدىك بوتون زواللىلر ..
صولوق بىگىزلى يىمىلر بولوردى سەندە شفا ..
بولوردى لطفكى ھەر آغلان زواللى قادىن ،
قاپكەدە ھەرگىچە بىرسى ايدىردى خىر دعا ...

بوگون ديمك كه خيال اولدي هپ او خاطره لر ..
قايكده ايسته نه برسس ، نه بردعا .. برباد ..
سكون ايچنده اويوللرده شيمدي ظلمت وار ،
وباشقه هيچ .. نه حزين برصدا .. نه برفرياد ..

فقط يارين بن امينم سنكده همتي ،
سنكده نامكي تقديس ايدر بوتون ملت ،
سنكده هيكلهكك حشمت وجلادتي
گورور ، گورورده دويار ملت شرف ، عظمت ...

قالاميش ، ۲۸ تشرين ثاني ۱۳۳۳

حفظلي توفيق





ملى تعليم و تربيه جمعيتىده ويريلن
و مجموعه مزه اهدا ايديلن قونفرانسدر:

سامى بك

تربيه حقنده كى فكرلرى، نظريه لرى

افندم ،

قونفرانسك موضوعى ، جمعيت رئيسى سليمان پاشا زاده سامى بك تربيه حقنده كى فكرلرى ، نظريه لرى در . شو حاليده موضوع علمى و تربى در ، هر علمى و تربى موضوع كى مستقل و بى طرف اولق كركدر . لكن نم كى سنه لرحه مرحوم ايله برلكده ياشامش ، ديك كه اونی ضرورتيله دويمش ، سهومش و اولومندن چوق متأثر اولش بر آرقاداشك بويله بر بختده تاميله مستقل و بى طرف قالماسى ممكنمير عجباً ؟ .. فقط نه اولورسه اولسون اوجك يتديكى قدر بى طرف قالمه چاليشاجم . اكر بو غيرته رغماً ينه فكرمك استقلالنى محافظه ايدمه مرسم بنى معذور كوريكوز .

بو موضوعى حاضرلامقى ايچين مراجعت ايتديكم منبعلر مختلفدر . سامى بك « علم تربيه اطفال » اسمنده بر كتابى وار . صوكر ، بروسه ولايتنده معارف مديرى ايكن يازديغى بر لايحه . برده مى تعليم و تربيه جمعيتى مجموعه سنك ايلك نسخه سنده جمعيتك رسم كشادنده سويلديكى نطقك متنى ... فقط اصل منبع خاطره لرم در . اونك تربيه حقنده كى فكرينك ، نظريه لرينك چوق قسمنى دوغريدن دوغرى يه كنديسندن اوكره ندم . چونكه بو زمين اوزرنده برابرجه چوق دوشوندك و چاليشدق .

موضوعى باشليجه اوچ قسمة آييردم . برنجى قسمة سامى بك روحندن ، قافاسندن بحث ايدمه جكم . ايكنجى قسمة سامى بك تربيه حقنده كى فكرلرينى ، نظريه لرينى سويلديه جكم . اوچونجى قسمة سامى بك تربيه يه دائر اولان تشبثلرينى ، خدمتلرينى آكلاتاجم . بو صورتله مرحومك مربيلك و تربيه جيلك شخصيتنى تعريف ايتمش اولاجم .

هر شيدن اول سامى بك روحنى تعريفه چاليشاجم . بر مربى آكلايا بيلمك ايچين اول اولونك روحنى ، ذكاستى و قلبى بيلمك لازم دكى در . اصل كه تربيه جى آكلامقى ايچين ده اول فلسفه سنى ، حياتى ، حياتك غايه سنى تلقينى بيلمك لازمدر . بجه سامى بك ذكاستك اك مهم سجييه سى خيالپرستاك ، خولياره ، بديعه لره قارشى بسا ديكى ابتلادر . خياللرنده بكارت ، بكارتلى خياللرنده غريب صفوت واردى . افقك خياللريله قانماز ، خياللارى ايچين

افق طایفایزدی ... مثلاً سامی بك بر خیاله كندینى اینا دیرمیشدی . اوئی دوشونوردی ، اوکا وارمق ایستیوردی . « بتم دنیاده اك بویوك بر املم جامدن بر او یاپدیرمق ، اونك ایچنده اوطورمق ! » دیوردی ! .. « جامدن بر او ! » اوت ، چویسز ، تختهسز ، دمیرسز ، هر طرفندن کونش کیرن ، بیاض ، پارلاق ، تمیز ، جامدن بر او ... ایشته سامی بك قلبنده بو اوی یاشاتیوردی ، بو اوی ایستیوردی . بكا بو « جام او » دن مکرراً بحث ایتشدی . بن مرحوم آرقاداشمك او خیالنده هپ قلبنی ، روحنی کوروردم ، بو چوجوقه ایسته گنی اونك ایچین تقدیس ایدردم ! ..

لكن سامی بك قورو بر خیالپرست دكادی ، او امید وایمان آدمی ایدی . مشاهدهلرینی مفکوردلرینه قدار اوزاتیر ، مفکوره لرینی امید ایلد ، ایمان ایلد تهجیز ایدردی . نوید اولماز . چونكه دائماً حیاتنك و تجربه لرك حدودینی آشار ، بعضاً ازلیته قدار یوكسه لیردی . اوئی امیدسز ، ایمانسز کوردمدم . بالقان محاربه سنك کونلری - كه كنجلرك بیله جبارتنی قیراجق درجه ده شامتلی ایدی - او کونلرك برنده سامی بکله باغچه قاپوسنده مملکتك مقدراتنه علاقه دار بر کنجه تصادف ایتدك . کنج یاشلرینی ، مملکتك فلاکتلی آتیلرینی سویله میشدی . سامی بك اوکا تسلی ویردی . تسلی ویرمه دی ، تسلی دکل ، صانکه امید وایان ویردی . کنجك قیریلان روحنی یکی بر قابله دوکمشدی ...

سامی بك ذکیدی . ذکی نه معناده قوللانیورم ؟ بونی ایضاح ایتلیم . ایکی نوع ذکا دوشونورلر : بعضی انسانلرده عقل ، محاکمه ، استدلال قوتی غالب در . بو قوتله مجرد علمی مفهوملره ایریشیرلر . مثلاً بر ریاضیه عالمنك ، بر حکمت عالمنك ذکاسی بو نوعندر . بعض انسانلرك ذکاسی ده بویله ، محاکمه لره ، مفهوملره یوكسه لمه دن ایشلر . بو کیلر فکرلری استدلال طریقیه دکل ، داها زیاده حس طریقیه ، حدسی بر قدرت ایلد بولورلر . یعنی بونلرك عقل سلیمی ، حس سلیمی غالب در . صنعتکارلر بودرلو ذکی انسانلردر . سامی بك ذکیلرك بو ایکنجی نوعنه عائددر . ذاتاً اونده بر صنعتکار دهاسی واردی . فی الواقع سامی بك بویوك بر محاکمه قابلیتی کوسته ریزدی ، لکن عقلنده کی ، حسنده کی سلامتله اك صاغلام محاکمه لی ذکالرك بیله اوستنه چیقاردی . ذکاسنك حدسی قدرتی بك غالبدی . بر حقیقتی محاکمه مزله بولغه اوغراشیرکن او حسیله دویاردی . اونك ایچین اوزون ملاحظه لرمزك ، درین محاکمه لرمزك کور طویل یاراتدینی بی چاره چوجوق فکرلرمزی اونك تربیه اللرینه تسلیم ایدردك . صانکه اونك اوزرمزده فکری بر نبوتی واردی ...

سامی بکده کورکو قوتی ، سزمه قابلیتی ده واردی . طبیعتی تدقیق ایتك خصوصنده چوق موفق اولوردی . اونده کی درین استبصارك بر اثباتی شو وقعه ایلد اوکره ندیم : سامی بك كنجلمكنك بر قسمی بغدادده کچیرمیشدی . اوراده لیلکالر یاشارلر ، یووا یارلرلر . وقیله یووالری نهرك بر کنارنده ایش ، صوکر او بر کنارینه کچمشلر و اوزاقلاشمشلر . سامی بك بو عجزنك لیلکالرك سوق طبیعیلریله اولان مناسبتی اوزون اوزادی به تدقیق ایتمش وهان بر طبیعت علالت ایشی کورمیشدی . مشاهده لری بالکر طبیعت اوزرمزده قلمایوردی . چوق دفعه روح و جمعیت اوزرمزده دوشیور و بویکی طبیعتك اك کیزلی ، اك قاجیچی قسملرینی ضبط ایدیوردی . انسانلرك روحنده یاشایان قوتلری بولور ، ملنلرك مقدراتنی حالندن ، روشنندن آکلائیویوردی . اونك ایچین سامی بك قارشیسنده نه فضیلتی اخفاء نه ده دنائتی انکار قابل اولمایوردی . بوتون روحلری یا قالایان بر کرامتی واردی ...

سامی بکی چوق محساس بر آدم اولارق طانیورم . اونك طاشغین روحنی کوسته رن و قهار بیدورم ، بر تارخده شهزاده یاشنده « حقیقه مشورت » مکتبی زیارنه کیدیوردی .

آراهیه بیهوشد. یولده صیجاقدن جلدی تنفس ایدن آتلیک قوقوسندن اوقادار متاثر اولدی. اوقادار خویشلاشدی که ... حساسیتتی بعضا سینیر حاله کتیریر، اوزولور دوروردی. قلبنک مغنویاتندن متاثر اولان قسمی داها بویوکدی. اوزونتیلی اخلاقه، مغنویاته، فردلرک، عائلهلرک، ملتک، انسانیتک یارالرینه دوشونجه اورحیم قلبی قاناردی. برتیاترو وقععهسی ییوردم که غیرک المریخی نهقادار دویدیغنی سزه اثبات ایده جکدر. برکون خیرلی بر تشبیه یاردم ایتک امیدیلر برتیاترو خدمتته قوشه شدق. بن اوراده بیلک صایتینه باقی وظیفه سنده بولونیوردم. تیاترو قادیلره مخصوصدی. ایشم مهمدی، بر دقیقه آیریلامازدم. او آراق سامی بکک قولدن چکدیکنی کوردم. کوزلری یاشارمش، باشی اوکنه دوشمش بر حاله «حق بک، کل! سکا برشی سویلیه جکم!..» دیوردی. بن اعتراض ایتدم. «رجا ایدرم، بنی بورادن آیرما یکن!..» دید. فقط او اصرار ایتدی: «داها بویوک قوتله بنی چکدی. بر آزلری، آخا حاکم آید کیدک. دیوردی که «باق، نداولش، سکا آکلنیم! بورایه دین فلانک اسکی قاریسی کلش، اوطوریورکن یکی قاریسی ده کلش. اونک کلدیکی کورنجه صارارمش، صولش. زواللی آرتق اوطورامامش، تیاتروی ترک ایتش، کیتمش... حق بک، کوریورمیسک اوقادینک قلبی. کیم بیلیر زواللی نهقادار بدبخت اولدی!.. زواللی قادین!.. آه بوانسانلرک، نه بویوک یارالری وار!..» ایشته اوبو اوافق وقععهی قلبیله، وجدانیله تحلیل ایده ایدن کنیدیسی ایچین بویوک الم یاراتدی و آقشامه قدر داغین ویقیق بر حاله تیاترونک قاپوسنده دولاشدی..

سامی بکک اک بویوک سجهیهسی محویتکارلیغیدی. اوتورکلرک بوتون تمیز و بویوک انسانلری کی متواضعدی. کبر، غرور نه در بیلمز؛ هرکسه قارشى محویتکار بولونور، زنکین فقیر، کنج اختیار هر فرده تواضع کوسته یوردی. هرکسه اییلکله، ایجه لکله معامله ایتک، هرکسی ممنون ایتک، هرکسی کندی جاننه چکمک ایسته یوردی. لکن اونک هر محویتنده صانک، بر عظمت واردی. هرکسه قارشى باشی و آللری اکیلدجه هرکسک ذهندنه خاطرهسی یوکسه لیردی.

سامی بکده تورکلرک اک الهی بر سجهیهسی داها تجسم ایتشدی: حبیبک... سامی بک غایت حسبی بر آدمدی. اودرجه ده که غیری دوشوندیکی زمان نفسی اونوتوردی. اونی کورءنلر و طانییانلر اونی غیر ایچین خلق ایدلش ظن ایدرلردی. حبیبکی اوچ شکلده تجلی ایدیوردی: آرقاداشلق، عائله پروراک، وطن پروراک. بن کندی حسابمه آرقاداشلق نه دیمک اولدیغنی دوغرو معناسیله ایلاک دفعه سامی بکدن اوکره ندیم. آرقاداش و آرقاداشلق حقنده کی اخلاق فکترلر کنیدیسیله ملاقاتدن صوکر کنیشه لیدی. عائله مک، داها صوکر احوالرمک افکارمده، اخلاقده بر اقدینی برچوق نقصانلری اونک سایه سنده اتمام ایده بیلدم. سامی بکک آرقاداشلاردن بری ارتحال ایتش، ایکی چوجوقله بر قادین براقشدی. سامی بک بو چوجوقلرک مکتبی، تحصیل، قادینک تداویسی، استراحتی ایچین فداکارانه اوغراشدی. اوغراشمه یی کنیدیسنه وظیفه بیلدی و دیدیندی.

چوجوقلره محبتی پک زیاده ایدی. چوجوقلرک باباسی، چوجوقلرک حایسی، چوجوقلرک آرقاداشی، چوجوقلرک حرمتکاری ایدی. اونک «چوجوق» حقنده دوشوندیکنی آکلامق ایچین کتابنک مقدمه سنی اوقومالی یز. سامی بک دیورکه «بنی حیاطمده ک زیاده اشغال ایدن چوجوقلردر. نروده برچوجوق کورسهم بلا اختیار اونک حانی، ماضیسنی، استقبالی، صورت معیشتی و الحاصل بوتون حیاتی دوشونورم. بتون چوجوقلری فناغه قارشو مدافعه ایله اییلکه طوغرو سوق ایتکی آرزو ایدرم. ایسترم که بومعصوملر کافه ایی اولسون.» شهزاده مجید افندی حضرتلرینک قیزی در شهوار سلطان حقنده یازدینی منظومه چوجوقلر حقنده کی محبتنک

دلیلی در . سامی بك يالکوز سلطان چوجوقلری دگل ، بوتون چوجوقلری سهويوردی
وچوجوقلری سلطان اولدینی ایچین دگل ، يالکوز چوجوق اولدینی ایچین سهويوردی . بو
چیلغین سهوکیسنگ اثرلرینی چوق کوردیم . اکثریا برابکرده نور عثمانیه جادهسندن کچردک .
اوراسی چوجوقلرک اوینادینی ، قوشدینی بریردی . بعضاً بوجادهده دقیقه لرجه دوردیغیزی
خاطرلایورم . سامی بك او آراق چوجوقلری او یونه ونشئهیه تشویق ایدیوردی .

سامی بك ملتپروردی . ملت ، ملتینی سهوردی . فقط بو سهوکیسی سهوکیلرک اک
خالصی ایدی . بونک اک بویوک دلیلی کیرلی ، چامورلی اثوابلریله سوقاقلرده دولاشان خلقدن
ایکرمه مسی ایدی . ملتک بویوکلکی حقنده بویوک برایمانی واردی . هیچ برکیسه اولک
قادر تورکلرک شهامت و فضیلتی ای توصیف ایدمه مش در . ملی تعلیم و تربیه مجموعه سنده
مندرج نطقنده کی سوزلری بونی اثبات ایدیور . سامی بك ملتینی تعریف ایدرکن دییورک .
«تورک عنصری ، دنیاده هیچ برملتله قابل قیاس اولامیه جق بر خاصه یه ، فطری خالصت
وصلاقی هنوز پیرانماش بر قوه حیاتییه مالک در . . . » «ایلاک تخم فطرتی آسیانک دائماً
سمالره اوپوشه ن صاف و باکر ، کریم و علوی تپه ویایلارلردن آلمش و بوعلویت و کرمله او
صفوت و بکارتی ، زمان و اداره نک هر درلو تخریباتنه رغماً ، حالا ایلاک صلابت و متانیه
محافظه ایتدیکنی صوک دفعه چناق قلعه ده چلیک قلعه لردن رهارصین بر ثبات و تحمل کوسترمکه
اثبات ایتمش اولان تورک بدنی . . . » «ایلاک تخم خلافتی آسیانک دائماً سمالره اوپوشه ن صاف
و باکر و کریم و علوی تپه ویایلارلردن آلمش ، بو کرم و علویتله او بکارت و صفوتی دین اسلامک
طبیعت اشیا اوزرینه مؤسس اولان علویت و کرمی و صفوت و بکارتیله مزج ایتمش ، کندندن
و کندی دینداشلردن باشقه هر کسک ظلم و تعدیسنه و بالخاصه ایشته چناق قلعه ده مدنیت
حاضر نک ظلم و عدوان نامه ایجاد کرده سی اولان هر واسطه اعتسافنه هدف اولدینی حاله
ینه شیمه کرمی اونومه مش ، ونهایت شهامت فطریه سی و ایمان قویسیله بوتون نامردویتیچی
قوتلره غلبه چالمش اولان تورک اخلاق . . . » «ایلاک تخم فکرتی آسیانک دائماً سمالره اوپوشه ن
صاف و باکر و کریم و علوی تپه ویایلارلردن آلمش ، و بونی بدن و اخلاقنک فعالیتلریله تمیه
ایتدیکی مدتیجه ، ادراکاتنده کی سلامت ، رأی و محاکمه لرنده کی اصابت و متخلیه سنده کی وسعت
و جیادتله کوچوجوک برعشیرتدن شرق و غربه حاکم بر دولت معظمه تشکیل ایتمش ، و بالخاصه
فکریات و مجردات ساحه سنده و صنایع عالنده دخی زماننک اک عالم و صنعتکار ملتیرینه رشک
آور اوله جق فحول حکما و صنعتکاران یتیشدیرمش اولان تورک مفکره سی . . . »

ملتی ایچین بویوک برایدی آلی واردی . ملتینی ذهنک تصور ایدمه بیله جکی قادر یوکسه لمش
کورمک ایسته بوردی . بویوکسلمه نک واسطه سی تربیه اولدیغنه قناعت ایدیور . نطقنده ملتی
حقنده کی ایدمه آلنک مختلف شکالرینی شویله تعریف ایدیور : «تورک بدنی ، او یله بر حاله
کتیرمکه ، اوندن او یله بر قوت حاصل اولسنه چالیشه جغزکه ، راه حرکتی اوکنه چیقه بیله جک
طبیعی ، صنایع هر قوت اوکا ابدیاً حرمتکار اولسون ، اونک حتی بر قیلنه ادنا بر ضرر
ویره سین . . . اونی ازلی و ابدی بر بازوی حق و حقیقت بیلسین . . . » «تورک اخلاقنه او یله بر
ساحه فعالیت آچه جغزکه ، سوکیسی ، عزمی ، جزمی ، ثباتی ، متانتی ، جسارتی ، فداکارلنی . . .
الحاصل فردی ، اجتماعی و الهی ایمانی بوتون انسانیتی قاوراسین ، بوتون عالم انسانیتی کندینه
رام ایتسین ؛ بشرک هر درلو احتراصی اونک شهامت فطریه سی و ایمان قویسی حضورنده
صوحسون ؛ اونی ازلی و ابدی بر حارس حق و حقیقت بیلسین . . . » «تورک مفکره سنه ،
او یله بر طریق انبساط و انکشاف اعداد ایتکه غیرت ایددجکیزکه ، تورک دوشونشی ، تورک
محاکمه سی ، تورک محصولات خیالیه سی : تورک علمی ، تورک فنی ، تورک صنعتی . . . بوتون

فكره لره ، بوتون علم و فن و صنعت عالنه حاكم اولسون ؛ بوتون بشریت ، جمله ايجاد و اختراعنى تورك دماغندن آين ؛ تورك بدنى ، تورك اخلاقى كى ، تورك مكرمى ده بوتون مكره عاله و بوتون مساعى بشريه ره رهبر رشاد اولسون ... بشر اونی ازلی وابدی بر مبلغ حق و حقیقت بیلین ... » سامی بك ایده آلنى سویله مکه قالمایور ، بوتون بو ایده آللرینه اینانیور و هر کسی اینادی ریوردی .

سامی بك دیندار ایدی . الهی سه وهر ، الهی تقدیس ایدردی . الهی أك دوغرو معناسیله تعریف ایدیوردی . اخلاقدن بحث ایدرکن « بوتون موجودانك فوقنده اولان جناب حقه ، هر شیده استقامت و سلامتك قصوای كالی اولان و بزى دائما او كاله طوغرو دعوت ایدن قدرت مطلقه یمه ایمان ایتك ، جناب حق ، یعنی استقامت و سلامت مطلقه یمه سومك ، اوکا هر شیدن زیاده اینانق و كوودنك ... » دییوردی . « علم تربیه اطفال » ك مختلف یرلرنده ینه اللهدن بحث ایدرکن شو ایمانلری صاحیبیور : « جناب واجب الوجودكه عین حقیقت در ، یالانه نظر نفرتله باقار » [صحیفه ۱۵۴] . « ایلك قانون الهی در . یاخود عمق قلبم زده منحوت و محكوك اولان اراده الهیه در » [صحیفه ۱۹۱] . « ایلك حال حرکته قونولش حقیقتدن بشقه بر شیمی در ؟ ایلك قانون الهی دكسه نه در ؟ » [صحیفه ۱۶۰] . « جناب حق حسن مطلق در » [صحیفه ۱۵۸] . ایشته سامی بك الهی « حقیقت ، ایلك ، حسن » صفتلریله توصیف ایدیور و بزى « استقامت و سلامت مطلقه » یمه تعبده دعوت ایدیور . سامی بك دینی اعتقادی بوقادار تمیزدی ...

هر انسان كی قصور لیدی . تفرعاتجیلانی غالبدی . چوق دفعه موضوعلرینك آنا خطرینی غائب ایده رك تفصیلاتنه قاریشدینی كورولوردی . معلوماتی بك متنوعدی . ذهنی قاموسی بر معلومات خزینه سی کییدی . معلوماتنده كی بوتنوع تفصیلاتجیلانیله برلشنجه اونی حقیقه تقدیری كوج بر قیمت حالنده براقیردی . فكرلرینی قاریشیق دولاشیق صورتده افاده ایدردی . اونك اینچین صرامی قولای آكلاشیلد ز ، اكثریا اعتراضلر معروض قالیردی . غریب بر محافظه كارانی ده واردی . كرچه تجدد دشمنی دكلدی . فقط تجددی معقول و سالم بر مجرا اینچندن آقار كورمدكجه اعتراض ایدردی . ایمان ایتدیكى هر تجدد خصوصنده ده أك كنچ بر روح كی صولتار كوستاریردی . اونی چوق كیمسه فوق العاده بر محافظه كار بیلیردی . فقط سادهجه بر بصیرتكار ایدی . چونكه كندی عالنده بر انقلابچی اولمای ده بیلمشدی .

ایشته ، سامی بك روحیتی حقنده سویله بیله جكارم بولردن عبارتدر . شیمدی موضوعك ایكنجی قسمنه كچیورم : تربیه حقنده كی فكرلرندن ، نظریه لرندن بحث ایده جكم . سامی بك بزده براقیدینی أك قیمتی فكر ارثیت حقنده در . معلوم اولدینی اوزره تربیه جیلر ایكى قسمه آیریلایلیرلر . بر قسم تربیه جیلر ارثیتك حاكم اولدیغنه و تربیه نك ضعهغه قانعدرلر . بر قسم تربیه جیلر ده داها زیاده تربیه نك ، مؤثرلكنه ایمان ایدرلر . سامی بك نه برنجیلرك قدر جیلكنه ، نه ده ایكنجیلرك مطلق جیلغنه باغلانمایوردی . بلكه ارثیت حقنده مخصوصی بر اعتقاده مالك بولونیوردی . دییوردی كه « هرچو چوق عائله سندن عضوی بروراثتله دنیایه كلیر . بووراثت حیانتك ایلك دورلرنده ضعیف در . مغلوب ایدیلدیلیر . بناءً علیه عقلك اداره سی آلتنده و یریله جك بر تربیه ایله ارثیتك نقصانلرینی تلافی ایتك ، فردك روحیتنی تصحیح و ترمیم ایتك ممكن در . لکن یاش ایلریله دكدن صوكر ا تربیه نك بونفوذ و حاکمیتی سقوط ایدر . » سامی بك بویله دییه رك هم وارثتك معینیتنی ، هم ده تربیه نك ، مؤثریتنی ادعا ایدیوردی . شو تقدیرجه چو چوقلره ، چو چوقلرك تربیه سینه بویوك بر اهمیت و یرییور و صربی لری نیكینللكه دعوت ایدیوردی .

سامی بکک ممتاز بر فکری ده روحیت بحیثه عائددر . سامی بک فکری خالقیتنه چوق
قانع بولونیوردی . « فکری حساره ، حساره فعلاره انقلاب ایدهرک فعلار وجوده کلیر ، تربیه
اخلاق ، اعتیاد تأسیس ایدر » دییوردی . بوقناعتیه ، فرانسه لی فیلسوف « آلفره دفوییه » یه
التحاق ایدیوردی . فوییه بوکا بکزددر بر نظریه ، « فکر - قوت Idée-Force نظریه سی » فی
اورتایه قویمشدی . فوییه کوره هر فکر بر قوتدر ، عمله قلب اولور . سامی بک ده اوپله
دیور ، انسانلرک فکر و فکری تعلیم سایه سنده ماهیت و شخصیتلری تبدیل ایدیه جکنه
قناعت ایدیوردی .

دیگر جهتن سامی بک آمریقایلرک « فعالیت فلسفه سی Activisme » ندن ملهم اولیوردی .
یعنی سامی بک « ویلیهم جهیمس » کبی بر پراغماتیسیت Pragmatiste ایدی . پراغماتیزم یا خود
آقتیویزم فلسفه سی فعله ، عمله استناد ایدر و بوتون معلوماتلرک مبدائی فعالیتده ، ایشده
بولور . سامی بک ده بویله بر اعتقاد طاشدیور ، دماغ ایله تجربه نك فعالیتک بویوک ارتباطنی
قبول ایدیوردی . حتی بک شایان دقتدرکه ملی تعلیم و تربیه جمعیتی مجموعه سنک برنجی
نسخه سنده مندرج نطق - مقاله سنده جمعیتک تربیه غایه سندن بحث ایدرکن « فکری مکتسباتنی ،
حقیقی اکتساب تملاری اولان بدن و اخلاق اوزربنه قوره جغز . » دیور . دیمک که سامی
بک بدنله اخلاق فکر ایچون مصدر اولارق قبول ایدیور . بویله بر قناعت طاشییمان کیمسه نك
بدنک ، اخلاق فعالیتنی ایجاب ایدن هر شیئی هر موضوعی فکری تکاملنه واسطه قبول
ایتمه سی طبیعی در . سامی بک ده رسم ، آل ایشی کبی تدریساتی فکری تربیه سنده بر عامل در
دیور و بونلری شدتله ترویج ایدیوردی .

شیمدی تربیه نك اشکالی و انواعی حقنده کی قناعتلرینه کچه بیلیرز . سامی بک بدنک تربیه سنده ،
بدنک تکاملنه بویوک بر اهمیت ویریوردی . نره ده تربیه دن بحث ایتشه اولادنی موضوع
ایتمشدر . مثلاً ملی تعلیم و تربیه جمعیتی نظامنامه سنک ایکنجی ماده سی کندیسی طرفندن تعدیله
ایدیلشدی . اوراده یتشدیریلده جک عنصری « وجودی ، اخلاق صاغلام » دییه توصیف
ایدیور . ینه ذکر ایتدیکم نطقنده « اولادنی نظر مطالعه یه آلا جغز » دیور . تربیه
بدنییه حرمتندن ناشی چوجوقلر و کنجلر ایچین آچیق هوا حیاتی ایسته یوردی . یاز تعطیللرنده
چوجوقلری قیرلرده یاشاتق ایچین « تعطیل اوبه لری » تأسیس ایتدیرمک ایسته یوردی .
بو تعبیری کندیسی بولاشدی . بونکله « Colonie scolaire » تعبیرنی ترجمه ایدیوردی .
سپور عشق بک زیاده ایدی . قاضی کوی اتحاد سپور قلوبنه دوام ایدنلر اونک هر جمعه
و بازار ، یاز وقیش منتظماً مسابقه سیر ایتیه کلدیکنی کورورلردی . بکا مکرراً دیمشدی که
« مملکتک حالندن چوق متأثر اولیورم » لکن شو کنجلرک فعالیتنی کوردنکله ایدله یورم ،
سهوینیورم . اونک ایچین اونلری سیر ایتیه کلیمورم ... »

قلوبک مدیری راشد بک بر کون کنجلر ایچین مدار تشویق اولسون دییه ایزجی البسه سیله
فوطوغرافنک چیتاریلداسنی کندیسنه رجا و تکلیف ایتشدی . سامی بک بو تکلیفی تردد سزجه
قبول ایدی و سهوینه رک کیندی . ایزجی صوباسنی کمال حرمتله آلدی . فوطوغراف
چکیدی . بر ایکی کون صوکرابا عالی جاده سنده بر آرقاداشه تصادف ایتدک « ایزجی
البسه سیله فوطوغرافکزی چکمشلر ، قلیشه یاپدیرمشلر ! » دیدی . سامی بک بردن
حدتله نیر کبی اولدی ، لکن « شهبال » ده بو قیافتله رسمنک طبع ایدلدیکنی کورونجه هییچ
اعتراض ایتدی . بلکه ده سهویندی . بدن تربیه سی نافه آرزو ایتدیکی شیاردن بری ده
مکتبلرده اوکلدن صوکرابی زمانک ایشه تخصیص ایدیله سیدر . سامی بک بوندن بدنی و حیاتی
منفعت کوریوردی .

فكر تربيه سى خصوصى كى نقطه نظرىنى آكلامق ايچىن فكرى تعريف ايدىشنى باقمالى در . سامى بك نطنده جمعيت مؤسسارى نامنه قناعتدن بحث ايدر كن دىيور كه « بزجه فكر ديمك انسانك صرف كندى فعاليتلرله ، يعنى بدنك ، اخلاقك و دماغك فعاليت منظمه و مطرده سيلاه ، اكتساب ايتدىكى بيلكىلر كى هيئت جموعه سى ديمك در . بناءً عليه تورك فردىنى بدنك ، اخلاقى و دماغى دائماً وسطيله ، يعنى على الاطلاق كندى احاطه ايدن شيلرله تماس و مناسبتده بواند ير درق ، بو تماس و مناسبتلر كيت كيده طبيعى و تدريجى بر صورتده كنىشله تورك و چوغالته رق كرك محيطك بدن ، اخلاق ، و دماغ اوزرىنه و كرك بونلر كى محيط اوزرىنه صورت طبيعیه ده واقع اولان تأثيراتنى بر نظام و اصول آلتنه آله رق محيط ايله بدنك ، اخلاقك و دماغك ، بر نظام و اصول تحتده ، بلا انقطاع والى نهاية العمر تفاعل و تعاملنى تأمیننه غيرت ایده جگیز . دماغى يالکیز باشنه چالیشمقدن و بو منفرد و مجرد مساعیلاه ، هم - صورت مطمئنه ده - ضلالته دوشمكدن و همده عبث يره يپرايمقدن قورتاره جغز . و صكره هر فردى ، بو تملار اوزرنده غيرك سابق و لاحق مساعى فكريه سندن استفاده ايله ، كندى كندینه ، صاغلام و شخصى برر بنا قوره بيله جك حاله كتيره جگیز . « سامى بك فكر ايچىن فعال ، تجربى ، شخصى ، ابداعى بر تربيه ايسته يور ، فكرك دائماً مناسبتنى شرط قوشىيوردى ، اونك ايسته ديكى تربيه بوتون معناسيله مثبت ، حقيقى و تكامللى بر تربيه در . تربيه ده مشخص واسطه لره اهميت ويريله سنى موهوم و مجرد اصوللردن صاقينلماشنى كتابنده هپ توصيه ايدىيور و معلوماتك هضم ايديله رك فكره مال اولماسنى طلب ايدىيور . حتى بو طلبنده بعضاً صوك درجه تعصب كوسته رىيوردى .

« شمس المکاتب » ده درس ناظرى ايكن كندى سنى هندسه امتحانه چاغيرمشمدم . هندسه درسى ضرر سزجه و يکيجه ايدى . بر سینه ظرفنده چوجوقلر كى استفاده سى ايچىن آلدن كلديكى قادار چالیشيلمشدى . خصوصيه معلمز يکى قافالى فعال بر كنجدى . فقط سامى بك چوجوقلر كى امتحان اوطه سنده پاك طبيعى اولان تردد لرندن خوشلانمايارق يولده بکاشو سوزلرى سويلده دى : « ديمك كه حقى بك ، بوتون غيرتلكرزه رغماً چوجوقلر ده فكر ويرديره مه مشكز ! چوجوقلر ويريلن معلوماتى هضم ايدمه مشلر ، قورقاق و متردد بولونىيورلر ! .. » ايسته سامى بك بوله ججه اعتراضدن هيچ چكىنمه يوردى . مكاتبلارده رسم و آل ايشى تدرىساتنك انكشافى آبرجه ايت يوردى . بك يکى اولايان كتابك مختلف يرلرنده « فروبال » ايشلرندن و رسمك اصول تدرىسندن واقفانه بحث ايتشدر .

اخلاق تربيه سى خصوصى كى قناعتى اخلاقى تلقى سینه مربوط . سامى بکه كوره « اخلاق ، اولاً نفسنه ايمان ديمك ، يعنى كندىنى سومك ، كندىنه اينانمق ، كوودنك و حرمت ايتك ديمك ، عزم و جزم ديمك ، ثبات ديمك ، متانت ديمك ، مدنى جسارت ديمك ، استقامت ، حياء ، امانت ديمك ، ثانياً عائله سینه ايمان ديمك ، يعنى عائله سنى سومك و اوکا كندىدن زياده اينانمق ، كوودنك ، حرمت ايتك ، افراد عائله سنك منفعتى كندى منفعتنه تقديم ايتك ، هر اخلاقى حر كىلرنده اونلره معين و ظهير اولق ديمك ؛ ثالثاً ملتنه ، عرقنه ، و وطننه ايمان ديمك ، يعنى ملتى ، عرقى ، و وطنى كندىدن و عائله سندن زياده سومك ، ملتنه عرقنه و وطننه كندىدن و عائله سندن و كنديله عائله سنك بوتون ماملر كندى زياده اينانمق ، كوودنك ، حرمت ايتك ، ملتنه ، عرقنه و وطننه هر عزمنده ، جزمنده ، تشبثنده ، مدنى جسارتنده ، استقامتنده ، حيا سنده ، امانتنده ، الحاصل بوتون واجباتنده معين و ظهير اولق ، ملتى ، عرقى و وطنى هر ملتدن ، هر عرقدن هر وطندن ده عزيز و محترم كورمك ، اونلر كى مادى و معنوى بوتون منفعتلرىنى ، كندىنك و عائله سنك منافعهنه تقديم ايتك ، وطننه ، عرقنه ، ملتنه او منفعتلرى تأمین و تأييد ايتك ايچون

عندالاجاب ، كندینى وعائله سنى فدا ايتك ديمك ؛ ونهايت ، نفسك ، عائله نك ، ملتك ، عرقك ووطنك ، الحاصل بوتون موجوداتك فوقنده اولان جناب حقه ، هر شیده استقامت و سلامتك قصوای كمالی اولان ویزی دائماً او كماله طوغرو دعوت ایدن قدرت مطلقه ایمان ایتك ، جناب حق ، یعنی استقامت و سلامت مطلقه یی سومك ، اوکا هر شیدن زیاده اینامق و کووه نمك ، نفسك ، عائله نك ، ملتك ، عرقك ووطنك هر سوکیسی ، هر عزمی ، هر جزمی ، هر ثباتی ، هر جسارتی ، هر فدا کارلغی ، هر خیر خواهلغی ... الحاصل بوتون فردی واجتماعی واجباتی حق و حقیقت مطلقه یه ، یعنی اللهك امرلرینه توفیق ایتك ، اللهك امر ونهیینی بوتون منافع و واجباتك فوقنده کورمك . حق و حقیقتی . اللهك امر ونهی وجه ایله ، نسندن . عائله سندن ، ملتندن ، عرقندن ووطنندن زیاده سومك ، وبو سوکی یی بوتون بشریتك فکر و وجداننده تحکیم ایتمكه چالشمق دیمك در . »

کورولیوركه سامی بك اخلاق نفسه ایمان ، عائله یه ایمان ، ملت ، عرقه ، وطنه ایمان ، الله ایمان مقامنده تلق ایدیور . و اخلاق غایت حسبی اساسلره استناد ایتدیریور . بونكله برابر سامی بك فرد جیلکدن آیریلمایور ، فردك ، نفسك تقدیسینی اونوتمایور . اودرجه ده كه فردی ، فردیتی انكار ایدن ، فردی حاكیت و جبریتله اداره ایدن قوتلره زمان زمان عصیان بیله ایدیوردی . بعضاً بو عصیانلری اعتدال حدودلرینی کچردی ...

سامی بك اخلاق تربیه سنده أكچوق مهم کوردیکی نقطه دینه ، دین تربیه سنه ویریله جك موقع ایدی . سامی بك اخلاق دینسز قاناسنی ، دینك اخلاق تربیه سندن خارج بر اقیلماسنی قطعياً تجویز ایتیهوردی ، دینی و ایمان و اعتقادی بوتون قوتلرك اوستنده محترم کوریوردی . کتابنده دین تربیه سنی حقنده توصیه لرده بولنیور . فقط بو خصوصده بر چوق کیسه لر کی ده شونمایور ، غایت نزیه و وجدانی دوشونیور ، دینك جبر و تحکمه دكل ، وجدان ایله سه و دیرلمه سنی ایسته یور ، « محبت امر اولمز ، فقط ساری در . » دیور [صحیفه ۱۷۹] . سوکرا دین تربیه سنده کوزلك و تقدیر حسندن استناده ایدیله سنی ، تاریخه ، مثاله مراجعت ایدیله سنی توصیه ایدیور . سامی بك عملسز بر ایمانی آکلامایور ، عملسز ایمانك ایمان اولامایاجغنه قناعت ایدیوردی . ملیتجیلکك دینسزلك صورتنده تجلیسنه شدتله اعتراض ایدیور ، منکرلرینی ارشاد و اقناع ایدیوردی .

سامی بك اخلاق تربیه سنده اصولی اقناع ایدی . اقناع ، سامی بك انسانلری تربیه و اصلاح ایچین طانیدینی مؤثر واسطه ایدی . بریسی اقناع ایتك ایچین ساعتلرجه چالشیور ، اقناعه مقتدر اولیوردی . بر کون چارشى قاپوسنده آنه سنك سوزینی دیکلهمین بر چوجوغاك خیر بالاندیغنی ، آغلادیغنی کورمش ، قادینك یانه یاقلاشارق « خانم ! چوجوغاك اوزرینه وارما ، بلکه بر زوری واردر . بو طرفدن کیتمك ایسته میور . سن ده زور لاما ! ایسته دیکی طرفدن کوتور ، سوکرا دولاشدیره دولاشدیره ینه ایسته دیكك طرفه کتیررسك ! ... » دیمش ، چوجوغاك اوزونتیسنه مانع اولمش ... ایسته انسانلره رفق و ملایمت کوسترمك ، دائماً خوش وای معامله ایتك صورتی اخلاق تربیه سنده یكانه واسطه بیلیوردی .

سامی بك اخلاق تربیه سنك ملی اولماسنی ده ایسته یوردی . ملیتی اخلاقك بر عنصری کی مول ایدیوردی . سامی بكه نظراً ملیت تربیه سنی تاریخی ملتك تاریخی مفاخریله ویریله جكدی . بر ملتك دیریله سنی ایچین أك مؤثر چاره اوکا بویوكله كینی آکلامق ، وارلغنی اثبات ایتك ، بونكده یولی تاریخه ، ملتك ماضیسنه مراجعت ایتك ایدی . فکر نجه صنایع نفیسه ده ملی تربیه نك ، ملی انتباهك مهم بر عاملی اولابیلیردی . دییوردی كه « توركار صنایع نفیسه لرینی ادراك ایتك صورتیه ملیتلرینی هر واسطه دن زیاده تقویه ایدمیلرلر . » توركارك صنایع

نقیسه‌سی صیراستنده معماریلرینی، چینیلرینی و یازیلرینی اُک چوق تقدیر ایدیور و بونلرک ملی تربیه ایچین قورلانیلماسنی آرزو ایدیوردی ..

مکتبده مساک تربیه‌سی ویریلد سینه طرفداردی . سامی بک « حقیقیه‌سی (Réaliste) » تربیه‌جیلردن ایدی . مکتبک هر عمومی بحثی تعلیم ایدوب مساک ایمان، مساک معلومات ویرمه‌سینه زاضی اولایوردی . کرچه بونکله مکتبلرک برر قاریقا حالنه کلمه‌سینی ایسته‌مه‌یوردی . آنجاکی عمومی و ترسوی موضوعلر قادار مساک، اختصاصی موضوعلر ده اهمیت ویرله‌سینی ایسته‌یوردی . ناصیل که مکتبلر ده آل ایشی نك بومقصدده خدمت ایدوبیلا، جک مهم برواسطه اولدیغنی تقدیر ایدرک آل ایشی تربیه‌سینک تعمیمنه چالیشیوردی . بومقصدینی تأمین ایتدیرمک ایچین ده واسطه معلملر اولدیغنی دوشونهرک اولابر « آل ایشی دارالمعلمینی » تأسیس ایدیلد سینی خصوصنده کی فکرینی معارفی ناظری شکری بک افندی‌یه‌ده قبول ایتدیرمشدی . بودارالمعلمین و فاسلطانینی قارشیسینده معارف نظارتنه عائد بوستان عرصه‌سینده انشا ایدیلد جکدی .

آرتق اوچونجی قسمه ، سامی بکک تربیه‌یه عائد خدمت‌لرینه ، تشبث‌لرینه کچه‌بیلیرز . سامی بک یا لکیز بر تربیه‌جی‌لک دکل ، بالذات معلم و مربی‌لک ایتمش در . طشره‌لرده حکمت طبعیه و کیمیا معلم‌لک‌کننده بولونمش در . « علم تربیه اطفال » اسمنده بر کتاب یازمش ، بو کتابیله اوزمان ایچین مهم بر خدمتده بولونمش در . علم تربیه اطفال بوکون ایچین بیلا، استفادلی بر اثردر .

بالخاصه « افکار » سرلوحه‌لی قسملرنده شخصی فکرلری کورولور . بوندن باشقا سامی بک معارف نظارتی طرفندن نشر ایدیلن « اصول تدریس و تربیه تعلیمات‌نامه‌سی » نك « نظام ، انضباط ، صحت » قسملرینی یازمشدر .

سامی بک اداره آداملرینک قیمتی بر مرشدی ایدی . حیاتنک بر قسمی مأمورلری و آمرلری ارشاد ایله کچمشدر . نصیحت و یرمکدن ، یول کوسترمکدن بر دقیقه کری دورمامش در . معارف نظارتی طرفندن تشکیل ایدیلن « تدریسات ابتدائیه پروگرام قومسیونی » نك رئیس ایدی : مشروطیتی متعاقب مملکتده یکی بر معارف حرکتی باشلادی . بو حرکتک مرکز ی استانبول دارالمعلمینی ایدی . حرکت باشلامش ، فقط هنوز تعمیم ایتمه‌مشدی . مکتبلرده ، افکار عمومیه‌ده ، بالخاصه اوزمان استانبولک ابتدائیلرینی تشکیل ایدن وقف مکتبلری معلملرنده آز چوق مقاومت واردی . یکی حرکتی تعمیم ایچین قوت لازمدی . بو قوت حکومتک رسمی بر پروگرامندن باشقا اولابیلیردی . ایشته سامی بک بو یکی حیاتنک پروگرامنی وجوده کتیرمک ایچین چالیشدی . او پروگرام اُک یکی موضوعلری اُک بویوک برقیملله احتوا ایدیوردی .

سامی بکک قیمتدار بر خدمتی‌ده قادین انقلابنه تأثیری در . اکر قادین بزده بر انقلاب کچیریور و بو انقلاب مملکت ایچین مفید اولیورسه بنجه اونک ربانیه‌سی‌ده سامی بک در . ایلك دفعه قادینلر ایچین دارالفنونده عمرمی و سربست درس‌لر کشادینی تصور ایدرک موضوعی و معلملری تصریح ایله معارف ناظری شکری بک افندی‌یه مراجعت ایتمشدی . دارالفنونده سربست درس‌لرله باشلایان عالی‌قادین معارفی حرکتی قادین دارالفنوننک کشادی تعقیب‌ایتدی . دیگر جهتن دارالفنون درس‌لرینه دوام ایدن خانلرک بر قسمی حکومت مأموریت‌لرینه داخل اولارق اجتماعی حیاته قاریشدیبار .


سامی بکک مملکتنه یاپدیغنی خدمتلردن بری‌ده « ملی تعلیم و تربیه جمعیتی » نك تأسیسینده کورولیور . اولجه جمعیت « شمس‌المکاتب هیئت حامیه‌سی » شکنده ورشیم حالنده موجوددی . هیئت حامیه‌نک ملی بر جمعیته قلبی فکرینی سامی بک سرعتله تصویب و تشجیع ایتدی .


تأسیسندن سوکرا بالذات رئیس‌لکئی در عهد ایدرک بو وظیفه‌ی یتاغه‌دوش‌دیکی کونه قادار یاپدی . جمعیتک حیاتنده یاپدینی بویوک خدمتلردن بری ده کچن رمضان شریفده قادین وارکک سامعلرک برچاتی آلتنده طوبالانغاسی، ارککلرکی قادینلرکده عمومه علمی، تربیوی موضوعلر اوزرنده خطابتده بولونغاسی ایدی . سامی بک برخیلی تردد و مناقشه‌دن سوکرا بوفکرک اصابت و مشروعیتی تصدیق ایدرک تشبیه بولوندی ویاپیلان اعتراضلر سیأتدن منزه شخصیه قارشى کلدی . واجتماعلرک حقوق و مقدساتمزی رنجیده ایتیه‌جک برنزاهت و اصلتله دوام ایتمه‌سی ایچین بالذات بدنأ چالینشدی .

ایشته بو بویوک آدامک مملکتنه بر معلم ، مربی و تربیه‌جی صفتیه ایفا ایتدیکی خدمتلردن بیلدکلرم بونلردر . کندیسنى اخلاق و انسانیتک طانییابیلدیکی انسانلرک آک بویوکلرندن بری فرض ایدرم . أولومی عائله‌سی ایچین تلافی ایدیلر برضیاع ، مملکتی و جمعیتی ایچین تعمیرى بک کوچ اولان برفلاکتدر . جمعیتمزده بوش براق‌دینی یرایسه الی‌الابد اشغال ایدیلهمیه‌جکدر . امید و تمنی ایدلم که مملکتک بوتون کینجاری و اختیارلری اونک معزز خاطرهمی قارشیسنده حرمت و محویت دویسونلر و او خاطرهنک بویوکلکی قارشیسنده اکیلسینلر ...

بيک بردیرک - ۶ کانون اول ۲۳۳ دارالفنون مدرسلرندن

اسماعیل حقى





سامی ملک

طانیدیغم متکامل انسان نمونه لرندن بری ده سامی بگدی ... سامی بگك وفاتی بوتون بویوك آدم لرك وفاتی گپی روح انسانیتده قاپانماز بریارا آچدی دییه بیلیرم . بلکه سوزلریمده برمبالغه بولوندیغنه، بلکه حرمت و محبتك سائق افراط اولدیغنه حکم ایدنلر بولونابیلیر ... فقط بن حکمده حقی اولدیغنه ، قناعتده مبالغه لی بولونما دیغنه آمینم . شو وطن انسانیت اولان دنیا ده پك گوزهل، پك جاذب اولارق طانیدیغمز چهره لر آراسنده بوتون معناسیله «انسان» نام بلندینه حق قازانانلر پارماقله گوسته ریله جك قادار آزدر، دینه بیلیر... اشته سامی بك او ، پارماقله گوسته ریله جك قادار آز اولان انسانلردن دی .

کنديسنى صوڭ دفعه تراموايده گوردوم .. فکرتک تجيل روحى ايچين يازيلش بر ايکي مسوده يي «معلم» مجموعه سنه توديع ايتک اوزره گوتورويوردوم . برابر اوقودق . بعضى فکرلرى مناقشه ايتدى . صوڭرا بر مدت دوشونجه يه دالدى .. بردن بره بو داغينلقدن چيقارق آتشلى بر افاده ايله فکرتى ياده باشلادى ..

« فکرتی آڭلامادیلر .. اونک نه قادار بویوک ، نه قادار تمیز، نه قادار آئی روحلی برآدام اولدیغنی آڭلامادیلر ، آڭلایامادیلر. یازیق اولدی .. » دیدی، یینه سکوت ایتدی .
بو دهرین سکوتنده دهرین برمعنای تأثر اوقونویوردی .

بروضع نوميدانه ايله آئيني صالادى . آجى آجى گولدى .. « فڪرت گنجڪلرڻ باباسى ايدى » ديدى . سوزى گنجلره ، گنجلگه نقل ايتدى . هر زمانكى آجى نشئهسى ، هر زمانكى آجى امليله گنجلكدن بخشه باشلادى .

— سامی بك چين ، دوشوند كلريگزي سويلمه يورسگيز ؟ هيچ اولمازسه يازساگيز

متأثر بر نظره باقارق : شیمی عالم چوق .. اونلر سویله یور .. بزلره سوز
دوشمه ز .. « دیدی و گولومسه دی .

أوت سامی بکک روحنده گنجلگه قارشی بسلانن عشق کولله نوب قالمشدی .. واسع
بر مقیاسده گوسته رماک ایسته دیگی آثارینی ، معالاف ، گوسته ره مه مشدی .

بوتون املارینی ، بوتون عشقلرینی بوتون بویوک آداملر گیبی اوبویوک روحنه گوموب کندیسینه
برابر گوتوردی .

سامى بك اوچ بويوك فضيلته ، طاپارجه سینه ، عاشقیدی . ئويله ايسته ردى كه بوتون انسانيت ، بوتون شجابت بو اوچ بويوك فضيلته متحلى اولسون ... خصوصيه وطنى ، وطنك گنجلىرى ..

هیچ اونو تمام گچهن سنه ایدی . قاضی کوی سلطانینینک برمسامه سندن دونو یوردق .
سامی بکده براردی .

هوا ائىچە قارارمىش ، گىجە ياقلاشمىشىدى . استانبولە گچىك اوزرە واپور بىكلە يوردىق .
سامى بك گوگرتەدە اوطورمىق آرزوسىنى اظهار ايدىيور . « هېچ اولماز سە تىز هوا آليرز . . »
دييوردى . اوت تىز هوا . . ايشە سامى بىكك تايدىنى « فضيلت » لزدن برى تىزلا . .
مادى ، معنوى تىزلا دى .

او بوتون انسانىتى ، بوتون انسانلىرى وجهاً ، حساً ، روحاً تىز گورمىك ايشەردى . .
مخاورە جريان طبيعىسى بولابىلمىك ايچىن دولاشيور ، دولاشيوردى . سامى بك بك
آسكىدن برى ذهنده قوتلى برىرطوتان برأمنى ، عادتا چوجو قىچە براشتياق ايله ، آڭلاتدى . .
يوكسەك بر ىردە ، مثلاً ، اسكدارك دەڭىزە ناظر تپەلرندىن برندە « بلور بر كوشك »
ياپدىرتمىق ايشە يوردى .

بوڭا دائر دوشو مچەلرېنى ، نە صمىمى برتمىسر ، نە معصوم برتمى ايله آڭلاتيوردى .
ضیادار و تىز اولاجىق . . دىركن گوزلىرى ، روحى گولويوردى . كوشكك اوستنە وضع ايدىلەجىك
بويوك بر ألكترىق لامباسى دەڭىزى ، قارايى آيدىنلا تاجىق ، قارانانى ، قارالنى سىلەجىكى . .
بلور كوشكى يازمىق ايشە يورم . . بىلكە كندىم ياپدىرامام ؛ فقط برگون زنگىن بر
آمرىقالى ياپدىرايلىر . بۇدە نىم ايچىن برتسلىدر . . دييوردى .

بلور كوشك سامى بىكك روحى ، سامى بىكك فكرى ايدى . . . او بوتون گىجىلگى تىز ،
پارلاق وگوزەل ، گونش گىبى تىز ، گونش گىبى پارلاق ، گونش گىبى گوزەل گورمىك
ايشەردى .

سامى بك بوتون چوجو قىلغىك باباسى ، بوتون گىجىلگىك مريدسى ايدى .
حياتى تدقيق اولونسون . . منفعت جولق ، موقع پرستاك ، ظاهر پروراك گىبى احتراصات
خسېسەدن هېچ برىنە أسىر اولمادىنى گورولور . بالعكس هر دىلو نفسايتى أسىر ايتىش بر
آدام ، بر انساندى . بونك ايچىن بويوكدى .
آيىلگى سەودىگى ايچىن معارفە ، گوزلاڭگە تايدىنى ايچىن شعرە انتساب ايتىشى .
گىجىلگى تقدىس ايتىدىگى ايچىن دە مريدى قالمىشى .

سامى بك تربىەنك معناسى حقىلە تقدىر ايدەن مريدلردن ايدى .
دیه بىلىرمكە فكرتە برابر حقيقت وعدالت حسلىرىنى ، انسانىت دستورلىرىنى انسانلرە
تلقىن ايدەن سامى بك ، يالگىز سامى بگدى . چونكە اونك مزىتى بر چوق سويلەيەنلر گىبى
يالگىز دوداقلرندە قالمايور ، روحنە ، فكرىنە ، وجداننە عكس ايدىيور ، حرکاتندە تجلى
ايدىيور ، نفسندە آڭ جدى ساحە تطبيقى بولويوردى .

سامى بك جهانە مؤكل خير اولارق گلەن انسانلردى . ياپدىنى آيىلگى خلقە گوسترمىك
قصدندە اولمادىنى ايچىن كندىنى حقىلە طائىمايانلر ، طائىمايانلردن بك چوقدر .
سامى بك بر شهاب ثاقب گىبى سس سىزجە سوزولوب گىتدىگى ، افولى ولولەدار
اولمادىنى ايچىن ، گورمەيەنلر ، گورمەيەنلر بك چوقدر .

فقط ديدە انسانىت اونى گوردى . اونك ايچىن آڭلادى . نە بويوك مظهرىت . .
سامى ؛ ياشادىنى مدتجە بوتون انسانلر گىبى فانى ايدى . . شىمدى بقايە نامزد اولدى . . نە
بويوك فضيلت . .

آرتىق يتر انسانلرە انسانلىنى ئوگرت

دیهن دوداقلرى بوتون انسانىتك دوداقلرى تقدىس ايدەجىكىر . سامى بىكك بلور كوشكى
حسنك ، صفوتك ، عدالتك مشخص برتمالى ايدى . اونى گورمەدن گىتدى . فقط حياتى
وقف ايتىدىگى معارف او آبدە عرفان و وجدانى اونك نام بلندىنە ركز واتخاف ايدەجىك . .

سامى بىكك تايدىنى فۇيىلىتلارلە مېھز گىنجلر يىشىدىرەن بىر مۇسسە عرفان تۇسىنىدە گىچىكمە چىك،
سامى بىكك روى دە گىنجلەگە ، مەللىكتە اىستەدىكى نورلرى سىرەن اولور كوشكى مەشرە
نظرلرلە تماش ايدەرك الى الابد شاد اولاجقدر .

روم ايلي حصارى ، ۱۵ كانون اول ۳۳۳

۱ . حىكىمت



سلىمان نىسب بىك


شاعر و تربىە جى سلىمان نىسب بىكى ھەرشىدن اول چوق تىمىز برانسان اولارق
بىليورم . دىرت سىنە اول طانىدىغىم بوزاتە ھەركچن كون بى داھا قوتلى برحرمت
و محبت حىيلە باغلادى .

سامى بىكك تربىە علمىندەكى وقوفىنىك كىنىشلىكنى — مىسلىكم اولمادىغى ايچىن —
ايچە بىلىيورم . لايموت فىكرتك تاثيرى آلتىنىدە قالان ادبى محصلولاتىنە كلنىجە ،
بوشەرلردە ياراتىجى برىخىلەنك يوكسىك نمونەلرى ، عصيانلى برقلبك جوشىقون
فرىادلرئى بولاماز . مرحومك كىناھىسز ، صاف حىياتىنىك نزيە ساكنلىكى اثرلرندەدە
آشكاردر .

ئولومىنە اك چوق آجىدىغى انسانلردن برى اولان سامى بىكك اسمى ومزارى
ئۇنىدە حرمتلە اكيلىرم .

بىكار بىكى ، ۱۷ كانون اول ۱۹۱۷

يوسف ضيا



سامى بك

« اوجوشغون بىر قەلبىدى ، شەن بىر فەكرىدى :
 « سودىكى وطنىدى ، سۈكسىز بىردى .
 « شاعىردىن زىيادە او بىر شەئردى . »
 خ . پ

زواللى مەدەنىيە !

كېچىن بايرامىك ايكىنچى كىچەسى ايدى . كىچە يارىسىندىن سوڭرا قالدىردىلار . تەخسەن بك كەش ، مطلق كورمەك ايسە يورمىش ، دىدىلار . بو محترم كىنج معلم ايله قارشى قارشى يە اوطوردىغىمىز . زمان كەندىسىنى ازىمىش ، زبون بىر حالده بولدىم . قوت وتسلەيت آزار بىر صورەتدە شو خىيەل حەقىقىتى تەبلىغ اىچون كەلدىكىنى سويلەدى : سامى بك اولدى .

ايلەك بىر قاچ ئانىە لال ومەبەوت ، عاصى حەسلە دولو اولەرق كەلدى . ھەركون آرامەتدە ، روھەتدە ، بىزە بىزدەن دىھا ياقىن دىھا آشنا ياشايان بودوغىمىز آدمەك شو ابدى فراقى تەئىرلەندە دولدورولاماز بىر بوشلق بىراقىوردى . فقط خەفەكە تەئىرەندە امكان وراحت بوقدى ، حەقىقتە قاپويە كەش ، كوزلىرىنى آچىش بىكلە يوردى :

جەنازە دورماز . اونەك احتىياجلىرى ، خەمەتلىرى واردر . او ، تەبوت ايسەتر . تەبوتەك ھەرقولنە كىرەجەك بىر آدمەك ايسەتر . اودە ، دۈنە قدر حەرمەتكارلىرى اولدىنىى حالده شىمدى كەندىسىندىن ابدە اوزاقلاشمىش اولانلاردىن ، كەندىسىنەك وجودىندىن اورپەرەجەك ، ايكەرەندەجەك اولانلاردىن اودە آيرىلق ، ونەھەيت طوپراقلىرىلە اورتەك ايسەتر .

تەبوتى نەھەيت ونەھەيت ايسەتر ، اونەك اىچنە آتەلق ايسەتەدىكى طوپراغى نەھەيت ونەھەيت نەھەيت نەھەيت ، بىلەنە يورۇز . بايرام . غەزەلەر چىقماز . استەنبول داغىنىق . آرابا يوق . تراموا يىلەردەرد . تەغراف ! فقط تەغراف خەتلىرى تەبىرىكار ، جەيەلەردە زەلەلەرلە مەشەبوعەدەر ، دوستلەك ھە بىر شەھەرك آيرى بىر كۈشە سەندەدر .

ھەم دوستلەردە كىم ، بو بىر مەسئەلەدر ؟ بو بىر كار ، مەروف كىمەسەلەرسە اونلار ھەركون كەندىلىرىنى بىر خەيرە سوق ايتەك اىچون باشلىرىنە مەسلەت اولان بو غەزىز روھ حەققەندە ايسەتەيەرك ايسەتەمەيەرك ياپدەقلىرىنى كافى كورمەلەرى ؟ كوچەلەر ، ھەركون بىر صورەتلە بىر لطفنى كورن بىچارەلەر كەنجە بونلرى آرايوب ، كىم ، نەھەيت بولەيلىر ؟

اوت ، كىمەلەر ونەھەيت خەبەر اوچورمالى : بو سوئاللىرى كەندى كەندىمىزە بو بىر مەزە وينە كەندى كەندىمىزە صورەت يوردىق . ايسەتە بو سوئالى صورەتدە حەقىقىي اولدىغىمىزى بو بىر صورەت مەزە لىرۇم اولدىغىنى آ كەلدىغىمىزە صەھەدە ، تام بو صەھەدە ، عەقەمە سەن كەلەك : - زواللى مەدەنىيە ! دىدىم . ھال بۈكە بونلار بىر بىر بىسود تەكەلف ايمىش . اونەك وفاقار ، شاعەر ، عالم ، ناظر دوستلىرى كەلدىلەر . چوق كىمەسەلەر دويدى ھەردويان كەلدى . اوينە ، يولە ، سەركەجى اسكەلەسەنە ، واپورە كەلدىلەر . بو بۈيۈك اولونەك بو تون حەياتىدە مەستەغنى قەلەبىنى ھەشى ياپلدى .

استمبوظمرك ايوب جوارنده يانشدينى اسكله بر بايرام یری ایدی . آلاجالى بولاجالى
 اثوابلریله ، رنگلى چارشافلریله ، بیتمز توکمنز چوجوقلردن، قیزلردن ، قادینلردن مرکب
 برجماعت کبرا ؛ شرقیسیله ، داوولیه ، زورناسیله اور جقده مست ایدی . هوا لطیف ،
 اورتهلق سرین ، دنیا ممنون ایدی . بونلر تابوتك آرقهسنه دوشمه دیلر . بونلر هر بيلمه دیکی
 کیمسه نكده دوستی اولان ؛ عمری متمادی ومتوالی شعردن ، اییلکدن ، نجاتدن عبارت
 بولونان وکندیلرینک دنیاده مطلق الك بویوک دوستلردن بری اولان بواولویه حتی باقادیلر .
 تصادفاً باقانلر صالینجاقلری ، آتلی قارینجه لری ، شکر جیلری ، طور شو جیلری ، قوش لقو جیلری ،
 فستیق جیلری آراسندن بویله بر بایرام کونی کچمکده نه معنا وار کی برباقیشله باقادیلر . فقط
 بزاصلا قصور ایتدک . اونى اعزاز ايله ، تجیل ايله ، مملکتک علماسی ، شعراسی ، قیمت شناس
 ناظريله هپ برابر کوتوردک . صاغ ایکن نه طرفه کیتمک ایسته دیکنی سویله مشیدی . اورای بولوق ،
 ذاتاً صیق صیق قازيله قازيله خفیف بر حانده بولونان اوطوپراقده بر جقور قازدیردق وکندیسنی
 ایچنه براقدق . حتی غالباً چابوق چوروسون دییه تابوتك قوللردن صوکره ، اوستنی ده پک
 آجی برسس چیقاران بردستره ايله کسیدیلر . بوآرالق اوراده چالیشانلر جداً متوکل ، وظیفه
 شناس آدملردی . کیم بیلیر صباحدن بری ، کیجه دن بری بویله مهم مهم قاچ ایش کورمش
 اوله جقلرکه بو محترم اولونك مزارینى ده شمى حالسز حالسز ، بزهمز اورایه کلدکدن ومبارك
 آدامك آز صوکره یرك آلتنه ایندیریله جك اولان تابوتنى یرك اوستنه براقدقدن صوکره .
 قازیورلردی . « برینک مزارینى قازمق » ده بروظیفه اولدیغنى وبوتعبیرکده سائر برچوقلری کی
 مناسبتسز برمعناده قوللانلیدیغنى بووسیله ايله اوکرندم .

اوراده ، هان اوصیراده پیدا اولیویرمش ، کندينى کورکوسترن برسائل دکنکنى قاقاراق
 « شوراجقده ایچمدن بریس شریف ختم ایدیم ! » دیور ؛ یوزی کوزی یارادن بره دن
 کورونمز بربرونسز الهى برمبعوث وضع وحشميله صاغى صولى قاقاراق کندينه بریر آچوب
 « بنده برتبارك اوقویهیم ! » اداسیله کوزه کورونه جك بر صورتده اوکه صوقولوب یرله شیوردی .
 فائق عالینک کوزنده یاشلر واردی . جناب شهاب الدین « نه طبیعى حال ؟ نه بسیط بر حقیقت ! »
 دیور کیدی . سلیمان نظیف آغلامغه ده وقت بولامایور ، هر شیئه یتیشیور . فقط عین زمانده ، ینه
 مرحومك وفاتندن برقاچ کون اول فکرت ایچون یازدیغى « بیلیرمیسک که حیاتمدن آرتق ایکرندم .
 یانکده بریر آچارسه ک بو اک بویوک نعمت ! » مصراعنى ترتیل ایدیور . اسماعیل حق
 دیم دیک ، مرحومك تربیه حقنده کی نظریه سنى دوشونیور ؛ حسین زاده نهایتسز مطالعه لرینک
 ویردیکی قوتدن استعانه ايله بلکه فلسفه آمیز بر حریثه ترتیب ایدیور ؛ ناظر شکری بک بروقار
 وتمکین هیکل ، تسلیم وقبول ایتدیکی بوتون حقیقتلر آره سنه بو عریب اولوم حقیقتنى ده ضم
 ایدیور وحیات = ممات اولونجه هر هانکی مثبت ویا منفی برکیتکده صفره مساوی اوله جغنى
 ۸ = . اوله بيله جکنی دوشونه رک غریب معادله لر یاپیور کیدی . نهایت هپمز وظیفه مزی ،
 انسانلق ومدنیلاک وظیفه مزی یامش اولمقدن متولد بر حظ واطمئنان ايله آلمز آچیق ، یوزمن
 کوله رک وقتندن آز اول باشلایان مدهش بر رحمت آتنده دوندک .

یاغمور متصل یاغیور ، هپ یاغیور ، ودائماً باردادقن بوشانیر کی یاغیوردی . شیمدی
 بز چوغمز شمسیه سز قوشویورکن آز اول اوکندن کچدی کمز سیر یرندن صیرصیقلام اولش
 چارشافلرینک ماتمیه قاجیشان قیزلرله ، قادینلرله قارامبول ایتدک ؛ وبريله اويله بر مصادمه
 ایتدک ، زوالی قیزجغز اويله بر قاقیلدی که مرحومك روحی بوندن متأذی اولقله برابر بزدمین
 کچرکن اولرک عمومک کوستردیکی لاابالیکک انتقامنى آلمش اولدق . ایشته قیزم ، قرده شم
 مدیحه ! کورویورسک یا ، هپمز وظیفه لر مزی یاپدق . آرتق سنده آغلاما ، واوندن سکا یکانه
 میراث اوله رق قالدیغنه شبهه اولمایان اییلک فعالیتلرکه قالدق ، کرمی ویر !

هم نه ايجون آغلایاجق مشسك؟ اوزاتا هرگون اولمه يورمیدی؟ هرگون برار دها،
بر پارچه دها اولمه يورمیدی؟ بونی هیزله برابر سنده کندی کوزلرکه کورمه يورمیدك؟
اوکا هرگون برار دها فضله کیریجی؛ بطی وتدریجی فقط تمادی صورتده اریتیجی برکابوس
مسلط اولمه مشمیدی؟ بونی سنده کوروپوردك. کورمه سكه اوتسليميتك، بربرکزه [آمان،
قاچاسین؛] مألنده کی مربوطیتلرکز نه ایدی؟ اوت، بربرکزه، مینی مینی بر یاورونك مهربان
آنه سینه صوقولماسندن دها صمیمی اولان التجالرکز نه ایدی؟ هیزله برابر اوکا سنده،
برازده کندينه باقاسنی سویله ميورمیدك؟

تعلیم و تربیه جمعیتك بایرامدن برهفته اولسکی بازار ایرته سی اجتماعنده ایلک دفعه اوله رق
یرینی بوش کوردیکمز زمان حیرت ایتش و «سامی بك نره ده؟» دیش ایدك. یری بوش ایدی.
وفاکار دوست اسعد پاشا باشنی صالادی: - ایکی کوندریاتور، آغیرجه در! دیدی.
پاشا حالیه طوريله «آغیرجه در!» تعبیرنده صاقلادینی وخاقتی افشا ایتشیدی. «قونسولتاسیون
یابلسه، فلان فلان وفلان ده چاغیرلسه!» ديدك. هپسی یاپلیدی، یاپیلور، دیدی وینه باشنی
صالادی. اوکیجه بك اوغلنه جیقيله جق، هپ برابر يك نیتولیده ینیه جکدی. محاربه دن
صوکر اهر هفته بریمزك اوندنه ینلک اوزره شمیدلک نیتولیده یمک ايجون تماسمزی تمادی
ایتدیره جکدك. حتی نیتولییه تله فونه ایدلش، سفره حاضرلا تیشیدی.

— ای اولسون، اويله باشلايه لم! دنیلدی. پاشا (خسته نك ياننه بزده کله بیلیرمی یز؟)
سوالنه میدان براقه مق اوزره تقدم ایدهرک: دوستلرده زیارتلری تأخیر ایتسه لر. بن
هپکز طرفندن کورورم دیدی، آیرلوق. حالاده نه نیتولییه، نه بریره کیتدك.
یری بوش ایدی، حالاده بوشدر وهرنه ده اولسه بوش قالا جق در!

*
*
*


او تاریخدن بر آی قدر اولدی، بر کون هر ناصلسه سمیرامیس ایله حیت ده جمعیتك
مرکزنده بولونمشلر. مذاکره صالونك یاننده کی اوداده اوطورورکن قولاقلرینه
قرده شکك: . افندیم آکلامایورم که... افندیم آکلامایورم که... صورتنده برنقراتی
عکس ایتش. صوکره بکا صور دیلر: - عادتاً تظلم ایدیوردی، بك افندینك آکلامادینی
نه در؟ دیدیلر. زواللی چوجوقلرم! اونی، اونك او ایکله یهرک، کریان بر سسسه
سویله دیکی «افندیم آکلامایورم که...» شکواسنده کی اینجه لکی، نراهتی، نجابتی
بابا کزده لایق اولدینی درجه دویمامشدرکه سزه تفر ایتسین: مذاکره اولنان مسئله
قسمامادی بر موضوعه، خلقك حقلي حتمسز محتمل بر تلقیسنه، جمعیتك وقعنه تماس ایدیوردی.
چالیشقان، منور بر کنجك قونفرانس ویرمه سی مناسب کورولمش، کنديسنه مراجعت
ایدلش، اوده قبول ایتشیدی. شمدی برسبيله اوکا قونفرانس ویردیرمه مک ایسته نیوردی.
او کنجك لطفاً قبول ایتدیکنی وحقی حاضرلاندیغنی اوکره نیش ایدك. چوق چالیشقان،
چوق طانمش برکنجدی. بز اورتایه آتیلان برطاقم سبیلردن دولای بوندن وازکچوردق؛
یرینه ده باشقا بر موضوعه، باشقا یرینی بولمشیدق. حال بوکه اوکنجك نامنه اعلانلرده یاپلش
ایدی. وکنديسنك برشیدن خبری یوقدی. قرده شک بزم مقصدمز آلتنده آزچوق منفعتجیلک،
حتی اوده دکل، حق صرفه قارشنی نوعما برمبالانسزلق سزمشیدی. آکلامادینی، ایکله دیکی،
تیندیکی بو ایدی و بونی قبول ایتمه مکده او قدر ایلری کیتدی که اک عزیز یرندن وورلش
کی مدافعه ایتدی، حتی؛ حتی آرایه مراجعت واکثریته تبعیت لزومنه قارشنی بیله عصیان
کوستردی.


قیزم مدیحه! بونلر ماصال، بز بونلری براقالم، شمدی سنکله باش باشه ایشک فلسفه سنه، ایچ یوزینه کلام. اکلیمشکدرکه حیات اضطرار بدن عبارت. سن یاشده بر قیزک بونی آکلیمش اولماسی بوس بوتون آجی ایسه ده حقیقت بودر: حقیقت بودرکه سن وقرده شک حیاتی درددن، المدن، اضطرار بدن مرکب کوردیکیز. سنلر ایچون سعادت وار اولان کندی دردلمزی یالاندن اونوتغه چالیشمقدن یاخود صحیحدن اونوتغه موفق اولمقدن، ونهایت دیگر لریکده اضطرارلری کویا خفیفلمکدن عبارتدر. شو حالده بزى براقوب کیدنلرک نه سنه آجیورز؟ قورتولدقلرینه می؟ اونلری جدا سویورسه ق کیتدکلرینه آجیایه جغز. آجینه جق وارسه کندیمز دکلی بز؟ بز ایسه دنیا ده کی بوتون ایشلری تنظیراً آجینه جق دورورکن هیچ بر محل اولمادیفی حالده قورتولانه آجیورز. حال بوکه اونده آجیدیمزده «او» دکل، کندیمز. بز قوت اولان، بز تیلی ویرن بری الدن کیتمش؛ ایمدی اوکا دکل کندی زیانمزه آجیورز. اونى دکل، کندیمز سویورز. هم بواونک قورتلادیغنی، مظهریتنى اونوته جق بر درجه ده بویله! هم اونده آجیدیمز اودکل، کندیمز ایکن کندیمزده آچیقدن آچینه دکل؛ ریا ایله، عالمی ده، چوق کره کندیمز ده آلداترق آجیورز. وبو بزده او قدر کوکشمش که بونی، بونک بویله اولدیغنی فرق ایتیمکسزین، بلا شعور، یاپیورز.

کیدن ایسه کوزلربی قاپامش، قولاقلری بوس بوتون دولمش. بزى ایگله تن ایندن تماماً یخبر. شو حالده آجینه جق البته بز. بو حقیقت! بوکا، تسلیم اولهلم. حال بوکه سنک البته بزم قدرده آجینه جق حقه یوقدر. بویله عموم ایچون کندینى ویرمش، هرکس ایچون قوشمق عزیمیه کندینى فدا ایتمش او بویوک آدمک قرده شیسک! بونی دوشون، آغلاما، انجق آغلامه حقه اولمادیغنه بلکه آغلايه بیلیرسک! ایشته انسانلق بودر. انسانلر ایچون حقیقتلرک حقیقتی، وفلسفه بودر؛ یاخود بوده بر نوع تفلسفدر؟

شیشلی، ۲۱ کانون اول ۱۹۱۷

حیدر رفعت





مرحوم و مغفور سامی بکی تخمیناً یکرمی سینه دئیری طائیر ، کندیسنی سه‌وور
و فضائل عدیده سینه حرمت ایدر ایدم . چونکه حسن نیتی ، نزاهت وجدانی ،
رقت طبعی ، شرافت نفسی و وقار و تمکینی بنی بو حرمت و محبت مجبور ایلردی .
مرحوم آرامزدن کیتدی و امینم که یری بوشدر . ذاتاً برمدتدئیریدر بوجمیت
و جماعت ایچنده بویله نوادردن عد ایتمکلیکمز لازم کلن اصحاب فضل و ادب عالم
بقایه کوچدکجه هپ یرلری خالی قالیور . بیلمم بونه طالعدر !

هزار مرد کریم از وجود شد بعدم
که یک کریم نمی آید از عدم بوجود

(سامی) نک قبرینه هر کسک معظم برگلدسته تجیل ایله کلدیکی بویله برزمانده
نم بر ایکی بیت ذلیل ایله کلمکلمکم نه آجی بر جلوئه شداثد شوئندر .

تومپندار آنکه از نسبش	سامی اندر جهان گرامی شد
گرچه عالی نژاد و دانا بود	در حقیقت از آن نه نامی شد
دست افتاده گیر بود و سلیم	ضعفارا ، همیشه جامی شد
بادلی بی نیاز و طبعی راست	محرم خاص و یار عامی شد
دل رادش هر آنچه کفتی شو	بی خلاف و ستیزه آز می شد
بود دیندار و دینپرست ، آری	رهمایش نبی ائی شد

هر کسی نی چنین تواند زیست


این سعادت نصیب سامی شد

رحمة الله رحمة واسعة .

قاضی کوی ۲۰ کانون اول ۱۹۱۷

حسین دانش





سامی بکک وفاتی ایشیتدیکم زمان قره مرسلده ایدم ؛ مع التأسف خسته لغندن هیچ بروجمله آکاد اوله مامشدم .

غریبدر ! . بوفنا خبری کمال یأس ایله تلقی ایدر ایتمز ، مرحومی - مکتب ملکیه ده ایلك دفعه اوله رق طانیمش اولدوغم چهره بشوش ایله - بردفعه دهها نظرکاه خیالده عیاناً کورددم . اوندن صوکره حیاتنک - بنجه معلوم اولان - بوتون صفحاتی ، برسینه ما کیبی کوزمک اوکندن کلدی کچدی ؛ وایله ظن ایتدم که او بر ایکی دقیقه ظرفنده بویکرمی بش سنه لک عزیز دوستمی ، اولکندن دهها ای طانیدم ، اوسویملی چهره نک شمائل ممتازدسنی دهها یاقیندن کورددم .

مکتب ملکیه شاهانه ده مرحوم ایله برابر ارقاداشدق ؛ اوبندن برصنف اوستون ، و - ظن ایدرم - بریاشده بویوکدی . مکتب ، بوکونکی طنین و ثروت فنون اداره خانهلری قارشیسنده کی بنا ایدی . امینم که اوزمان بومؤسسۀ مشهوره ، منور گنجلرک فیاض بر منبع عرفانی ایدی . مستثنا بر هیئت تدریسیه دن حدّ مزجه مستفیض اولویوردق .

بالخاصه شعر و ادبیات مراقی هر شیئه غالب ایدی . رجائی زاده اکرم بک مرحومک امر تدریسده خارق العاده کورونن موفقیتی - ذاتاً شعره مفتون اولان - بو مملکت کنجلیرینی جذب ایدرک بر مهم جریان ادبییه وجود و یرمش ایدی صانیورم .

بن هنوز ادبیات صنفده دکل ایدم . بناءً علیه اکرم بک مرحومک درسلیرینی دیکله یه میورددم . اوزمانلر طلبه نک روحنده حاصل اولان آثار انتباه حکومت سنییه نی جدّی اندیشه لره دوشوردوکی ایچون ، محترم و مشهور خواجه لر مکزک بر چوغی برر وسیله ایله مکتبدن چیقارلمش و کنجلرله مناسبتلری فک ایدلمشدی . بناءً علیه اکرم بکدن مستفید اوله بیلیمک نعمتندن بن ، الی الابد محروم قالدیم .

لکن سامی ، اونک الک ممتاز طلبه سندن ایدی .

ادبیات صنفی طلبه سی (یعنی اوچونجی سنه افندیلری ! .) تنفس زمانلرنده اکثریا بر گوشه یه ، یاخود بر آغاچک آلتنه طویلانونوب بعضی شعرلر او قورلر

و مناقشه ایدرلردی . بز اونلرک مباحثه لرینه مراق ایدردک ؟ فقط مکتبجه مرعی
و معتبر اولان آداب معاشرت براز آریستو قراتجه اولدوغی ایچون بر صنف ، مادوننده کی
صنف افرادی ایله پک او یله لا ابالی کوروشمز و اونلره علی السویه معامله ایتمزدی .
یالکمز او یونده بوقاعده یه ریایت اولونمادیغنی خاطر لیورم .

بن ، براز ادبیات ایله الفت ایتمش اولدوغم ایچون او جماعته یاناشه بیایردم .
او مجلسده بزم یازه بیلدیکمز شیر تنقید اولونور و بوکی وسیله لرله بحث و مناقشه یه
میدان آچیلردی .

ایشته اوزمان طانیمش اولدوغم (سوزی کچر) کنجلردن ابن الرشاد علی
فرخ ، سامی ، عرفان ، علی کمال واردی .

بوذکی و مقتدر کنجلردن یالکمز علی کمال - حمد اولسون ! . - صاغدر .
مرحوم سامی ای برمنقد ایدی ؛ فضله اوله رق ای برشاعردی ! سجه
ممتازه سنی تشکیل ایدن اوصاف ممدوحه یی شعرلرنده عیاناً کورمک ممکن در . شعری
حیاتنک صادق برترجانی در . حیاتی ده پک انسانیت پرورانه و پک نجیدی . طور
و اداسی (خلوص sincerity) ک بلیغ براسلوبی در . بو آدمک صفت ممتازه سی
خیرخواهلق در . هرکی سومت پک کوچ برشی در ؛ (انائی egoïste) لر نظر نده ده
هرکی سومت ، عشق دکدر . عوام و - ایستره کز معهود خواص ! - بونی
آکلایه مازلر . لکن اک بو یوک و خیرخواه آدملرک عشقی جهانشمول بر (شفقت
انسانیه) شکلنده جلوه کوستیر . عالمی اصلاحاته سوق ایدن ، اداره لری ده ویرن ،
وجدانلره میل انسیت [یعنی فیض انسانیت ! .] ویرن ، هپ او بو یوک حس در .
بو او یله بر عشق در که - دوام ایچون - مقابله دخی ایسته مز . کندی املندن فیض
حیات آلیر و فدا کارلقده - ناقابل تعریف - برنشئه سعادت طویار .

عشتک (اخلاقی éthique) سکلی و بلکه اک یوکسک معناسی بنم اعتقادجه
بودر . وجدان اخلاقی ایچون بوقابلیتدن ای معیار اوله ماز .

سامی نک بو عشقندن نصیبی واردی . اونک ایچون هرشیده بروسيله خدمت
آراردی . کیمسه یه حسد ایتمز ، کیمسه حقنده کین کوتمز ؛ کیمی کورسه خیرلی
برخدمته تشویق ایدر ؛ هله براز اونده قابلیت کورورسه عادتاً مسلط اولور پشنی
براقماز ، بر غریب آدمدی . فقط پک خیر خواه ، پک ای (هم اک طوغرو
معناسیله ای ! .) برآدمدی . مثلاً :

بوندن ایکی اوچ سنه اول ، برطرفدن آووقات عادل بک ، برطرفدن مرحوم
بنی - قاموس یازمق ایچون - تشویق ایدیورلردی . نهایت تضییق ایتمکه باشلادیلر .
کتابک برنجی جزئی انتشار ایتدکن برقاق کون صوکرده مرحوم سامی یه معارف

نظارتی اوکنده تصادف ایتشم . بنی کورونجه همان قوجاقلادی مصافحه ایتدی ،
خاق بزه باقیوردی .

بوخالص آدمک شوحرکتی بویوک بر مکافات معنویه عد ایتدیکم ایچون اویله
غریب بر رقت حس ایتدم ایدی که اگر اوحالت روحیه یی سوزله تعریفه بوکون
مقتدر اوله بیلسه یدم ، بویوک وخیرخواه بر کوکلك انسانلر اوزرنده اجرا ایدوبیلدیکی
تأثیر معنوی یی تصویر ایتمش اولوردم . کوکل قوتک قدرت ذکایه فائق اولدوغنی
- ایسته دیکم کیی - آکلاته بیلیردم . هر حالده اعتقاد اودر که کوکل اربابی ، عقل
ارباندن زیاده انسانیه خدمت ایتمش و لغقت وفداکارلقلری ایله هم کندیلری
همده همجنسلری - ممکن اوله بیلدیکی قدر ! - مسعود ایدوبیلمشلردر . اونک
ایچون در که بنم نظرمدده اک علوی خصلت انسانیه یینه (اینی لك bonté) در .
مرحوم سامی ایشته بوخصات جلیله ایله ایچمزرده صحیحاً ممتاز وهیمزدن سرافراز
ایدی . یینه اونک ایچوندر که بن ، مثلاً ، هر زمان هر کسک خاطری صایمادیغ
حالده سامی نک خاطرینه رعایتسزلك ایدوبیلمکدن پک قورقاردم . اونک قدر
خلوص قلب ایله وخیرلی نیتله واقع اولان بر تکلیفی رد ایتک بویوک بر کناه وبویوک
بر عیب اولور صانیردم ؛ وحقم واردی .

بوکون سامی وفات ایتمشدرده اونک ایچون سزه بر سر افشا ایدوجکم که
منحصراً بکا عائد بر حالت روحیه در :

یایمق ایسته مه دیکم ، اشتراك ایتک ایسته مه دیکم برایشی سامی واسطه سیله بکا
حواله ایدرلر دید قورقاردم . چونکه مرحوم اونی درعهده ایدنجه او قدر خالصانه
وخیرخواهانده بر نیتله التزام ایدردی که تکلیفی رد ایدوبیلک صحیحاً قابل اوله مازدی .
فضله اوله رق - موجب خیر ازلق حیثیتله - حقیقته اعتقاد ایتدیکی بر شئتک
پشنی اصلاً بر اقاماز ؛ نیتنی تعقیبدن ذره قدر اوصانماز یورولماز ؛ بویولده تصادف
ایدوبیله جکی موانعک طبیعت وماهیتندن ییلماز بر آدمدی . اونک ایچوندر صانیرم که
بوخصوصده کیمدن خدمت مأمول ایدوبیلیرسه - هرکیم اولورسه اولسون ! -
اونک یاقه سینه یاپیشیر ، بردها بر اقامازدی .

طبعاً یوموشاق ، مزاجاً اوصلو بر آدمده بودرجه ارادت ، متانت و - شیمدیکی
تعبیرد کورد - (فکر تعقیب esprit de suite) خارق عاده بر قوه معنویه نک
جلوه سی در .

پک زیاده غبطه ایدیه جک بر حالی ده (سکینت روح sérénité d'âme) ی
ایدی . حقسز بر طالعک ستمنه اوغرامش ، چکمه دیکی اذیت قالماش ونهایت
مشروطیتک اعلان اولونماسی اوزرینه استانبولده اوطوره بیلک حقیقن تأمین ایتمش

اولان بو آدمك، بركون طالعندن شكاييت ايتديكني ايشيتمه دم؛ حتى اعتقادينه ذره قدر ضعف كلديكني حس ايتمه دم. كنديسي منورالفكر، اي تحصيل كورمش، خيلي اوقومش بر آدم اولمقله برابر صدق و خلوص ايله ديندار و (عامل pratiquant) ايدى. چوق دفعه لر كرك بنم نهويمه كلديكي زمان، كر كسه بنم اونى نهونده زيارته كيتديكم زمان، برخيلي بحث ايتدكن، گولوب قونوشدقن صوكره، سامى، همان قارقار او طه نك بر كوشه سنده نمازنى قىلار و صوكره ينه نخته دوام ايدردى. مع مافيه پك ده (حر فكرلى libre penseur) ايدى. هيچ كيمسه يه - اعتقادندن طولاي - دخل و تعريض ايتمش اولدوغنى نه كوردوم، نه ده ايشيتدم. حالبوكه اك خطير مسائل اعتقادي و فلسفيه يي تتبع ايدر، موضوع بحث ايدر و بحث نره لر پيوسته اوله جغنى پك اي آكلاردى.

ظن ايدرم كه اي قلبى، تربيه لى، منور، خالص بر مسلمان، اولسه اولسه سامى كيبي اولق كر كدى. بوحيثيله مرحوم، مملكت سزده اندر كوردوكم بر نمونه در. صوكره اونده برده تميز، صاف و شن (چو جوق روحى) واردى. اوسيله چو جوقلرك لسان و وجدانى پك اي آكلاردى و ميني ميني لرله الفتى ده پك سوردى. تقريباً ايكي سنه اول بركون بكا اوكله يمكنه بيه كمشدى. چو جوقلرك تربيه سسنه دائر انكيزجه قوجه مان بر اثرده كتيرمش، اوكا دائر بعضى مذا كر لر ايدجكنى خبر و برمشدى. نرم كوچوكلرى كورونجه نى اونوتدى؛ اونلرله قونوشمغه، گولوب شقلاشمغه باشلادى. اونلرله الفت ايدجك بر چوق وسيله لر بولويوردى. بن بو حالنى، خصوصا معصوم روحلرله آشنالغنى دقتله تتبع ايديوركن كنديسنى مشهور (پستالوچى pestalozzi) يه بكتز تدم. هيچ شبهه يوق كه سامى ده بو مربى داهى نك روحى ايله بر قرابت سزيور ايدم، چونكه اوده ايله ايدى. صفوت طبع ايله شوخى روحك بو مناسبت معنويده بر صفت مشتركه و اساسيه تشكيل ايتديكنى آكليوردوم. مرحوم سامى نك تربيه ايله و كوچوكلرك تربيه سيله جداً علاقه دار بولونمايى بو خصوصيت مزاجندن منبعث بر ميل فطرى ايدى ده يه بيليرم.

خاطرمه كليور كه مرحوم مکتبده ده ايله ايدى. تنفس زمانلرنده هر اويونه مطلقا اشتراك ايدر و اكثريا (ايل باشى) اولوردى. صوكره درس اثناسنده اك جدى مباحث علميه ايله اوغراشير و مذا كره يي سوده، يك چاليشقان بر افندى ايدى. هر شيدن زياده نه يه مستعد اولديغنى اير كندن آكلایوب اويوله قطعياً سلوك ايدن كيمسه لر اندردر. اونك انچون بر چوق قابليتلى انسانلر كنديلرني كشف ايدنجيه قدر بر چوق ايشه باش و ورورلر، و نهايت ارادقلىرني يعنى قابليت فطريه لرني بولدقن صكره طورورلر.

مرحوم ، بنم ظمجه پك اي بر (مربى pedagogue) اوله بيليردى . نهايت بومسلكه توجه ايتدى ، نظرياتيله اوغراشيور ، ونه اولورسه اولسون خدمت ايتك ايسيتيوردي . يازيق ، چوق يازيق كه توكنمز برغيرت ايله زنده دل ايكن ، تام كنديسنه محتاج بولوندوغمز برزمانده اويله مقتدر ، چاليشقان ، حيتلى وجدآ اي بر آدمى ضايع ايتدك !..

هله بنم ايچون ضياعى ، ئوكسوزلكدر . بن يكرمى بش سنه دها ياشايه مام كه اونك كيبي اي بر آدمى دوست ايدينه بيلمك احتمالنه اينانه بيلهيم . بنم ياسمه واصل اولمش بولونانلر بوسويله ديكم سوزلرك حسرت انكيز معناسنى لايقيه آكلايه بيليرلر . مرحوم بنم سرگذشت حياتم ايچون پدرمدن و برادرمدن دها ياقين برشاهد ايدى ، برآشنا ايدى . چونكه اونكه يكرمى بش سنه لك ارقداشدق . حالبوكه پدرمله ، برادرمله آنجق اون طوقوز يكرمى سنه برابر ياشايه بيلدك !..

اسكى دوستلرمى بويله برر برر غائب ايدوبده عاقبت ئوكسوز قاله بيله جكمى دوشوندكجه اويله بر (ملال melancholic) حس ايدييورم كه سوزله تعريفى قابلدكلدر . بوكون بوفلاكت مناسبتيله اسكى خاطراتمى احيا ايدر كن مرحومك بنى شعره تشويق ايتمش اولدوغنى ده تخطر ايدويورم . نته كيم بوضوك زمانلرده - يازى يازمقدن كلياً فراغت ايتمش ايكن - ينه اونك تشويقيه خيلى غيرته كلهرك بعض اثرلر يازمغه موفق اولدوغمى ده دوشونويورم و حيرت ايدويورم . ديمك كه سامى نك بكاده پك بويوك خدمتى اولمشدر .

صوكره شعرلرينه باقيورم ؛ بوكون دها زياده تقدير ايدويورم . مرحوم حقيقتاً اي بر شاعر ايمش . بنم ذوق آلدېغم طرزدهده بعض شيلريازمش كه پك كوزل ، پك قصورسز وهله پك صميمى در . مثلاً بويوك طويغو نسخه ممتازدهسنده مندرج اولان ايگيلتى عنوانلى تركجه شعر ، او يولده يازيلان شيلرك اك كوزل نمونه لرندندر .


هلال احمر خايلر تقويننده كوردوكم بر منظومه ده واردر كه هم عالى بر شعر نمونه سى در ، همده متضمن اولدوغى فكر حكمت اعتباريله بنم اعتقادمى كمال بلاغته ناطق در .

سامى نك خاطره سى تجيل اولونمالى در . خصوصاً كوچوكلره بو آدمك نه اي ، نه خالص بر كوكل صاحبي اولدوغنى آكلاقمق ، پك تميز بر انسان نمونه سى كوسترمكدر . امر تربيه ده ايسه نظرياتدن زياده اي بر نمونه كوسترمك يكدرديرلر .

ارناوود كوي ، ۱۵ شباط ۱۳۳۴

رضا توفيق






آ.. ه سامی !

(مرحومه عائذ اثر منظومدان)

یازدیلر : (فکرت) ایله میشدی وفات !
 بونی بن دویدیغم زمان هیهات :
 « دین ، حمیت ، وطن .. خصوصینده
 دینیور چوق قصورک اولمشدر .
 نجه لا کین قصورک ای شاعر !
 آرامزدان ظهورک اولمشدر ! .. »
 دییه (توفیق) ه آغلایوب سامی !
 سانا دیکدمدی هپ تسلیمی .
 نه حزین درده مبتلا شو وطن !
 سنده کیتدک ! .. نه کچدی باق ارادان .
 وطنک سینئه شئوینده ،
 بر زمان (ثروت فنون) ینده
 عین مفکوره یه محبتله ،
 برخيال شفیه حسرتله ،
 آ.. ه ! حمای فرقتیله اونک
 هست امید ، نشئه دار فسون
 یاشایوردق . فقط بوکون ؟ .. افسوس !
 بر صورتسین حقیقتک ! .. صوص ! صوص !
 زیر قهرینده اورسه لنمکدن ،
 بویله هر آن کبرمه دن معنا .
 مستریخ اول که اولمک اولادر .
 صامه یاران فکرتک صاغر :
 ایشته بینمده بردرین اوچوروم
 قهر صمیمینده بن ده مدفونم ..

احمد کمال





سامی

وجود محترمی مملکتک [*] سینۀ حارینہ و نام مغلدی تاریخ ملیک آغوش نوقیرینہ مودوع شیعہ قهرمانک نجل نجیبی حقندہ اوتہ دینرو دهرین و غیابی بر حس حرمت پرورده ایتکدهیم. پدرینک داستان شهامتندن موروث حولہٴ مفاخری شخصک مزایای علویہ سیلہ تزیین ایدن سامی نک یاد جیلنی بن هر کسدن و هر زمان ایشیدیردم. سامی ایله کوروشمش، سامی بی طائیش هیچ بر ذاتہ تصادف ایتدم که بوسیای نجیبک ستایشکار فضائی اولماسون. بن بو تقدیرات صمیانه بی الکی زیاده استاد فضائیلناه سلیمان نظیف بکدن طوعشدم. نظیف بک سامی نک ذکر کچرکن کندینہ خاص اولان حشمت بیانله روح صمیمینہ اوله ترجان ولورکه مخاطبی دادر وجدانک مفتون خصائی ایتدیرمامک ممکن ده کدر. فقط نه غریب بر مظهریتدرکه بو موضوع علوی هرکسه عین قدرت بیانی الهام ایدیور.

سامی، پدرینک صوڭ آرامکاهی و خوابکاهی اولان بغدادده مکرر واولدجه اوزون سورن مدت اقامتندہ بو اقلیم خاسر و متحسیرکده حرمان و آلام ایچنده قاورولان روح نالاننه انیس تسلیتساز اولشدی. دنیادن نصیب موعودمی هنوز ادراک ایدهمدیکم او زمانه عائد مناقبی وطنداشلمدن صیق صیق ایشیدیر و کمال حرمتله دیگلهردم.

کچن سنه بورایه کلیرکن وطنک میان متفکریننده کورمک وملاقاتلرینہ مظهر اولق ایسته دیکم اعظم آراسنده سامی بر موقع مخصوص اخذ ایدیوردی. بو مربیٰ فضیله ایلک دفعه اوله رق رهضانده تعلیم و تربیه جمعیتندہ - بر قونفرانس مناسبتیله - ملاق اولشدم. سامی حلیم و ساکن طوری، نجیب سیامی، متواضع و روحی بر حس شفقته اوقشایان نظریله هر قلبه و هر حسه دهرین بر حرمت الهام ایدر. هر حال و طورنده و بوتون مساعینده بویوک بر اطراد و صمیمیت واردی. فکرجه هیچ بر نظر سامی نک جدیتندن شبهه اتمز و هیچ بر قلب بو روح صاف و صمیمییه ایصنق احتیاجندن استغنا ایدهمزدی. تعلیم و تربیه ملیه بی غایه اتخاذ ایدن ذی شرف بر جمعیتک بومؤسس و رئیس، کندی تشید ایتدیکی پناه فضیلتک الکی وضع بر خادمی عدایدیور و اوصورتله چالیشیوردی. سامی وطنک اقسام مختلفه سنده عرفان ملییه مسبوق خدماتی و مملکتهمزده «تربیه جیلک» نامنه مصروف مساعیسی ایله ملتک افق عرفاننده لایق اولدینی موقع احترامی احراز ایتشدر. انسال مستقبله «مربی» سامی بی تجیل ایدهمجکی قادر «شاعر» سامی بی دخی تقدیر ایلیه جکدر.

سامی نک افولیه ملت عثمانیه بویوک بر وطنپرور، صاحب عزم بر مربی، حساس بر شاعر، بشریتده بر «انسان کامل» غائب ایتدی.

دفتری زاده

شیشلی ۱۶ شباط ۳۳۴

محمود صبحی



نشان طاشی ، ۲۲ شباط ۱۹۱۸

کرمکار نائل رشید بك افدی عزیزم ،


ذاتی ادراك و مزیاتنی تقدیر ایتیش اولانلرك هیچ بر زمان اونوددمیه جغی و هر زمان حرمت و تلهفله یاد ایده جکی سلیمان پاشازاده سامی بك حقنده سزمستنی بر نشانه مودت و وفا کوستردیکیز . بنم نظر مده محبتلرك اڭ نحیی ، موضوع و مظهرینی مزار دده تعقیب ایدنی در . جسملری طوپراقده چورومه دن اسملری حافظه لرد . محو و منعدم اولمش نه قدر و نه قدر دوستلر کوردی !.. سز علماً ، فکرأ ، قلمأ ممتاز اولدیغکیز کی ، قیمتی دوستلر حقنده ابراز ایتدیگکیز مائر اخلاص و همتله قلبآده سرافراز بولندیغکیزی بر کره داها اثبات بیوردیکیز . پیش یادنده سزك کی آغلایه جق و چالیشه جق دوستلره مالک اولان هر آدام ، کوزلرینی اطمئنان ایله قاپار و صوك نفسنی اللهه حظ و شکران ایله اعاده ایدر .

سامی ، بنم اوتوز سنه لك آشنام و یکر می بر سنه لك ده رفیق برادر - ماهیتم ایدی . هر کسه قارشى عمیق و بی پایان بر شفقتله آچیق طوران او حساس قلبك ضرباننده بن کندیم ایچون داها خصوصی بر تمایل طویاردم . بو ، احتمال که ، خودکاملقندن متولد بر ظندر . فقط بوده محققدر که بتون افراد بشری شامل اولان محبتنده سامی بکا بر موقع مخصوص ویرمشدی . کوردیکی ایلک لره دائماً کفران ایله مقابله ایدن بر نمکبحرامك شامتی ، وفاتندن اوچ ، درت آی اول سامی ایله آرامزی ایلک و صوك دفعه اوله رق ، برپارچه شکررنك ایتمشدی . بومسئله حقنده بکا یازمش اولدیغی تذکره اونك روح رقیقنی ارأئه ایده جك و ثأقك اڭ مهملرندندر . يك شخصی بر موضوعه تعلق ایتمسه یدی ذات عالیرینه تودیع ایله نشر ایدلمسنى تمنی ایدردم . در حال زائل اولان بواغبرار بر طرف ایدیلیرسه طانشدیغمز کوندن ، وفات ایتدیکی ساعته قدر دائماً سوشدك . مجادله لر مذك اصوات صمیمیه سننده بیله بیوك بر محبتك عکسی اهتزاز ایدردی . هله صوك دفعه خانمه کلدیکی زمان ندر سویلشمش ، نه قدر کولوشمش و نه قدر درد لشمشك !.. او کون بکله بکنه ، اسیر فراش اولان بر محب مشترکی زیارته کیتدك . و صوکرده غلطه ده بر چوق طولاشدق .

سامی ، بنم ایچون قارداش اولان بر آرقا داشدی . بروسهده ، استانبولده اونکله
برابر کچن سنه لرك یاد مناقبني بن الی آخر العمر اونودده مام . او آرتق بنم حافظه مده
کوزلرم مؤبدأ قاپانجه یه قدر آغلایه جق بر کوز و قابلمده ، طورنجه یه قدر قانایه جق
بر جریحه کی یاشایه جقدر .

داها اوزون یازمغه نفسمده طاقت بوله میورم . حقیقی ماتملر ، یالکنر سلوت
ابله افاده وترسم اولنور . بکا اویلا کلیور که مرحومه عائده حسنیاتم کاغذ اوستنه
دو کولده که ، حریم صمیم یاد مده کی صفوته خلل طریان ایدده جک . سزه مختلف
زمانلرده یازلمس مکتوبلرندن برقاچ دانه سنی تودیع ایدیورم . طبع ونشیری امر
واختیار یکنزه تابعدر . ذات برادر یلرینی هم کندیمک هم پک عزیز بر دوستمک
محب معزز ی اولمق اوزره ایکی کره سلاملارم اقدم بکم .

سلیمان نطیف



کونش هر زمان مین وقتلرنده طلوع وغروب ایدر . بهار ، یاز ، خریف ، قیش
منتظماً یکدیگرینی تعقیب ایدر . کون ، کیجه ساعات سیر ودوراتی اجرا ایلر . لیکن
آنلری کورنلر ، کچیرنلر هپ اوانسانلر دکلدیر .

نظارتی قیرلره ، دکزه متمد اولان برخلدن تماشای طلوعده شمسک افق مرئیدن ظهورینی
رؤیت کویا دکزدن باشنی حیقاروب یوکسلدکجه کیسوی زرتارینی بچردن قورتارمقده اولان
بربری پیکرکی تعالیسنده دکزک مائی رنگی اوزرینه سردیکی کونا کون الوان لطیفه ایله ممزوج
آلتونی صاچلرینی آهسته آهسته طویلایهرق سمانک مائی رنگی اوزرینه چکیلدیکنده ارتق
کوزلرک باقه مدینی براطافت نورانی عکسلرینی ، پرلانتیه دانهلری کبی پاریلداتدینی چنلر ،
چچکارک اوستندکی شمنلرک اوزرینده ، یالیزلادینی طاغیرک درودلرینده ، عاچلرینده
ایلیان کیمسه بواسطافه قاتیلان بلبلرک نغمه لرینی ، طیور سائرهنک جویلدیلرینی ، چاملرک
وچچکاریله دونانیش سائر اشجارک ، کلاک وزینده ترسم ایدن طرح چچکارک رواج
طبیعی کنیدیسنه نفوذ ایلدکجه بتون لطائف طبیعی بی مص ایتک ایسته یورمش کبی تنفس
ایلدیکی هوای سحر اوله برخط وذوق حصول کنیرک اکا طویله یارق کنیدیسی حرا
شوق و شادی کسیمک ایستیرکی اولور . غروبده اشعه شمسک رنگارنک یالیزلره
تالوین ایلدیکی بلوطلر التند زلف زرتارینی دکزک اوزرینه سرمش کبی افقدن ارتق یاری
چهره دینی کویسترن شمس تابانک بومنظره لطیفه بی ایرتسی اقشام ایچوندده وعد ایله یورمیش
کبی برظرافته چکیلشیده انسانی حیران ایدر ! اکر بدرتام زمانی ایسه بریاندن شمس زرین
ضیالریله غروب ایتکده ایکن قرسیمین ضیالر نشر ایدهرک طلوع ایلر . کوندزک های هوای
شماقتندن قورتلمش اولان سکونت ماهتابده ایرماقلرک آهنگ جریانی دهایی اکلاشیاور .
نورانی شعله لرله یالیزلانان موجهلر حاره لر ترسم ایله یوب صانکه شعر ترسم ایله یوبک چاغلر !
بومثالو لطائف طبیعییه انسانه دنیایی ، حیاتی سودیرر ! نیجه عصرلردنبرو طلوع اوطلوع ،
غروب یینه اوغروب ، لطائف طبیعییه هپ او ! ... لیکن بونلری نیجه زمانلردنبرو سیروتماشا
ایله محظوظ اولان نهقدر انسانلر کلش ، کچمش ! عین زمانده سیرایلیانلرک دخی بوتماشادن
تحمس واستفاده سی هپ بردرلو دکل ! مسعود اولان ، استقبالنندن امیدوار اولان کیمسه لرده
لطائف طبیعیهنک حصوله کتیردیکی حظ وذوق ، آلام واکدار ایله دنیاسندن بیقمش ،
حیاتی استحقار ایلش ، کنیدیسی یأس سارمش اولان کیمسه لرده آرامق بیهوده در . فلاکتک
تسمیر ایلدیکی برحیاتی طاشیبیانلر ایچون حیات بر بارکران اولور ! او هرشیی برونیدیکی
رنگ ماتله کورر . ارتق انده حظ وذوق وشادی حسلری منجمدکی اولور !

کره ارضک برجهتنده سورلر . اکنجیلر ، سازلر وشوقلی سوزلر ایله ذوق ونشهلر
صاچیاورکن دیکرطرفندهده اکدار ویأسک حصوله کتیردیکی ناله وانینلره کوز یاشلری
قاریشور !


ارض انسانلری بسلر ، بیودر ، کنیدی محصولاتیله میدانه کتیریلان مسکنلری ،
چیچکاری ، میوهلری سودیرر . انسان قوش توکیله طولش مندرلردن آله میه جفی حظی

آنك پاریل ، پاریل پارلایان قودلری ، زمردین چنلری اوزرینه سربلکدن آلور. ارض
 انسانه برچوق نشئه لر ، سرورلر اکرام ایدر . لکن صکیره آنلری یوتار، کیرر ، اریدیر !
 طویق بیلمز . بعضاً طوفانلریله ، طغیانلریله ، فورانلریله بیکارجه ذیروحی بردن بغرینه
 چکر یوتار ، اوزرنده حصوله کلن برفتنه دن حربلردن دره لرکی آقان قانلری ایچر، سومورر!
 چوجوق دیر ، کنج دیمز، قیمتدار دیمز ، لزوملی دیمز هپ یوتار!

انسان طوغار ، بیور . اسکیر، اولور ! نه چاره ؟ قانون طبیعتمش دیرلر. لکن اسکیمک
 هرکسه نصیب اولورمی ؟ سامی بك مرحوم کبی وطنک کنديسندن دهانقدر خدمتلر
 بکله یوب امید ایلدیکی بروجود قیمتدارک وطن وماتی نفعنه صرف ایددجک دهانجه سنه لری
 وار ایدی . کونده نه قدر کیمسلر فوت اولیور . بولردن چوق کیمسلرک خبری اولمه یور.
 آجیلری ، ماتملری کندی عائله لرینه ، تعلقاتنه منحصر قالییور . سامی ایچون بتون برملتك
 قلبی یانیور ! جهان علم وادب آنک ماتنی طوتییور ! سامی بك مرحومک حسن اشتهاری
 یالکمز ذکا و عرفانی وعالم معارفزه مساعی وخدماتی ايله قالمشدر . حسن اخلاق وعفت
 واستقامتی و قیمتشناسلغی ايله ده اشتهار ايله یوب کمالات بشریه واصل اولمش برانسان کامل
 ایدی . منفعت شخصیه سنی دوشونمکسزین انجق وطن وماتی ایچون چالیشان، اوکونمک وکندینی
 کوسترمک ایسته مکسزین انجق مفید خدماتده بولمق خلوص نیتیه برخصلت عالیه کوسترن
 علم ايله فضیلتی کنديسنده جمع ايله مش برذات قیمتدار ایدی . هنوز کنج دنیلان برسندنه
 واصل اولدینی بومرتبه معلايه نه قدر چوق یشامش انسانلر وارکه یاقلاشه مامشاردر . کیمسه یه
 بر فئالق ایتدیکی حالده الندن کلدیکی مرتبه ایولاک ایتمش هم نوعنه معاونته ، عالم انسانیتنه
 خدمته چالیشمش ، استراحت وجدان نه اولدیغنی طامش برمررد عاقل ایدی . کره ارض
 اوزرنده ثنا کارلری چوق اولدینی حالده برشکایتجیسی بولنیان سامی بك مرحومک ارضدن
 آیریلوب یوکسه لن روح نزیه ومقدسنه خالق مطلق حضرتلری برمقام عالی نصیب ايله مشدر.

۲۳ شباط ۳۳۴

فاطمه علیه



سامی بك

مرحوم ایچون شاعر ، محرر ، متبحر کبی صفتلر ایکنجی صفده قالیر ؛ سامی بك ، اسمیله مسمی ، عالی فطرتده ، یوکسک ، بناءً علیه رحیم بر قلبه مالک بر (انسان کامل) ایدی .

بزده دیگر کاملغه برانمودج کوسترملک لازم کلسه رایلر مطلقا سامی بکده اجتماع ایدر . طانیدینی و طانیدینی انسانلره قارشى جبلی وحسی او قدر خیرخواه و خیرکار بر آدم آز بولونور ، بلکه هیچ بولونماز ..

سامی بك چوق کزردی ، و بو کزینتی لری اکثریا شونک بونک نفعنه عائد خیرلی بر ایشی تعقیب ایچوندی . یا مکتبه قونوله جق بر چوجوق ، یا کندیسنه مناسب بر ایش بولونه جق بر کنج آنی کونلره مشغول ایدردی . بو عالی جناب آدم ، کندی ایشنی براقیر ، بونلره اوغراشیر ، اوغراشیر - هر یرده و هر کس نزدنده بحق مرعی الخاطر اولدینی ایچون - اکثریا موفق اولوردی .

بر کون ، مشارالیه معارفک قارشیسنده مصادف اولدم . اوراده قوندره بویاجیلنی ایدهن بر چوجوغی غزته صائمغه تشویق ایده یور ، سرمایه سنی ده کندیسى ویره جکنی سویله یوردی ه او بیچاره یی اقناع ایچون بلکه یکرمی دقیقه اوغراشدی . حیرتله سببنی صوردم . (غزته صائدجه اوقومغه یازمغه هوس ایدرده آدم اولور ، بوسنعت خسیسه دن قورتولور) دیدی ! .

واقعا آمریقالی متفنن مشهور (نه دیسون) ایشه غزته با یعلکیله باشلامشدی . مرحوم بو چوجوغی طانیور ، بيلمه یوردی ؛ لکن ناصیه سنده بر اثر ذکا کورمش ، آجیمش دی .. نزاهت ورقتی مدت حیاتنده محافظه ایتش بر قلب ، نفسنه قارشى ، صغار و کباره قارشى یالکیز عفتک و حق و حقیقتک طرفدارى پاک و عالی بر وجدان ، منور و صاغلام بر دوشونجه ، ایلاک ، هرشیده ، هر یرده هر کس ایچون ایلاک ، دائماً ویالکیز ایلاک ... ایشه سامی بکک تصویرى ! .

قلبنده کی رقت و صفوت شعرلرنده بارز و منعکس در .

سامی بکک کیمسه ایچون (فنا) بر سوز سویلایکنى ایشتمدم . صوک سنه لرده بر از اعصابنه ضعف کلش اولمالی که بعضاً بردن بره انفعال ایدردی . لکن آنی و سریع الزوال اولان حدتده بیله بر لطافت و او ایدی . تنقیداته ، اعتراضاته کیمسه کوجنمزدی . سامی بك ، ذاتاً ، ادیب و مؤدب ایدی .. هیچ بر زمان هیچ بر کیمسه علیه اغزندن (فنا) بر سوز چیقدیغنی کورمدم . یاشادیغنی محیطده دشمنی اولمیان بر آدم وار ایدیه مطلقا سامی بکدی .

فنا خوږيلر ، فنا عادتار ، فنا سوزلر ، فنا ايشلر سامی بك ايچون مبغوض ومنفور دكل بلكه ده مجهول ایدی . آنك نظرنده حیات بشریه (انسانلق) دن عبارتدی . انسان ، ناصل ایللك ایتمز ، ناصل ای بر ایش ایشه من ، ناصل ابنای نوعی دوشونمز وسومن .. اكلاشیلمايان بر شیدی .

انسانی ، انسانیت ايچون بیلر ، ایللكی ، ایللك اولدینی ايچون سور ویاپاردی [۱*] . سامی بکه کوره ، انسان هرکسی سومه ایدی ؛ قاموس انسانیت (حب ووداد) ك تفسیرندن عبارتدی . اوراده (خصومت) کله سی یوقدی ؛ واوله مازدی .. چونکه اوزمان ، انسان ، انسانلقدن تعری ایددرک (بهیمیت) درجه سنه دوشه ردی . سامی بك بوسقوطه راضی دکلدی . انسان ، یالکیز شکلا و قولاً دکل فکرأ ، ذوقاً و اخلاقاً بر مخلوق (متعالی) ایدی ؛ (احسن تقویم) دن مقصد محاسن صوریه وجعلیه اولمایوب کالات معنویه وحقیقیه ایدی ..

سامی بك ، عطالتی سومن ، متصل چالیشیر ، چوق اوقور ، مدقفانه مطالعه ایدردی . مدقق بر راصد ، معمق بر متفکر ایدی .

بر کون اوروپایه اصمارلایوب آیلرله بکلدیکی بر کتاب ، بن یاننده ایکن نهانه واصل اولدی . سامی بكك اوآنده کی سونجی ، کندیسنه یکی بر او یونجاق ویریلن بر چوجو غك نشه سی کی صاف ، شدید واطیف ایدی .

مرحوم ، علم و عرفانه عاشتی اولدینی کی مبادی اخلاقیه یه ده صوك درجه رعایتکار ایدی . بر کون تراموایده کندیسنه تصادف ایتش ایدم . یاننده بولونان طانیدیغم بر ذات ، پاره سنی ویروب بیلت آلامق طورینی کوستردی . سامی بك درحال اعتراض ایتدی ؛ و (قوندو کتورلری سرقته آلیش دیرمه ییکیز) دیدی . بو ، اخلاق عمومیه نامنه نه قدر طوغرو بر نصیحت ایدی .

زووالی سامی بك ، مزیات علم و عرفانیه ، هله مکارم اخلاقیه ؛ شو وطنك - کیدنجه برینی بوش براقان - خیرلی اولادندن ایدی .

کندیسیله هر تماسمه قلبمده بر انشراح حس ایدردم . او جداً محترم آدمده باشقه بر روح ، باشقه بر نور وار ایدی ؛ ناکهانی افولی یوره کزه بویوك بر آجی براقدی . او کزیده و عالی فطرت ، شو دنیای دینك صحنه اولدینی چبر کینلکاردن ، فناقلاردن بهزار و منتفر ایدی ؛ چوق جفا چکدی . مبارك طائر روحی - وجوه ایله لایق اولدینی - فردوس برینده آشیان ساز صفای سرمدی اولق ايچون وقتسز اوچدی ، کیتدی .

ماجد شوكت



[*] چوجو قلره عائد بر مقاله ده (ایللكی سويکیز) ديمشدم . مرحوم بونی (ایللكی : ایللك ايچون سويکیز) شکلنده یاز ، دیدی .



برقاج آی اول ، الك صمیمی و حزين برلسان ابتكا ايله فكريتك عزلتكاه
ابدیسند برپناه سکون ایسته یین سامی بک اوروح علوی یه پیرو اولدوغنی ایشیتدیکم
زمان ، مملکتک بومشترك کدرندن متولد حصه یأسمى پایلاشدن باشقه ساکت
برشهقه کریه ايله اورپر دم . کوزلریمک اوکنده صانکه برعالم طیوف آچلدی : مقدس
ومعتنا برجاس ارواح ، کالک روح پروقاری ، سریر اخروییسی ریاستنده دیار
ولوله دارک قهر و آلامندن تنزه ایتش برطیف پاکه منتظر کیدیلر . بواقلم صمدانی ،
بوسکون جاودانی ایچنده بویوک ونجیب فکرتک خیال اثیریسی بیاض وبا کر برکولکه
ایله تلاقى ایتدی . . .


معتقد ومتسلی روحم بولوحه مبارکه برسلام تقدیس ايله سجده ایدرکن . .
سامعهم یتیم وکنج برهمشیردنک انین خسرانی ؛ قهردهری طامش بیاض صاحلی
وفادار بویوک برقیزقارداشک سس سز شهقات هجرانی ، آرقداش یادکاری برقاج بیکس
کنج قیزک سرشک ماتمزاری ايله تتریدیرک بورؤیای اخرویدن اویاندم . . .
سامی بکک کالات فکریه سنی پک یاقین طانیامادم . کندیسیله آنجاق برایکی
دفعه کوریشمشدم . مرحومه اولان حرمت داهها زیاده نجابت اخلاقیه سنک
الهاماتی در . سامی بک هیچ شبهه سز برمتفکردی . فقط هر حالده ذکی اولمقدن
زیاده حساس ، مدعی ومتحکم اولمقدن زیاده متواضع ، نزاکت فطریه ، علویت
اخلاقیه سی نسبتنده ملول وسریع التأثر برذات ایدی . سسی ، کندیسینی اکلایانلر
ایچون دویولمش اولان بو محاسن پرست شاعریک کرک غرامی ، کرک وطنی اشعارنده
حامد بکک ، فکرتک اثرلرندکی قائلنی خبر ویرن و جازت بیان ، سطوت افاده دن
زیاده یالکز حس ایتدیکنی یاشاتان بر سیالیت ممتازه ، براسلوب کبارانه ، برادای
متواضعانه واردی .

سامی بکی معصوم ناصیه سنده کی افاده ملال ، کوزلرندکی معنای کلال ، یاشلی
دکلکن اوموزلرینی آزدن بارپیری ايله کورنلر ، محیطنک ، ارقداشلرینک و کندیسنک
آلام واکدارینی و قهرلرینی ، حساس و مریض برمرارت روحیه ايله دویمش
اولدوغنی اکلامقده هیچ کوچک چکمز لردی . مرحومک مزایا و فضائلندن « وفا »

اك علوى بروصفنى تشكيل ايديوردى . كوچك همشيرەسى بربابا شەفت و رقت
تەخسەسىلە سودن سامى بك دوستلرىنىڭ اولادلىرى ئىچۈندە اوزون سەلەردىن بىرى
حەقىقىي و اوز بربابا ، بىرھامى شەفىق ، بىرآبدۇ صدق و وفا ايدى .

سامى بك فاضل ، نەجىب ، انسانلىقى بىر انسان كى سۈمىش ، باكر روھلى
بىر شاعر اولمىقلە بىر بىر عىن زمان دە مەلىكىتىڭ احوال اجتماعىەسىلە مشغول اولدوغى
فەلىياتىلە اثبات ايتىش بىر مەرىپى ايدى . صوڭ دفعە تەسىسەندە بويوك واساسلى بىرھەمت
و حصەسى اولان تەربىە جەمىيتىڭ پىلانلىرى مەلىكىتىڭ احتىاجات حەقىقىە و تەربىەسى
حەققىدە نەمەتىن و شەموللى بىر زەھنىت ، نەتمىز عشقىلى بىر ئامىل تاشىدىغى اثبات ايدىن بىر
شەھىدەر . فقط يەنە تەكرار ايدەرم : بىن سامى بىكى بىر مەتەن اولمىقدىن زىادە بىر اديب ،
بىر مەتەن اولمىقدىن زىادە بىر فاضل ، بىر مەرىپى اولمىقدىن زىادە بىر مەجب انسانىت اولمىق
اوزرە طانىدىم و اوپىلە سودم . شەمدى يەنە سامى بك اومتواضع و كبار طورىلە ،
اونازك و ملول چەھرەسىلە بىياض صاحىلى واصل ناصىەسىلە كوزلىرىمك اوڭنە كەلدى .
بكا ايلك دفعە مەسلك حياتىڭ يوللىرىنى كوستەردىن مەتەم اللرىنى روھمك بوتون
تەقدىسىلە اوپمك ئىچۈن صەمىمى بىر تەخسەر ئىچىندەيم .

زىيەھ مىھى الدين





خاطرەلرم، احتىساسلرم

برېچق سەنەدن برى سامى بىك سىھتى اوزاقدن ويقىندن درين براندىشە ايله تعقيب ايدىيور، تدرىجاً حس ايدىلن ضعفى، بوس بوتون بياضلاشان صاچ و صقالنى، اوملحم وجودك عادتا نارين برىشكە كىردىكىنى كوردىك. پىك متأثر اولييوردم. وفاتندن اون بش، يكرمى گون اقدم جغال اوغلندە كورمشدم. پىك ضعيف وبى تاب بولدم، پاك واصل چهرەسى صارارمش، بشوش وسويللى سىياسى درين برىزن و تاثرله محاط، مونس ورحيم نظرلى سونوك و فرسز. استفسار خاطر ايتدم. آجى آجى گولدى، صاغ النك شهادت پارماغىلە ھان اوراجقەدە برىكوشەيە بوزولش، ايكى رىنكسز، جىلېز وخستە چوجوقلرىنى قوجاغنە ياتىرمش، چهرەسى اولوم رىكى باغلامش زواللى وسفيل بر والدى كوستردك اهتزازكار ورحيم بر صدا ايله: — جانم افندم، دىدى، ايشتە باق، بوسفالت و محروميت قربانلرىنى گوروب متأذى و متأثر اولماق ايچىن خىلى زماندر اودن چىقميورم، بونلر بىك پىك دوقونيور، الىمدن ھىچ برىشى گىميور، بىك انعطاف ايدن بوآچ وسفيل نظرلر قارشوسندە قىلمىك اريدىگىنى، آجى، پىك آجى سىزلادىغىنى حس ايدىيوردمە اوقدر فنا اوليورم كە.... بر آز طوردى، پارماقلىلە صقالنى قارىشىردى، درين، درين ايكلىهرك علاوہ ايتدى: — نە يالان سويلەيەيم، مصائب حربىك بويورەكلر ياقىجى لوحەلرى بىم ذاتاً يارەلى اولان يورەكى قاناتيور، و بىليورم كە بو احوال سىھتى دە اخلا ايدىيور، مجالدن، وقوتدن دوشوريور. باقالم، اللە نە كوستىر، برمدت دە بويلە كوشە عزلى اختيار ايدەجىم....

تسليت آمىز سوزلر سويلەدم.

— اوت، ھېسى كچر، فقط ھېسى كچىجىە قدر غالبا بن كىندىمەن كچەجىم.

دىدى و آيرلاق.

ايشتە سامى بىكە صوك ملاقاتم....

*
**

قربان بايرامىك ايكىنجى گونى ايدى، اسماعيل كامى پاشايە، صوكرە سامى بىكە تبرىكە كىدەجىم. اوده اسماعيل كامى پاشايە يالكر بولدم. فقط پاشاپىك طالغىن و مأىوسدى، صبيحە خام افندىنى صوردم، بوسؤالللە بردنبرە صارصىلان پاشا، الندەكى تسبيح دانەلرىنى عصى پارماقلىرى آرەسندە لايتقطع چويررەكن باشنى صاللادى، درين برىكوكس كچىردى، و تىترەك برسسلە:

— غالبا، دىدى، سىزىك برىشىدن خبر كىز يوق.... بن متعير و متردد اوڭا باقيور،

گوزلرنده دالغه لانان ايرى ، ايرى قطره لرك ضئالنه دوغرو آز فاصلا لرله دو كولىكنى
كورمكله مدهش بر خبر فلاكتك مواجهه مرارتنده بوانديغمى حس ايدرك تيتريوردم .

پاشا ، آغلايه ، آغلايه علاوه ايتدى :

— اوت ، عزيزم ، گيجه صباحه قارشى بزم سامى بكي غائب ايتدك . چاشيره سى
وهمپسى اوراده ، بوبزم ايچين بويوك ، همده پك بويوك برفلاكت ...

ا كمال ايده مه دى ، هيچقرقلر ايچنده سسى كسيلدى .

آرتق بن صاعقه ايله وورولش كې طوندم ، قالدېم . خسته لغندن بيله خبردار اولاماديغم
بونجيب وعفيف انسانك وقور آلنى ، كبار واصيل چهره سى ، سويللى وصاف قلبى ، منبع فضيلت
وعرفان وجودى كريان گوزلرلك اوگنده بليرمكه باشلادى ، اعماق قلبمدن قوپدق گوزلرله
عجوم ايدن ياشلرله اوآراق شدتله ياغان ياغمورده اشتراك ايتدى . پاشا ، بن وسما بوگون
طوپراغه دوشن بروجود اكملك ضياعنه آغلادق ، آغلادق ، مشئوم خبر فلاكتله بى مجال
مرديونلرى اينركن بىلگمى ازن بوضربه ماتله چيلديرمش گې حليم گراىك :

قلب عليلى هجر ك ايله پر نم ايلدم

ايل عيدا كبرايلدى ، بن ماتم ايلدم

مصراعنى يوتقونيوردم .

* *

۳۱۸ يازنده ايدى ، او سنه سامى بك بويوك دره ده اقامت ايدييوردي . بنده صارى
ياردده ايدم . بوناسبتله هان ، هرگون گوروشوردك . بر آقشام بازارباشى باغچه سنه گيتمش ،
بوغازك لطيف وبى قرار مناظرينى بر استغراق حزين ايچنده سيره دالمشدم ، باغچه نك
چاقيل طاشلريله تصادم ايدن خفيف بر آياق سسنگ ياواش ، ياواش ياقلاشمقده اولديغنى
حس ايدنجه دوندم ، قولتوغنده بر قاچ كتاب ، رساله ، وغزته يى حاوى صارى چانطه سيله
سامى بك بر آز يورغون و متفكر يانمه كلدى . بر خيلي ديكله ندى ، صول پارماقلىيله
گوزلكنى دوزه لتهرك بوغازه دوغرو باقينيركن سبب تاثيرنى صوردم ..

— شيمدى چارشيدن گچيوردم ، ديدى ، تصادف ايتديكم بروقه بنى پك متاثير ايتدى ،
انصافسز بر آدم فقير و بيكس بر كوفه جى چوجوغى دوگيور ، اما بيلسهك نه فنا بر صورتده
دوكيوردي ، چوجوق جان آجيسندن ، آننه جكم ، آننه جكم ، ديه متاديا حايقرييور ،
باغرييور ، فقط ظالم حريف متصل سيلله ، توقات ، تكمه لرله توزلرك ، طوپراقلرك ايچنه
يووارلايور ، صوگرا جانم افندم ، اورادن او قدر خلق كلوب كچيور ، دكانلرده ، قهوه لرده
اوطورييورده هيچ برى اوخائلك الندن چوجوغى قورتارايم دييور .

حريفى بر طرفه فيرلاتدم ، اوتانميورميسك به آدم ، اللهندن قورقازميسك ، شو كوچوچوك
چوجوغى دوكيورسك ديدم ، نه ايسه دفع اولدى كيتدى . چوجوغه صوردم آغلايه ،
آغلايه ، آكلاتدى :

بو آدم بكا بويوك دره ده بريوك ويردى ، بنده ايكي غروش ايسته دم ، پكى ديدى ،
يوكى بورايه قدر كتيردكن صوگرا اولكى سوزندن جايدى ، بو سفر چيتقاردى بكا قرق پاره
ويردى . بنده حقمى ايسته نجه قوتنه كوكنهرك هم بنى دوگدى همده پاره مى ويرمدى .
بابام يوق ، آننه مه ده اون گوندر خسته ، قولوبه ده ياتيور . آرتق تخته يه ، چاشيره
كيدوب پارا قازانمايور و بزه باقاميور . اونك ايچين بنده هم آننه مك سودينى همده كنديله
بندن كوچوك قرداشمك اتمكنى قازانق ايچين كوفه جيلك ايدييورم . بوگون هيچ بر شى

قازانامادىم ، بو پارە ايله آئىنەمە قىرغاق پارەلىق سوت و كىندىمىزەدە بر اوقە اتمك آلاجاقدىم
.....

چو چاقى اىكەل ايدەمەدى ، ھان اوراجغە يىغلدى ، قالدى . بو منظرە سىفالت او قدر
اعصابە طوقوندى كە... چو چاقى دىلنىچىلىك ايتىيور ، آلن تىرلە قازاندىنى ايكى غروشتىك نصفيە
آئىنەنىك غداىنى ، نصف دىكرىلەدە كىندىنىك و قىرداشنىك اتمكىنى تائىنە چاليشيور ، سوگرا
خىدود كىي ناصرد بر حريف ياوروجنىك عجزىدىن ، نىمەدىن ئالاستفادە قىرغاق پارەنى وىرمىيور ،
حتى اىستەمك اىچىن آغزىنى آچىنچە بو دفعەدە دوگيور ...

سوگرا حىيات حقيقيەنىك ايم و مىرارت انكىز بىك دورلو صفحاتە ، بالخاصە حق و قوت
مىسئالرىنە دائر برىمدت قونوشدىق . « حقيقتە دوغرو » عنوانى اثرىنى كىندىنىدىن دىكلەمك
آرزوسىندە بولدىغىمى سويلەدم ؛ نظرلىرىنى بوغازىك بدرتامىك خفيف وملايم اشعەسىلە چىرىپىن
خارەدار سىنەسە دىكىدى ، قلى بر صدای رقتلە ، بشرىتك تجلى ايمە آغلايان وبوتون
انسانلر اىچىن بر دورە مىسالت و حقيقت دىلەين شىرىنى اوقودى .

بن ، بو ، بويوك و انسانى شاعرىك تاحرىم قلى مجروحىدىن قوپەرق دىكلەنىلر ك اعماق
روحنە بر زمزمە ارغنون كى دو كولوويرەن بو بىستە صنعتىك فسون استغراقى اىچىندە عادتا
كىندىدىن كىچىمىش ، درىن بروجد حىرتلە بىهوش قالمىشدم . سامى بك دە ھىم اوقويور ، ھىم
حقلى ايكىن قوتە قارشى زبون ، يرلردە يوارلانان ، خستەلغىك ظالم نىچەسىندە ايكلەين ، نىنەسىندىن
استىداد ايدىن مظلوم چوجوغىك خجاعت حانە قىر صقاللىرىنە سوزولن ايرى قىطرەلر ايله كويا
تسلىتساز اوليوردى .

*
* *

سامى بىك وفاتىدىن برقاچ گون سوگرا فلاكت زدە ھىمشىرەسىنى تعزىيە كىدىيوردم .
آرتق ايسىز ، سىسىز قالان آشيان شاعر بوتون قىسوتىلە قلىقى تىترتدى ، درىن ، درىن
ايكلر كىن سىتەسى قدر داسوز و خىزىن اولان شو كىفتەيى خاطرلادم :

سىسلىدى ھوا ، طرف چىنزارى نىم آلدى ،
بىلبل يىوادىن اوچدى گلستانى غم آلدى .

سامى بى سىنەسىندە صاقلان بو قوناق بر دھا اوکا ، اونى سەونلرە مؤبدأ قاپانمىشدى .
دەگم سىزلايور ، بر درلو رعشەدار پارمقلىرى قاپونىك زىلنە دو قوندىرمغە جسارت ايدەمىيوردم .
بر مدت متردد قالدىم ، سوگرا ياواشجە زىلە طوقوندىم ، سىس يوق . برداھا ، يىنە سىس
يوق ، آرتق باشى قاپويە دايامىش ، آغلايوردم ، ياندىكى بر اوڭ جامى آچىلدى ، اھتزازلى
بر سىس :

— بك افندى ، دىدى ، مديحە خانى بويوك ھىمشىرەسى آلدى ، شىشلىيە گوتوردى ،
قوناقدە كىمسە يوق

لطفأ بنى خبردار ابدى سىسە دوغرو آغلار بر صدا ايله تشكر ايتدم . گريان گوزلىرى
قوناغىك نىجرەلرىنە كىزدىرەرك اورادە سامىنىك بنى و ھركسى تىسملرلە قارشىلايان نظرلىرىنى
آرايوردم .

آرتق اوروح آفلىك ياد ايمىلە اوزاقلاشدم ، فىكرأ اوقدر طالمىش ، حىيات يوللرىنىك شاد
ونا شاد ارتساماتى ، و سوگرا بر ھىچدىن عبارت قالان انسانىك عاقبتى دوشونە ، دوشونە اودرجە
كىندىدىن كىچىشم كە ترامواي قوندوكتورىنىك

— ھايدى آفندىلر سىشلى ! ..

صداسى بنى ايقاظ ايدەبىلدى ، غرىب و بى مجال اۋە ياقلاشىركىن قلىم چارپىيوردى .

رنكى اوچوق بىر خىدمىتى قىز قاپۇنى آچدى . ئوڭ ايچى بىر بوى اخروى بۇرۇش ،
سانكە بوتۇن اشيا بو ئوڭ مەيپىتىدىن مۇبداً اكسىلىن نىزى بىر روھك ، رقيق وھساس بىر
سىڭ افول ھزىنە قارشى آغلايوردى . گوزمە سىلىن پاشانك تىصوىرى ايلشدى .

عاقىت جەلە مەڭ مەڭلى خاك اولسە روا .

كىمە ايتش بوفلاك كام وھرام اوزرە وفا .

يىتتى اخطار ايدىيور كىدى . استخوانپارە معصومى عراقك بىر كوشەسىندە بىر آووج قارە
طوپراقدىن عبارت قالان ۋوقتىيە ملت وھلىكتەڭ عرفان و تەجدىنە چوق مەھم خىدمەتلەر ايدرك
اولادىنە ناموس وھمىت ، عرفان و فضىلت مىراثى بىراقان بو كىلاتپۇر بابانك چەرەسىندە بوگون
بىنەخت عائەلەسىنى ازەن ۋىتتەرەن الم و مائە قارشى كويا آجى بىرخندە دولاشيوردى . دوداقلارندە
روھنك يكانە اوغلىنى سامىيە قاووشمىسىدىن مەتولد بىراھتاز مەرتك تىترەدىگىنى كورىيور
كىيى ايدم ...

قوناڭ ھەر طرفندە درىن بىرسىكون ماتم فىسىلەدىيور ، اشيايە بىرنك المەبۇرۇش ، سىيە
قانادلىرىنى بو آشيائە غرىبك مەيپىت يىمىنە گرەن اولوم ، تەكمىل مەرات قسوت انكىزىلە ھەرىرە
سىنىمىش ، كويا بورادە دوكونل تەسەر قەترەلى ، آيرىلىق گوز ياشلىرى ايچندە خىيال مىال
قاراران پاك و معصوم بىر چەرەنك ، اوت ، اون بش ، يكرمى گون اول اھتاز ايدىن رقيق
مەصدانك آرتق مۇبداً قەنداندىن مەتولد بىر صەمت ھزىن دلخراش ھكىمران اولشدى .

بودوشونچەلر آرەسىندە گوزلىرى قاپۇيە نەب ايتەم .. ھان اورادىن بلىرەك بىر خىيال
آرادم ، شىمدى قورىدوردىن خەيف بىر آياق صەداسىنى مەتەقب سامى بك او بشوش ، پاك
ۋەدرخشان چەرەسىلە ، اوپەيە كىرەك ، اللرىنى بىكا دوغرو اوزاتەرق التقات ايدەكەدى
ظن ايتەم . ھىيات ، ھەقىقەت آجى و مەستەزى چەرەسى قارشىسىندە مەتأثر و نەمىد بوغنى
بو كەم :

اومە قوشلردىن ، بىلۇتلردىن پىام ..

گەلىيور فانىيە عەبادىن سەلام .

آغلاسون قەلبك ، يوزك پىراپتسام

آل بو صورتلە اولومدىن انتقام

كىتەدى آرتق بىردەكەلەز كرى

بەكە روھم ، بەكە روز مەشرى .

نوحەلرەلە چارپەنتىلەرىمە جىريان خونىن وىردم .

بىن بو بىھران ايچندە چىرپەنتىر كىن سامى بەك مەرز آبلەسى صەبىحە خانم افندى صالونە
تەشرىف بىيوردىلر . نەجىب واصل سىياسەندە فلاكت و ماتم ارتساماتى دالغەلانىن خانم افندىنى
اختيارلامىش ، دوچار ضەف اولمش بىر ھالە بولەم .. تىترەيە ، تىترەيە آكلەتدى :

— سامىنى رقتەلەي ، بىكەسلەك انىنە قارشى مەجودىتىنى صەرسان و خىرپالايان فرط شەفت
و مەرحەتى بىتەردى زواللى قەرداشچەم ھەر گون بىر پارچە ارييور ، اكسىلييور ، بشرىت
ايچىن سىزلەيان ، دەشىلەن جەريئە قەلبى ھەر گون بىر مەنظەرە رقت و مەرحەتلە قانايە ، قانايە مەزارە
دوغرو سورۇكلەنوب كىدىيورمىش دە بىزم خەبەرىن يوقىش !

خەستەلەندىن بىرايىكى ھەفتە اولدى ، قەرداشم سامى ، سنى خەستە كورىيورم ، رنكە
بوزولۇش ، ھالەك يوق ؛ رجا ايدىرم كەندەكە باقەدىر . دىدىم ، بىنى تەسلىيە اوغراشەرق ھىيچ
بىرشىم يوق ، يوقوشلىرى چىقىيورم ، بىر آز كو كەسمە بىر آغرى ، آزىچق دە دىزلەمدە مەنەسزلىق

حس ایدیورم، یوقسه بشقه برشیم یوق، اولرده کچرسه هیچ برشی قالمیه جق.. دیه جواب ویرمشدی .

حالبوکه او بئم قارشیمده ارییه ، ارییه سونرکن بیله بنی تسلییه چالیشیور وبکا متانت ویرمهکه اوغراشیوردی ...

مدیحه خانم افندی یی صوردم .

— نه اولاجق، دیدی، فلاکت کونندن بری خراب وپریشان برحالده، اونی صوصدورمق، گوز یاشلرینی دیندیرمک ، متسلی ایتک ممکنمی ؟... یاوروجغک .. آغابکجکم ! .. فریادینه یوره کلر تحمل ایتیور. پک ایی بیلیرسک که سامی اونک ایچین یالکز بربرادر دگل عینی زمانده مشفق بر پدر ، رحیم بر حامی ، بر پناه شفقت ایدی ... اونک نزیه ورحیم قلبی پک کوچوک بریاشده باباجغنی غائب ایدن بوبدبخت یتیمه قارشى بربابا حسیله ده متحسسیدی، اوکا هیچ برزمان بیکسلیکنی ، یتیملیکنی حس ایتدیرمیوردی . آرتق شیمدی زواللی قیزجغزک بنای امید ییقلویردی ، او قورو ییچی ، اسیرکه ییچی صیجاق قنادلرده مؤبدأ قیریلیویردی . اونک سعادتلر واییلکلرله چارپان رقیق قلبی طوردی . اونی هر شیدن صاقلایان وبرکولیکه کبی اوزرنده طولاشان رحیم ومشفق نظرلر سونیویردی . شیمدی کندى المرمی اونوتهرق، کوز یاشلرمی کوسترمه مکه جبر نفس ایدرک اونی تسلییه ، کوز یاشلرینی سیلمکه ، اینلرینی دیندیرمهکه چالیشیورم ..

محترم قادینک حار و دلسوز هیچقرقلری قارشوسینده طوگدم قالدیم؛ مبارک اللرینی کوز یاشلرمله ایصلا تهرق وداع ایتدم .

*
* *

سامی بك ناموس وفضیلتله متصف ، اخلاق پاکیزه وخصائل حسنه ایله متحلی، نزیه ، متواضع ، حلیم ، سخی ، کریم برشخصیت گزیده ، متقی ، متدین ، روحنی ، قلبنی حبدین مبین وعشق جناب محمدالامین ایله تزین و تصفییه موفق اولش اخیار وابرار امتدن ایدی... سامی بکده اک زیاده تقدیرلرله مشاهده ایله دیگم مزایادن بری ده عربجه سندن قوتلی فرانسزجه وانگلیزجه یه واقف اولدینی وحافظه سی غرب علما وحکما سنک دساتیر ونظریاتیه مشبوع بولندینی حالده آثار علمیه وتربویه سنی ، آیات کریمه واحادیث نبویه ایله وحکمای اسلامیه نك ، خصوصیه امام علی نك اقوال حکمیه سیله تأیید واستشهاد ایتسی درکه اصول تدریس وتربیه تعلیماتنامه سی بوکا شاهددر .

*
* *

بو ملک خصلت شاعرک دنیا ده امل نامنه تعقیب وپرورده ایله دیگی یکانه هدف و غایه ایلاک ایتکدن ، بوتون انسانلری حضور وسعادت ایچنده کورمکدن عبارت ایدی . ملتنی ، مملکتینی اک درین برحس محبتله سور، عرقنک ویوردینک فکراً، علماً، اخلاقاً یوکسلمه سنی ایستر ، قلبی بو سعاده برآن اول مظهریت قایغولریله چیرپینیردی . اودرجه ده که بتون علائق خودکامانه و تمایلات نفس اندیشانه دن تماماً بری ومنزه ایدی .

سامی بك مقدس وطنمزک اک خیرلی اولادی ، اک تجدد پرور بر فردی ، انسانیت وفضیلتک، ناموس وعفتک متبازر ومتکامل، پاک ناصیه وپاک نهاد بر مدافع ابداهتهاری در . عمو مک قلبنده عمیق برحس حرمت اویاندیرمش، صمیمی ویوکسک بر موقع حرمت قازانمشدی . اک بیوک ذوقی بیچارکانک امدادینه قوشمق، ضرورت وفقر وسفالتک پنجه قهرنده ایکلینلره یاردیم ایتک، مأیوس ومحزون گوزلرینه نصب انظار تحسیر ایدن یتیملرک سرشک غریبنی سیلمک ، کندیسنه عرض حاجت ایدن بر بدبختی سونیدیرمکدی .

افراد ملتی قارداشیدن ، اطفال وشبان مملکتی اولادندن ، حتی جانندن زیاده سور ،
 بوکوک و کوچوکار اوزرلنده طولاشان نظرلنده درین برغور شفت ، برغور ایلد ، بایر ،
 وطنی وملی مسائلده قطعاً راحتتی ، صحتی بیله نظر اهمیت آماز ، مملکتک اجتماعی ، مدنی
 و علمی احتیاجاتی بر طرف ایتک مقصدیله نهدده بر جمعیت و مؤسسه آچیلسه هر کس دن اول
 سامی اوراده در . هیچ بر جمعیت خیریه و دلیه یوقدرکه سامی بک اوکا قالا ، قلماً و نقداً
 معاونت ایتدیش ، اونک تکمل و ترقیسنه چالیشامش اولسون . بوکوک همشیره سی صبیحه
 خانم افندیگ ریاستی آلتنده درت بش سنه اقدم تأسس ایدن روم ایلی مهاجرین اولادیله
 شهدا قیز چوجقلرینه دیکیش ، یچکی وال ایشاری گبی صنایعک تعلیمی مقصدیله آچیلان
 « اسیرکمه درنکی » نک تأسیس و کشادنده سامی بگک ابراز ایتدیکی حیت و خدمتک بالذات
 شاهدی ایدم .

*
* *

حیات و مجادلات اجتماعیده اک بسیط بر حادثه ، اک اوافق بر مسئله ، صنوف مغدوره
 بشرک خوار ، ذلیل ، سفیل و ناکام هیچ بر صفحه سی یوقدی که سامی بگک حس تعان
 و تناصرله چیرپین قلبی صیرلاتامش اولسون . سامی بک خزانک خیرچین و عصی روزگارلریله
 تیرهیه ، تیرهیه رلره دوشن صارارمش یاپراقلرک مغرور و لاقید اوچکلر آلتنده چیقاردقلری
 شکوا آمیز خیشیلشیلرک معنای حزین تحسینی ناصل درین بر صورتده حس ایدر و آجیرسه
 بوینی بوکوک ، غریب ، کیمسه سز بر یتیمک روح نجیبنه افشای راز محرمیت ایدن سونوک
 نظرلری ، نومید و مأیوس چهره ملالی قارشیسندده اوپله متأثر اولور و تیره در .

بنی نوعنک بر نظر شفقت و مرحمتنه ایلشیه بیلیمک ، اونلر اوزاته بیله جگی دست معاونت
 و صروتله آچلغنی کیدرمک ایچین فرسز نظرلریله قلبلرک حسیات عالی جنابانه سنه خطاب ایدن
 برزوواللی نک انین استمدادینه قارشى قولاقلرینی طیقایه رق لاقید واستهزا کار بوکوان مغرور
 دوداقلر سامی بگک قلبی پارچه لار .

سامی بک آرتق بوگون بزم ایچین ماضینک مظلم و پرنسیان بوشلقلری ، ماتمی واسرار آلود
 کردباد هیچی نمودی ایچنده مؤبدأ غائب اولدی ، جسم پاکى قاره طوپراقلرک آغوش لایتنده
 بر خیال ، بر سراب حکمنه کیردی ، فقط اونک حیات صاف و نزیه بندن بر یادکار سیرمدی قالان
 اثرلرلنده ، بالخاصه باشدن باشه رقت و حساسیتدن مصنوع شعرلرلنده اونک خلاص بشر
 ایچین ایگله یین .. و چیرپین ، انسانیت ، حق و حقیقت قایغولریله صیرلایان جریحه دار و معصوم
 قلبنک بکا آلود شهقه لرینی دیگله مک بزم ایچون هر زمان مدار تسلیتدر .

*
* *

سامی بگک روح صنعتی تخلیه گلیجه : بن نه زمان اونک بر اثرینی اوقوسه م نرمین
 و مونس کله لرک دوش احتساسنده دائماً حزین ورقیق بر قلبک اهتزازکار نوای ملانی طویارم ،
 اسلوبنده کی نزاht و متانت ، بالخاصه موضوعنک اک روحی و گریزان اینجه لکارینی اوقویانلرک
 اعماق قلبنه نقل ایتک خصوصنده کی موفقیتنه انضمام ایدن کله انتخابنده کی اصابت و اختصاصی
 قارشوسنده مفتون و حیران قالیرم ..

سامی بگک اثرلری حیاتی گبی صاف و سادده ، طنطنه دن ، احتشامدن آزاده ایدی .
 شعرلرینی مهتابلی برگیجه نک سکون مدید اخرویی ایچنده تا اوزاقلردن آرا صیرا عکس
 ایدن آواره و شیدا بر بلبلک حزین فریادینه ، یاخود بر ایلاک بهار آقشامی سکودلرله محاط
 بر دره دن طاغلره ، قیرلره ، اووالره سرپیلن برقوالاک مهتر ورقیق انین غریبنه بکزه تیرم .
 اوت ، یرقسم ادبازنک محشم و پر آهنگ اثرلری یاننده سامی بگک شعرلری متلاطم برسلسله

نعماتك جوشان و خروشان آهنگي آردسندە كيزلى اينلر ، قاي المزلە اهتزاز ايدن پست
وسينه چاك نغمە جكار كيدير ...

سامى بكا ، بشريت مضطربه وعاجزه ايچين هر زمان قانايان نجيب قلبنك بوتون معاني
علويه سنى « ديلنجى قيز » عنوانلى شعري اثباته كافيدر ، محترم بويوك همشيرەسى صبيحه خانم
افندى ، بكا :

— سامى يىكده ايكن قاپوسنه برفقير كاسه بهمه حال اوگنده كى يىكنى كوندرمىسه
راحب ايتز ، بومعاونتى ياپامدينى ، اويچاره دى بوش بر حالده دونديرديكى زمان متأثر اولور
واغلاردى ...

دیشلردى ، بوحساسيت والهام قارشيسنده سامى بگدن شېهەسز بشقه صنعت وحرکت
بکله نه مژدى ...

« آطه دن عودت » منظومه سى بر آرز دقتلى اوقونورسه روحى بوتون درينلكاريله قاورايان
بديعى بر ذوق ايله تيره تن بر آقشام لوحه سنك تجلى غريبي بوتون وضوحيله حس ايديله بيلير ...
سامى بگاڭ حماسياته عائد شعرلرى ده شايان دقتدر . بونلرده رقت و مرحمتله ممتزج بر
شدت كورولور . عثمانيلرك بوتون جهانى شمشير حماست وشجاعتلرينه رام ايدن بطش سطوت
وهملرندن متشكل ماضيسنك صحائف شان وشرفنه نصب انظار تحسیر ايله ين سامى بك مدنيت
والسانيت ناملرى آلتده استتار ايدن اعداى دين وماتك مظالم خونخوارانه سى اوگنده
فوران ايدر . هر كله سى ياره لى برارسلا نك صدای مهيى گي ولوله دار بر آواز غيظ وحدتله
باغبرر . قافقاسده ، عراقده ، چناق قلعه ده دشمنك جهنمى كوللله لرينه كوكس كره رك وطنك
سرخس وناموسنى جانلرى براسنه قورويان شجيع وجسور عثمانلى دلاورلرينى تشجيع ايچين
بوتون عصبيت مليه ودينه سيلاه ترنم ايدر :

ياشا اى شانلى عسكر ، اى مؤمن ،

ياشا اى دست آهنيں وامين ،

ياشا اى حكم عدله جانلى كواه ،

لفظة لاله الا الله

وردوز كرك دكلى ؛ غالبسك ،

چونكه سن وجه حقه طالبسك ...

ويدالله فوق ايديهم

سكا بردستكيدر دائم .

ياشا نوركله ظلمى تاراج ايت ،

حقى يىكسر جهانە سرتاج ايت .

قاپلاسین كونی عشق وایمانك

بارلا سین آفتابی رحمانك ...

* *

سامى بگاڭ تأييد وتجلیل نامنه خدمت ايدن باشليجه موفقیتلرندن برى ده گنجلرى تنوير
وحمايه خصوصه سنده كى فداكاراغيدر . علمه ، ترقى وتجدده مستعد گوردیگی شبان مملكتى
تشجيع ايدر ، استعداد وقابليتلرينى تنمیه ايدرك هر برينك وطن ومليت ايچين فائده لى ، متشبت
وفداكار برر عنصر قيمتدار اولارق يتيشمه لرى ايچين اوغراشير ، نوميد ، جسارتسز واراده سز
گوردیگی گنجلره متانت ، عزم ، فكر تعقيب وغيرت توصيه ايدردى .

رياستنده بولندينى « مى تعليم وتربيه » جمعيتى — كه مرحومك زاده حيت وكالاتيدر —

سامى بىگ بوتون ەلى ووطنى آرزولرىنە بر ساحةٔ فعاليت وموفقيت تشكىل ایدیوردى . نە
چارەكە أجل بوتون بوگزیده امللرىنە مساعد برزمان بولارق چالیشه بىلمك سعادتى سامى بىگە ،
دولایسیلەدە بوزواللى وبدىخت ملتە چوق گوردى ، بز نەقدر :

أولدورمه ای عوالمك الله اكبرى ،

نورگله كشف راه صواب ایلینلری

دیسەك ینە احكام قضایه تسلیم کردن انقیاد ایتمكدن بشقە چارە یوقدر . یازیق و یازىقلرکە :

ارباب كمالك یری خاکستر غمدر

خاك اوزره دوشر میوه كمالیله اولونجه .

بن ، هرزمان والى بد سامى نك بریتیمك گیزلى اینلری ، بر بدىختك قلى شەقەلری ، بر قوزینك
یانیق فریادلری قدر مؤثر بر صورتدە قلبلك حساسیتى تهییج ایدن شعرلرینك زمزمە صنعتندە
روح ملائك آشیانك انسانى وخیراندیش نوای حق وحقیقتى دیکلەیه جگم .

بوتون حیات پاکنده نوروضیایى ، حق وفضیلتى نشروتعمیم ایچون آغلامش ، سويلەمش
ویازمش واك صوگرا انسانیت وعلویتى تحقیر وتذلیل ایدن احتراض ومنفعت چرکابه لرینك
مواجهه لوٹ ودنائتندە حیانتندن ایکرەنە ، ایکرەنە هر شیئى اورتن طوپراقلك آغوش
نسیانندە قوافل ابراره التحاق ایتمش اولان بومجسم انسانیتى هیچ بروقت اونوتامیه جگم . يك
قیمتدار اسمنى ومعزز خاطرەلرینى قلب تکریم وحرمتدە دائما طاشیه جق واونك یاد فضائل
ومحاسنیه مؤبداً گوز یاشى دوکمكى اك بویوك ومقدس بروظیفه وجدانیه طانیه جگم

سليم پاشا يوقوشى ، ۵ شباط ۳۳۴

نژاد تحسین



سامی بوسه مادر دن پك آ ز حصه دار اولدی؛ پدرینه همان دائماً متحسریاشادی.
 بشیکی اوزرنده ایکی نظر پك ایرکن بری برندن وپك چابوق سامیدن آیرلایلر .
 برینی مزار ، دیگرینی منفا کندیسندن مهجور ایتشدی .
 دها چوجوقکن سامینک مینی مینی قلبی اطرافنده کیلرک دیده شفقتی ایله دکل،
 وطنک مناظر حیاتی ایله چارپیدی . دینه بیلرکه باباسنک معشوقه روحی «وطن» دی؛
 بونک ایچون سامی چوجوقلغندن اعتباراً وطنی «آنا» بیلدی . سلیمان پاشا اوغلنی
 چوق سور ، فقط او قشایه جق یرده تشجیع ایدردی .
 کندیسنی ایلك طانیدیغم زمان سامی ، قیرمزی زرهللی سیاه البسه رسمیه سیله ،
 بر مکتب ملکیه شاگردی ایدی . او صروده مرحوم معلم ناجی ایله طرفدارلری ،
 حقسنز اولدیغی نسبتده قبا، تعریضلر و تهزیللرله «صحرا» یی، «دیوانه لکرم» ی ،
 وحقی «مقبر» ی دیدیکلیورلردی . سوکیلی و محترم «عبدالحق حامد» ک هدف
 اولدیغی بو مهاجمه اودورک کنج روحلرنده درین برتهور وعصیان تولید ایتدی :
 کوکلو برمدافعه بولوکی حاضرلاندی . زواللی علی فرخ ، زواللی عبدالحلیم ممدوح
 وزواللی سامی بوبولوک فعال و آتشین اونباشیلری ایدی . باب عالی جاده سنده بر
 کوچک قرائتخانه - شفق قرائتخانه سی - برنوع ادبیات قشله سی اولمشدی . ابن الرشاد
 ذکی و مستهزی ، عبدالحلیم مفرط و جوال ، سامی متین و شدید اوراده ، او مقسی
 و محدود قرائتخانه ده طویلانیلر ، فرقه شبابی کمال ، حامد ، اکرم ، و سزائی ادبیاتنه
 جلب ایدرلردی . «شفق» مداوملری آردسنده «کلشن» محرری علی کمال ، «نخل
 امل» صاحبی فهیم ، ازمیرلی شفیق ، لسقویکلی خیرالدین ، دارالشفقه دن مأذون
 فائق ، خلیل ادیب واردی . احمد راسم آردصره اوغراردی : او بو کونکی کبی
 «اعتدال ربیعی» نقطه سنده ایدی ؛ هر زمرة ایله خوش کچینردی . محمد جلال ،
 اسماعیل صفا دها زیاده معلم ناجی طرفه تمایلایلر . نابی زاده ناظم براز مغرور
 و متهمکم بریطرفلق محافظه ایدردی . منمنلی زاده طاهر «غیرت» ی ایله ادبیات
 جدیده بایراغنی آچمشدی : حامدک «غیرت» ده چیقان هر منظومه سی ، «هاید

پارقدن کچرکن ، « ناکافی » ، « برستاره آلتند » ، الی آخره ، هربری « شفق » مداوملری ایچون برعید دماغی اولوردی .

سامی یی اودورده کورمه لی وطانیالی ایدی : شن ، شوخ ، شاقراق ، کوزلرنداینجه وفطین برتبسم ، یوتقونه یوتقونه ، شوق وهیجان ایله سویلر ، کولو کولدورردی . ادبیات عتیقه نك « واترلو » سی حاضرلاندیغنی کوردکجه اوقوماندا نزاده اویله ممنون اولوردی که ... زیرا سامی حکملرند کنجلرک بلکه الک صمیمیسی ایدی ؛ سوزلرند خاطر ، کوکل کوزنر ، آنجق ازل و جان بکندیکی آثاره « کورل » : « وردی . یکیلری ترجیح ایدر ، فقط اسکیلری هیچ استحقار ایتزدی : بیلردی که پرلانطه نك مختلف ومتعدد « فاحه تا » لری واردر ؛ شکل دکیشمکه کوزلاک اخلال ویا استحصال ایدلمش اولماز . مع مافیه عجدلات قلمیه یه بیکنه قالمادی : اون بش ، اون آلتی یاشلرند بزمه برابر دی ؛ آخر عمرند ینه بزدن آیرلمادی . وفرقه مزك مفاخرندن بری در .

سامی نه حیاتند ، نه اسلوبند شعشعه نی سومدی . قلمی ده شخصی کی « کورونماک » دن مجتنب دی . دائماً طوغرو یازار ، بعضاً کوزل یازار ؛ فقط پارلاق یازمق ایسته مزدی . شبه یوق که سببی ادبده جسامت اولاده بریلدر ؛ طریق ادبیاده شواسته واصل اولمادی : فقط اورالره طیرمانانلرک اللری اللرند ایدی . فرخ - ممدوح بولوکنده کی موقعی فیکرت - خالدضیا فرقه سنده ده محافظه ایتدی . « ثروت فنون » ده محترم برمقامی واردی .

سامینک آثاری قدرده حیاتی کوزل برشعردر : عراق کونشی بتون حرارتی وبتون شعشعه سیله جبهه سنده انعکاس ایدرکن سامی برچوجوقدی ؛ ضعف صباوتدن نتردین باجاقلرینه قضا و قدر منفا یوانی کوستردی : ایلاک سیاحتی پدربله برابر بغداده در ! .. دییه بیلرم که نجاتی باباسنک قیلیجندن آلمشدی . قیننده برقیلیج کی متواضح ومختفی برقهرمانلغی واردی . چوجوقلغی کی کنجلکی ده منفالرده کچدی : سلیمان پشانک اوغلنه پایتخت قپالی ، نزد پدر ممنوع ایدی . مأموریت عنواتی چالان سورکوندکلرده حیاتنک الک عزیز سنه لرینی طاغندی .

بویپراتیجی یاشایش اوکا پیدرپی شطارت موهوبه سنی ضایع ایتدیردی : صوک سنه لرده سامی بتون برروح ملول اولمشدی . موجودیتی صانکه هرکون برازدها آجیلاشان برمنظره خزان ایله ئورتولیوزدی . برزماندنبری کوزلری کولمور ، بر استغراق الیم ایله یره دیکیلیوردی : کویا آرتق استقبالی طوپراقده ایدی . بزم کی اونک انقلاب اوضاعنی تعقیب ایدنلر دیورلردی که : « ایواه ، سامی کیدیور » فی الحقیقه آغلایان برطور ایله صانکه بزه ماتم کتیرمه ویا بتون آغلایانلری کورمه

کیدیوردی. ناصیه‌سنده چو قو قلغندبری طاشیدیغی عراق کونشی آرتق سونمشدی.
یالکنز ایکی شیئی تمامیلہ محافظہ ایدیوردی : حسن اخلاقی ، وغننه عالمسنه
مربوطیتی ... بواعتبارلرله بشیکنک نفوذی قبرستانه قدر دوام ایتدی ؛ منبعندن
آلدیغی منصبنه قدر کوتورمشدر.

سلیمان پاشا متدیندی؛ اعضای عالمسنی معتقد و عابد کورمک ایستردی. بوجهتله
تقوی سامی ایچون بر غننه حکمنی آلمشدی : دهریلکک پک چوق روحلره
سرایت ایتدیکی بردورده متفنن وهان هان عالم بر آرقاداشمزی صائم و مصلی کورمک
هیچده وجدانخراش بر منظره دکلدی .

بوکون ، امینم ، سامینک آدی کندیسنی طانیانلرک کافه‌سنده درین برحس
تعزیت تولید ایدر. سامی هیچ خصمی اولمایان بلکه تک انسان در. چونکه او هیچ
کیمسه حقنده حقیقی بر خصومت بسیلهمدی . هیچ کیمسه‌یه : « فنا ! » دیدیکنی
ایشتمه‌دم : کندیسنی منفادن منفایه آتان دوراستبدادی بیله معذور کوروردی .
قالبی هرکسه کشاده بر خزینۀ انسانیتدی. ارضک وانسانک متساویاً چاموردن خلق
ایدلدیکنی بیله مزینکه کلیردی : اونک حسیانسه کوره بتون موجودات ایجی ،
ملک و سلیمدی .

سامینک سیهای فضیاتی اوکننده هیمز سرفرو ایله موظفز . عصر من « مظنه
گرام » عصری اولسه ایدی سامی . هیچ تبهم یوق ، اونلرک آردسنده احراز مقام
ایدردی .

سامی مرحوم ، اعتقادجه ، اخروی بر آدمدی : او یله دییه حکم که وطن
طبیعیسی جنت در . روح الله روحه ابد .

۲۶ مارت ۳۳۴

جناب شهاب‌الدین



سامی بی ابتدای شبانبندن و فاتنه قادار، صمیمی بر آرقاداش صفیله، پك یاقیندن طانیدم ؛ بو محیط ایچنده ، علی الخصوص اخلاقاً ، بویله جهان دکر بروجود ناصل یتیشه بیلدی ، حیرتدهیم . سامینك حیاتی ، بو خلقك فلاحی جانندن اوزله یینلر ایچون، ادبیانده دیدکلری کبی ، برمشق تتبع ، بر نمونه امثال اوله رق تالق ایدمیلیدر . بزدن آرتق او قدر خیر یوق ؛ کلدك، کچورز ، یاپاییله جدمزی یاپدق ، فقط یکی نسللریمز فطری ، کسبی هر نه ایسه « فضائل سامی » بی رهبر اتخاذا ایدرك یوریملی ، یو کسملیلدرلر . بوسائقدن زیاده بر هیئت اجتماعیه نك ، بالخاصه هیئت اجتماعیه مزك تعالیسنه خدمت ایدمیلیر بر مؤثر کورمه یورز ، اعتقادیمز جهده یوقدر . چونکه بویله بر حیات بدایعندن بر لوحه کبی یالکیز فکره حلول ، ذوقه نفوذ ایتمکه قالماز ؛ قلبه ، وجدانه درین بر تاثیر ایله فطرت انسانی کلی دکیشدیرمیلیر ، تهذیب ایدمیلیر . ذاتاً بویوکارك حیاتلرینی ، تازمان قدیمدن بری بر فن ، بر درس کبی تدوین ایدرك مکتبلردن ، مدرسه لردن اعتباراً اوقوتمق اصولی ، الك زیاده ، بوامنیه سائقه سیله اولسه کر کدر .

عرض ایتدیکم استثنا ؛ امتیاز ملابسه سیله ، فکر محجه ، « حیات سامی » آرامزده اجتماعیات ایله اوغراشانلر ، تدقیقات اجتماعیه دن بو خلقك فیضنه ، اقبالنه نور آرایانلر ایچون ده کنیش بر ساحة تتبع تشکیل ایلر . بزددوشن وظیفه ده بو حیاتی هر درلو غل وغشیدن آزاده اوله رق صفوتله طانیایانلرد طانیتمق ، بووادیده دوشوندکلریمزی « سامیانه » بر صمیمیتله ، جسارتله سویله مکدر .

*
**

شمدی اوتوز اوچ سنه اولدی ، بزمکتب ملکیه نك هنوز ایکنجی صنفنه کچدکدی ، سنه تدریسیه نك ابتداسنده ایدك .. آرامزده شایع اولدی که بغداددن سایمان پاشانك اوغلی مکتبه گلش ، برنجی صنفه قید اولومش .. بو خبر محیطمزی طبعیله هیجانه دوشوردی ، بو هیجانی آکلامق ایچون اودوردی مکتب ملکیه بی محملاً شویله بر کوز اوکنه کتیرملی یز :

مکتب هنوز بر سندهن بری نهاریدن لیلی به تحویل ایدلمشدی . یالکیز بناجه ، ماده دکل ، معنی ده بویودلمشدی ، بومملکتده اک باند بر مؤسسه علمییه ، بر نوع دارالفنون مرتبه سینه رفع اولومشدی ، تدریساتجه اوزمینه ، اوزماته کوره فوق العاده ایدی ؛ فقط مدرس ، معلم اعتباریه ده خارق العاده ایدی : مراد بک مرحوم بلکه علماً اودرجه لره وارد مازدی ؛ لکن اواحرارانه اوضاعیله ؛ اوسر بست ، اومؤثر تدریساتیه بودار العرفانده کویا شرقدن غربه بر پنجره آچوردی ؛ بزی فطره ده ، فکر آده تهیجلره اوغراتیور ، باشقه لاشدیریوردی . مثلاً مکتبه کیردیکمز زمان مملکت ، ملت نه در ؟ بیلمز ، سیاسیات ایله اوغراشماز ، ادبیاته عقل ایردیرمز ، مطبوعاته مراق ایتمز ایکن ده ایکنجی سنده بوتون بومالمر ، بواندیشه لر حیاتمزی باشدن باشه صارمشدی . درس لریمز قدر ، حتی بعضاً درس لریمز دن زیاده اونلرله مشغول اولوردق ، تحصیلمزه اونلری غایه اتخاذا ایدردک .. اکرم بک کبی کزیده خواجه لریمزی ده ااوچنجی سنده کچه رک درس لرینی آلمان اول دریندن درینه طاییدق ، ادبیاتده ، سیاسیاتده آزمان ایچنده بویوک بهره لر ایدیندک ، نامق کمالدن اعتباراً مشاهیریمزی اویله سوه سوه بیلیردک ، اودرجه او قوردق ، اوکره نیردک که بو معلوما تمزه نسبه چوق دفعه لر درس لریمز ایکنجی ، اوچنجی درجه ده قالیردی ..

ایشته بغدادده کی سلیمان پاشاده بزه کوره بویله مبیجل معارفه لردن ایدی ؛ اول امرده مغدور ، منفی ایدی . بوصفت عندی مزده ، نه اولور بیه اولسون ، بویوکلکدن بر نشانه ایدی . چونکه اواداره مستبدیه چوقدن خصم جان اولمشدق .. فضله اوله رق ، سلیمان پاشانک فضائل عسکریه سینه ، (شبقه) ده یاپدق لرینه دائر ، ولو یالان یا کلیش اولسون ، املمزه موافق روایتلر ایشته کدی ؛ مغدوریتنی ، منکوبیتنی افکار احرارانه سینه عطف ایله یوردق ، عبدالعزیز خانک خلعه ده کی خدمتنی نظری مزده پک بویوتیوردق ، حاصلی ، « مبانی الانشا » سنی ، مزایای ادبیه سنی ده آز چوق تقدیر ایله دکدی .. آرتق بزبو حالت روحیه ده ، بو استعدادده ایکن سلیمان پاشازاده سامی آرا مزده ناضل تلقی ایدیلیر ، تصور بیورلسون ..

أوت ، صنم مزده بز ، ادبیات ایله ، حتی سیاسیات ایله چوقجه مشغول اولور برقاق کنج ، سامی بی در حال طایبق ایسته دک ، طاییدق وطانیر طانیازده سودک ، هم ده قاردش ، بویوک برقاردش کبی سودک . فی الحقیقه سامی سنناً بزدن بلکه برنبذه مترقی ایدی ، فقط بویوکلکی ، بویوک قاردشکی بویله یاش اعتباریه دکل ، اوضاع ، اخلاق جهتیه ایدی . بزده کی خفیه کلره ، چوققلقلره بدل بوکنجده هرجهتجه آغراق ، برتمکین واردی . ساختلکدن کلیاً بری اولدیغی ایچون بووقار بزی هیچ

صیقلی، اور کوتاہی؛ آرامزده صمیمی، صاف بر رابطه‌نك تأسیسه مانع اولمادی.
سودیکی آرقاداشلری ایچون دائماً سامی مشفق بر حامی اولمقاه قالمازدی، جاندن
بردوست، بریارجان ایدی؛ سعادتده، فلاکتده فداکار بریولداش، برمعین
اولوردی.

سایان پاشانك بوفرزندنجیبی خُلقاً وخلقاً یاشندن مترقی کورونوردی، چوجق
ایکن کنج، کنج ایکن کاله ایرمش، کالده ایکن اختیارایدی. فطرت قادارتربیه‌نك،
تهذیبكده بوخصوصده تأثیری اولمشدی.

سامی بغدادده صباوتی بر محیط متقی ایچنده کچیرمش، شبابه اویله احتیاسات
نزیهه ایه کیرمش ایدی، چونکه مکتب ملکیهیه کادیکی وقت حقیقی بر مؤمن، صاف
بر معتقد ایدی، دینك ظاهری وباطنی بوتون شرطلریله عامل، فضیلتلرینهده مظهر
ایدی، بش وقت نمازی بر خلوص قاب ایه قیلاردی، حتی صلاتی مذهب شافعیده
اوزون اوزادییه ارکان مخصوصه سیله ادا ایلردی؛ فقط اصلاً ریاکار دکلدی؛
چونکه دینك دیگر شرطلرینه، فضیلتلرینهده بودرجه اعتنا ایه رعایت قیلاردی؛
مثلاً هیچ یالان سویله مزیدی، الله نه درجه تعظیم ایدرسه عباداللهه اومرتبه شفقت
کوستیردی؛ کین نه در؛ بیلمزدی، هیچ بریمزله برکون بیلله دارغین قالمازدی.
غرضدن، حسددن، بتون اوزلتلردن منزله ایدی؛ هیمز ایچون مشفق، خیرخواه
ایدی.. آرتق سویله مکه حاجت وارمی که مناهیدن صوڪ درجه توقی ایدردی؛
کنجلك سائقه سیله کلیمزك اوغرا دیغمز معصیتلردن اودائماً پاك قالیردی..

ایشته سامی بی بزمکتب ملکیهده، دهاشبابك اشیکنده بویله طانیدق، سنه لرجه
هیچ بویله دکیشمه مش بواق، سودك، ساده بر عرقدن برنسلدن کبی دکل، بر
قاندن، بر عائله دن ایمشز کبی سودك. اونادره وجودك بر فضلی ده بوایدی که ال‌صمیمی
آرقاداشلرینی روحانی بر تأثیر ایه جداً قاردش قیلاردی، اویله حلقه صمیمیتنه آلیردی.
مکتبده ایکن اخلاقاً بویله بلند پایه کوردیکمز سامی عرفاناده مترقی، پك
چوغمزدن مترقی ایدی، مثلاً ادبیاتده هیمزی کچدی، دها بغدادده ایکن شعرلر،
قصیده لر سویله مشدی، عربیده، فارسیده، ترکیدهده باباسندن فیض آلمشدی،
یازاردی، او قوردی، متین بر اسلوبه مالک ایدی؛ حتی حسن خطدن بیلله محروم
دکلدی؛ فطرة ذکی اولدیغی ایچون دیگر درس لرینی ده مکمللاً تعقیب ایدیوردی..
حاصلی، ملکیه‌نك ابتدایه انتهایه اك کزیده طلبه سندن ایدی. ایچمزدن علماً، قلماً
اوکا تیشنلر بلکه اولمشدر. فقط اخلاقاً بوتجلی هیچ بریمزه میسر اولما مشدر. بو
حقیقی زمان بالاخره دها وضوح ایه میدانه قویدی.

نفسمده تجربه بله سويلرم: بوتون اومكتب آرقاداشلر ياك ايچنده فضائل اخلاقيه اعتباريه سامينك مرتبه بلندنده هيچ برفرده تصادف ايلدمه دم، ديهه بيليرم، هيچ برفرد ايله ده بويه ربع عصر دن زياده دوستلغمي، آرقاداشلغمي بودرجه شائبه سز، خسوف سز، سوركلي محافظه ايدمه دم. نچون؟ بوسوآلك جوابي سامينك آشاغيده بدرجه دها تشریح ايدم جكمز كالات فطريه سنده آراملي يز..

*
* *

مكتب حياتي بويه برقانه برسر عتله كچدي :

حالا اوزمانه طالب بن
دوندير مكه عمري اولسه قدرت

محبس، منفا، غربت ديركن اورفيق مشفق دن سنه لرجه آيرلوق. يكرمى، يكرمى بش سنه ايچنده يالكلر بر ايكي كره بربريمزله ملاقي اوله بيلك، فقط سامى هپ اومكرم، اومعزز سامى ايدى، هر فرصته بتون آرقاداشلرينه اولديني كبي بكا قارشى ده سموقلىنى كوستردى.

وقتا كه مشروطيت اعلان اولوندى، وطنه دوندم، فللك يكي دن برچوق كرم وسرديني كوردم، محيطمزي دها دريندن، دها ياقيندن تدقيق ايلدم، ايله دم فقط نظر مده قوجه سامى بويودكجه بويودي، فى الحقيقه شعراً، ادباً، علماً چوق يوكسلمشدى، آلايشدن، نمايشدن طبيعتيله چكنديكي ايچون بويوكسكلكنى ممكن اولديني قادار صاقلامشدى، كورمك ايسته مهنلره كوسترمكه اصلاً چاليشامشدى. فقط بنم كبي منصفانه باقانلر سامينك بوحدود ايچنده، كندى كندينه بومرتبه تعاليسنى خارق العاده بولورلردى. مكتبي بيتيرد كدن صوكره، ميديليده، بورسده وسارده معارف ديريتلرنده طولاشيركن بوكنج عمرينى بوش كچيرمه مشدى، طبقى اول شبا بنده، ايام تحصيلنده ياپديني كبي اوقومش، اوزون اوزادى يه تدقيقلرده، تبعلرده بولومش، على الخصوص دنياه بيليركه ادبياتك بزجه اوزمانه قادار آزچوق منسى ومترك قالمش برشعبه سنده، بديعياتده كلي بر بهره ايدنيمشدى، اوسا يده ايسه شعرينه، شاعرلكنه باشقه، بوسبوتون باشقه برافق آچه بيلمشدى. سامينك صوك شعرلري ادبياتك بجه يك مستثنى بديعه لريدر.

فقط بكا اويلاه كلدى كه بو استاد ادب تبعلرينك اك بويوك برفصلنى فن تربيه يه، تربيه اطفاله حصر ايتمشدى، بوگاده سائق بريان دن مسلكي ايديسه بريان دن ده فطرتك لطيف برتجاييسى ايدى. سامى چوجقلىرى، اوميني ميني معصوملري الهى برعشق ايله سوردى، برچوجق كوردى، سودادن جيلديريردى، بعضاً سوقاقلردن

دیلنجی چوجقلرینی طویلار، درلو درلو چاره لره باش اوردورق مصیبتدن قورتارمغه چابالاردی. طبعتک الیم بر جلوسیه لذت ابوتدن، ذریتدن محروم قالیشدرکه یچاره سامیده بوسودای معصومیتی بویه رقیق بر مرتبه یه چیقارمشدی.

زمان بکا یاراولمادی، اورفیق قدیمله ایسته دیکم کی دوشوب قالقه مادم، آرامزد یکیدن حائلار کیردی؛ آنجاق، صوک ایکی اوچ سنه ظرفنده، بر بریمزله بویوک آطه ده، آرناود کوینده برقاق دفعه اوزون اوزادی یه کوریشه بیلدک.

بوسفرده سامی علمندن، کالات سائره سندن زیاده اوزیه، اومونس، اومنم اخلاقیه بنی مبهوت قیلدی. محیطمزک خصوصی، عمومی ناقادار کوچکلکاری، ذلتلری، زلتلری وارسه بوفطرت ممتازه اونلردن منز قالمش، فقط نه پارلاق بر مرتبه ده منز قالمشدی. بر ملاک ده شیطانلرک ایچنه دوشمش اولسه عصمتی بلکه بوقادار محافظه ایده بیلیردی. ایکی سنه اول برکون سامی بنی زیارت ایچون بویوک آطه یه کلشدی: بز بر معتاد (قلوب) دیدکاری معروف سفاهتخانه ده ایدک، بر طرفده اویون، آدیله صانیله قمار، اومدهش، اومستکره، اوخا مانسوز ابتلاکه حقیقتده اک چیرکین بر مذلت اخلاقیه در... بر طرفده آلتدن آله عشرت، راقیلر، ویسکیلر، سائر دلر... ده اوتاده ایسه کیزلیدن کیزلی یه قادین... حاصلی، قادین، عشرت، قمار!.. بشریته ازلدن بری مسلط اولمش اوچ بیوک آفت که کرک هپ بردن، کرک آیری آیری اولسون بر انسانی صار دیلرمی انسانلقدن چیقاریرلر، ساده افرادی دکل، جمعیتلری بیله باطیریرلر. اویله اولمقله برابر بز، بوسفاهتخانه نک آقین آقین، بویوک، کوچوک، عالمی، عسکری، ملکی هر مسلکدن، هر مرتبه دن مدواملری هیچ صیقلما یور، آچیقندن آچیغه بورذالتلری ارتکاب ایله یوردق. سامی کی بر عفت مجسمه یی آرامزده، بومحیط ایچنده کورونجه بکا بردن بره اوتانمق، کیمسه دن دکلسه نفسمدن اوتانمق کادی.. فی الحقیقه اومجسم فضیلت اومحیط، اومزبله ایچنده بر پرلانطه کی پارلا یوردی؛ بوتون اوسیئه لره ازلدن بیکانه ایدی، پاره یه قارش ییله جزئیجه اولسون بر تمایل، براحتراض اثری کوسترمه یوردی؛ کویا باشقه بر عالمده، بوزمین سفلی یه نسبة عالم لاهوتده ایدی. (قلوب) ک باغچه سنده بر آغاچ آلتنده بکا حیات خصوصیه مک اک صاف صفحه لرینی آچدیردی؛ خیال میال طانییدیغی غربتده کی چوجقلریمی عائله افرادندن ایمش کی بر صمیمیتله، بر مراقله صورددی، صوکرده شعردن، ادبیاتدن، فلسفه دن کندینه مخصوص طور جاذبه دارایله بحث ایله دی، سیاسیاته کچیجه حدت و شدت کوستردی، فقط بوتون تظالم لرنده، تلخفلرنده شخصنی اصلا قاله آلمایوردی، شخصیاتدن ذره قدر اثر یوقدی، لسان حالیه:

باعث شکوی بکا حزن عمومیدر ، کمال !
کندی دردی کو کلمك بالله کلز یادینه

دیووردی، حقیقتده او کزیده خاقتک کندی دردی بویوکدی. کویا فیاض قدرت
بروجود خجستهده او مرتبه محاسن خلیقه یی جمع ایتدیکنه نادم اولمش کبی سامی یی
دها شبابنده مهلك دکلسهده مزعج برایکی ضعف طبیعی یه او غراشمشدی: صاغراق
نه بلا ایدی، او یار جانمزه صمیمی، سورکلی هرالفتمزده، هرصحبتمزده نه حزین، نه
مدهش برسد چکیوردی. اکثریا بویله چتین، بویله یوریچی مصاحبه لریمزده تأثرمدن
کوزلرم یاواش یاواش یشاریردی.

مع مافیه بو کوچلکلره، بو آجیلره رغماً بویله نادراً ملاقی اولدقچه، اورفیق
قدیمدن ایرلق ایسته مزدم، او کونی ده صباحدن آقشامه قادار برابر، باش باشه
کچیردک، یمکی یریمز کلبه مساعیمه، کتبخانه مه چکلدک .. یازما، باصما، شرقدن،
غربدن او کونا کون، اورنکا رنک کتابلر ایچنده سامی موقعی بولمشدی، باشقه بر
نشئه، برنشاط ایدیندی؛ واقفانه برادا، برمرق ایله یازدقلریمه، یابدقلریمه کوز
کزدیردی؛ پارماق حسابی ایله شعر سویله مکه دائر بکا عادتاً بردرس ویردی؛ ذاتاً
شعردن مکتب ملکیده ایکن ده خواجه مدی؛ دها انتشارایتمه دن اول منظومه لریمی
اوقور، بعضاً تنقید، بعضاً تقدیر ایلردی، بوسفرده او یله یاپدی، وزن ملی دیدکلری
طرزده سویله مک ایسته دیکم برنشیده نک شویتنی چوق بکه ندیکی ایچون دفترینه قید
ایله بی تلطیف ایتدی:

عمریمک کالی، کوله دم سنسز ..
کل نه؟ کولمک نه؟ بیلمه دم سنسز ...

فقط بو استاد کالاتک او کون بکا ویردیکی باشقه بردرس، درس اخلاق بو درس
شعر وادبدن دها نافع، دها مؤثر اولدی ..
دوشوندم که بوملکده متفکر کچینلریمز، بوملتک نجاتنه چالیشمق ایسته ینلریمز
کافه دکلسهده قسماً سامی کبی یاپه بیلسه یدک، او پایه اخلاقه یوکسه لسه یدک، برمقاله
ادبیهده ذکرندن بیله قلمک حیا ایتدیکی اوسیه لره بودرجه ابتلا کوسترمه سه یدک
هیئت اجتماعیه مز بودرکه ددی قالیردی؛ اقبالمز کولر، استقبالمز آچیلیردی .. فی الحقیقه
بشریتک بو آفتلری باشقه جمعیتلرده، باشقه ملتلر دده بول بولنه موجوددر؛ فقط
بزده اولدیغی کبی صنف متفکرینه مسلط دکلدر. باشند باشه غربده برادیب،
برشاعر، برسیاسی، حاصلی جدی برانسان کورولمز که او یله سفاهتلره مبتلا اولسون،
اولورسه شاذ قیلندندر، مسند باندندن درحال دوشر، محیطندن طبیعتیه مهجور
اولور، برنوع قوغولور.

بویله اولدیغی ایچوندرکه عشرت، قار و سائرده غربدن زیاده شرقی خراب ایلر، چونکه اودیاردده کلیته آفاق طاقنه ایسه بزده اگ زیاده باشلر ساریدر. سامی کبی بوسرایتدن نفسی اول و آخر محافظه ایدنلریمز، حیات خصوصیه سنی بر بلور کبی لکهنسز، پارلاق، پاک طوتانلریمز پارماقله کوستریله بیلیر.

فقط ارتحال ناپهنکامنه یانوب یاقیلدیغیمز بولجه کمالک دها باشقه فضیلتلری، فضیلت اجتماعی لری وار ایدی که فی الواقع بواقلمده کورلمز، ادراک، تقدیر ایدلمز محاسن خلقیه دندر، فقط بر جمعیت ایچون عادتاً تمل دیرکیدر، اویله مسندلر مالک اولمایان هیئتلر اصلاً پایدار اولماز.

سامی یالکیز خصوصی احوالنده دکل، اجتماعی مناسبتلر ندهده، بلای ریادن مصون ایدی؛ دائماً فکرینه اتباع ایلر، قلبه پیرو اولوردی؛ تقدیرنده، توینخنده، میلنده، نفرتنده، باشقه دستور بیلیمز، هله دستور منفعتی هیچ آکلایامازدی؛ بوکون اقبالده ایکن تجیل ایتدیکی بر دوستنی یارین ادبارده دوشونجه تلین ایتکه قالقیشمق شویله طورسون هیچ اونو تمتازدی، ینه عینی درجه ده سوردی، دوشونوردی، طانیما دیغنی، سومه دیکنی ایسه، ولو اقصای مراتبه ایرمش اولسون، طانیغه یالته نمز، سور کورونمکه تنزل ایتمزدی، آلاش جهانیه او قدر اهمیت ویرمزدی.. بو محیط ایچنده بو مرتبه خجسته بر فطرت بنی دائماً حیرتله دوشوردی.. بن، بن نه دوستلر، نه آرقاداشلر، نه انسانلر کوردیم که بوکون سزه صوک درجه وفا کار، مشفق کورونورلر، حتی حکمة تبصص درجه سنده حرمت، محبت کوستریلر، فقط یارین اندیشه منفعت اویله ایجاب ایدرسه ینه سزه سببسز، فتورسز، عین ولوله ایله خصم جان اولیویریلر، او مرتبه یاقین برماضی بی درحال اونوتور و اونوتدیریلر.. بومدا هنلر، بو ریاکارلر، نه دیرسه کز دیکیز، هیئت اجتماعی مزده بر، بش، اون دکل، بیکلر جه در، بر اوردودر. ایشته بر هیئتیه ده اگ زیاده صارصان بونوع فلاکتلر در. چونکه اجتماعاً بو قدر چوروک برزمینه، نه اولورسه اولسون، متین بر بناقوریله بیلیرمی؟ نور ایچنده یاتسون، قوجه سامی اونورانی حیاتیله بر جمعیتده انسان کامل ناصل اولور، او خارقه بی ده کوستردی؛ زمین وزمانک اومدهش سائقلرینه رغماً بو درد ساری اجتماعی مزه او غرامادی، ذاتاً دشمنلری یوقدی. چونکه اویله برولی فضیلتیه، قابل دکل، خصومت ایدیله مزدی. لکن دوستلرینه ده ادبار، اقبال دائماً دوست، ادبارده اقبالدن زیاده، فداکار، وفا پرور دوست قالدی؛ دوستلغنده، دیدیکمز کبی، فکرندن، قلبندن باشقه دستور بیلیمزدی، کیسه دن ییلماز، هیچ بر طرفدن چکنمز، هر حاله

رغمًا بردوستنی اقتضا ایدرسه برجم غفیره قارشئ، هم ده پک پارلاق، مدافعه ایلردی..
عربك ویردیکی معنای بلند ایله :

تمسك ان ظفرت بذیل حر

لان الحر فی الدنیا قلیل

بودرجه حر بر انسان بوطوپراق یتیشدیرمه دی، یاخود پک ناذراً یتیشدیردی،
چونکه احراردن کچینلریمزك کلیسی بو شجاعت مدنیهدن محرومدرلر؛ مناسبت
ومعامله اجتماعیه لرنده بویله مردانه فکر وقلبی دستور ایدینه مزلر.

*
* *

سامی هر سودیکی کی، حتی هر سودیکندن زیاده وطنی پک صاف برعشق ایله،
استحقار منفعتله سوردی، صوك یازدقلرندن، اك صوك سنو حانندن ده آکلاشیلر،
وطن دردیلله، وطن اندیشه سیله خاتمه حیاته طوغری دلخون ایدی، چونکه وطنی
کی بوتون بشریت اولوماه چارپیشیرکن اکثریتله وطنداشلریمزده کوردیکی لزومندن
فضله احتراصات حیاتی چیرکین بولیوردی، انسانلغه پک یاقیشدیرامایوردی،
ایسته یوردی که هر کس دکلسه بیله بویوک برا کثرت، بالخاصه شاعرلریمز، متفکر-
لریمز نفسلرندن زیاده مملکتلرینی دوشونسونلر، هر درلو فعالیتلرینی بوامله حصر
ایله سونلر، کندی او یله یاپمایورمیدی؟ وظائف رسمیه سندن باشقه ملی تعلیم و تربیه جمعیتنه
حسبه لله کونلرینی، کیجه لرینی وقف ایتمه یورمیدی؟ عجباً بر کردجك اولسون لوحه
فکرینی بو علمی، ادبی، اجتماعی وظیفه لردن باشقه بردوشونجه ایله کیرله تمشمیدی؟
چو غمزك یاپدیغمز کی بو هر جومر جدن استفاده ایله یوللو یولسز، انصافلی انصافسز
پاره قازانمق، ایش، نه درلو اولورسه اولسون ایش کورمك قایغولرینه دوشمشمیدی؟
دائماً ثروت ورفاهیت ایچنده یاشامش، ینه دائماً بعض یتیملره، محتاجلره سنه لرجه
معالشر و یرمك علوجنابنی، سماحتنی کوسستمش ایکن حیاتنك صوك دملرنده عادتاً
مضایقه ده ایدی؛ چونکه ایکی سنه اول بر یاز بویوک آطه ده عائلاً سیله برابر تبدیل
هوا ایچون طوتمق ایسته دیکی بر خانه یه یکر می، نهایت اوتوز لیرادن زیاده کرا
و یرمکی کوجندن فضله بولیوردی، بونکه برابر او حالندن، بوققرندن ده خشنود
ایدی، چونکه ثروت مغویه سنی، عرفاتی، وجدانی، هر مشکله رغمًا، لکله نمکدن
صیانت ایله دیکنی بیلیوردی، آکلا یوردی.

بر کون کلیر، بوملتك ادبی، اجتماعی، سیاسی بر تاریخی یازیلیرسه، اوصفحه ده
اك زیاده پارل پارل پارلایه جق بویوک سیالردن بری، برکزینی سلیمان پاشا زاده
سامیدر، احتمالدر، بوسیمای بلند لطیف بر محویته بورونور، او یله هر کوزد چارپمق

ایسته من ، حتی بر سحر بیلدیزی کبی زمان زمان کیزله نیر ، فقط حیاتنده اولدیغی
کبی بواطوار کزیددسیله ده رقتی ، جاذبه سنی آرتیریر ..


بیك درلو زحمتلره ، سفالتلره ، مکروه و مستکروه احتراصلر ایچنده حالا
تعقیب ایله دیکمز بو اکری بو کری یولدن اومعزز ، اومحترم یولداشمز بزدن اول
کچدی ، کیتدی ، بزی بریاندن بر درجه دها محزون ، دها یتیم ، بیکس براقدی ،
فقط بریاندن ده پیش عبرتمزه نورانی براینز آچدی . ماضی ماضی ، باری شمیدین
صوکره اولسون ، کوچک ، بویوک او اثره اقتفا ایددسیله ک ، اخلاقاً ، فضیلة او
مرتبه لری احرازه چالیشسه ق ؛ انسانلقدده دها باشقه ذوقلر آرایه رق خصوصی
و عمومی حیاتمه دها نزاht ، دها نجات ویرسه ک امینم که عقباده روح سامی نی
نورلرد ، نشئه لره مستغرق ایلرز . خلاصه ، ندقدر منکر فضیات اولورسه اولسون ،
بو کون بو محیط ایچنده بر فرد وارمیدر که بومیت خجسته یه ، احتمالدر قلباً و فکرأ
بیکانه اوله بیلیر ، فقط براغبرار ، بر انفعال کوسترد بیلسون ، حاشا .! بز ایسه اویله
اومارز ، اویله حکم ایدرز که ایچمزدده بو معزز وطنداشمزک یاد مبیجلنی حافظه
احترامنده یاشادقچه صاقلایانلر حسابسزدر . بویله بر عاقبت ، بر عاقبت مسعوده
میلیونلرده بر فردده میسر اوله ماز . حیاتنده بوتون اوچکد کلرینه ، اودرین تأثرلرینه ،
بویله وقتسز افولنه رغماً سامی ینه پک بختیار بر انسان ایمش .! چونکه درد احتراصدن
بر لحظه صیریلهرق دوشونه بیلسه ک ، دیدکلری کبی بوجهان فایه بویله درت ال ایله
صالماسه ق در حال آکلارز ، تسلیم ایدرز :

زیادة المرء فی دنیاہ نقصان

وربحه غیر محض الخیر خسران

علی کمال

۲۹ مارت ۳۳۴





... سامی بکی پک آز وپک کچ طانیدم. یالکیز دوستلرمدن اونی ای و دوغرو برانسان دییه ایشتم ، وبوسوزلری براز تنفس ایده بیلیمک ایچون فضیلتک کندیسنه وانقاضنه وتقلیدینه محتاج اولدیغمز یادی فنا کونلرده ایشتم .

یابانجی ویا دوست بتون ای وسوکیلی انسانلر اولدکلری زمان دینیلدیکی اوزره اونک ایچونده « یاشاسهیدی » ویاخود « تولهسهیدی » اسفلرینی سویلهیه بیلیرم .

فالح رفقی



سامی بک نامه نشر اولنان بورسالده مرحومک فضائل اخلاقیه سی ایله برچوق مزایایسی کندیلرینی نیم کبی طانیانلر وسونلر طرفندن یازیله جغندن بن بوراده مرحومک باشنه کلن بروقه یی ذکر ایله اکتفا ایده جکم .


سامی بک مرحومی طانیانلرجه معلومدرکه مرحوم براز آغیرجه ایشیدیر ایدی . بو خسته لغک نه وقت عارض اولدیغنی بیلیمور ایسه مده مشارالیه جزائر بحرسفید معارف مدیریتنده بولونقلری زمان قولاقلرینی ویانه ده تداوی ایتدیرمک اوزره هرناصله نظارتجه مأذونیت استحصالنه موفق اوله رق درسعاده ککش ایدی . بونی برغنیمت بیلن خائن ژورنالچیلر همان مابینه [سلیمان پاشا زاده نک] ویانه یه کیده جکنی بیلدیرمش اوله جتلرکه زواللی سامی بک بوسیاحتندن منع اولندی .

بچاره ویانه ده قولاقلرینی تداوی ایتدیره مدیکندن طولای اوزمانلر پک متأثر اولمش ایدی .

سامی بکه غنی غنی رحمتلر .

بزم عالم والده سلطانیسی مدیری

محمد عارف





..... سامی بك فضائل اخلاقیه وكمالات انسانیه نك درجه
قصواسنه ارتقا ایتمش ، ابنای جنسینه خیر و منفعت فلسفه سنی دازینده هادی رشد
وسداد بیلمش بر مرد خدا پرست ایدی . خداوندکار ولایتی معارف مدیری ایکن
حلب اعدادیسنده بولنان بیوک مخدوم [شمعی دگرلی ومنتشا وانطالیه دائره
تفتیشیه سی عدلیه مفتشی] شوکتی حلبدن بروسه اعدادیسنه آلهرق تربیه و تعلیم
ایتمش واستانبول مکتب حقوقه قید ایتدیرمش ایدی . کوچک مخدوم عبداللطیف
لوزان دارالفنوننه سوق ایتمش ومعیشتنی تأمین اسبابی استکمال ایلدیشدی . بروسه
اعدادیسنده درت بش بی چاره اولاد وطنک مکتب اجرتلرینی کیسه سندن ویردرک
تدریسلرینه دلالت ایتشدی . ایلیک ایتدیکی کیسه لره « سامی بکا شونی یاپدی »
دیمه جکنه یمین ویردیردی .

بك عصمت ناك برروح ، بك نادر بر جسم لطیف ایدی . شمعی همراه
ملکوت اولدیغنده شبهه ایتدیکم روح نجیبی سینئه صاف عشق و غرامنده مبارک
وطن وملت ایچون چارینیر طوروردی .
قاب پاکی دائما وحدت وجود و قدرت وعظمت خالق معبودی تصور و تصدیق
ایله مشغول ایدی .

نزدنده بك مقدس اولان پدری سلیمان پاشا مرحومك علیهنده بولسانلره
قارشی کنجلیکنده ایتدیکی طغیانلره بیله بالاخره نادم اولمش ، و دفعاتله « آه ،
نوری ، ممکن اولسه یدی ده اونلردن طلب عفو وصفح ایتسه یدم » دیمش ایدی .
سلیمان پاشا ذریتمك عصبه دن اولمق اوزره سامی بکده منقطع اولسی
طوغروسی موجب تأسف عظیمدر .

سامی بك صاغلیغنده دگرینی ، قیمتی اولدیغی کبی اکلایمق ایسته مدی ، یاخود
بزم بك چوغمز آکلایمقدق . اومحترم فرد کزیده ملت ، اوفیاض منبع علم و معرفت
تشنگان معارفی طویورمه دن ، وقتسز افول ایتدی کیتدی . الله غریق رحمت
وغفران ایاسون .

بیروت دفتر دار اسبقی

نوری



سامی بك

سامی بكي دارالشفقه ده طلبه ايكن طانيدم. هيئت تدريسيه هر هفته جمعه ايرتسي كونلري مکتبده اجتماع ايدرلردی. سامی بك ده باباسنك تأسيسنه همت ايتديكي مکتبه اجتماع آقشاملری سوهرك كاير، برقچ ساعتی بوشفيق يواده كچيردی. اوا كثر يا ديكر اعضالردن اول كاير، طلبه لرك آره سنه كيرر، اويونلريني سيرايدر، اونلرله مشغول اولوردی.

بر هفته « سعادت بشریه » سرلوحه لی برشی یازهرق مدحت افندی مرحومه ویرمشم. بو، بك زیاده خوشنه کیتمش، دیگر اعضالره، بالخاصه سامی بکه کوسترمش دی. .. اونلرده بتون طلبه قارشیسنده بکا اوقوتمه یی، بر مناقشه یاپدیرمه یی تنسیب ایتشاردی. .. بر آقشام مذاکره سنده احمد مدحت افندی، رشید پاشا، سامی بك، دیگر اعضای محترمه و بتون طلبه طوپلان دیلر. کرسییه چیتدم. سامی بك یاقلاشدی. آیاقده دهها زیاده علاقه دار اولهرق بر معتاد دهها ای ایشیده بيلمك ایچین الی قولاغنه قویدی. اوقودم. سامی بك پر نشئه، بی در آغوش ایده جك بر حالده ایدی. مقاله یی ایسته دی، جیبنه قویدی. بر طلبه ده کوردیکنی امید ایتدیکی کوچك برعه اون یك زیاده متحسس ایتشدی. .. بعض مناقشه لر یاپلدی. صکره آریلیرکن ینه یانه کلدی. تقدیر آمیز بعض سوزلر سویلادی. ..

سامی بك آرتق هر هفته کلدیکی وقت بی کورر، فلسفه دن، حیات بشردن، بعض مسائل علمیه دن بحث ایدر، فکرلر ویرردی. اوصورتله که بکا بر آرقداش حسنی ویره جك طرزده اداره کلام ایدر، بی بتون شفقتیه سور، « بن سنك آغا بککم » دیردی. و بنم چوجقلغمه اینر ویواش یواش بی یوکسلدیردی. خصوصیه ایلاک یازدیغی مکتوب حیاتمك اک قیمتلی خاطره سی و مربی، فضیلتکار و روحنك بر شاهدی اولهرق قالدجقدر. بر هفته « روح » حقنده دوشمجه لرمی یازهرق ویرمشم. خدمه ایله شومکتوبی کوندرمشدی :

..... بکا کوندرمش اولدیغکزمقاله یی اوقودم. طرز تفکر کزی تقدیر ایدرم. دنیاده هر سی وعلی الاطلاق هر وجود قدرت کایه نك بر تجلیسی در. بویجه اشتغالانر مساعد دکل ؛ کله جك هفته انشاالله گوروشورز. اساس اعتباریه همفکرز. فرضیه کز عقله پک یقیندر. ..

۱۰ مارت سنه ۳۲۸

کوچوک بر طلبه یه « اساس اعتباریه همفکرز » دییه بیله جك قدر بیوک فضیلت و تواضع کوسترن بیوک انسانلره پک آز تصادف اولنه بیلیر.

بکا بر ایدمه آل ویرمک ایستردی. اکثر یا بیوک آدمارک مناقبندن، انسانلرک فناقلرندن، ای یوللردن بحث ایدردی. و بن بر آرزو صکره کندمده بر ایمان کورمکه باشلامشدم: چالشه جغم، بیوک بر آدم اوله جغم، انسانیتک مرضلرینی اوکرده جکم، تداوی ایده جکم.

سامی بکک طرز تربیه سی سایه سنده بسیط روحک نصل بیوک اشتیاقلرله چیرپینمغه باشلا دیغنه حالا حیرت ایدیورم. برکون قونوشورکن ممنون بر حالده:

— روشن .. سن چالیش .. بر ایکی آی صکره مگتی اکال ایدنجه سنی اوروپایه کوندره جکم؛ دیدی.

سامی بک یالکز بنم حیات فکریه، دکل؛ بتون استقبالیله، مملکتیه ایفا ایتدیره جکی وظیفه لرله مشغول اولیور، استعدادلرله بر جریان ویرمک ایتیوردی. حقیقهٔ او برچو جفک مشفق بر بابا کبی، براغابک کبی خصوصیتنه داخل اوله رق طرز حیاتیله، روحنده کی استعدادلرله ونهایت استقبالیله اوغراشیردی. بوصمی مشغولیت اونک ایچین اک بیوک واک طبیعی بر ذوق ایدی.

اونی اک چوق اشغال ایدن شی یکی نسلک حالی واستقبالی ایدی.

برقاچ آی صکره مکتبدن چیقمد. بنی اوروپایه اعزام ایچین چالشدی. ناظر موافقت ایتشدی. برقاچ کون صکره قابینه دکشدی. سامی بک امکاری بوشنه کیتشدی. تکرار تشبثاتده بولندی. برکون متأثر برحالده یاقلاشهرق:

— روشن، دیدی، بیلیرمیسک نیچون اوزولیورم، نه قدر مضطربم. سنی اوروپایه کوندرمک اک بیوک املم .. فقط دائماً اوکمه برانکل چیقیور. آه قوهٔ مالیهم مساعد اولسه ده کندی پارهمله کوندرسه م ... صبرایت .. انشاه یقینده وضعیتم مساعد برحالده بولنه جق .. — ضرری یوق، دیدم، بزم دارالفنونمزه کیردرم. اورده چالیشیرم ..

— اوت، دیدی، شیمدیلک زمانک بوش کچمه سین. نه اولور نه اولماز، سن دارالفنونه یازیل. سکا براوطه طوته لم. تحصیلک ایچین بتون قوتله یاردم ایده جکم. سن مستریخ اول. وچالش. آه اوزمان بونجیب و یوکسک انسانک فضیلتکار روحنک اوکنده چیلدیردم.

سامی بکده برحال واردی: اوقناعت ایتسین که برشی وطنی ایچین خیرلیدر، او نه قدر کوچ اولورسه اولسون مطلق معاونته شتاب ایدر، لندن کلزسه بتون صمیم روحیله چیرپنیر، کیری دونمز، تشویق ایدردی. بونجیب انسانه نه زمان تصادف ایدلسه الی قولاغنه قویعش اولدیغی حالده اکثریا یابرینک دردی، المریخی دیکله دیکی، ویاخود ای اولدیغنه قناعت ایتدیکی بر معاونته شتاب ایله دیکی کورولوردی.

آیرلقدن برقاچ کون صکره دارالفنونه یازلشدم. بایزیده براوطه طوتلشدم. اوزمان سامی بکده دارالفنون مدیرعمومیسی اولشدی.

برکون تصادف ایتدم؛ بشریت ایچین یکی یازدیغی شعرینی پک متحسس اوقومایه باشلادی. ینه یوکسک انسانک فضیلتکار قلبی بشرک المریله قانامشدی .. نصل وقت کچیردیکی صورتی. اوطه مک آدرسینی آلدی. وایکی لیرا چیقاردی، ویردی. کندی ضبط ایده میهرک آغلامغه باشلادم. بنی قوللرینک آره سنه آلدی:

— روشن، بن سنک اغا بککم .. بوندن ده طبیعی برشی وارمی؟

دیهرک تسلی ایتدی.

برصوک بهار آقشامی یاغور هنوز دینشدی. اوطه مده لامبه می یاقش، یاتاغمک ایچنده اوقویوردم. مردیوندن بر آیق سسی ایشیتدم. قیو وورلدی. آچدم. حیرتله سامی بکی کوردم. النده برالکتریک فنهری ایله کوله رک ایچری کیردی.

— نصلسک، نه یاپیورسک، سنی کورمکه کلدیم؛ دیدی. آه اوزمان نه قدر متحسس اولشدم. بتون جوشقون حسلرله آیاقلرینه قایمق، منتدارلقلرینک درجه سنی آکلامق ایسته دم. او ینه براغابک حسیه ساکن وملفت سویله مکه باشلادی. اوطه مه، کتابلریه باقدی، نه قدر چالشدیغی صورتی.

— وقتيله چوق چالیشه بیلوردم . اوقویه بیلوردم . فقط شیمدی چالشمیورم .
دیه حیاتندن شکایت ایتدی . ماصه نك اوزرنده بولنان یازیلری آلدی ، اوقودی . مستیخانه
برسمی توصیه ایتدی .

سامی بکک یوکسک قلبنه ، انسانی حسلرینک سایه سنه صیغینان یالکیز بن اولدیغی
آکلامشدم . برچوق کیسه لره یاپدینی ، یایمق ایسته دیکی اییلکیرک شاهدی اولوردم .
سامی بک هیچ کیسه یی اهل ایتزدی . اک کوچوک طانیدینی چرجقلمه قدر کورمک ایستردی .
آه .. اونک تمیز ، صمیمی قلبنی ، علویتنی ، اینجه حساسیتنی آکلاتهم . اوبشقه ، اویوکسک
براساندی . پک ائی خاطر لایورم ؛ احباسندن برینک وفاتی اوزرینه چوجوقلرینه نه درین ،
نه یوکسک برابا شفقتیله قوشمش . اونلری حمایه ایتشدی . اکثری کونلر مکتبه کیدر ، اونلری
کورر ، سور ، دراغوش ایدردی .

سامی بکک عرفانی ، یوکسک اخلاقی مملکتده نصل اونودلیه جق ایزلر براقدیسه ، اخلاق
ایچون نه قدر بیوک ، لایموت برمثال ایسه قلبنک پک تمیز ، پک صمیمی آرزولری ، حسلری ،
محبترلری ده اونودلیه جقدر . بتون حیاتنده اونک روحی ، اخلاقی ، وجدانی تمیزدی ، وتمیز
اولدینی حالده اولدی . آرقداشلردن بری سامی بک حقنده پک طوغرو برحقیقت سویلیوردی :
سامی بک حیاتک بوچرکابی اینچنده یاشادی ، فکرت کبی چکلمدی . فقط حیاتنده بوچرکابدن
برقطره بیله روحنه ، وجداننه صیچرامدی

سامی بکک اخلاقی ، فضیلتلری ، اینجه لیکاری اوقونه جق ، امثال ایدیله جک برکتابدی .
بتون شعرلرنده اینجه ، ملکی ، معصوم حسلری کوزه چارپار . اک کورولیه جک فلاکتلره ، المره
قارشى اونک قلبی بتون صمیمیتیه ، صافیتیه چیرپینیردی .

سامی بکک اخلاقی ، فضیلتی اینجه برشعردی ، اویاقیندن طانیانلره انسانلغک برغایه
خیالی ایدی .. نه چاره پک سودیکی تربیه حیاتندن ایرکن آیرلدی : پک چوق کنجیلر اونک
روحندن ، فیضندن محروم قالدیلر .


صوک زمانلرده اک وطنی حسلره ، اک صمیمی آرزولرله تأسیسنه موفق اولدینی ملی تعلیم
وتربیه جمعیتنده چالشمغه باشلادی . انحطاطه یوز طوتان وطننک سلاحتی ایچین امین بریول
بولدیغنه ، تعالینک ، رفاهک تعلیم وتربیه ده یاپیله جق انقلاب ایله اوله جغنه بتون روحیه قانعدی .
صوک زیارتم رمضان بایرامنده جمعیتک مرکزنده ایدی . اوکون زیارته کلنلره صمیمانه قر نوشدی ،
بالذات حاضرונה شکر وسیغاره طاغیتدی . جمعیتک استقبالی حقنده امیدلرینی سویله دی . بندن
کویلورلرک حالی صوردی ، پک متحسس ومتأثر دیکلهدی ..


ایکی آی اول بن چتالجه ده ایکن دنیا به کلن قزمک اسمنی قویمق ایچون اوه کلش وقزمه
انتخاب ایتدیکی « امل » اسمنی ویرمشدی .

ایواه ... اوشیمدی آره مزدن ابدیاً آیرلدی . پک سودیکی فکرتنک یاننه کیتدی .. زوالی
قالان کنجلك ، اونک افولنه ابدیاً آغلايهلم

بشکطاش اتحاد وترقی سلطانیسی معلملرندن

روشن





سامی بك

حياتنده و وفاتنده مطبوعاتك مطالعاتی

ادبیاتده ، نسلنك اك يوكسكى اوله رق فیکرتی بولمیشدی . کندی افاده سنی اونك اسلوبنه اک زیاده یاقلاشدیران ، حتی اونك اسلوبی ایچنده اریتوب یوق ایتک ایستهین ، یالکیزسامی بکدر . کندی شخصیتنک رغمنه اولان بوبکزهیش شو دقیقه ، ایچمه اوپله کلیورکه ، سامی بکی طانیانلر ایچون اونی یوکسلتن برشیدر . چونکه اوسه و دیکی اوغرینه کندی اورتیردن قالدیریورمکه ، احتمال کندی ده فرق ایتکسزین ، او قدر میالیدی که ! بلکه اسمنک « سلیمان نسیب » اولماسی بابا عشقنی کندی عشقندن یوکسک و یاقین طوتدینی ایچوندی .

ممکندرکه دوشوندیکم حقیقتدن اوزا قدر . فقط سامی بک ، بزم اوزرمده اوپله روحلی برآدم تأثیری براقش که بوفراغتلی اوکا چوق کورمیورم . بلکه آیری براسلوبه صاحب اولایشی برنقصاندی . نه بیلهیم بن ؛ فقط اخلاقی اوپله قوتلی که بکا بو نقیصه ده خصوصی بر مزیت کوسته ریور ؛ وبوفراغتی سامی بکه یاقیشدیریورم .

اورته دن اوزون بوی و طولغون وجودیله ، قیرانطه صاقلالرینی یووارلاق چرچیوه سی ایچنده کی معصوم سیاسیله بوآدم بنده جانلانیور :

اونی ، آقشام اوزری ، قلم دونوشی ، سلطان محمود تر به سی کوشه سنده کوریورم . صول آلی قالچه سنده ، ازلی یول آرقاداشلری اولان درت بش کتاب بوگرنده صاغ آووجنی قولاغنه سپر ایدهرک کنج و کیمسه سز برولایت معلمنک دردلرینی دیکلیور ، وصاقلانی قاشییا قاشییا ، قیصیق ایتقتیلی سسله اوکا تسلی ویریور ، صوکره آکسزین کری دونیور ، آلتون کنارلی کوزلکینی دوزلته رک نظارت قاپوسنه باقیور . ناظرک اوتوموبیلی دها اورده یسه هان کنجی قولندن چکوب « حضور نظارتپناهی » یه قدر چیقاریور . بالذات شخصنه برایش ایسترکی اوکنج ایچون یالواریور . و بردها کورسه بیله طانییامایاجنی اوکنجک کوکانی آیدوب یوللایور . ایشته ینه اوطه سنک قاپوسنده اون ، اون بش یتیم چوجوق کوریورم . هپسی ده اونك برمکتبه قاییردینی وقاییرتدینی یوقسول یاورولر . بومعنوی بابادن هفته اقلرینی ، آیلقلرینی ونصیحتلرینی آلمق ایچون بکله شیورلر .

ایشته اونی ایوبده فیکرتک جنازه سنی قارشیلارکن کوریورم . قولاری حیرتن هواده ، آووجلری تابوته طوغری آچیق ، دوداقلری تیتره یور ؛ ضعیفلامغه باشلامش اوموزلرینه آرقداشنک آغیراغنی یوکله نیور ، یاشلری صقاللرندن کوکسسه دوکولیور .

دها صوگرا اونی چنبرلی طاش اجزاخانه سنک قاپوسنده کوریورم . بنی آلیله چاغیریور : توفیقک صوک کونلرینه دائر خاطره لرک واردر . بکا آکلات ، بکا آکلات ! عمرمده ایکی دفعه حیاتی مدهش صورتده بوش بولدم و یاشامقدن اورکدم ؛ بری بابام ئولدیکی زمان ، بری ده توفیق ئولدیکی زمان . بونلر هیچ ئوله من صانیردم ، دییور !

ایشته سامی بکک کوزلرمده کی صوک سیاسی ، قولاقلمده کی صوک سسی : دها ایکی هفته آوکجه فیکرتک مولدنده کوردم . آشیان صالوننی کوموش بخوردانلرده توتن عود آغاجینک دینی قوقوسی بورویور و سامی بک ، اونی قوقلایان برقویون کبی باشنی مولدخوانه طوغری اوزانمش ، اوصلی اوصلی دیکلیور . البسه سنک ایچنده نه قدر پورصولمش وایجه لوب ، اوفالمش !

چیقارکن ، یانه کیتدم : « صوک شعریکز نه قدر مؤثردی ، هله شو :

بیلیمیسک که حیاتمدن آرتق ایگره ندیم


یانکده بریر آچارسه ک ، بو ، اک بویوک نعمت !

مصراعلرنده نه حزنی برروح وار » دیدم .

ألنی یاواشجه قلبنه ووردی : « بورادن کلدی ، بورادن » دیدی و آشیانه ، صوکره
بوغازه اوزون اوزون باقدی ویوقوشدن ایندی ، غیب اولدی .
مکر آشیاندن ایوبه کیدییورمش !

بویوک آطه ، ۳۰ ایلول ۱۳۳۳

روشن اشرف



« ادبیات عمومی » مجموعه سنک ۶ تشرین اول ۱۹۱۷ نسخه سندن :

مملکت مزک اک بویوک ارباب حیتندن ، اک ای واک ناموسلی ارکان عرفاندن و « ادبیات
عمومیه مجموعه سی » نک حامیلرندن سلیمان پاشا زاده سامی بک استاد مزک بو بایرام ارتحالیه
مرور مزغم و ماته مبدل اولشدر .

سامی بک مملکتی ، ملتنی حقیقی بر عشق ، جدی بر ایمان ایله سه ووردی . زمانه زده
فطین آدم چوقدر . لیکن ، مع التأسف ای آدم آزدر . ایشته سامی بک مرحوم بو زمره
قلیله یه داخل ایدی . کندیسی قدر ناموسکار ذوات طانیورز ؛ لیکن آندن زیاده عقیف
بر کیسه یی بیلمیورز .

سامی ، ایده آل صاحبی ایدی . احتراصات مادیه دن نفرتله مفطور اولان استاد مز غایه
تصوراتی اوغورینه هر شیئی فدا ایدیوردی . جداً متقی ، حتی متورع اولان محب مغفور مزک
صوک زمانلرده فعالیت « ملی تعلیم و تربیه جمعیتی » نک تکملاتنه معطوف اولشدی .

سامی بک مرحومک « سلیمان نسیب » نام مستعار یله نشر ایتدیکی دقیق ورقیق نشیده لرله
ادبیات جدیده مزده پایه استادی یی احراز ایتدیکنی ذکر ایتک بیه زائددر .

بالجمله فضائی جامع اولان سامی بک هنوز اختیار دکلیکن غیبوت ابدیه سی حقیقه

برمه یبتدر



« ادبیات عمومی » مجموعه سنک ۶ تشرین اول ۱۹۱۷ نسخه سندن :

سلیمان پاشا زاده سامی بک وفات ایتدی ... بر لحظه ترددی تعقیباً بویوک بر انسان
قلبنک تا درینلرندن قویمش بر شهقه الله آکسزین باشمه فیرلاتیلان بو زهرلی اوق بینمی
دلوب جکر لرمده صاپلاندی قالدی .

بن بوقره خبره هیچ منتظر دکلدم . چونکه مرحومک خسته لغنی خبر آله مامشدم .
مکر اوقیمتلی وجود درت بش کونده ییپرامش ، او حساس و عالیجناب قلب بر ذات الرئه
نتیجه سنده سکتیه اوغرامش ؛ بوسنه نک بویوک بایرامنک بویوک قربانی سامی بک اولش .
ذی الحجه نک اون برنجی کیجه سی یانسی وقتی استانبول ساسنک طوگوچه مهنایی کوزمده
طبیعتک امثالسر شاه اثری اولان بوسفورک روح شعریتنی صارمش پاکیزه و محتشم بر کفن

شکلی آلدی . آغلايه مادم ، يانمده چوجقلرم واردی . باغيره مادم ، يولده ، سوقاقده قیدسز
 کلوب کچن يابانچیلرله محاط ایدم . طیشاری به عکس ایدمهین فریادلرم ، خیچقیر یقلرم بوغازمه
 طیقاندی ، کوکسه برکابوس آغیرلنی چوکدی ، ایچم زندان کسیلدی . ممتاز شاعرك افولی
 روحم ایچون ابدیاً قراکلقلرده قالمغه محکومیت نועندن برمحرومیت ، تحملشکن برمصیبت ایدی .
 شاعرك بشیکی اولدیغنه قائل بولندیغم بوسفور وادیسنده یتیشن سویلی شاعرلر قافلله سی آرده سنده
 بکا اک چوق یاقین ، معنویتمه اک چوق مونس ، بزم الفت واخوتنه یکانه داخل اولدیغم
 موسیقار محاسن سلیمان نسیب ایدی


زاده فطرتی اولان اثرلر باشند باشه اصالت روح وفضیلت طبعندن علوی برر نشانه
 ایدی .

چوغنك فکرتی واردی بزم ای روح نجیب
 اوقدر شاعر ایچنده سن ایدک استادم ..

هیچ اونوتمام ، مرحوم عجه وزنده سویلنمش برشعرمدن دولایی بکا نازکانه برسرزنشده
 بولنشدی . اونك اوزرینه شعر سویلککه همان توبه ایتشدم
 ای فضیلتلی انسان ، بوکون کوز یاشلرمله تشییع ایتدیکم شو تابوتکک اوکنده اوعهد
 وتوبهیی تکرار ایتک مجبوریتندهیم . نیچین می دیدک ، یازیق اولور می دیورساک ؟ لکن ،
 کورمیورمیسک ، تابوتکک اوزرنده نصل فرسوده برشال ، باش اوجنده نصل بوروشوق
 برفس وجنازه کده نه یورکلر آجیسی برسادهلک وار ! ایشه بن وبر چوقلرمز بونک
 ایچین ، سنی ومثالکی حیاتکزده وأولومکزده بویله کوروب قان آغلادیغمز ایچیندرکه مادیاتدن
 بشقه هیچ برشیئه اینانماغه قرار ویرمک مزلقه سنده بوانیورز . لکن ای بویوک انسان ،
 سن بزم کبی دکلدک . سن دائماً ثروتی استحقار ویالکمز فضیلتی توقیر ایتدک وبوکون ساده
 ومتواضع تابوتکک اوزرنده روحلری آرقه سنه طاقان برعلویتله عرش ابدیته یوکسه لیورسک .
 تابوتکک آردنده کیدنلرک آزلغنه باقه . بوکونک اولادی نانکور اوله بیلیر ، نانکور
 اولماسه ده معیشت دردلری کندیسنه معالی واعالی بی اونوتدیره حق قدر متحکمدر . سن یارینک
 اولادی طرفندن تقدیس ایدیله جک برفضیلت محرابیسک

۱۱ ذی الحجه ۱۳۳۵


فؤاد خلوصی



« بورك یوردی » مجموعه سنك ۱۱ تشرین اول ۳۳۳ نسخه سندن :

تورك دنیاسی فضیلت وادب رکنلرندن بریسنی دهها غائب ایتدی .
 سامی بك دهها اختیار اولمادیغی حالده منسوب اولدیغی مکتبک ، مسلكک تاریخه قاریشدیغی
 کوردن ادیبلر مژدندر . اونك « سلیمان نسیب » تخلصیله خدمت ایتدیکی ، چالیشدیغی « ادبیات
 جدیده » مکتبی بوکون « جراتی » و « تورکچیاک » جریانلری آرقاسنده ، تاریخک - نفوذلی
 نظرلره کیزایه میه جکی - دوره لری آراسنده قالشدر . بونکله برابر « سلیمان نسیب » مرحوم
 بوکون بیله یاشایانلردندی . او - ذاتاً اسکیدن ده اولدیغی وجهله - شعر و ادبیاتیه ده گل ، اخلاق
 و فضیلتیه ، حیت و عرفانیله آرامزده یاشایوردی و دائماً یاشایه بقدر . رسمی و علمی برجوق

خدمتدار ایفا اتمش اولان سامی بکک وفاتی ضایعاندند. رسمی موقع و علمی اقتدارى ایله اخلاق و فضیلتی تألیف ایدمه بیلن ذاتاره یک سره ک نائل اولغده اولان عثمانلی تورکلی نامنه سامی بکک وفاتنه چوق متأثر اولدق



« معلم » مجموعه سنك ۱۵ تشرین اول ۱۳۳۳ نسخه سندن :

..... صوڭ گوروشمه مرتوفیق فکرتک روحنه مولد او قوندیغی گوندی؛ آرقاداشمه برابر کنديسنه سرکجه تراموای استاسیوننده تصادف ایتدک . قولتوغنده بر معتاد کتابی واردی . گوزلریمک استفهامکار اشارتی اوزرینه جواب ویردی :

— خلوقک دفتری .. توفیقله برآز حسب حال ایدیم ، دییه یانمه آلم . و تراموایک تابیگه قادار دوام ایدن اوزون سفرنده ، قادینلرله ارککار آراسنه گریلن قالین پرده نك ، اوتهدن هرآن طاشوب گلن قالالافله کنديسنی هیچ راحت براقامسنه رغماً ، باشنی قالدیرمقسزین چوق سودیگی توفیق فکرت ایله مشغول اولدی .

نه غریبدرکه اوگون سامی بک ، صانک اولومک تأثیرینه یاقین ایش گیبی عاوردسنی بوتون اولوم اطرافنده دولاشدیریوردی . بیکدن صوڭرا ، حصاره گیدن تمیز ویقائمش ساحلی تعقیب ایدرکن فکرتنه ، رجائی زاده اکرمه عائده خاطرهلرینی آڭلاتدی ، نژادک چوق یاشامایه جفی حقنده کی اندیشه لرینی ، باباسنه ، اوغلنک ذهنی . عضویتنک تحملی فوقنده فکر مشغله لريله دولدورماسندن دولای ناصیل تعزیرلرده بولوندیغی آڭلاتدی . صوڭرا مرحوم همشیره سی ایچین اونیدی سنه اول باشلادیغی بر مرثییدی ، بونجه زماندر حالا اکمال ایدمه مش اولماسنه آسفله ندی :

— ممکن اولمایورکه ، دیدی ، نه زمان بیتیرمک اوزره آله آلسه م ، همشیره می خاطر لایورم ؛ قلم ازیلیر گیبی اولویور . متأثر اولمایه جغم بر زمانده یازارم دیوب براقیپورم . فقط اوزمانده گلمه یورکه ...

حصارک سرت و دیک یوقوشنی ، نژادک اونده چوق بویوک آلم براقان وفاتنه متعلق خاطراتی دیکله یهرک ، ترله ایصلانمش برحاله چیتدق . مولده باشلانمشدی .

سامی بک ، آشیانک اوڭنده ، طاتلی بر روزکار آقینتییی ایله سرینلنن سد اوزرنده کی شهزلونغه کندينی براقیویردی ؛ ترلی وجودینه بویوک بر حظ ویردیگی یوزندن آڭلاشیلان بو هوا جریاننده دوروشنی خوش گورمه دم و :

— سامی بک ، ایچری یه گیرسه گز آئی اولور ، دیدم . دیکله مه دی و بزم گیدوب اوطور مامزی ، کنديسنک صوڭره گلله جگنی اشارت ایتدی . اطاعتله براقدق . ظن ایددرمکه اولوم ، گلیرکن اوقادار ممنونیتله بحث ایتدیگی عافیتنه ایلاک تعرضی ایشته بوراده سسسزجه اجرا ایتدی .

* *

سامی بکک اییلگه ، دوغرواغه و گوزلاگه قارشى فسحتیله آچیق دوران تمیز قلبنده باشقالرینک اییلگی اندیشه لری اوقادار چوق یرطوتمشدی که ، اوراده بوانسان آدمک کندينه عائده ک کوچوک بردوشونجه بیله یر بولاماز اولمشدی .

سامى بك كې نفسى ، معنوى ومادى قدرتى وطنداشلىرىنى وقف ايتىش ، حياتى غىره مفيد اولق وجد وھيجانپاھ دولدورمىش عالي شخصيتلار چوق تصادف ايدىلار . سامى بكك طاشيدينى قلب انسانلق شفقت وھېيتپاھ اك فيضلى بر منبع ، سامى بكك طاشيدينى يوكسك روح انسانلغك فلاكتلرندىن اك درين برحساسيتپاھ متأثر اولان برديياپازون ايدى . انسانلك فردى فلاكتلىرى اونى گونلرجه مضطرب گزديرىن برر حادثه اولدينى . قادار انسانيتك عمومى مصيبتلىرى ده معنويتنى خراب وپريشان ايدىن برر سببىدى . عادى وكوچوك احتراصلردىن ھېچ بريھلەسكەنمەن قلبىك تميزورھىم سىلارى ، شعرلرنىدە ، انسانلغك بوتون بوآجيلرىنى تبليغ ايتدى .

* *

توفيق فكريتك وقتپاھ ثروت فنون اطرافندە طوپلادىغى ادبيات عائلەسنىك سامى بك اك محترم وقيمتلى ركنلرندىن برى اولدى . كندىسنىك شعرلىرى « ادبيات جديده » نك اك زيادە دقتە شايدان قىسملرىنى تشكىل ايدىيور ، پروزىسىز وقوتلى اسلوبى اينجە حساسيتپاھ چوق گوزل تائىس ايدىن « نسيب » مجادلەلرندىن زيادە اثريھ يكي جريانى تنظيم وتقويه دە فكرتە اك صادق بريار اولويوردى . صوڭ زمانلردە يازدىغى شعرلر اكثريتپاھ انسانى ووطنى حسلىرى احتوا ايتمككە برابر ، عشقە تعلق ايدەنلرى دە يوق دگلدر . اخلاقى شعرلرنىدە اوقادار يوكسك تميز اولان شاعر ك عشقە عائد شعرلرنىدە عىنى صفوت وعىنى عصمت حكمراندر . بك اى خاطرلايورم : سامى بك بوندىن اون بش سنە اول ، قلبى باغلايدىغى بر سو كىلىدىن گلن مکتوبى منحصرآ آچغە قىياماديغىدىن دولايى برھفتە قاپالى طاشيمىش ، اونى اوقومق اميد وذوقى ايلە مست ومستغرق گزمشدر .

* *

سامى بگك شفقتى بالخاصه چوجوقلر قارشىسەندە بردگزيگى طاشغىن وپايانسزدى . يوللار دە قوللرى چانطالى مکتب گنجلىرىنى گوردىكى زمان ، توقفاھ ، دقيقەلرجه تماشايدهر ، مملكتتك وملتتك بوجانلى آتيسەندىن مملكتتە وملتتە عائداميدلر طوپلاردى . كندىسنى حياتندە بو قدر اشغال ايتديگنى سويلديگى چوجوقلردە اونى سومكە كنديسەندىن آشاغى قالمازلردى . سامى بگى ، استانبول مکتبلرنىدە كى طلبەنك يوزدە سىكسانى كندىلرپاھ اك ياقىن بر آرقاداش گېيى طانير ، زيارت ايتديگى صنفلر ، اونك صميمى محبت وشفقتتە بر دفعە منجذب اولدقدىن صوگرا ، بوبويوك فقط اونلر قادار معصوم واونلر قدر تميز دوستى آرتيق برداھا اونوتمازلردى . سامى بكك گنجلككە عقد ايتديگى بو صميمى محبت رابطهسى ، كندىسنى دھا گنجلكگەندىن اعتبارآ اونلر ك تربيه سنە متعلق مسئلەلرلە اشتغالە تشويق ايتدى ... اونك فطرى مەربىلگەنە انضمام ايدىن مىللى وقوفندىن گنج واختيار نەقادار معاملر فيض ونور آلدیلر . سامى بگى آرايانلر يابر كوشەدە مىللكەنە عائد بركتابك مطالعەسەنە دالمش ، ياتأليف وترجەمەنك بركتابى تدقيق مشغوليتى ايچندە جهانى اونوتمش بولورلردى .

* *

سامى بگك حياتندە باشقالرىنە نافع اولمانك وباشقالرىنك يارديمنە وامدادينە گيتمەنك نە درين وطيبى بر عقيدە حالندە بولونديغى گوسترر يوزلرجه مثال اراثەسى ممكندر . مشروطيتدن اول مکتبلرە آليناجق مجانى طلبەنك نسبتي محدود ومعين ايدى . بروسەدە معارف مديرى ايكن كنديسەنە مراجعت ايدىن فقير چوجوقلرى مکتب قادروسنىك مساعدهسەنە گورە قيد ايتديرر ، متباقيسنى مجانى ياقمى امكانى قالمايچە ھېسنىك اجرلرپاھ كندىسى تسويه ايدەرك اوقوتوردى .

سامی بگك مکتبلر ده مصرفی بالذات ویرهرك اوقوتدینی ، بر بابا شفقتیله اعتنا ایتدیگی نه قادار چوجوقلر واردر . ایکی سنه اول بر رمضان اقشامی بولوشمش ، بك اوغلنه چیقمشدق . سامی بك بردكانده گوردیگی قریستال بر صوبارداغنی رمضان شرفنه آلوب کندیسنه هدیه ایتك ایسته یوردی . عودتمزده تربیه چیقماق ایچین اوروزدی باق مغازه سنك اوگندن کچرکن اون بش یاشلرنده کوچوك برأوزومجینك کوفه سی اوگنده دوردی . اوزوم ساتین آلارق چوجوغه برمجیدیه ویردی . اوزومجی آلنی قوشاغنك آراسنه صوقدی ، کیرلی برفس چیقاردی ، ومجیدیه نك اوستنی بواسکی فسك ایچنده کی اوقاقلردن آیروب ویردی . سامی بگك هان اوروزدی باغه گیردیگنی گوردم ، کیتدی ، صیرمالی برکیسه آلدی وکتیروب چوجوغه هدیه ایدهرک ، بعدما پاراسنی بوکیسه یه قویماسنی واکیرلی فسی آتماسنی تنیه ایتدی .

* *

سامی بك پدرینك منافسی اولان بغدادده بولوندیغنی صیراده درویشلکه انتسابی اوزرینه ، بونی آرزوایتمه ین سلیمان پاشانك شدتلی تکریرلرینه اوغرامش و صوگرا استانبوله کونده ریلشدی . موجود مسلك مکتبلری آراسنده ملکیه یی ترجیح ایتدی . سلیمان پاشا اوغلنك استانبوله گلدیگنی ایشیدن سلطان حمید ، کندیسنی سرایه چاغیرتدیرمش و بالواسطه التفاتنه مظهر ایتدکن صوگرا مکتبه مجاناً قبوانی اراده ایتشدی . سامی بك بروسه ده بولوندیغنی صیراده باباسی ، مأموریتنك بغداده نقانی آرزو ایدر . بونی خبر آلان عبدالحمید :

— سامی بگی باباسی دگل ، بن اوقوتدم . بزدفعه کندیسنه صوروگیز ، باقالم ، بغداده گیتمك ایسترمی ؟ وایسته مزسه بکما خبر ویریگیز . دییه اراده ایدر . کیفیت سامی بگدن صورولور ، باباسنی صوگ نفسنه قادار قدسیته توأم طوتاجق درجه ده سون شاعر ، کندیسنه چوق شیلر وعد ایدن بوسؤاله التفات بیه ایتکسزین ، آرزوی پادشاهی خلافتنه : — خایر ، بن بابامك یانه گیتمك ایستهرم . دییه جواب ویرر .

* *

« معلم » ك صوگ انتشار ایدن نسخه مخصوصه سنده توفیق فکرتك اوچ یوز اون درنده آرقاداشلرندن برینه گوندردیگی بر مکتوب واردر . فکرت ، زماننك اخلاقسزلقلرندن شکایت ایددن بومکتوبنی : « نسیبک گوزلرندن اوپرم : آه نه اولور بورایه برگون اول گاسه . نه اولور ؟ » دییه بیتیریرکن ، صانکه بوکا بر جواب ایمش گیی سامی بك ده عینی نسخه ده کی « توفیق فکرت » عنوانلی شعرنده :

بیلیرمیسك که حیاتمدن آرتیق ایگره ندیم ؛
یانگده بریر آچارسهك ، بواك بویوك نعمت !

دیوردی . فی الحقیقه اوزله دیکی یره رحلت ایتدی . فقط هیات که ، اونك بزم یانمزده کی محترم ویوکسك یری ابدیاً بوش قالدی ؛ و کندیسنی ایچین بلکه برنعمت اولان بو گیدیش ، حیاتده براقدینی شاگردلرینه ودوستلرینه اك بویوك واک آجی برنکبت اولدی .

حسین راغب



سامی بك ، مملكتك فكره وصنعتہ متحسر ، یتیم افقرندہ منور ، تیز شفقت انجیلرندن
برایلك تمالی ایدی . هر درلو مرارته آشنا بر اعتنا ایله اجتماعی محنتہ رها تحسرنی وظیفہ
بیلیوردی . مہیج املاری و غلیانی حقندہ زنکین فضائانی خاطر لایورم . دهرین اساسلی
جدالز ایچندہ منہزم برچوق امیدلرہ اونك وجدانی معزز برتسلی ایدی . قلبی ، اطرافندہ کی
اذایہ قارشى دائما هجرانزده ومضطرب ، استقباله عائد امید ایله اکثریا مستریخ ضربان ایدیوردی !
تاریخك مکتبلر ایچین بین الملل حرب خصوصیتلرندن اوزاق عالمی وادبی صفحاتہ انحصاری حقندہ
صلحی متعاقب هر طرفندہ کی معارف مؤسسائنه ، جمعیتلرہ برتعمیم کوندرہ جگنی سویلہ یورکن
صمدانی برصحابہ قدر متحسیدی ؛ فکرلرندہ ماورائی فطرت اسرارینہ معصوم بر ایمان التماعی
کوریوردیم . انسانلرک بعضی خائن ، حقسز منفعت احتراصاتی ایچین طاشقین ومتنفردی .

پدرینك مظلوم ، تیز خاطرہ سی ایچندہ شخصی املارندن آزادہ ، استغراق ساعتلری
کیریوردی . حس انقلابی وسلیمان پاشا محاکمہ سنہ دائر و ثائق ، بعضاً اینجینہرک و دائماً
انشراح وجدانی دویارق اوزون اعتنا سنہلرندن صوکرہ فداکارانہ طبع ایدی ؛ ۱۳۰۰
تاریخندہ بغداددن ملکیدہ اوقومق ایچین استانبولہ کلیورکن مرحوم سلیمان پاشا دقتلی
تجربہلرندن متولد بر نصیحتنامہ حاضر لامشدی ؛ ہیج بروثیقہ سامی بکک عقیف تمایللرینہ بوقدر
فضله موافق اولاماز . هر درلو احترامہ لیاقلہ یوکسہلن عزیز خاطر اتنه عائد غیر مطبوع یازیلرینی
برقاچ آی کتابلرم ایچندہ محافظہ ایتدم . حرمتلریمہ اعتمادی واردی ؛ نمونہلرینی استنساخہ
مساعده سنی آلمشدم . تلقیلرینہ مؤثر کوردیکم بو قیمتلی نصایحنامہ نك نشری شمدی صلاحیتیم
خارجندہ قالدیغی ایچین متأثرم .

حیاتی بہار چیچکلری کی نشئہ دن پنبہ و بیاض امیدلرہ لایق کورمشدی . متوکل وآسودہ
صفوت اعتمادی ، چوق کرہ وفاسز شؤن آراسندہ غافلانہ قانادی ؛ کوزلری ، وطن وانسانیتک
رفاہنہ عائد نیکبین التماعات ایله آچیلہ مشدی ؛ اومز هر امل آرقہ سندنہ هر کون برآزدها قاپانیوردی .
آرادیغنی قارا گلتی اضطرابات ایچندہ یاواش یاواش غائب ایتمکدن متولد بحران ایله آرتق سقوط
خیالی وکندی آتیسندہ کی سیاه انہدامی ازیلہرک ایکلہ یه جکی طبیعی ایدی :

هر دم نظر کهمده اوچار طیف انفعال ،
اوقشار عدم قانادلری لوح جبینعی ؛
آلدانديغ يه تهر سزه ، آلدانديغ يه تهر ،
ای سن ناصلسهك اویله دوران کهنہ کائنات ،
ای سن ده دائما ده کیشہن خودستا بشر !
آرتق سزکله اوغراشه مام ... ییقدیکز بنی !

دیورکن مغبر اذلری ، آجی انکسار امید اولمشدی .

شعر الہامندہ کی وجد ہیجانی مستقل بر انقلاب ادبی قهرمانلغنه کافی ده کادی . متحسس
ورحیم ذکالرہ اینجہ ، صمیمی تأثرینی طاتلی وقلبہ یاقین برادای نوازشلہ دوکویوردی . ترنمندہ ،
فرطنہ لی دگزلردہ کی خیرچین دالغہلرک مہیج غلیانیلہ ہم آهنگ ، عصبی اضطراباتی حس
ایده مزدک . قورقونج ، سیاه بولو طارک اوغولتولو وطنان صیحه لری کی ولولہ سی یوقدی . قاصیرغہ
وطایفون صارصینتیلرندہ کی مخوف دهشت بحرانک سرمستی صایلامازدی . کریہلری ساکن ،
آجیق برافق سحر آلتندہ ، اورمانلرک آغوشنہ صیغینان مہتر برقویک ساحلندہ اینجیلہنن

قطره‌لرینه بگزه‌یوردی ؛ نغمه‌لری ، آنجاق توللری تیت‌ره‌تن خفیف بر « کیجه تیققاتی »
کبی نالان وده‌ریندی !

جیلغین عصبی عشق محاسن رعشه‌لریله اوزون مدت صارصیلاماردی ؛ بره‌یجان نجران
شاعری ده‌کلدی . مع‌مافیة نظرنده ، کوزلرک ازی درینلکی برروح نوازشاه کولردی .
سیاه ، اوزون کیرپیکارده سعادت خولی‌انک طاتلی کولکه‌لری واردی وایشته بو عصمت
نکاهک اهتزازات خنده‌سنه مفتوندی :

أوت چشمک سنک برروحدرکه
دوکولمش ابتسامات سحردن ،
ازلردن بیرکمش مائلردن ،
ازلردن کلن اسراری حاکی !
بوتون روح بدایعدرکه ، یکسر
سنک مینای چشمکده گولومسر ! [۱]

شعرلرینک فیضاندن آزاده ، ایلیق بر آقیشی وار ؛ کونشک احتشام غروبی قارشیسنده
روحي ، آنجق ایجه وشفاف برحزین مهتابه‌آچیلیر . یانغینلرک قیزیل آلورلر اوستنده یوکسه‌لن
قویو سیاه دومانلری یوقدر ؛ آقشامک حزنی آراسنده مبهم رشاشه‌لریله متوکل برتسلی سکون
اولور [۲] .

بوتون یازیارنده « جناب » ک رنگ و آهنگ ابداعنه مشابه ، فعال وزنکین مخیله انطباعاتی
بولامایز . شعرلرنده بعضاً چیپلاق ، قورودال مناظری خاطر لایورم . روحنک صیجاق الهاماتی ،
الفاظ ایله آراسنده کی معتدل بهار کونلرینی ایصیته‌مایور !
ادبیات جدیده جهادینه اشتراک ایدیورکن آرتق لسانه حاکمدی . اوزمانکی شرائط
انشاده موافق یازیوردی . ثروت فنونده چیقان ایلاک صونه‌سنده [۳] استاد اکرمک
نفوذی بیله چوق حس اولونمایور . صنعت املاری شیمیدی فکرک اسلوبنه تابعدر . شعر
ترنملرینی ، آهنگ احتیاجنه کوره حاضر لایور : مصراع یاخود بیت نهایتلرنده مطلقاً توقف
ضرورتی حس ایتدیز ؛ تحکیه‌سنده بعضاً نثره یاقین برافاده وار . آثارینک بنیه‌سنده ظرافت
واوزانه تناظر اعتنالی آزدر :

بر [پنجره] ، اوزانده [قویو] مائی بر فضا
پیشنده پنبه کولکه‌لی برکاشن ظریف :
اعماق پر صفا‌سنه بیک طائر لطیف ؛
برشوق عاشقانه [ایله] ایتش التجا ..
بر موسیقی روح‌نواز وهوا فزا
خندان [ایدی] اوکلشن زیباده جابجا !

کبی سطرلرنده عروض ایچین بر نوع جبراً اماله اضطراری کوریورم . قافیه‌لری ، جمله‌ده
برمتتم کله وضعیتیه طبیعی ده‌کلدر !

هنوز کنج ایکن نامق کمالک آتشی حسلرندن متهیج بروطنداشیدی . شعری ، هان
دائماً « فکرک » ک ده‌اسنده کی قویو و پارلاق ضیادن نور آلیوردی . حامدده کی صوات هیجانی ،
ملی وقاره استناد آبدوسی کبی یوکسک کورمشیدی ، « جناب » ک کوزل ، تراشیده

[۱] کوزلرکه دائر .

[۲] آله‌دن عودنده .

[۳] دیلنجی قیز

خیالنده کی ثروته مفتون و متحیردی . سلیمان بکک احتشامه آشنا آغیر و ظریف
اسلوبیه یالچین قایلردن کوپوکلر چاغلایانلر کی چاقیللی جریاننده هیجان وادی نفاست
امتیازی بولیوردی .

کنجلی شبهه ، امید و اعتماد ایله قارشیلایوردی ؛ عروض آهنکی ، نظرنده وزن
عجائییه نسبتسز مرجعیدی . مع مافیه هرایکیسی ده شعری ، هیجانی افادهیه علی العاده
واسطه اولویوردی . سوکیلی رضا توفیق بکک نفس ، قلندری و سائر عاشق طرزنده کی
انفس نشیده لرنده متبلر کوزدل یرلی و اوچاق باشی تورکجه سنه حرمتی واردی . افقی ادبیات
جدیده محاسننده کی جاذبه یله چرچیوله نمشدی ؛ « فکرت » ک وقارلی و دهرین تحسسلره
مؤثر شخصیتنده کویا بوتون روحی آرییوردی .

نثرلرنده کوزل دکل ، ای و دوغری یازمق املنده ایدی ؛ علمی وقوفه مستند ترجمه لرینک
بعضاً هرکله سننده کی اصابت ، اوزون اعتنا ساعتلرندن صوکره تبلر ایدیوردی ؛ قولای
و سربست افادهیه صلاحیتی کافیدی ؛ لکن اک موافق جمله تحریسنده معزز برمتعصب اولمشدی .
سعی و تفکر سنه لری نسبتنده اثر بر اقامادی . عربی ، فارسی ، فرانسه زجه و انکلیزجه بیلوردی .
آنسیقلوپه دیک خزائن عرفان ، دائماً فکرینه آچیق و کنیش بر ساحه کبیدی . عمومی تلقییه
کوره فنه بیله انتسابی واردی : علوم ریاضیه و طبیعیه مراقنه عائد دورلر کچیرمشدی . یالکیز
Revue encyclopédique جلدلرینک ۱۷۴ نجی نومروسنده کی Triangulaire بحثی ایچون
برآیدن فضله اوغراشدی . « ایپولیت تهن » ک intelligence ینه دریندن نفوذ اشتیاقیه
برقاچ تشریح و فیزیولوژی کتابی دور ایتدی ؛ « غونقور » لری تکمیل او قومشدی .
ادبیات و فلسفه مباحثی هپ آشناسیدی ؛ اوزون مدت فرانسه مطبوعاتنه علاقه دار اولیوردی ؛
بناء علیه قالان یازیلری قیمت ذکاسنه معیار اتخاذ ایدیله من .

مطبوع آثاری حقیقته یقین بر اصابتله شو صورتله کوستریله بیلیر : ثروت فنوننده اکثریا
« صونه » لردن عبارت کوچک جملی بر کتابه صیغه حق قدر نشیده لری ، « برایکی سوزدها »
سرلوحه لی بیوک و قیمتی بر ادبی مصاحبه بی وار . بروسه غزته سنک ۳۱ مارت ۱۳۱۲ تاریخلی
فوق العاده نسخه سننده اوزمانکی یکی صنعتکار تلقیلرینی مدافعه غایه سنه معطوف اوزون بر
مکتوبنی کوردیم ؛ اولجه مجلس معارف اعضا سنندن تمستوقلی افندینک « علم تربیه اطفال »
اسملی کتابنی ، ایکی سنه اول « غروبهل و پستالوژی اصوللرنده تربیه و تعلیم درسلی » نی
ترجمه ایتشدی . « سلیمان پاشا محاکمه سی » نک نشری مناسبتیه ، برقاچ فورمه ابوالضیا توفیق
بکک تصویر افکارینه پدرینک فکر و سیاست آرقداشغنی خاطر لاتهرق « عمجه م » خطابیه ایکی
مقاله یازدی ؛ « محاسن » مجموعه سننده قادینلرک مدنی حق و نفوذینه دائر قونفرانسی ، ملی
تعلیم و تربیه رساله سننده اجتماعی غایه لرینه عائد برنطقی نشر ایدلمشدر . ادبیات عمومیه مجموعه سننده ،
حریت فکریه کی متفرق غزته لرده محدود منظومه لرینی و تربیه حقنده بر ایکی تقدیر کار
مصاحبه سنی بولیورز .

تاریخ ادبیات دورلرنده کیزلی و خصوصی شخصیتلرک بتون خطوط سیاسی تعیننه وقتی
بودی ، شعر مرکب سلسل صفحاتیله فضا مشغول دکلدی ، مع مایه ندیم و فضولی کی حالا
صیجاق و تترهک تحسسلر ایچنده یانان صنعتکارلری ، درین بر ادبی ذوق ایله سهویوردی ؛
حتی اونشودیه مستغرق بر چوق غزل و قصیده حاضر لامشدی . سوکیلی آرقداشی محترم معلم
سراج الدین بک ، صمیمی حیاتی متحس و ذی حیات اسلوبیه جانلاندیریورکن بلکه تیز
عشقندن پنه لشن طاتلی حسلرینه و مکتوبلرینه ده محرم اولاجغز .

esthétique ایضا حاتنه مراقلی ایدی . روسه غزته سنده چیقان مکتوبیه ثروت فونده کی « برایکی سوز دها » سی دقتلی تحلیل وثیقه لرینی حائزدر . هر شاعرك تأثرینی ؛ تربیه سی ، معلوماتی ، زمانی و مکانیه متناسب کوریوردی ؛ فکر نجه هپسنگ تبدلی ، شعره باشقه مجرا کشادیچون کافیدی . شرائط اجتماعیه درین بر انقلاب کچیرمش ایکن ذکای صنعتک توقی ، ماضیه اسارتی قابل اولامازدی . یکی تأثراتی بعضاً اسکی الفاظه بیه تودیع ایده میوردی . شعر تحسسلرینی دویمق ایچون کله لرك کفایتنه قانع دکلدی . لاهوتی هیجانله اینجه لهن صنایع نقیه ، فکر نجه قبا و علی العاده ذکالردن دائماً اوزاق فضا لرك فوقنده قالد جقدی .

حیاتک سرائرینه عائد شبهه لری اعصابی خیر پالایان برزلزله اولمادی ؛ ایمان آتشی ، بتون افکاره آشنا تردد لرینی یاقیوردی . وجود من « فنایه دوشنبجه » روح اوکنده کی قالین وقار اکلک پرده لرك ماوراسی منور کورینه جکدی . « صفحه هستیده » مطلق عدم حسسزلکنه هیچ احتمال یوقدی ؛ الهی قناعتلرنده هپ بقا امید ی واطمئنانی کوریوردم .

اجتماعی مسائله عائد فکرلرنده ایضاحه لایق تلقیلری وار ؛ بونلره متفرع آمالی و اثرلری باشقه بر مقاله یه موضوع اولابیلیر . شیمدی هر نوع اعتراضه قارش ی بوضوک فکر ایله اکتفای موافق بولیورم :

سامی بك ، مملکتک فنا عقامت ذهنیه سی آراسنده ، فیض حیات ایله دولو و هر حالده یوکسک عفتی حائز بر متفکر دی . بتون روحلر ، ابدی افولی ایچون آغیر وجدی بحران اذا و هجرانی حس ایتلیدر .

سلیمان شوکت



« ملی تعلیم و تربیه جمعیتی مجموعه سی » نك مارت ۱۳۳۴ نسخه سندن :

سامی بك اولدی . طبیعتک اُک سویملی وجودی ، سلیمان پاشانک نجیب اولادی ، ملی تعلیم و تربیه جمعیتی نك بویوک رئیس ، تورك ملتک محترم فردی اولدی ... اولن خسته بر وجود ، صاغلام بر روح ، عائله سی ایچین بابا ، جمعیتی ایچین خیر خواه ، ملتی ایچین فداکار ، انسانیتی ایچین محب ، نفسی ایچین وفاسز بر مخلوق ... یاشادیغی قرق بش الی سنه یی هپ دوغرولغه ، اییلکه ، کوزلکه طاپینارق یاشادی . حق ، خیری ، حسنی کندیسنه قبله ایدیندی و هر کسی بوقبله یه دوندیرمک ایسته دی . اولن وجود سلیمان پاشازاده سامی بکک در . اولن روح حقک ، خیرک ، حسنک روحی در .



Décès — On annonce la mort de Sami bey, fils du fameux général Suléiman pacha, décédé, vendredi à l'âge de 48 ans à la suite d'une pneumonie. C'était un des écrivains les plus distingués du pays et un poète de talent. Il était membre du conseil de l'instruction publique et de la section des publications et des traductions. Il présidait dans ces derniers temps l'association de l'éducation nationale. Les funérailles ont eu lieu hier. Dans la nombreuse assistance qui suivait le convoi funèbre on remarquait S. E. Chukri bey, ministre de l'instruction publique, le professeur Dr Bessim Omer pacha; le Dr Essad pacha et un grand nombre d'écrivains et de littérateurs etc. L'inhumation a eu lieu à Eyoub.



« عثمانیشر لوید » غزته سنك ۲ تشرين اول ۱۹۱۷ نسخه سندن :

In den Bairamtagen Wurde der um die Fortschritte des Unterrichtswesens in der Türkei hoch verdiente Sami Bej, ein Sohn Suleiman Paschas, des Oberbefehlshabers der türkischen Armee im türkischrussischen Kriege von 1876—77, durch eine Lungenentzündung dahingerafft. Der Verstorbene war auf der MülKieschule vorgebildet und trat darauf in die Unterrichtsverwaltung ein. Er war Unterrichtsdirektor in Brussa, Bagdad und im Archipel. Später übernahm er die Leitung des Volksschulwesens und der Universtätsangelegenheiten. Auf dem Ministerium leitete er die Abteilung für Neuausgaben alter Werke, Schulbücher und Uebersetzungen. Gleichzeitig war er Präsident der Gesellschaft für nationale Erziehung. Sami Bej betätigte sich auch dichterisch und hatte erst kürzlich zu der von uns besprochenen Tewfik Fikretnummer der Zeitschrift „Mualim“ den ahnungsvollen, an den toten Fikret Bej gerichteten vers beigetragen: Weisst Du, dass jetzt mein Leben mich verdriesst. — Wie glücklich, der an Deiner Seite ruht!“ Und nun hat man den hochbegabten und verdienten Mann tatsächlich in der Nähe des Grabes Tewfik Fikret Bejs auf dem Friedhofe in Ejub begraben!

Unter den Leidtragenden bemerkte man S. E, den Unterrichtsminister, Professor Dr. Bessim Oemer Pascha, Dr. Essad Pascha, sehr viele Schriftsteller, die Beamten der Unterrichtsverwaltung und zahlreiche Professoren. Auch S. H, Prinz Medschid Effendi hatte sich bei den Begräbnisse vertreten lassen.



L'unanimité avec laquelle les journaux turcs déplorent la perte de Sami bey indique la place important qu'il occupait dans le mouvement intellectuel de pays.


C'était aussi un écrivain qui, sous un pseudonyme, avait pris part à la polémique tendant à moderniser la littérature turque. Il était également poète et un détail touchant a marqué sa fin.



« هلال » غزته سنك ۲ تشرين اول ۹۱۷ نسجه سندن :

Nous apprenons avec regret la mort de Sami Bey, membre de la commission de publication et de traduction, au ministère de l'instruction publique et un des littérateurs les plus appréciés, et des personnages les plus semés de la génération actuelle. Sami Bey, fils du héros de Chipks, le célèbre Suleyman Pacha, fit preuve d'autant de valeur dans sa carrière littéraire et éducatrice que son illustre père dans la carrière militaire; de longues années durant, il parcourut toute l'Anatolie, chargé de divers fonctions par le ministère de l'instruction publique et fut un des plus vaillants défenseurs de la modernisation et de la littérature turque et, sous le pseudonyme de «Suleyman Nassib», il soutin à ce sujet une lutte mémorable. Comme écrivain, il a enrichi patrimoine littéraire d'un grand nombre d'écrits, d'un célèbre beauté. Peu avant sa mort dans le numéro spécial de la revue Mouallime consacré à Tevfik Fikret, il exprimait, dans des vers d'une douceur et d'une charme exquise toute sa lassitude de « vivre » et tout désir de se voir réservé une place à côté du tombeau de son ami où il reposait; on vient de faire droit à ce désir, et la dépouille mortelle fut conduite par ses amis et ses admirateurs à Eyoub près de la tombe de Fikret.

Le ministre de l'instruction publique, le Dr Bessim Omer Pacha, Djénab chahabeddin Bey, Suleyman Nasif Bey, et d'autres encore ont tenu à accompagner le convoi. S. A. I. le prince Médjid Effendi s'est fait représenter aux funérailles. Nous nous associons au deuil de tout les amis des lettres turques et nous présentons à la famille du défunt nos condoléances émues.






سامی بک

ادبی و فکری حیاتہ ضمیمہ

[سامی بک براق اثری مجموعہ نیک طبعی نہایت
گلدیگی صیرادہ آمازہ گچدی . بالطبع قسم مخصوصہ
دیزیلہ مہش و مجموعہ نیک ترتیبندہ التزام ایدیلن
انتظام آزاجق سکتہ دار اولمش اولماسنہ رغماً
لاحقہ شکنندہ درجی تنسیب اولوندی .]



ناتمام برمنشوره

بوكون ايكي آي دركه توفيق فكريت عالم حياته وداع ايتمش بولنيور . روم ايلي حصارى
مزارستانك اوستنه قونان ، وسانكه اوراده بوغاز ايچي مناظرينك شعر وفسونى ايچنده
طوپلايهرق ابدى برلانه سعادت تشكيل ايتك ايچون قورولش برمبى اگديران آشان ،
بوكون عابدينى غائب ايتمش غريب ومحزون اطرافه باقنوب طورنيور ... بوغاز ايچنك تلال
وظلالندهده آرتق توفيق فكريت نظر وروحيله اوقشانه مامق وسويلمه مكدن متولد اويله برياس
متروكانه واركه .. جواردن نه وقت كچسهم سانكه اوبرقاچ طاش وتخته ييغينيله ، بوطوپراق
واغاج كومه لرى بكا توفيق صوريور ، سانكه توفيق بندن ايسته يوردى . اون بش كون
اول بلكه عيني سؤاله مخاطب اولق ايچون حصار ريختيمندن كچيوردم ، آرتق طيانه مدم :
بنده بو طوپراق واغاج كومه ليله اوطاش وتخته ييغينه صوردم ، دكزه صوردم ، سمايه
صوردم : توفيق نردهده ، نه اولدى ، ديدم . برمدت قارشى قارشى يه طوردق . صكره اونلر
بكا وبنده اونلره يوان يواش حلول ونذوذ ايدر كې اولق . سويشك ، قوقلاشدق ، كوز
ياشارمزاله برى بريمى ايصالاتدق . ديركن برسس : بن نردهده يم ؟ ايسته سزده . بن
نهمى اولدم ؟ ايسته سز .. ديدى . اوت توفيق بزده ايدى ، وبز هيئت عموميه مزاله اونى
احيا ايتشيدك ؟ توفيق ، طاشدن ، طوپراقدن ، دكزدن ، سادن كوليكه كوليكه يوكسه ليور
وياخود اينوردى . بوكولكلر برلشنجه اورته يه بوتون اصالت ونجابتيله ، بوتون اوچليك
وجودى ، دوشونور آلنى ، ناموس قدر پارلاق كوزلى ، حيا كې محجوب وسريع الانفعال
سياسيله توفيق چيقمىشدى . هپمز ديندارانه برسكوت ايله اونى بر زمان آره مزده
ياشاتدق . برى بريزه اونى كوستريور ، ايسته توفيق ، ايسته اوبويوك انسان ، ايسته
اوبويوك شاعر دييوردق . فقط بونى سويلدر كن ده حال وطوريمزده برغريبلك كورينيور ،
اونى بويله طاغنى كولكلر حالنده بولق ، زنده براندام ايچنده سيرايدمه مك يوقسوللغنى
طوييوردق . هپمز آيرى آيرى برر يتيم كې ايدك : توفيقك بوتوننه مالك اولامامق ،
اونى بوتون موجوديتيله كندنده ، كندى اوزرنده ، كندى ايچنده ياشار كورمه مك
يتيملىكى . نهايت اوده بو اشتراكه تجليسنى چوق زمان محافظه ايدمىدى ، سوزولدى ، كيتدى .
طاشار ، طوپراقلر ، دكز ، سما ... وبن برى بريمزدن آيرلدق .. اونلر طبعى چهردسنى
آلدى ، بنده يولمه دوام ايتدم . آرتق آكلاشمشديق ، آرتق برى بريزه سؤال وعتابه
محل يوقدى : توفيقك وجودى يوقاغندن هپمز مسئول ايدك ، هپمز برى بريزه عيني خطاب
وعتابى ايراد ايدم بيليردك . فقط معنوى وارلنى هپمزده موجود ايدى ؛ واونى نه وقت
ايستسك ياشاته بيليردك ؛ وياخود اوبزده هر زمان بر حيات وبرروح ايدى




ای وطن ، ای خیال اقدس کل ،
کل بوشبده سنگله آغلاشالم ..
آه ، ای آنه ، آنه ، دست ازل
بزی آغلاقمق ایسته یور ، طاشالم .

بکا بر یر ، زواللی آنه جکم
تریور باق ، نصل ، وجودم باق ...
بکا بر یر ، دیدم ، فقط سنی کیم
سینه شفقتنده صاقلایه جق ؟

سکا ییللرجه ظلم واستبداد
طوقودی ألك أملی هجرانلر ،
شیمدی ده مقتضای حکم جهاد
آقیور هر یانگدن آل قانلر !

آقسین آنه ، بوقانلر آقدجقه ،
بیلیرم ، قوتک تزايد ايدر ؛
سکا آل قانلرکله باقدجقه ،



غزل

بوكون بيلم نه دن در چوقه اوچش رنك رخسارك
كوزكده ظل بيتاييسي وار برليل بيدارك

اولوردم قائل آلام جهان كوكلده طويلانسه
بن اولسه يدم جليسك ، غمكسارك ، تسليتكارك .


وجودك مطلع شوق وسعادتكن روا اولماز
كه قلب و خاطرك يامالي اولسون درد وا كدارك .

اوپوب شم ايتديكم زلفكده پنهاندر بوتون روحي
هنوز قوقلانماش ، مجهول عالم قالمش ازهارك .

هپ اسحار بهارك موسيقيسندن دلازادر
سنگ الهامي رقصان ايتديرن آهنگ رفتارك

وطن بردوش عشقم تا اوكونلردن كه خوليامه
برافق بيكراندن نقل اشعار ايتدي انظارك .

كوزلكدن كوزل برسر خلقت وار جمالكده
كوزلك ، سوديكيم ، بالذات اولور مفتون ديدارك .



قاردشہم بعضاً آکلام کہ نہ دن
بکا برشعر یازسہ کنز دیرسک ؟
بر دکل ، بیک شعر ، فقط بیاسہک
سن نصل بر بدیعہ ترسک ..

سن نصل بر بدیعہسک کہ خیال
سنی ادرا کہ غیر قادر در ،
سندہ اک یوکسک ، اک کنزیدہ مال
اویلہ برروح سندہ ظاہر در .

اویلہ برروح ، اویلہ برشی کہ
اونی شعرك لسانی سویلیہ من
فکر و حسن و خیال دن بلکہ
او ، خایر ، بنجہ روح دن دہ الذ ..

صوکرہ ، بزشاعرز ، اوت ، لکن
حدی وارد تر نمازک
بعض اک یوکسک ، بعض اک مسکین
برنعمکاری بز حیاتمزک .

برده ای عمر مک تسلیسی
قاردشہم ، نور فکر و وجدانم ،
سندہ کی حسن روح و وجدانہ
روحک اک صمیم ، اک حسی
حرمت و شفقتیله حیرانم .

بنی ترک ایت بو وجد حیرانہ
باق بتون وجد ایچندہ در ملکوت ؛
اک کوزل شعر در بو وجد سکوت .

کل بوشعر سکوتی دیکلیہ لم ،
ملکوت صموتی دیکلیہ لم
وسالردہ سیر ایدوب حساً

دیکلہ روحہ کی محبتی سن
بو محبت کہ لاتناہیدر ،
لاتناہیدہ بلکہ حسن ایدیلیر . . .



مديحه يه


صباحلين شوصودن ايچ ، ديدم ، سزك صويكز
ديك ، سزك نه ديمك در ؟ بنم سنك بونلر ،
بو خاطرات مراسم
سنك اوقاب نزيه كده آ كلاسه م نه آرار ؟

بنم صويم ، يا بنم ؛ سن ده قار دشمسك كه
صويمه ، ملك و منالمله بن بتون سنكم
اولورمى رسم و تكلف ميانه مزده بزم ؟
خير ، بو ذاقمه سندن جيله در بله كه ؟

فقط مديحه ، امين اول ، جيله كوسترمك
سنك دكل ، او بنم ذمت ووظيفه مدر ،
اوت بنم كه حياتم سنكه همد مدر ...

سنكه ، بن سكا هي شمدي ربط روح ايدرك
ياشاركن اوح ... بنم سندن آنجق ايسته ديكم
كمال صحت ايله ذوق ونشئه در دائم ...

۹ كانون اول ۳۱۹



Stamboul - le Août 1913

Vénéré maître,

Un de nos vieux proverbes nous conseille de préférer toujours «l'ami des jours sombres». C'est une grande consolation pour notre malheureuse nation d'avoir trouvé en vous cet ami: Nous n'oublierons jamais la sympathie et le courage avec lesquels vous avez défendu les ottomans au moment le plus pénible de leur histoire, alors qu'ils étaient abandonnés du monde entier .

Cette noble preuve d'un généreux amitié a suscité chez nous un élan général de vive gratitude qui a trouvé son expression dans ce recueil où se reflète la profonde reconnaissance d'une nation éprouvée , représentée par les principaux membres de son élite intellectuelle.


Son Altesse Impériale le prince abdulmédjid Effendi qui a particulièrement encouragé et protégé l'initiative de ce mouvement spontané, a bien voulu aussi nous confier cette superbe reliure orientale qu'il se proposait de vous faire parvenir avec la composition qu'il vous avait dédiée.

En vous offrant aujourd'hui cet album au nom de l'élite intellectuelle ottomane, je m'acquitte d'une bien douce mission avec la ferme conviction d'être par là l'interprète des sentiments affectueux de ma nation reconnaissante qui rend ainsi hommage aux nobles vertus humaines d'un des plus grands et plus généreux fils de France.

Directeur général de l'Université
de Stamboul

samy





صوڭ سوز

اخلاقى فضيلتلىرى ، علمى وادىي خدمتلىرى - صحائف سالفه يه توديع حسيات
ايدن جمهور ادبا و محررينىڭ اجماع و شهادتى وجه ايله - ربع عصر عرفانمۇزده
لايموت خاطرەلر ، دگرلى انطباعلر ياشاشمىش و ابدى ضياعى محيط ملىمىزى ماتملر
ايچىندە براقش اولان بويوك ساليان پاشانىڭ بويوك اوغلنى اعصار وانسال آتیه دده
ياشامق ايچىن وجوددە گتيريلن مجموعه ، ايشته ۴۰۰ نجى صحيفه دده بيتدى .
مرحومك بوتون آثارىنى جمع ايچىن هردرلو مساعى و تحريراتده بولونولدى ؛
حزب هائل و قحط وسائل مناسبتيله آنجق بوقدرى الدە ايديله بيلدى . باشقه
شعرلىرىنى بولانلردن ، بالخاصه ماهيت روحيه و فكريه سنىڭ پارلاق برهانلىرى اولان
تورجە و فرانسىزجه مکتوبلىرىنى صاقلانلردن تىمىنى ايددرزكه بونلرى نشر ايله عالم
علم وادىي خدمت و اوسماي فاضل و فضيلتكارى دهاى طانيتمغه همت ايتسينلر .
حيات نزيه و صافى خير محضه وقف ايتىش بر شخصيت برگزیده ي طاشيان
شوكتابك حاصلات صافيه سى دده محض خيره ، قبر منورى ايچىن بر تر به انشاسنه
ايقاف و تخصیص اولوندى .


مرحوم حقه دده كى حس وقناعتلىرىنى اسيرگه مين و مجموعه يه زينت و قيمت ويرن
قيمت شناس اديبلر مىز ، متفكرلر مىز هدايى قلميه لريه ، محقق ، ينه خير محضه دلالت
و خوابگاه ابدى سنىڭ هر ذره خاك و نباتنده بر فيض منيت تيمه سىنه معاونت ايتىش
اولدىلر .

سامى نك خبر وفاتى بين الاخوان قيامت خيزالم و ماتم اولديغى و ابقاى خاطراتى
اسبابى دوشونولديكى بر صيراده « بيلگى يوردى ايشيغى » سر محررى احمد اديب بك
ارباب قلمك مطالعه نامه لرىنى محتوى اوچ درت فورمه لق بر نسخه فوق العاده نشرى
فكرىنى درميان ايتمشدى . بالآخره كليات آثارىنى و اشكال حاضره يى جامع و نام

ساميسنه مضاف بر اثر مستقل ترتيبى قرارلاشديران هيئتمز ايلك فكري و پرديگى
 ايچين اديب بك افندي يى بوراده لسان شكر و ثنا ايله ياد ايتمه يى وظيفه عد ايدر .
 بوزمانده كتاب باصديرمانك مشكلاتى بيلنلرك ، دها نفيس و مكمل بر تمثيل
 وجوده گلمهسى و مثلاً بر خطا - صواب جدولى الحاقنه محل قالماسى ايچين عصي
 اعتناله صرف ايديان امكلرك تماماً ثمره دار اولاماسندن دولاي معذرتمزي تسليم
 ايده جكلرني اميد و تأمين و تسهيل طبع خصوصنده گوستردىگى غيرت و اهتمامه بناء
 اوقاف مطبعهسى مديرى مظهر بكة تشكر و بوتون قارثلردن سامى بكك روح
 قدس آشيانه فاتحه لر اهداسنى رجا ايله رز .

۳۰ مارت ۱۹۱۸

هيئت متشبهه



فہما — صواب و ہرولی :

صواب	خطا	سطر	صفحہ
طاشغین	طاشغین	۲۶	۱۱
آشیندیرر	اشیندیرر	۱	۱۴
دیدى	دپدی	۲۸	۲۶
۴۱	۱۴	۱۷	۴۱
نشوہزا	نشودرا	۱۶	۱۱۸
ازلی	ارلی	۲۹	۱۲۵
بوزواللی	بوزوالی	۱۸	۱۳۱
طور وادایہ	طور وادانہ	۹	۱۳۴
اواثرک	اوثرک	۶	۱۴۰
درلو درلو	درلودرلر	۶	۱۴۱
عثمانلیلغمزى	عثمانلیلمزى	۱۲	۱۵۶
دوشونہ دوشونہ	دوشونہ دونہ	۱۳	۱۵۹
تجددات	مجدات	۳۰	۱۶۹
یوقاریدہ	یوقایدہ	۳۹	۱۷۳
کوندردرک	کوندردک	۲۹	۱۷۹
مدیریتندہ	مدیریتندن	۳۹	۱۷۹
مرحومہ یہ	مرحومہ	۲۸	۱۸۲
الحاصل	الحاصلی	۱۰	۱۹۳
نم کبی دویہ بیلہ جکلرمیدر	نم کبی دویہ بیلہ جکلردر	۲۵	۱۹۷
مفتقر	منققر	۲	۱۹۸
معارف	معاف	۲۱	۱۹۸
اوچی بردن	اوچی برن	۶	۲۰۰
حالہ	حالہ	۲۹	۲۰۰
کیدرک	کیدک	۱۲	۲۰۱
ایدیلہ مش	ایدیلہ مش	۱۸	۲۱۱
تدارک	تدرک	۲۴	۲۱۱
بوآیتدہ	آبویتدہ	۱	۲۱۳
شکلر	شکار	۲	۲۲۰
بنلکی	بلکی	۳	۲۳۲
بناء علیہ	بناء	۹	۲۳۲
اولدی	اولہی	۵	۲۵۰
قبرخوشمہ	قبرخوشمہ	۳۴	۲۵۰
ظن	طق	۳۴	۲۵۱
اسکندر فخرالدین	اسکندر محی الدین	۳۴	۲۵۲

صفت	عدد	معنا	عواب
۴۵۹	۲	سنگ ده آرقا کدن آغلادم	سنگ ده آرقا کدن
۲۶۰	۲۵	آمله	امله
۲۶۰	۲۸	تغ ناپدیر	تعب ناپذیر
۲۶۴	۱۹	دالشقه	دارالشقه
۲۶۸	۱	تغذیر	تعزیر
۲۶۸	۲۲	دغروی	دوغری
۲۷۲	۱۷	قالاجقمی	قالاجقمی
۲۸۱	۴	فاصحت	واصحت
۲۸۳	۸	واسکو	واشکو
۲۸۶	۱	الر صافه	الر صافه
۳۰۷	۱۱	جمعتله	جمعیتله
۳۱۵	۱۵	رها	دها
۳۱۵	۳۳	زلی وابدی	ازلی وابدی
۳۱۶	۳۷	وارتک	وراشتک
۳۲۰	۱۰	معارفی	معارف
۳۲۰	۲۴	مرکی	مرکزی
۳۲۹	۱۹	رحمة الله	رحمة الله
۳۳۱	۲۲	سکلی	شکلی
۳۳۸	۶	ابله	ایله
۳۴۳	۳	پایلاشدن	پایلاشدن
۳۵۰	۱۲	تعان	تعاون
۳۵۲	۹	والی بد	والی الابد
۳۵۸	۲۴	بغداددن	بغدادده
۳۶۶	۱۹	اولقی اوزرنده	اولقی اوزره
۳۷۳	۱۶	افرد	افراد

سامی بك

۵

رسمی و خصوصی حیات

نائل رشید بك
مدیحہ سلیمان خانم

سامی بك تحلیل حیاتی
آغا بك صاچلری

۶

۱۶

سلیمان نسیب

ادبی و فکری حیات

۱۷

شعرلر

شہزادہ عالیقدر مجید افندی حضرتلرینہ « درشہوار سلطان ایچین »

۱۹

حرب احساساتندن

۲۰

توفیق فکرتہ

۲۲

اوردویہ

۲۵

هلاک الهامی

۲۸

شرقی

۲۹

شرقی

۳۰

شرقی

۳۱

کوچوک همشیرہمہ

۳۲

بویوک همشیرہمک حفیدہسی ایچون

۳۲

احتیاج سکون

۳۳

اشکیلر شرقیسی

۳۴

مادموازل آلہن واقارسقویہ

۳۵

هلال احمر خانلری ایچون

۳۷

چناق قلعه صحنہ حربی

۳۸

توفیق فکرت ایچون

۴۱

چوجوقلرہ

۴۳

آلتون اوردو

۴۵

اوح ، سندن زیادہ روح سن

۴۶

بن وقلیم

۴۷

عارفہ طومریس ایچون

۴۸

صنایع مجموعہسی ایچون

۴۹

صحنه	۵۰
دهمیر دوکهن برکنج رسمی ایچون	۵۱
غیرتلی چوجوق	۵۲
وطن سسی ، یاخود ، ایگیلتی	۵۳
قهرمان اوردو	۵۴
اوردویه	۵۵
اوردو	۵۶
حقیقت	۵۷
حقیقته طوغرو	۵۸
قادین	۵۹
خلوقه خطاب	۶۰
شعیب ایچون	۶۰
اوج قطعه	۶۱
حق ویاخود اولوم ، وطن یا هییچ ...	۶۱
نا تمام برمنظومه	۶۲
نا تمام برمنظومه	۶۳
قیزل طوپراقده	۶۴
صوک دعوت	۶۵
حسبحال	۶۶
خنده لر	۶۷
قایاده	۶۸
برامید آه بر ...	۶۹
حریت	۷۱
عشقک	۷۲
برپرستیده خیالییه	۷۳
تبسم ظلام	۷۴
نئی	۷۵
احیای ماضی	۷۶
بررسمک آلتنه	۷۷
یا لکنز سن	۷۸
ایلاک هیجان	۷۹
مجهوله	۸۰
ینه ماضییه دوغرو	۸۱
برکتابه منار	۸۲
سنگله	۸۳
آه برتبسمکه	۸۴
ایکی رفیقہ یه	۸۵
برقادینه	۸۶
سز کیتد کدن صکره	۸۷
منکشه یه دائر	

بربالودن صوکره	۸۸
دکیز	۸۹
قادینلره و ارککلره دائر	۹۰
روحک احتیاجی	۹۲
قادینلغه دائر	۹۳
کوزلرکه دائر	۹۴
قادینلغه دائر	۹۵
پیام دعوت	۹۶
پیام دورا دور	۹۷
آیرلدقدن صوکره	۹۸
هیپات	۹۹
شب روحم	۱۰۰
برنجی تمنی	۱۰۱
خاطرات	۱۰۲
الحان التفات	۱۰۴
برینه	۱۰۵
باران آمال	۱۰۶
تخطر	۱۰۷
پنبه برتصویر قارشیدسنده	۱۰۸
شام حیات	۱۰۹
ترانه خسران	۱۱۰
اوکما	۱۱۱
بیلیرمیسک ؟ ..	۱۱۲
وداع	۱۱۳
برفقیر	۱۱۴
آطه دن عودتده	۱۱۵
روح مفتورم	۱۱۶
کندی کندیه	۱۱۷
کلیرمیسک ؟	۱۱۸
خنده عدم	۱۱۹
بربوسه غرام	۱۲۰
نیاز محبت	۱۲۱
دیلنجی قیز	۱۲۲
ایلك صوننه م	۱۲۳
شرقی	۱۲۴
قصیده « زهدی پاشایه »	۱۲۵
قصیده « حیدر افندییه »	۱۲۷
قصیده « ذهنی پاشایه »	۱۲۹
سقوط اوراق	۱۳۱
سکونت	۱۳۳
برسحر وقتی	۱۳۵

غزل	۱۴۶
غزل	۱۴۷
مفرد	۱۴۷

مقالات ادبیه

ایکی سوز دها	۱۳۸
ده قاداتلر	۱۶۱

خصوصی مکتوبلر

سلیمان نظیف بکه	۱۷۲
سلیمان نظیف بکه	۱۷۸
سلیمان نظیف بکه	۱۷۹
سلیمان نظیف بکه	۱۸۲
سلیمان نظیف بکه	۱۸۴
فائق عالی بکه	۱۸۶
فائق عالی بکه	۱۸۸
فائق عالی بکه	۱۹۰
فائق عالی بکه	۱۹۲
فائق عالی بکه	۱۹۳
فائق عالی بکه	۱۹۵
فائق عالی بکه	۱۹۷
نجیب خیرالله بکه	۱۹۹
ابوالضیا توفیق بک وفاتی ایچون « نایم مقاله »	۲۰۰
ایتالیالی پرنسس لودوویکا التیهرییه ۲۶۴ نجی مکتوبندن	۲۰۲
ایتالیالی پرنسس لودوویکا التیهرییه ۲۸۲ نجی مکتوبندن	۲۰۳
ایتالیالی پرنسس لودوویکا التیهرییه ۲۸۷ نجی مکتوبندن	۲۰۳
ایتالیالی پرنسس لودوویکا التیهرییه ۲۷۵ نجی مکتوبندن	۲۰۴

سامی بک

تریوی و علمی حیات	۲۰۵
-------------------	-----

ملی تعلیم و تربیه جمعیتک کشادنده نطق	۲۰۶
خانلره قونفهرانس	۲۱۱
« علم تربیه اطفال » دن فقر دله	۲۱۵
« اصول تربیه - اصول تدریس » تعلیماتنامه سندن فقره لر	۲۱۸
« فروبهل و پستالوجی اصول لر نده تعلیم و تربیه درس لری » ندن بر مبحث	۱۲۰
تربیه اطفاله دائر غیر مطبوع اثرندن اوچ مبحث	۲۲۱
املاک اصلاحی حقنده کی لایحه نک مقدماتی	۲۲۸

۲۳۱	خداوندکار ولایتی معارفنك اصلاحنه دائر لایحه دن اوچ مبحث
۲۳۶	تربیه صناعیه دایر برتذکره
۲۳۷	« مختصر فلسفه قاموسی » مسوده لرندن دوت کله نك تشریحی
۲۳۹	« قانت و فیخته و تربیه مسئله سی » مسوده لرندن بر مبحث

سامی بکه دائر

۲۴۱ احتساسلر ، مطالعه لر

۲۴۲	شهرزاده مبجل ومفخم عبدالمجید افندی حضرتلری
۲۴۲	عبدالحق حامد بك افندی
۲۴۳	فائق عالی بك
۲۴۴	معروف الرصافی بك « منتفك مبعوثی »
۲۴۵	دوقتور عبدالله جودت بك
۲۴۸	عثمان پاشا زاده نكار خانم [*]
۲۴۸	جلال نوری بك
۲۴۹	اسكندر فخرالدین بك
۲۵۳	فؤاد خلوصی بك « انطالیه مبعوثی »
۲۵۵	دوقتور محمد علی بك « هلال احمره مؤسس لرندن ، متقاعد میرالای »
۲۵۶	منیر سلیمان بك
۲۶۱	بهاء الدین توفیق بك
۲۶۳	فرید عزت بك
۲۶۳	مدحت جمال بك
۲۶۴	فهمی رازی بك
۲۶۷	محمد امین بك « دارالفنون تاریخ فلسفه معلمی »
۲۶۹	نافع عطوف بك
۲۷۰	نائل رشید بك « مؤسسات علمیه وقفیه مدیری »
۲۷۲	عبدالقیاض توفیق بك
۲۷۶	مدرس زاده فهمی بك « دارالفنون ادبیات عربیه تاریخی مدرسی »
۲۸۸	دوقتور فؤاد ابراهیم بك
۲۹۰	علی کامی بك
۲۹۳	اسماعیل حكمت بك
۲۹۵	ابراهیم علاء الدین بك
۲۹۸	یوسف عثمان بك
۳۰۰	نزهت ثبات بك
۳۰۱	حیدری زاده ابراهیم افندی
۳۰۲	م . رؤف بك

[*] سامی بلك حسن صیغه غبطه خوان اولان بویوك شاعره من نكار خانم ، پاك یازیق كه ، فهرسك طبعی اثناسنده [۱ نیسان ۹۱۸] ادبیاتمنز عالمده ماتملى اپزلر ، حسن صیتمندن دولایی پینده غبطه لر براقارق وفات ایتدی .

رائف نجات بك	۳۰۳
كاظم نامى بك	۳۰۴
اسعد پاشا « كوز طيبى »	۳۰۶
معلم طاهر نادى افندى	۳۰۸
حفظى توفيق بك	۳۱۰
اسماعيل حقى بك « دارالفنون تربيه مدرسى »	۳۱۲
اسماعيل حكمت بك	۳۲۲
يوسف ضيا بك	۳۲۴
حيدر رفعت بك	۳۲۵
حسين دانش بك « دارالفنون ادبيات فارسىه تاريخى مدرسى »	۳۲۹
فيلسوف دوكتور رضا توفيق بك	۳۳۰
احمد كمال بك	۳۳۵
دفترى زاده محمود صبحى بك	۳۳۶
سليمان نظيف بك	۳۳۷
جودت پاشا زاده فاطمه عليه خانم	۳۳۹
ماجد شوكت بك	۳۴۱
نزيهه محي الدين خانم	۳۴۳
نژاد تحسين افندى	۳۴۵
جناب شهاب الدين بك	۳۵۳
على كمال بك	۳۵۶
فالح رفيق بك	۳۶۵
محمد عارف بك	۳۶۵
نورى بك	۳۶۶
روشن بك	۳۶۷

سامى بك

حياتنده و وفاتنده مطبوعاتك مطالعاتى	۳۷۱
-------------------------------------	-----

نطق - سليمان نظيف بك	۳۷۳
نوسال مى - شهاب الدين سليمان بك	۳۷۵
« رسملى منتخبات ادبيه » دن	۳۷۶
« قرائت وانشاد وكتابت درسارى » ندن	۳۷۶
« ملنين » دن	۳۷۷
« تسوير افكار » دن	۳۷۸
« اقدام » دن	۳۷۸
« صباح » دن	۳۷۸
صباح - احمد امين بك	۳۷۹
« تسويرافكار » دن	۳۸۰

صبح و تورك يوردى - روشن اشرف بك	۳۸۰
ادبيات عموميه مجموعهسى - فؤاد خلوصى بك	۳۸۲
« تورك يوردى » ندى	۳۸۳
معلم - حسين راغب بك	۳۸۴
ادبيات عموميه مجموعهسى - سايمان شوكت بك	۳۸۷
« مىلى تعليم و تربيه جمعيتى مجموعهسى » ندى	۳۹۰
« لويىد اوتومان » دن	۳۹۱
عثمانيشرلويد « دن	۳۹۱
« لوسوار » دن	۳۹۲
« هلال » دن	۳۹۲

سامى بك

ادبى و فكرى حياته ضميمه	۳۹۳
-------------------------	-----

نا تمام بر مقاله - فكرته دائر	۳۹۵
نا تمام بر منظومه - وطن ايچين	۳۹۶
غزل	۳۹۷
مديحه يه	۳۹۸
مديحه يه	۳۹۹
بيه رلوتى يه مكتوب	۴۰۰

صوڭ سوز - هيئت متشبهه	۴۰۱
خطا - صواب جدولى	۴۰۳

